

龙坡

明 宋 濂 等撰

華

中

書

局

卷 第

七八至 王卷八八(志)册

# 元史卷七十八

### 志第二十八

## **興服** 一 儀衛附

壯。 |秦法,以爲盛典。 於文質適中之義,君子或得而議焉。 六國車旗服御,窮極侈靡,有大駕、法駕以及鹵簿。漢承秦後,多因其舊。 然孔子論治天下之大法,於殷輅取其質而得中,周冕取其文而得中也。至秦併天下,兼收 鸞車,夏鈎車,商大輅。至周,損益前代,弁師掌王之五冕,巾車掌王之五輅,而儀文始備。 冕服車輿之制,其來尙矣。 虞書舜作十二章,五服以命有德,車服以賞有功。 禮記虞 若稽往古,黃帝、堯、舜垂衣裳而天下治,蓋取諸乾坤,服牛乘馬,引重致遠,蓋取諸大 由唐及宋,亦效

英宗親祀太廟,復置鹵簿。 元 初立國,庶事草創,冠服車輿,並從舊俗。世祖混一天下,近取金、宋,遠法漢、唐。至 今考之當時,上而天子之冕服,皇太子冠服,天子之質孫,天子

第二十八 與服一

志

服色、粲然其有章、秩然其有序。大抵參酌古今、隨時損益,兼存國制,用備儀 廷之盛,宗廟之美,百官之富,有以成一代之制作矣。 之五輅與腰輿、象轎,以及儀衞隊仗,下而百官祭服、朝服,與百官之質孫,以及於士庶人之 作興服志,而儀衞附見于後云。 文。 於是朝

#### 冕服

網結,翠柳朱絲組二,屬諸笄,爲纓絡,以翠柳調珠。 色黃、絡以珠。冠之周圍、珠雲龍網結、通翠柳調珠。綖上橫天河帶一,左右至地。 以珍珠。綖之前後,旒各十二,以珍珠爲之。綖之左右,繫黈纊二,繫以玄紞,承以玉瑱,纊 天子冕服: 衮冕,制以漆紗,上覆曰綖,青表朱裏。綖之四周,匝以雲龍。 籍以玉爲之,橫貫於冠。 冠之口 珠鈿 圍,紫 窠

衮龍服,制以青羅,飾以生色銷金帝星一、日一、月一、昇龍四、複身龍四、山三十八、火

四十八、華蟲四十八、虎蜼四十八。

裳、制以緋羅、其狀如裙、飾以文繡、凡一十六行。每行藻二、粉米一、黼二、黻二。

中單,制以白紗,絳緣,黃勒帛副之。

蔽膝,制 以緋羅,有標。 緋絹爲裏,其形如襜,袍上着之,繡複身龍。

玉佩,珩一、琚一、瑀一、衝牙一、璜二。衝牙以繫璜,珩下有銀獸面,塗以黃金,雙璜夾

之。次又有衡,下有衝牙。傍別施雙的以鳴,用玉。

大帶,制以緋白二色羅,合縫爲之。

玉環綬,制以納石失。 金錦也。 上有三小玉環,下有青絲纖網。

履,制以納石失,有雙耳二,帶鉤,飾以珠。紅羅鞾,制以紅羅爲之,高靿。

韈,制以紅綾。

蜼 織天河帶,兩頭各有珍珠金翠旒三節,玉滴子節花全。 組帶鈿窠各二,內組帶窠四,並鏤玉爲之。 下 五 以黄金。 玉滴子,下有金鐸二。 八寸五分,後高九寸五分,身圍一尺八寸三分,幷納言,用青羅爲表,紅羅爲裏,周 各六 ·襟華 一采間 右按太常集禮, 至元十二年十一月, 博士議擬: 冕天板長一尺六寸, 廣八寸, 對。 ·蟲、火各六對,虎雌各闕對,「三背星一,升龍四,山十二,華蟲、火各十二對,虎 金,繪日、月、星辰、山、龍、華蟲、宗彝。 [1] 正面日 天板下四 中單,用白羅單製,羅領標撰。 面、珠網結子、花素墜子、前後共二十有四旒、以珍珠爲之。 梅紅繡款幔帶一,黈纊二,珍珠垂繫,上用金萼子二。 玉簪一,頂面鏤雲龍。 裳一,帶標繏全,紅羅八幅夾造。 紅線組帶二,上有珍珠金翠旒, 一,月一,升龍 衮衣, 四, 用青羅夾製, Щ 簪窠款幔 十二,上 上繡藻、 青碧線 前高 迴緣

志第

=

+

八

興服

滴子 粉米 銷 紅 羅 羅夾 爲 羅 綬 玉 勒 鵝 各二,並 頭 造 黼 全, 七,撻 帛 黻 幅 上間 ,青羅抹帶一。 ,藻三十(三)[二],〔三粉米十六,黼三十二,黻三十二。 混束: 一珍珠穿造。 上繡升龍二。 施三玉 各一,金攀龍口,玳瑁 環, 金篦鈎,獸面, 並 綬一幅,六采織造,紅羅托裏。 佩二,玉上、中、下璜各一,半月各二,並碾玉爲雲龍文。 碾雲龍。 機釘。 水葉環釘全。 緋白大帶 舃 一,重底,紅 銷金黃帶頭,回 涼帶一 小綬三, 羅 ,紅羅裏, 面,白綾托裏,如 蔽膝 色同 鈿 一,帶標撰,紅 鏤金爲之; 上 大綬, 窠二十有四。 銷金黃 玉

練 冕 每行 有(珠)〔翠〕旒十二,碧鳳銜之,在珠旒外。〔K〕 冕板,以龍鱗錦表,上綴玉爲七星,傍施號 制 及 火、宗彝,四章在裳,藻、粉米、黼、黻。 朝遣 金黃羅緣 ,天子服有 黈纊充耳, 十二。 大德十一 Щ 上將、征還飲至、踐阼 章。 白 П |衮冕,廣尺二寸,長[二尺]四寸,至前後十有二旒,二纊,並貫 紗 年九月、博士議:唐制, 天子衮冕, 下, 玉 玉簪導。 玄冕 中單, 一鼻,· 無章。 人飾以珍珠。 黼 玄衣纁裳, 領, 革帶、大帶、玉佩、綬、襪、與上同。 青標撰裾, 黻 加元服、納后、元日受朝及臨軒册拜王公則服之。 金緋羅 凡十二章。 標領爲升龍, 錦襪 加 龍、山、火三章。 八章在衣,日、月、星辰、山、龍、華蟲 垂白珠十有二旒,以組爲纓, 兩。 皆織成之。 毳冕以上, 火、山二章 鳥加 金飾。 龍章以下, 毎章 享廟、謁 珍珠。 色如 叉宋 其 廟 叉

鼻。祭天地宗廟、受册尊號、元日受朝、册皇太子則服之。 事未果行。 玉(縹)[鏢]首鏤白玉雙佩,[二]金飾,貫珍珠。金龍鳳革帶, 紅襪赤舃,金鈒花, 四神玉 結。〔<〕緩帶飾並同衮服。白(帶)〔羅〕中單,〔む,青羅(誅)〔抹〕帶,〔10〕紅羅勒帛,鹿盧玉具劍, 采綬一,小綬三,結三,玉環三。素大帶,朱裏。青羅四(艸)[神]帶二,繡四(艸)[神]盤 以雲彩,飾以金鈒花鈿窠,裝以珍珠、琥珀、雜寶玉。紅羅襦裙,繡五章,青褾襈裾。 星、山、龍、雉、虎蜼七章。紅裙,藻、火、粉米、黼、黻五章。紅蔽膝,升龍二,並織成,間 柱飾以七寶、紅綾裏。金飾玉簪導,紅絲絛組帶。亦謂之平天冠。衮服青色,日、月、 珀(鮮)[餠]、犀〔餠〕各二十四、[4] 周綴金絲網鈿,以珍珠雜寶玉,加紫雲白鶴錦裏。 四

服。 服圖本,命有司製如其式。 八月,中書省會集翰林、集賢、太常禮儀院官講議,依祕書監所藏前代帝王衮冕法

至延祐七年七月,英宗命禮儀院使八思吉斯傳旨,令省臣與太常禮儀院速製

法

鎭圭,制以玉,長一尺二寸,有袋副之。

皇太子冠服:衮冕,玄衣,纁裳,中單,蔽膝,玉佩,大綬,朱韈,赤舃。

按太常集禮,至元十二年,博士擬衮冕制,用白珠九旒,紅絲組爲纓,青續充耳,犀

第二十八,與服一

志

簪導。 黻 白紗中單,青標撰裾。 青衣、朱裳,九章。 革帶,塗金銀鈎艓。 五章在衣,山、龍、華蟲、火、宗彝,四章在裳, 蔽膝,隨裳色,爲火、山二章。 藻、粉米、黼 瑜玉雙

佩,四采織成大綬,間施玉環三。 白韈朱舄,鳥加金塗銀釦

撰裾。 藻、粉米、黼、黻,織成之,每行一章,黼、黻重以爲等,每行九。曰曰自紗中單,黼領,靑標 宋織成大綬,間施玉環三。白韈、朱舃,<br/>
鳥加塗金銀飾。 單,青標撰裾。 衣、朱裳,九章。 尺六寸,色同大綬,而首半之,間施玉環三。朱韈赤舄,加金飾。 瑜玉雙佩。 青纊充耳,犀簪導。玄衣、纁裳,九章。 會服之。 元服、納妃服之。 大德十一年九月,照擬前代制度。 革帶,金鈎鰈,大帶。 已擬 朱組帶大綬,四采赤白縹紺,純朱質,長丈八尺,首廣九寸。小雙綬,長二 其制,未果造。 革帶,塗金銀鈎艓。 五章在衣,山、龍、華蟲、火、宗彝,四章在裳,藻、粉米、黼、黻。 |宋制,皇太子衮冕,垂白珠九旒,紅絲組爲纓,青纊充耳,犀簪導。 蔽膝,隨裳色,火、山二章。 玉具劍,金寶飾玉(標)[鏢]首 蔽膝,隨裳(衣)[色],口三火、山二章。 五章在衣,龍、山、華蟲、火、宗彝;四章在裳, 唐制,皇太子衮冕,垂白珠九旒,紅絲組爲纓, 加元服、從配、受册、謁廟、朝 侍從祭祀及謁廟、加 瑜玉 雙佩 白紗

四

佩玉億二。象笏五、銀束帶五、玉佩五、白羅方心曲領五、赤革履五對,白綾韈五對。 紅羅蔽膝五,其羅花樣俱係牡丹。白紗中單五,黃綾帶。紅組金綬紳五,紅組金譯語曰納石失,各 三獻官及司徒、大禮使祭服:籠巾貂蟬冠五,靑羅服五,領、袖、欄俱用皂綾。 紅羅裙五,皂綫

白羅方心曲領二百,銅佩二百,展角幞頭二百,塗金荔枝帶三十,鳥角帶一百七十,皂鞾二 梁冠二百,青羅服一百,領、袖、欄俱用皂綾。紅綾裙二百,皂綾爲欄。 百對,赤革履二百對,白綾韈二百對,象笏三十,銀杏木笏一百七十。 百、用梅花羅。 白紗中單一百、黃綾帶。 織金綬紳一百、紅一百九十八,青二,各佩銅環二。 銅束帶二百, 助奠以下諸執事官冠服:貂蟬冠、獬豸冠、七梁冠、六梁冠、五梁冠、四梁冠、三梁冠、二 。紅羅蔽膝二百,紫羅公服二

祀日遇陰雨,俱衣紫羅公服。六品以下,皆得借紫。 凡獻官諸執事行禮,俱衣法服。惟監察御史二,冠獬豸,服靑綬。 凡迎香、讀祝及

都監庫、祠祭局、儀鸞局、神厨局頭目長行人等:交角幞頭五十,窄袖紫羅服五十,塗金

束帶五十,皂鞾五十對。

初憲宗壬子年秋八月,祭天于日月山,用冕服自此始。 成宗大德六年春三月,祭

志

而加衮,裘以黑羔皮爲之。臣下從祀冠服,歷代所尚,其制不同。 十,窄紫二百九十有五。至大間,太常博士李之紹、王天祐疏陳,親祀冕無旒,服大裘 增配位從祀,獻攝職事,續置冠服,於法服庫收掌。[18]法服二百九十有九,公服二百八 天于麗正門外丙地,命獻官以下諸執事,各具公服行禮。 公服自此始。 九年冬至祭享,用冠服,依宗廟見用者製。 其後節次祭祀,或合祀天地, 是時,大都未有郊壇,大禮用 集議得依宗廟見用

冠服制度。

革履一百二十三,白綾襪一百二十三,白羅方心曲領一百二十三,黃綾帶一百二十三,佩一 百二十三,銅珩璜者一百一十九,玉珩璜者四、藍素紵絲帶一百二十三,銀帶四,銅帶一百 銅環綬紳二,紅織錦銅環綬紳一百一十七,紅織錦玉環綬紳四,紅梅花羅蔽膝一百二十三, 三,紫紵絲抹口靑氊襪一百二十三,皂鞾一百二十三,窄紫羅衫三十,黑漆幞頭三十,銅束 銅荔枝帶一十,角帶一百一十三,象笏一十三枝,木笏一百一十枝,黃絹單包複一百二十 二十三,紫羅公服一百二十三,黑漆幞頭一百二十三,展角全二色羅插領一百二十三,鍍金 一十九,冠一百二十三,水角簪金梁冠一百七,紗冠一十,獬豸冠二,籠巾紗冠四,木笏一百 社稷祭服:青羅袍一百二十三,白紗中單一百二十三,紅梅花羅裙一百二十三,藍織錦

### 宣聖廟祭服:

獻官法服,七梁冠三,簪全。鴉青袍三,絨錦綬紳三,各帶青絨網幷銅環二。方心曲領三,藍

結帶三,銅佩三,紅羅裙三,白絹中單三,紅羅蔽膝三,革履三。白絹蘘全。

單七,大紅羅夾蔽膝七,大紅夾裳、緋紅羅夾蔽膝三十有六,緋紅夾裳四,黃羅夾裳三十有 六辆,舒角幞頭二,軟角唐巾四十,角簪四十有三,冠纓四十有三副,凡八十有六條。 象牙笏 六,黃羅大帶七,白羅方心曲領七,紅羅綬帶七,黃絹大帶三十有六,皂鞾、白羊毳襪各四十 大袖夾衣七、紫羅公服二、褐羅大袖衣三十有六、白羅衫四十、白絹中單三十有六、白紗中 紅鞓帶三十有六,烏角帶二,黃鞓帶、烏角偏帶四十,大紅金綬結帶七,上用玉環十有四。青羅 七、木笏三十有八、玉佩七、凡十有四繁。銅佩三十有六、凡七十有二繁。帶八十有五、藍鞓帶七、 有二對、大紅羅鞋七輛、白絹夾襪四十有三輛。 曲阜祭服,連蟬冠四十有三,七梁冠三,五梁冠三十有六,三梁冠四,皂紵絲鞋三十有 執事儒服,軟角唐巾,白欄插領,黃鞓角帶,皂鞾,各九十有八。

賜 (則服之。下至於樂工衞士,皆有其服。 質孫,漢言一色服也,內庭大宴則服之。 冬夏之服不同,然無定制。 精粗之制,上下之別,雖不同,總謂之質孫云 凡勳 戚大臣近侍,

子,速夫,回回毛布之精者也。 紅、綠、藍、銀褐、棗褐、金繡龍五色羅,則冠金鳳頂笠,各隨其服之色。 則冠珠緣邊鈸笠。服白毛子金絲寶里,則冠白藤寶貝帽。 石失, 綴小珠於金錦。 帽。 鳳頂漆紗冠。 子答忽。 紅、桃紅、紫藍、綠寶里,寶里,服之有欄者也。 服白粉皮,則冠白金答子暖帽。 天子質孫, 冬之服凡十有一等, 服納石失、金錦也。 夏之服凡十有五等,服答納都納石失,緩大珠於金錦。則冠寶頂金鳳 服珠子褐七寶珠龍答子, 則冠珠子捲雲冠。 則冠七寶漆紗帶後簷帽 。服納石失,則帽亦如之。服大紅珠寶里紅毛子答納 服銀鼠, 則冠黃牙忽寶貝珠子帶後簷帽。 則冠七寶重頂冠。 則冠銀鼠暖帽,其上並 怯綿里,<br />
翦革也。<br />
則冠金錦暖帽。 服駝褐毛子,則帽亦如之。服大 服紅黃粉皮,則冠紅金答子暖 加銀 服金龍青羅 鈸笠。 服青速夫金絲闌 鼠 、比肩。 服速不都納 則 俗稱曰 服 冠 大 襻

羅 間絲蛤珠一,大紅官素帶寶里一,大紅明珠答子 素各一,紫、黄、鴉青各一。夏之服凡十有四等,素納石失一,聚線寶里納 一,駝楊、茜紅、白毛子各一,鴉青官素帶寶里 百官質孫,冬之服凡九等,大紅納石失一,大紅怯綿里一,大紅官素一,桃紅、 一,桃紅、藍、綠、銀褐各一,高麗鴉青雲袖 石 失一,棗褐 綠官 運 金

### 百官公服:

三品散答花,徑二寸,無枝葉。 公服、制以羅、大袖、盤領、俱右袵。 四品、五品小雜花,徑一寸五分。 一品紫,大獨科花,徑五寸。 六品、七品緋羅小雜 二品小獨科花,徑三

花、徑一寸。八品、九品綠羅、無文。

幞頭,漆紗爲之,展其角。

笏,制以牙,上圓下方。或以銀杏木爲之。

偏帶,正從一品以玉,或花,或素。二品以花犀。 三品、四品以黄金爲荔枝。 五品以下

**鞋,以皂皮爲之。** 以鳥犀。並八胯,鞓用朱革。

儀衛服色:

交角幞頭,其制,巾後交折其角。

學士帽、制如唐巾、兩角如匙頭下垂。 鳳翅幞頭,制如唐巾,兩角上曲,而作雲頭,兩旁覆以兩金鳳翅。

志第二十八 奥服一

唐巾,制如幞頭,而撱其角,兩角上曲作雲頭。

控鶴幞頭、制如交角、金縷其額。

花角幞頭,制如控鶴幞頭,兩角及額上,簇象生雜花。

錦 帽,制以漆紗,後幅 兩旁,前拱而高,中下,後畫連錢錦,前額作聚文。

平巾 ·幘、黑漆革爲之,形如進賢冠之籠巾,或以青,或以白。

武弁,制以皮,加漆。

甲騎冠,制以皮,加黑漆,雌黃爲緣。

抹額,制以緋羅,繡寶花。

巾、制以絁、五色、畫寶相花。

兜鍪,制以皮,金塗五色,各隨其甲。

襯 甲,制 如雲肩、青錦質、緣以白錦、衷以饘、裏以白絹。

雲肩,制如四垂雲,青緣,黃羅五色,嵌金爲之。

裲襠,制如衫。

襯袍,制用緋錦,武士所以裼裲襠。

工卒袍,制以絹絁,繪寶相花。

窄袖袍,制以羅或絁。

辮線襖,制如窄袖衫,腰作辮線細摺。

控鶴襖,制以靑緋二色錦,圓答寶相花。

窄袖襖,長行輿士所服,紺緅色。

樂工襖,制以緋錦,明珠琵琶窄袖,辮線細摺。

甲,覆膊、掩心、扞背、扞股,制以皮,或爲虎文、獅子文,或施金鎧鎖子文。

錦螣蛇、束麻長一丈一尺、裹以紅錦。臂鞲、制以錦、綠絹爲裏,有雙帶。

束帶、紅鞓雙獺尾、黃金塗銅胯、餘同腰帶而狹小。

絛環,制以銅,黃金塗之。

汗胯,制以青錦,緣以銀褐錦,或繡撲獸,閒以雲氣。

行縢,以絹爲之。

鞋,制以麻。

**翳鞋,制以皮爲履,而長其靿,縳於行縢之內。** 

志第二十八 與服一 雲頭鞾,制以皮,幫嵌雲朶,頭作雲象,輟束于脛。

省定立服色等第于後。 相 尙 服 色等第:仁宗延祐元年冬十有二月,定服色等第,詔曰:「比年以來,所在士民,靡麗 貴賤有章,益明國制,儉奢中節,可阜民財。」命中書

,蒙古人不在禁限,及見當怯薛諸色人等,亦不在禁限,惟不許服龍鳳文。 龍渭 五爪二

角者。

、七品服六花,八品、九品服四花。職事散官從一高。繫腰,五品以下許用銀,幷減 ,職官除龍鳳文外,一品、二品服渾金花,三品服金答子,四品、五品服雲袖帶襴,六 鐵。

玉。 首飾,一品至三品許用金珠寶玉,四品、五品用金玉珍珠,六品以下用金,惟耳環用珠 同籍不限親疏、期親雖別籍、幷出嫁同。 ,命婦衣服,一品至三品服渾金,四品、五品服金答子,六品以下惟服銷金,幷金紗答

用金,六品以下臺盞用鍍金,餘並 **,器皿,**謂茶酒器。 除鈒造龍鳳文不得使用外,一品至三品許用金玉,四品、 用銀。 五. 品惟臺

一,帳幕,除不得用赭黃龍鳳文外,一品至三品許用金花刺繡紗羅,四品、五品用刺繡

紗羅,六品以下用素紗羅。

,車輿、除不得用龍鳳文外,一品至三品許用間金粧飾銀螭頭、 繡帶、青幔,四品、五

品用素獅頭、繡帶、靑幔、六品至九品用素雲頭、素帶、靑幔。

一,鞍轡,一品許飾以金玉,二品、三品飾以金,四品、五品飾以銀,六品以下並飾以鍮

石銅鐵。

,內外有出身,考滿應入流,見役人員服用,與九品同。

,授各投下令旨、鈞旨,有印信,見任勾當人員,亦與九品同**。** 

花樣。 臺盞孟鏇,餘並禁止。帳幕用紗絹,不得赭黃,車輿黑油,齊頭平頂皂幔。 首飾許用翠花、幷金釵錍各一事,惟耳環用金珠碧甸、餘並用銀。 ,庶人除不得服赭黃,惟許服暗花紵絲紬綾羅毛毳,帽笠不許飾用金玉,**鞾不得**裁制 酒器許用銀壺瓶

一,諸色目人,除行營帳外,其餘並與庶人同。

,<br />
諸職官致仕,<br />
與見任同。 解降者,依應得品級。 不敍者,與庶

,父祖有官,旣沒年深,非犯除名不敍之限,其命婦及子孫與見任同**。** 

,諸樂藝人等服用,與庶人同。 凡承應粧扮之物,不拘上例。

一,皂隸公使人,惟許服紬絹。

一,娼家出入,止服皂褙子,不得乘坐車馬,餘依舊例。

志

第二十

輿服

,今後漢 人、高麗、南人等投充怯薛者,並在禁限

,服色等第,上得 遠禁之物,付告捉**人**充賞。 兼下,下不得僭 有司禁治不嚴,從監察御史、廉訪司宪治。 上。 遠者,職官解 見任,期年後降 一等敍,餘 人決五

御賜之物,不在禁限。

輿輅

行龍 四。 板。 珩璜 頂上匝 垂流 小帶 重靑繡雲龍瑞草,下一重無文。 十,碾玉蹲龍十,孔雀羽臺九, 櫃周 衝 柱 玉 輅。 1 四十八,帶頭綴金塗小銅鈴,口三青紵絲繡絡帶二。 以金塗鍮 瑀 蘇 朱漆勾闌,雲拱 直平盤, 八,飾以五色茸線結網五 全,金塗鍮 青質、金裝、青綠藻井、 石耀葉八十一。 虚櫃, 石鉤 、地霞葉百七十有九, ·掛十六,黃茸貫頂天心直下十字繩二,各長三丈。 中櫺三十,下外桄二。 上圍九者二, 輪衣內黃屋一,黃素紵絲瀝水,下周垂朱絲結網,青紵絲 重, 水精面火珠七,金圈焰銅照八。 栲栳輪蓋。 金塗銅鈸五, 下垂牙護泥虛板, 中圍 外施金裝雕木雲龍, 漆繪犀、象、鸚鵡 九者三,下圍九者 金塗木珠二十有五 頂輪平素面夾 幷朱漆畫瑞草。 、錦雉、孔雀, 輿下 內盤碾玉福海 四。 周垂朱絲結網,飾 又繫玉 用青紵絲 頂輪衣三重, 蓋下 隔窠嵌 勾闌 立朱漆柱 雜 圓龍 佩八, 以裝花 蓋四 上玉 ,

周

繡

志

焰玉 之。 端玉龍頭二,上列金塗銅鳳十二,含以金塗銅鈴。輿之軸一,輪二。軸之挲羅二,明轄蹲 以金塗鍮石鐸三百、綵畫鍮石梅萼嵌網眼中。 龍絟,並青漆。輪之輻各二十四,觳首壓貼金塗銅轂葉八十一,金塗鍮石擎耳戀攀四。櫃 絲銷金雲龍門簾一,緋紵絲繡雲龍帶二。輅之中,金塗鍮石較碾玉龍椅一,靠背上金塗圈 之前,朱漆金裝雲龍輅牌一,牌字以玉裝綴。 青漆雕 羅夾帕 塗鍮石鈸青纓矮十二重,金塗木珠流蘇十二重。 編雲龍。 香毬、金香寶、金香合、銀灰盤各一,並黃絲綬帶。CIKJ輅之後,朱漆後轛一 上層左畫靑龍,右畫白虎,前畫朱雀,後畫玄武。輅之前額,玉行龍二,奉一水精珠,後額如 ·青茸引輅索二,各長六丈餘,金塗銅環二,黃茸[執]綏一。[l+]輅馬、誕馬,並青色。 轅引手玉螭頭三,並繫以蹲 |明珠一。左建太常旂,十有二斿,青羅繡日、月、五星、升龍。 前兩柱青茸鈴索五,貼金鸞和大響銅鈴十,金塗鍮石雙魚五。下朱漆軾櫃一,櫃上金 木塗金龍頭行馬一,小青漆梯 一,方輿地褥二,勾闌內褥八,皆用雜錦綺。 中央黃羅繡青黑黼文兩旗,綢杠,並青羅,旗首金塗鍮石龍頭二,金塗銅鈴二,金 音。 後轅方罨頭三,恍頭十六,絟以蹲龍三。 一,青漆柄金塗長托叉二,短托叉二,金塗首青漆推竿 輅之箱, 四壁雕鎪漆畫填心隔窠龜文華板。 輿之長轅三,界轅勾心各三,上下龍 龍椅上,方坐一,綠褥一,皆錦。 青漆金塗鍮石鉸葉踏道一,小褥五 右建關戟一,九斿, ,金塗曲戌,黃紵 轅頭衡 銷金黃 頭 青羅 八。 兩

萷

轡靴 絹 勒纓拂靷 大蒙帕一、黄油絹帕一。 並青韋, 金飾。 駕士平巾大袖、並青繪紵絲爲之。 誕馬青織金紵絲屜四〔副〕。〔云青羅銷金絹裏籠鞍六。

政 事 張珪、留守王伯勝、將作院使明里董阿、侍儀使乙刺徒滿董其事。 元年,英宗親祀太廟, 詔中書及太常禮儀院、 禮部定擬制鹵簿五輅。 是年, 以平章

塗鍮 塗鍮 地霞葉一百七十有九,下垂牙護泥虛板,並朱漆畫瑞草。 頂 三十,其下外桄二,漆繪犀、象、鸚鵡、錦雉、孔雀,隔窠嵌粧花板。 Ĺ 紅 |匝以金塗鍮石耀葉八十一。上圍九者二,中圍九者三,下圍九者四。頂輪衣三重,上二 .鈎掛十有六,黃絨貫頂天心直下十字繩二。 蓋下立朱漆柱四,柱下直平盤,虛 蓋 石鐸子三百,綵畫鍮石梅萼嵌網眼中。 石蹲龍十、孔雀羽臺九、水精面火珠七、金圈焰銅照八。 明 金 |之四周垂流蘇八,飾以五色茸線結網五重,Clも3金塗鍮石雑佩八, 珩璜衝瑀全, 小帶四十八,帶頭綴金塗小銅鈴三百,大紅紵絲繡絡帶二。頂輪平素面 繡雲龍瑞草,下一重無文。輪衣內黃屋一,黃素紵絲瀝水,下垂朱絲結網一周,大紅 年,親祀 赤質、金粧、青綠藻井、栲栳輪蓋。外施金粧雕木雲龍、內盤眞金福海圓龍一、 一御之。後復命造四輅,工未成而罷 輿之長轅三,界轅勾心各三,上下龍頭六。 勾闌上金塗鍮石行龍十二,四分金 輿下 櫃上周遭朱漆勾闌 垂朱絲結網一 遭,飾以金 灰用 櫃 L', 中 櫺 、雲拱 緋紵 金塗 前

子一、綠可貼金錦也。 褥一、銷金黃羅夾帕一、方輿地金錦褥一、綠可貼褥一。 勾闌內、可貼 行馬一、小朱漆梯一、朱漆柄金塗長托叉二、短托叉二、金塗首朱漆推竿一、紅絨引輅索二、 條褥四、藍紵絲條褥四、朱漆金塗鍮石鉸葉踏道一,小可貼條褥五重。朱漆雕木塗金龍頭 頭二,金塗銅鈴二,金塗鍮石鈸朱纓緌十二重,金塗木珠流蘇十二重。龍椅上,金錦方坐 族,緋羅繡雲龍。中央黃羅繡青黑黼文兩旗、(襉)【綢】杠、[il] 並大紅羅。旗首金塗鍮石龍 櫃一,櫃上金香毬一,金香寶一,金香合,銀灰盤一,並黃紵絲綬帶。輅之後,朱漆後轛一, 珠,後額亦如之。前兩柱緋絨鈴索五,貼金鸞和大響銅鈴十,金塗鍮石雙魚五。下朱漆軾 龜文花板,上層左畫靑龍,右畫白虎,前畫朱雀,後畫玄武。輅之前額,金行龍二,奉一水精 耳戀攀四。櫃之前,朱漆金粧雲龍輅牌一,金塗鐵曲戌。輅之箱,四壁雕鎪漆畫填心隔窠 轅引手金塗鍮石螭頭三,並繫以蹲龍。後轅方罨頭三,枕頭十六,繫以蹲龍三。轅頭衡一, 金塗曲戌,黃紵絲銷金雲龍門簾一,緋紵絲繡雲龍帶二。輅之中,黃金粧鉸龍椅一,靠背 明轄蹲龍絟,並漆以赤。輪之輻各二十有四,轂首壓貼金塗銅轂葉八十有一,金塗鍮石擎 兩 金塗銅環二,黃絨執綏一。輅馬、誕馬,並赤色。鞍轡鞦勒纓拂套項,並赤韋,金粧。 上金塗圈焰玉明珠一。左建太常族,十有二族,緋羅繡日、月、五星、升龍。右建關戟一,九 :端金塗鍮石龍頭二,上列金塗銅鳳十二,含以金塗銅鈴。 輿之軸一,輪二。 軸之掌羅二,

紅織金紵絲屜四副,紅羅銷金紅絹裏籠鞍六。 蓋輅黃絹大蒙帕一,黃油絹帕一

三,上下龍頭六。前轅引手描金象牙雕螭頭三,並繫以蹲龍。後轅方罨頭三,桃頭十有六, 絲結網一遭,飾以金塗鍮石鐸子三百,采畫鍮石梅萼嵌網眼中。 嵌粧花板。 繫金塗鍮石雜佩八,珩璜衝瑀全,金塗鍮石鈎掛十有六,黃絨貫頂天心直下十字繩二。 蓋 遭,黃紵絲繡小帶四十有八,帶頭綴金塗小銅鈴三百,黃紵絲繡絡帶二。頂輪平素面 龍一,頂上匝以金塗鍮石耀葉八十有一。上圍九者二,中圍九者三,下圍九者四。 緊以蹲龍三。轅頭衡一,兩端描金象牙雕龍頭二,上列金塗銅鳳十二,含以金塗銅 勾闌上描金象牙雕行龍十,蹲龍十,孔雀羽臺九,水精面火珠七,金圈焰銅照八。 下立朱漆柱四,柱下直平盤,虛櫃,中櫺三十,下外桄二,漆繪犀、象、鸚鵡、錦雉、孔雀,隔窠 之軸一、輪二。軸之挲羅二、明轄蹲龍絟、並漆以黃。輪之輻各二十有四、轂首壓貼金塗銅 三重,上二重黃繡雲龍瑞草,下一重無文。輪衣內黃屋一,黃素紵絲瀝水,下垂朱絲 大袖,並緋繡紵絲爲之。 蓋之四周垂流蘇八,飾以五色茸線結網五重,金塗銅鈸五,金塗木珠二十有五。叉 黄質,金粧,青綠藻井,栲栳輪蓋。 櫃上周遭朱漆勾闌,雲拱地霞葉百七十有九,下垂牙護泥虛板,並朱漆畫瑞草。 外施金粧雕木雲龍,內盤描金象牙雕 輿之長轅三,界轅勾心各 結 頂 福 網 海 圓

志 第 二十八 輿 服

黃羅銷 之前 漆柄金塗長托叉二,短托叉二,金塗首黃漆推竿一,黃絨引輅索二,金塗銅環二,黃絨執綏 黃紵絲綬帶。 四,黃漆金塗鍮石鉸葉踏道一,小可貼條褥五重。 有二族,黃羅繡日、月、五星、升龍。 鈴十,金塗鍮 **轂葉八十有一,金塗鍮石擎耳戀攀四。** 旗、綢杠、並黃羅。 珠流蘇十二重。 一四傍雕鎪漆畫填心隔窠龜文花板,上層左畫靑龍,右畫白虎,前畫朱雀,後畫玄武。 輅之中, 輅馬、誕馬、皆黃色。 額,描金象牙雕行龍二,奉一水精珠,後額如之。 金黃絹裏籠鞍六。 黃金粧鉸描金象牙雕龍椅一,靠背上金塗圈焰玉明珠一。 石雙魚五。 輅之後,朱漆後轛一,金塗曲戌,黃紵絲銷金雲龍門簾一,緋紵絲繡雲龍帶 龍椅上,金錦方坐一,綠可貼褥一。勾闌內, 旗首金塗鍮石龍頭二,金塗銅鈴二,金塗鍮石鈸黃纓緌十二重,金塗 下朱漆軾櫃一,櫃上金香毬一,金香寶一,金香合一,銀灰盤一,並 鞍轡靴勒纓拂套項, 蓋輅黃絹大蒙帕一,黃油絹帕一。駕士平巾大袖,並黃繡紵絲 右建關戟一,九斿,黃羅繡雲龍。 櫃之前,朱漆金粧雲龍輅牌一,金塗鐵曲戌。輅之 並金粧,黃韋。 黄漆木塗金龍頭行馬一,小黃漆梯一 前兩柱黃絨鈴索五,貼金鸞和大響銅 誕馬銀褐織金紵絲屜四副, 可貼條褥四,藍紵絲條褥 中央黃羅繡青黑黼文 左建太常旂一,十 一,黄

木

兩

箱

革 白質、金粧、青綠藻井、栲栳輪蓋。外施金粧雕木雲龍、內盤描金白檀雕福海圓

稲 直下十字繩二。 木珠二十有五。 輪平素面 絲結網一遭,素白紵絲繡小帶四十有八,帶頭綴金塗小銅鈴三百, 金塗鐵 護泥虛板,並朱漆畫瑞草。 象、鸚鵡、錦雉、孔雀,隔窠嵌粧花板。 方罨頭三,恍頭十有六,繫以蹲龍三。 中。輿之長轅三,界轅勾心各三,上下龍頭六。 三重,上二重素白繡雲龍瑞草,下一重無文。 前畫朱雀,後畫玄武。輅之前額,白檀行龍二,奉一水精珠,後額如之。 四、轂首壓貼 以金塗銅鈴。 七,金圈焰銅照八。 一,頂上 曲戊。 夾用白素紵絲。 匝 以金塗鍮石耀葉八十有一。上圍九者二,中圍九者三,下圍 金塗銅轂葉八十有一,金塗鍮石擎耳戀攀四。 輿之軸一,輪二。軸之挲羅二,明轄蹲龍絟, 輅箱之四傍,雕鎪革鞔漆畫塡心,隔窠龜文花板, 蓋下立朱漆柱四,柱下直平盤, 又繫金塗鍮石雜佩八,珩璜 輿下垂朱絲結網一遭,飾以金塗鍮石鐸子三百,綵畫鍮 蓋之四周垂流蘇八,飾以五色絨線結網五 勾闌上描金白檀行龍十,擺白蹲龍十,孔雀羽臺九,水精 轅頭衡一,兩端擺白龍 櫃上周遭朱漆勾闌、雲拱地霞葉百七十有九、下 衝瑀全,金塗鍮石鈎掛十有六,黃絨貫頂 輪衣內黃屋一、黃素(地)紵絲瀝水、三三下垂朱 虛櫃,中櫺三十,下外桄二,漆繪革鞔犀、 前轅引手擺白螭 皆漆以白。 櫃之前,朱漆金粧雲龍 頭二,上 上層左 頭三, 素白紵絲繡絡帶二。 重, |列金塗銅鳳十二,含 畫青龍, 其輪 並繫以 前兩柱素白絨鈴索 金塗銅 九 者 之輻各二十有 石 蹲 四。 梅 鈸 右畫白 萼嵌 五; 輅牌一, 頂輪 面 · 垂 牙 後轅 天心 網 火珠 金塗 眼 頂 衣

龍。 雲龍 五, 黃羅 巾 馬 頭 石 金香合一,銀灰盤 貼金鸞和大響銅鈴十、金塗鍮石雙魚五。 白織 大袖 門簾 行 中央黃羅繡青黑黼文兩旗,綢杠,並素白羅,旗首金塗鍮石龍頭二, 鈸 左 金塗銅環二,黃絨執綏一。 素 夾 建 馬一,小白漆梯一,白漆柄金塗長托叉二,短托 帕 白 ,皆白繡紵絲爲之。 金紵絲屜 太常旂一,十有二斿,白羅繡日、月、五星、升龍。 纓緌十有二重,金塗木珠流蘇十有二重。龍椅上,金錦方座一,綠可貼褥一 一,方輿地金錦褥一,綠 緋紵絲繡雲龍帶二。 四副,白羅銷金白絹裏籠鞍六。蓋輅黃絹大蒙帕一,黃油絹帕一。 一,皆黃紵絲綬帶。 輅馬、誕馬,皆白色。 鞍轡鞦勒纓拂套項,皆白韋,金粧。 輅之中, 可貼褥 輅之後,朱漆革鞔後轛一,金塗曲戌,黃紵絲銷金 ^t — ° 金粧鉸白檀雕龍椅一,靠背上金塗圈焰 下朱漆革鞔軾櫃一,櫃上金香毬一,金香寶 勾闌內, 可貼條褥五重。 .叉二,金塗首白漆推竿一,白絨引輅 右建關戟一, 九族。 金塗銅鈴二, 素白 漆雕木塗金 素白羅繡雲 玉明珠 金塗 一,銷

鍮

索

龍

金

誕

平

遭,皂紵絲繡 龍 木 頂 Ĺ 重 匝 黑質,金粧 皂繡 以金 小 帶 雲龍瑞草,下一重無文。 塗鍮 四 十有八,帶頭綴金塗小銅鈴三百,皂紵絲繡絡帶二。頂輪平素面夾用檀 石耀 了,青綠藻井,栲栳輪蓋。 外施金粧雕木雲龍,內盤描金紫檀雕福海圓 葉八十有一。上圍 輪衣內黃屋一,黃素紵絲瀝水,下垂朱絲結網 九者二,中圍九者三,下圍九者四。 頂輪衣

八

九五二

繋 褐 紵 金 塗 絲 鍮 蓋 石 雑 之 佩 四 八 周 垂流蘇 珩 璜 衝 八,飾以 瑀 全, 金 五. 色絨線結網 塗 銢 石 掛 鈎 十有六、三三黄絨 五. 重, 金塗 銅鈸五, 貫 頂 金塗木 关 心直 珠二十五 下十字繩 叉

繫以 各三 朱絲 草。 匹 葉 軸 窠 蓋 傍 八 嵌 下 上下 蹲龍 + 雕 輪二。 結 勾 粧 <u>'</u> 有 闌 花 锤 網 朱 漆 板 漆 上 龍 遭, , 畫塡 金嵌 柱 頭六。 金 軸之挲 櫃 轅 四 塗鍮 飾以金 上 鑌 J) 頭 柱 周 鐵行 衡 隔窠 前轅 羅 石 下 遭朱漆勾 塗鍮 擎 直 ,兩端 龍 平盤。 引 龜 耳 明轄蹲龍 十, 文花 戀攀 石 手 金嵌 金嵌 [鐸子 蹲龍 闌 虚 四。 板 櫃 雲拱 三百, 鑌 鑌 十, 経, 上 櫃 鐵 鐵 中 層 孔 之前 並 龍 螭 櫺 地 左 雀 綵 霞葉 漆 頭三,皆経 三十,下外桄二,漆繪犀、象、鸚 頭 畫 羽臺九,水 畫鍮 以 <del>\_</del>; 朱漆 青龍,右 黑。 百七十 上 石 I梅萼嵌 金粧雲龍輅 列金塗 輪之輻各二十 以 有 畫白虎, 精 蹲 九, 面 龍。 銅 網 火 下 眼 鳳十二, 珠 後轅 牌 前 中。 垂 七, 畫 矛 有 , 方罨 金 一朱雀, 護 輿之長 金 匹 含以 圈 泥 塗鐵曲 觳 頭 焰 虚 (鵡、錦 後 省 金 三,光頭 、轅三, 鲖 板, 畫玄 照 塗 壓 戌。 皆 貼 鲖 八。 雉 武 金 界轅勾心 朱 輅 + 孔 輿 塗 漆 有六, 之箱 輿之 輅之 書 銅 隔隔 瑞 垂

紵絲 輅 十, 前 之中, 額 金塗 綬 金 帶 鍮 金粧烏木雕龍 嵌 石 鑌 輅之後, 雙魚五 鐵 行 龍 朱 =漆 下 奉 後 朱 轛 漆 \_\_\_ 軾 水 , 櫃 精 金 珠, 塗 , 曲 櫃 後 戌 上 額 金 如 黄紵 香毬 之。 絲 \_\_, 前 銷 兩 金香寶 金雲 柱 皂絨 龍 門 鈴 ,金香合一,銀 簾 索 五 緋 貼 紵 金 絲 鸞 繡 灰 和 雲 盤 大 龍帶一 響 ,皆黃 銅 繡

椅 一)靠背上金塗圈焰玉 一明珠 左建太常族一,十有二族 皂羅

黑漆柄金塗長托叉二,短托叉二,金塗首黑漆推竿一,皂絨引輅索二, 副,紫羅銷金紫絹裏籠鞍六。 綏 四,黑漆金塗鍮 褥一,銷金黃羅夾帕 皂羅,旗首金塗鍮 日、月、五星、升龍。 輅馬、誕馬,並黑色。 石鉸葉踏道一,小可貼條褥五重。 石鈸紫纓矮十有二重,金塗流蘇十有二重。 右建關戟一,九斿,皂羅繡雲龍。 一,方輿地金錦褥一,綠可貼褥一。 鞍轡鞦勒纓拂套項,皆以淺黑章,金粧。 蓋輅黃絹大蒙帕一,黃油絹帕一。 黑漆雕木塗金龍頭行馬一,小黑漆梯一 中央黃羅繡青黑黼文兩旗,綢杠,並 勾闌內,可貼條褥四,藍紵絲條. 龍椅 駕士平巾大袖, 上,金錦方座一 誕馬紫織金紵絲 金塗銅環二,黃絨 皆紫繡紵 ,綠可 屜 貼 執 褥 四

屛 風下施雕鏤雲龍狀。 腰輿。 象轎。 駕以象,凡巡幸則御之。 制以香木。 坐前有踏牀, 後背作山字牙、嵌七寶粧雲龍屛風、 可貼錦褥 坐上貂鼠緣金錦條褥,綠可貼方坐。 上施金圈焰明珠,兩傍引手。

絲爲之。

### 校勘記

繪日月星辰山 章,且下文明言「上下襟華蟲、火各六對」,此處「華蟲」之下當有「火」字。 「龍華 蟲宗彝 新唐書卷二四車服志云「八章在衣」,金、元皆上承唐制,而此僅七

志第二十八 校勘記

- 虎蜼各闕 對 按王圻續通考作「虎雖各六對」。大金集禮、金史卷四三與服志所記金制均作「六
- 對」。此處闕文疑爲「六」字。
- , . 三 し 金制均作「藻三十二」。 藻三十(三)二二 從道光本改。 王圻續通考作「藻三十二」,大金集禮、金史卷四三輿服志所記
- 元制多襲金制,金史卷四三興服志述金制稱「銷金黃羅帶頭」。 緋白大帶一銷金黃帶頭 按志文言服飾均說明其材料,此只言黃帶頭,未言材料, 「黄」「帶」二字之間疑脫「羅」 疑有脫
- 八五山 五一興服志所記宋制均作「長二尺四寸」,據補。 廣尺二寸長〔二尺〕四寸 按太常因革禮卷二三、永樂大典卷一九七八五祕府書林、 宋史卷一
- フベン 服志所言宋制均作「又有翠旒十二,碧鳳銜之,在珠旒外」。 又有(珠)〔翠〕旒十二碧鳳銜之在珠旒外 從道光本改。 太常因革禮卷二三及宋史卷一五一輿
- てもし 常因革禮卷二三、宋史卷一五一興服志改、補 傍施琥珀(餅)[餠]犀〔餠]各二十四 按此亦宋制。 「餅」誤作「餅」、「犀」字下脫一「餅」字。 據 }太
- 青羅四(紳)[神]帶二繡四(紳)[神]盤結 「靑羅四神帶二,繡四神盤結。」宋史卷一五一輿服志同。 從道光 不改。 此言宋制,太常因革禮卷二三述宋 四神, 古時指靑龍、白虎、朱雀、玄武、 制

## 常見於各種裝飾中。

- 白(帶)[羅]中單 從道光本改。此亦言宋制,太常因革禮卷二三、宋史卷一五一輿服志述宋制
- 均作「白羅中單」。中單爲一種內衣,用羅、紗一類絲織物製成。

青羅(滁)[抹]帶

織品「縹」。下同。

- 庭盧玉具劍玉(標)[鏢]首鏤白玉雙佩 從道光本改。「鏢」,言刀劍鞘下飾,不能用青白色之絲 按宋史卷一五一輿服志記宋制,本志上文記元制,均作「青羅抹帶」,據改。
- 四章在裳藻粉米黼黻織成之每行一章黼黻重以爲等每行九 數。志文「每行」重出,而未言章之行數,顯有舛誤。由上文唐代皇帝衮服之制凡十二章,「每章 一行,每行十二」,可推知此「每行一章」之「章」「行」二字誤倒,應作「每章一行」。 按此言章飾、 每章行數與每行章
- 蔽膝隨裳(衣)[色] 從道光本改。按「隨裳衣」,不通。上文言宋皇帝袞服,「蔽膝,隨裳色」,言
- 於法服庫收掌 按本書卷八五、卷九〇百官志、「法服庫」當作「法物庫」。 疑「服」誤。

唐太子衮服,亦同。

- 二吾 字。 帶頭綴金塗小銅鈴 此處「銅鈴」下當有脫文。王圻續通考有「三百」二字。 按下文所記金輅、象輅、革輅、木輅之帶頭綴金塗小銅鈴下均有「三百」二
- 並黃絲綬帶 志 第二十 八 按下文金輅、象輅、革輅、木輅皆作「並黃紵絲綬帶」,此處「黃」下當脫「紵」字。 校 勘 記

黄茸〔執〕綏一 據下文金輅、象輅、革輅、木輅所見補。

誕馬青織金紵絲屜四〔副〕 據下文金輅、象輅、革輅、木輅所見補。

蓋之四周垂流蘇八飾以五色茸線結網五重 按玉、象、革、木四輅在「五重」二字下均有「金塗

勾闌上金塗鍮石行龍十二 銅鈸五,金塗木珠二十有五」。此處疑脫此十三字。 按玉、象、革、木四輅皆作「行龍十」,疑此處「二」字行。

 $\subseteq$ 中央黃羅繡青黑黼文兩旗(獨)[綢]杠 從道光本改。

 $\subseteq$ 

黄素(地)紵絲瀝水

<u>S</u>

金塗鍮石掛鈎十有六 按玉、金、象、革四略皆作「金塗鍮石鈎掛十有六」。疑一掛鈎」二字誤倒。

按玉、金、象、木四輅均作「黄素紵絲瀝水」、「地」字符、今删。

# 元史卷七十九

### 志第二十九

奥服二

#### 儀仗

皂纛,國語讀如禿。 建纓于素漆竿。 凡行幸,則先驅建纛,夾以馬鼓。 居則置纛于月華門

西之隅室。

絳麾,金塗竿,上施圓盤朱絲拂,三層,紫羅袋韜之。

金節,制如麾,八層,韜以黃羅雲龍袋。又引導節,金塗龍頭朱漆竿,懸五色拂, 上施

銅鈸。

朱雀幢,制如節而五層,韜以紅繡朱雀袋。

青龍幢,制如前,韜以碧繡青龍袋。

志第二十九 與服二

白虎幢,制如前,韜以素繡白虎袋。

玄武幢、制如前、韜以皂繡玄武袋。

犦稍,制如節,頂刻犦牛首,有袋,上加碧油。

絳引 四角、朱綠蓋, 每角垂羅 文雜 佩,繫于 金銅鈎竿,竿以朱飾, 懸五 色間暈羅

有橫木板,作碾玉文。

告 正 旛 排 帛錯綵爲告止字,承以雙鳳,立仗者紅羅銷金升龍,餘 如絳引。

傳教 旛 制 如告止 旛,錯綵爲 傳教字,承以雙白虎,立仗者白羅 繪 雲

**黃麾旛,制如信旛,錯綵爲黃麾篆。** 

信旛

制

如

傳教

旛

,錯綵

爲信字、

`,承以雙龍,立仗者繪

飛鳳。

龍 頭 竿繡氅,竿 如戟、無鈎、下有小橫木、刻龍頭、垂朱綠蓋、 每角綴珠佩一 帶, 帶末

金銅鈴。

圍子,制以金塗攢竹杖,首貫銅錢,而以紫絹冒之。

副竿,制以木,朱漆之。

火輪竿,制以白鐵,爲小車輪,建于 白鐵竿首。 輪及竿皆金塗之, 上 書 匹 天咒語, 帝 餇

所制。 常行 爲親衞中道,正行在劈正斧之前,以法佛衞,以祛邪僻,以鎭轟雷 焉。 謠 辟 ·惡車

之意也。

豹尾竿,制如戟,繫豹尾,朱漆竿。

寶(與)[與]方案,[]緋羅銷金雲龍案衣,緋羅銷金蒙襯複,案傍有金塗鐵鞠四,龍頭竿

結綬二副之。

香(蹬) [ 5] 朱漆案, [ 三] 黃羅銷金雲龍案衣,上設金塗香爐一、燭臺二,案旁金塗鐵鹎

四,龍頭竿結綬二副之。

香案朱漆案,緋羅銷金雲龍案衣,上設金香爐、合各一,餘同香(蹬)〔蹬〕,殿庭陳設 則

除龍頭竿結綬。

詔案,制如香案。

册案,制如前。

寶案,制如前。

表案,制如香案,上加矮闌,金塗鐵鞠四,竿二副之,緋羅銷金蒙複。

禮物案、制如表案。

交椅,銀飾之,塗以黃金。

杌子,四脚小床,銀飾之,塗以黃金。

志第二十九 與服一

鳴鞭 綠柄,鞭以梅紅絲爲之,梢用黃茸而漬以蠟。

鞭桶,制以紫絁表,白絹裏,皮緣兩末。

蒙鞍,青錦緣,緋錦複。

水瓶、制如湯瓶、有蓋、有提、有觜、銀爲之、塗以黃金。

鹿盧,制如乂字,兩頭卷,塗金粧鈒,朱絲繩副之。

水盆,黃金塗銀粧鈒爲之。

淨巾,緋羅銷金雲龍,有裏。

香合、制以銀、徑七寸、塗黃金級雲龍於上。

香毬,制以銀,爲座上插蓮花爐,爐上罩以圓毬,鏤絪縕旋轉文于上,黃金塗之。

金拂,紅犛牛尾爲之,黃金塗龍頭柄。

唾壺,制以銀,寬緣,虛腹,有蓋,黃金塗之。

唾盂,制以銀,形圓如缶,有蓋,黃金塗之。

外辦牌,制以象牙,書國字,背書漢字,塡以金。

中嚴牌、制如前。 外備牌、制 如前。

九六〇

時牌,制同外備而小。

版位,制以木,長一尺二寸,闊一尺,厚六分,白髹黑字。

大繖、赤質、正方、四角銅螭首、塗以黃金、紫羅表、緋絹 裏。 諸繖蓋、宋以前皆平頂、今

加金浮屠。

紫方糤,制如大糤而表以紫羅。

紅方繖,制如大繖而表以緋羅。

華蓋、制如繖 而圓頂隆起,赤質,繡雜花雲龍,上施金浮屠。

導蓋,制如曲蓋,緋羅瀝水,繡龍,朱漆直柄。

曲蓋,制如華蓋,緋瀝水,繡瑞草,曲柄,上施金浮屠。

朱糤、制如導蓋而無文。

黃繖,制如朱繖而色黃。

葆蓋,金塗龍頭竿,懸以纓絡,銷金圓裙,六角葆蓋。

之,上施金浮屠,蓋居竿三之一,竿塗以黃金,書西天咒語,與火輪竿義同。 孔雀蓋,朱漆,竿首建小蓋,蓋頂以孔雀毛,徑尺許,下垂孔雀尾,簷下以青黃紅瀝水圍

朱團扇,緋羅繡盤龍,朱漆柄,金銅飾,導駕團扇,蹙金線。

志第二十九 奥服一

史 卷 七十 九

扇,制稍長,下方而上撱,緋羅繡象雉尾,中有雙孔雀,間以雜花,下施朱漆橫木連

柄、金銅裝。

中雉扇、制如大雉扇而減小。

小雉扇,制如中雉扇而減小。

青歷水扇、制圓而青色、四周歷水以青絹。

**篳,朱縢結網,二螭首,銜紅絲拂,中有獸面,朱漆柄,金銅裝。** 

罕,制形如扇,朱縢網,中有獸面,朱漆柄,金銅裝。

旗、扇錡、即坐也。旗錡、制十字木于下、上四枝交拱、置竅于其上以樹旗。 扇錡,制如

栀,形小,六木拱于上,而制作精于旗錡,並漆以朱。

風伯旗,青質,赤火焰脚,畫神人,犬首,朱髮,鬼形,豹汗胯,朱袴,負風囊,立雲氣 雨 師旗,靑質,赤火焰脚,畫神人,冠五粱冠,朱衣,黃袍,黑襴,黃帶,白袴,皂舃,右手 中。

杖 劍,左手捧鐘

雷公旗,青質,赤火焰脚,畫神人,犬首,鬼形,白擁項,朱犢鼻,黃帶,右手持斧,左手持

鑿,運連鼓于火中。

電母旗、青質、赤火焰脚、畫神人爲女子形、纁衣、朱裳、白袴、兩手運光。

金星旗,素質,赤火焰脚,畫神 人,冠五梁冠,素衣,皂襴,朱裳,秉圭。

水星旗、黑質、赤火焰脚、畫神 人,冠五梁冠,皂衣,皂襴,綠裳,秉圭。

木星旗,青質,赤火焰脚,畫神人,冠五梁冠,青衣,皂襴,朱裳,秉圭。

火星旗、赤質、青火焰脚、畫神人、冠五梁冠、朱衣、皂襴、綠裳、秉圭。

土星旗,黄質,赤火焰脚,畫神人,冠五梁冠,黃衣,皂襴,綠裳,秉圭。

攝提旗,赤質,赤火焰脚,畫神人,冠五梁冠,素中單,黃衣,朱薇膝,綠裳,杖劍。

北斗旗、黑質、赤火焰脚、畫七星。

角宿旗,青質,赤火焰脚,畫神人爲女子形,露髮,朱袍,黑襴,立雲氣中,持蓮荷,外仗

角、亢以下七旗,並青質、青火焰脚。 角宿繪二星,下繪蛟。

亢宿旗,青質,赤火焰脚,畫神人,冠五梁冠,素衣,朱袍,皂襴,皂帶,黃裳,持黑等子

外仗繪四星,下繪龍。

氐宿旗,青質,赤火焰脚,畫神人,冠小冠,衣金甲,朱衣,綠包肚,朱擁項,白袴,左手杖

劍、乘一鱉。外仗繪四星、下繪貉。

房宿旗、青質、赤火焰脚、畫神人、烏巾、白中單、碧袍、黑襴、朱薇膝、黃帶、黃裙、朱舄、

左手杖劍。外仗繪四星,下繪冤。

志第二十九 與服二

心 宿 旗、青質、赤火焰脚、畫神人、冠五梁冠、朱袍、 皂襴,右手持杖。外仗繪三星,下

繪狐。

尾宿旗、青質、赤火焰脚、畫神人、冠束髮冠、素衣、黃袍、朱裳、青帶、右手杖劍、左手持

弓。外仗繪九星,下繪虎。

箕宿旗、青質、赤火焰脚、畫神人、烏巾、衣淺朱袍、皂襴、杖劍、乘白馬于火中。 外仗繪

四星,下繪豹。

斗宿旗、青質、赤火焰脚、畫神人、被髮、素腰裙、朱帶、左手持杖。外仗斗牛以下七旗、

並黑質、黑火焰脚。斗宿繪六星、下繪獬。

华宿旗、青質、赤火焰脚、畫神人、牛首、皂襴、黃裳、皂舄。外仗繪六星、下繪牛。

女宿旗、青質、赤火焰脚、畫神人、鳥牛首、衣朱服、皂襴、黃帶、鳥鞾、左手持蓮。 外仗

繪四星,下繪題。

虚 「宿旗、青質、赤火焰脚、畫神人、被髮裸形、坐于甕中、右手持一珠。外仗繪二星,下

繪鼠。

危宿旗,青質,赤火焰脚,畫神人,虎首,金甲,衣朱服,貔皮汗胯,青帶,烏鞾。 外仗上

繪三星,下繪燕。

室宿旗、青質、赤火焰脚、畫神人、丫髮、朱服、乘舟水中。外仗繪二星、下繪猪。

壁宿旗,青質,赤火焰脚,繪神人爲女子形,被髮,朱服,皂襴,綠帶,白裳,鳥鳥。外仗

繪二星,下繪瑜。

奎宿旗,青質,赤火焰脚,繪神人,狼首,朱服,金甲,綠包肚,白汗胯,黃帶,烏鞾,杖劍。

外 ·仗奎、婁以下七旗,並素質,素火焰脚。 奎宿繪十六星,下繪狼。

婁宿旗、青質、赤火焰脚、繪神人、烏巾、素衣、皂袍、朱蔽膝、黄帶、綠裳、烏舃、左手持

烏牛角,右手杖劍。外仗繪三星,下繪狗。

胃宿旗,青質,赤火焰脚,繪神人,被髮,裸形,披豹皮白腰裙,黃帶,右手杖劍。 外仗繪

三星,下繪雉。

昴宿旗、青質、赤火焰脚、繪神人、黃牛首、朱服、皂襴、黃裳、朱舄、左手持如意。外仗

繪 七星,下繪鷄。

畢宿旗,青質,赤火焰脚,繪神人,作鬼形,朱裩,持黑杖,乘赤馬,行于火中。外仗上繪

八星,下繪烏。

觜宿旗、青質、亦火焰脚、繪神人、冠緇布冠、朱服、皂襴、綠裳、持一蓮、坐于雲氣中。

仗繪三星,下繪猴。 志

九 與 股二

一九六六

參宿旗、青質、赤火焰脚、繪神人、被髮、衣黃袍、綠裳、朱帶,朱舃, 左手持珠。 外仗上

繪十星,下繪猿。

井宿旗、青質、赤火焰脚、繪神人、烏巾、素衣、朱袍、皂襴、 坐于雲氣中, 左手持蓮。 外

仗井、鬼以下七旗,並赤質,赤火焰 脚。 井宿繪八星,下繪犴。

鬼宿旗、青質、赤火焰脚、繪神人作女子形、被髮、素衣、朱袍、黄帶、黃裳、烏舄、右手持

杖。外仗繪五星,下繪羊。

柳 宿旗,青質,赤火焰脚,繪神人作女子形,露髻,朱衣,黑襴,黃裳, 皂舃, 撫 青龍。

外仗繪八星,下繪麞。

星宿旗、青質、赤火焰脚、繪神人、冠五梁冠、淺朱袍、皂襴、青帶、黃裳、鳥鳥、 持黃稱。

外仗繪七星,下繪馬。

張宿旗、青質、赤火焰脚、繪神人、衣豹皮、朱帶、素鞾、右手杖劍、坐于雲氣中。 外仗繪

六星,下繪鹿。

翼宿旗,青質,赤火焰脚,繪神人,冠道冠,皂袍,黃裳, 朱蔽膝, 杖劍, 履火于雲氣 H, o

外仗繪二十二星,下繪蛇。

軫 !宿旗,青質,赤火焰脚,繪神人, 冠道冠,衣朱袍,黄帶,黃裳,左手持書。 外仗繪四

日旗,青質,赤火焰脚,繪日于上,奉以雲氣。

祥雲旗、青質、赤火焰脚、繪五色雲氣。

月旗,青質,赤火焰脚,繪月于上,奉以雲氣。

合璧旗、青質、赤火焰脚、繪雲氣日月。

連珠旗、青質、赤火焰脚、繪五星。

南嶽旗、赤質、青火焰脚、繪神人、冠七梁冠、黑襴、緋袍、綠裳、黃中單、朱蔽膝、執圭。 東嶽旗、青質、赤火焰脚、繪神人、冠七梁冠、黄襴、青袍、綠裳、白中單、素蔽膝、執圭。

西嶽旗,白質,赤火焰脚,繪神人,冠七梁冠,青襴,白袍,緋裳,白中單,素蔽膝,執圭。 中嶽旗、黃質、赤火焰脚、繪神人、冠七梁冠、皂襴、黃袍、綠裳、白中單 ·,朱蔽膝,執圭。

江瀆旗,赤質,青火焰脚,繪神人,冠七梁冠,青襴,朱袍,跨赤龍。

·嶽旗,黑質,赤火焰脚,繪神人,冠七梁冠,紅襴,皂袍,綠裳,白中單,素蔽膝,執圭。

北

河瀆旗、黑質、赤火焰脚、繪神人、冠七梁冠、皂襴、黃袍、跨青龍。

准瀆旗、素質、赤火焰脚、繪神人、冠七梁冠、皂襴、素袍、乘青鯉。

**濟瀆旗,青質,赤火焰脚,繪神人,冠七梁冠,皂襴,青袍,乘一鱉。** 

第二十 九 輿 服

志

天下太平旗、赤質、青火焰脚、錯采爲字。

皇帝萬歲旗,赤質,青火焰脚,錯采爲字。

吏兵旗、黑質、赤火焰脚、繪神人、具甲兜鍪、綠臂鞲,杖劍。

力士旗,白質,赤火焰脚,繪神人,武士冠,緋袍,金甲,汗胯,皂履,執戈盾。

東天王旗,青質,赤火焰脚,繪神人,武士冠,衣金甲,緋裲襠,右手執戟, 左手捧塔,

履石。

南天王旗、赤質、青火焰脚、繪神人、冠服同前。

西天王旗,白質,赤火焰脚,繪神人,冠服同前。

北天王旗、黑質、赤火焰脚、繪神人、冠服同前。

大神旗、黃質、黃火焰脚、詳見牙門旗下。

牙門旗、赤質、赤火焰脚、繪神人、冠武士冠、鎧甲、裲襠、襯肩、包脚、汗胯、束帶、長帶、

大口袴,執戈戟。

金鼓旗,黃質,黃火焰脚,書金鼓字。

朱雀旗,赤質,赤火焰脚,繪朱雀,其形如鸞。

玄武旗、黑質、黑火焰脚、繪龜蛇。

青龍旗,青質,赤火焰脚,繪蹲龍。

白虎旗,白質,赤火焰脚,繪蹲虎。

虎君旗,白質,赤火焰脚,繪神 龍君旗,靑質,赤火焰脚,繪神 人、冠通眞冠、服靑繡衣、白裙、朱履、執戟、引靑龍。 冠流精冠,服素羅繡衣,朱裙,朱履, 執斬蛇劍,引

白虎。

大黃龍負圖旗,靑質,靑火焰脚,繡複身黃龍,背八卦。

小黃龍負圖旗,赤質,靑火焰脚,繪複身黃龍,背八卦。

五色龍旗,五色質,五色直脚,無火焰。

大四色龍旗,青赤黃白四色質,具火焰脚。

小四色龍旗,制同大四色,直脚,無火焰脚。

應龍旗,赤質,赤火焰脚,繪飛龍。

金鸞旗,赤質,火焰脚,同治鸞而金色。

鸞旗,制同前,而繪以五采。

金鳳旗,赤質,靑火焰脚,繪鳳而金色。

鳳旗,制同前,而繪以五采。

志第二十九 與服二

デ 第 七 一 ナ

五色鳳旗,五色質,五色直脚,無火焰。

大四 色鳳 (旗)青赤黃白四色質,火焰脚,色隨其質,繪鳳。

小四色鳳旗,制同前,直脚,無火焰。

玉馬旗、赤質、青火焰脚、繪白馬、兩膊有火焰。

駃騠旗,赤質,青火焰脚,繪白馬。

飛黃旗,赤質,赤火焰脚,形如馬,色黃,有兩翼。

聽觸旗,青質,青火焰 脚,繪獸形 如馬,白首,虎文,赤尾。

龍馬旗,赤質,靑火焰脚,繪龍馬。

麟旗,赤質,青火焰脚,繪麒麟。

飛麟旗,赤質,青火焰 脚,繪飛麟,其形五色身,朱翼,兩角,長爪。

兕旗,赤質,青火焰脚,繪獸似牛,一角,青色。黃鹿旗,赤質,青火焰脚,繪獸如鹿,而色深黃。

犀牛旗,赤質,青火焰脚,繪犀牛。

金牛旗、赤質、青火焰脚、繪獸形如牛、金色。

白狼旗,赤質,靑火焰脚,繪白狼。

辟邪旗,赤質,赤火焰脚,繪獸形似鹿,長尾,二角。

赤熊旗,赤質,赤火焰脚,繪獸如熊,色黃。

三角獸旗,赤質,赤火焰脚,繪獸,其首類白澤,綠髮,三角,青質,白腹,跋尾綠色。

角端旗、赤質、赤火焰脚、繪獸如羊而小尾、頂有獨角。

騶牙旗,赤質,青火焰脚,繪獸形似麋,齒前後一齊。

太平旗、赤質、青火焰脚、金描蓮花四、上金書天下太平字。

魏鸏旗、赤質、青火焰脚、繪鳥似山鷄而小,冠背黃、腹赤,項綠**,尾紅**。

蒼烏旗、赤質、青火焰脚、繪鳥如烏而色蒼。

白澤旗、赤質、赤火焰脚、繪獸虎首朱髮而有角、龍身。

東方神旗、綠質、赤火焰脚、繪神人、金兜牟、金鎧甲、杖劍。 已下四旗,所繪神同

西方神旗,白質,赤火焰脚。

南方神旗、赤質、靑火焰脚。中央神旗、黄質、赤火焰脚。

北方神旗、黑質、赤火焰脚。

凡立仗諸旗,各火焰脚三條,色與質同,長一丈五尺,杠長二丈一尺。牙門 萬

十九 舆服二

志

歲,質長一丈,橫闊五尺。 日、月、龍君、虎君,橫竪並八尺。 餘旗並竪長八尺,橫闊六尺。

車輻、朱漆、八稜、施以銅釘、形如柯舒。

吾杖、朱漆、金飾兩末。

鐙杖,朱漆棒首,標以金塗馬鐙。

殳,制如稍而短,黑飾兩末,中畫雲氣,上綴朱絲拂。

骨朶,朱漆棒首,貫以金塗銅鎚。

列絲骨朶,制如骨朶,加紐絲丈。

臥瓜、制形如瓜、塗以黃金、臥置、朱漆棒首。

立瓜、制形如瓜、塗以黃金、立置、朱漆棒首。

儀刀,制以銀,飾紫絲帉錔。

長刀,長丈有奇,闊

上窄下,單刃。

横刀,制如儀刀而曲,鞘以沙魚皮,飾鞗革帉錔。

千牛刀,制如長刀。

劍,班鞘,飾以沙魚皮,劍口兩刃。

班劍、制劍、四對黃質、紫班文、金銅裝、紫絲粉踏。

刀盾之刀,制如長刀而柄短,木爲之,青質有環,紫絲帉錔。

刀盾之盾,制以木,赤質,畫異獸,執人右刀左盾。

朱縢絡盾,制同而朱其質。

綠縢絡盾,制同而綠其質。

戟,制以木,有枝,塗以黄金,竿以朱漆。

小戟飛龍掌,制如戟,畫雲氣,上綴飛掌,垂五色帶,末有銅鈴,掌下方而上兩角微撱,

繪龍於其上。

鈒戟,制如戟,無飛掌而有橫木。

稍,制以木,黑質,畫雲氣,上刻刃,塗以青,五色稍並同而質異。

穳,制如戟,鋒兩旁微起,下有鋒銳。

叉、制如戟而短、青飾兩末、中白、畫雲氣、上綴紅絲拂。

斧,雙刃,斧貫于朱漆竿首。

鉞,金塗鐵鉞,單刃,腦後繫朱拂,朱漆竿。

劈正斧,制以玉,單刃,金塗柄,銀鐏。

儀鍠斧,制如斧,刻木爲之,柄以朱,上綴小錦旛,五色帶。

志 第二十 九 ·舆 服二

弓 矢。

弩,制如弓而有臂。

服,制以虎豹皮,或暴綠文,金銅裝。

靫,制以黑革。

籣,弩矢室。

津坊海子之陽。 盤 頭鉸具。 一,紅犛牛尾纓拂,幷胸攀鞦。 象鞴鞍,五采裝明金木蓮花座,緋繡攀鞍條,紫繡襜襦紅錦屜,鍮石蓮花跋塵, 蓮花座上,金塗銀香爐一。 行幸則蕃官騎引,以導大駕,以駕巨輦。 攀上各帶紅犛牛尾纓拂,鍮 元 初,既定占城、交趾、眞(獵)[臘],至歲貢象,育于析 石胡桃鈸子, 杏葉鉸具, 緋 錦 緣氊 皮轡

乘之,繫以 後鞦,並以 駝鼓,設金裝鉸具,花罽鞍褥橐篋, 毛繩。 毛組爲轡勒,五色瓘玉,毛結纓絡,周綴銅鐸小鏡,上施一 凡行 幸,先鳴鼓于駝,以威振遠邇,亦以試 前峯樹皂纛,或施采旗, 橋梁伏水而 後峯樹小旗,絡腦 面 有底 次象焉。 銅掆 小鼓,一 當 胸、

騾鼓,制似駝而小。

上施以革鼓 馬鼓,轡勒、後勒、當胸,皆綴紅纓拂銅鈴,杏葉鉸具, 一面,一人前引。 凡行幸,負鼓于馬以先馳,與纛並行。 金塗釲, 上插雉尾, 上負四足小

誕馬,纓轡緋涼銕。

御馬,鞍轡纓複全。

珂馬,銅面,雉尾鼻拂,胸上綴銅杏葉、紅絲拂,又胸前腹下,皆有攀,綴銅鈴, 後有跋

塵,錦包尾。

#### 崇天鹵簿

中道。

黄鞾。 官四人,本品服,騎。次信旛二,執者二人,引護者四人,武弁,黃絁生色寶相花袍,黃勒帛, 飾以鍍金鉸具,轡飾罽籠旗鼓纓槍。馭者九人,服同馭象者,中道相次而行。 四品服,騎分左右,夾駝而行。 馭者南越軍六人,皆弓花角唐帽,緋絁銷金褛衫,鍍金束帶,烏鞾,橫列而 人,引護者四人,武弁,黃絁生色寶相花袍,黃勒帛,黃鞾,並分左右。 二,執者二人,引護者四人,武弁,緋絁生色寶相花袍,紅勒帛,紅鞾。 頓遞隊、象六,飾以金裝蓮座,香寶鞍韂鞦轡罽勒,犛牛尾拂,跋塵,鉸具。 次騾鼓六, 飾騾以鍍金鉸具, 轡罽籠旗鼓纓槍。 馭者六人, 服同馭駝者。 次青衣二人,武弁,青絁衫,青勒帛,青鞾,執青杖。次清道 次傳敎旛二, 執者二 次橋道頓遞使一人 前行。 次舍人二人, 次駝鼓九, 導者六人 次告止旛

志

後凡從者之服

,皆同此

本 服, 中道,舍人、清道官、橋道頓遞使從者凡七人,錦帽,紫樑衫,小銀束帶,行滕鞋

金帶, 次馬鼓四,飾如騾鼓,馭者四人,服同御騾。次佩弓矢而騎者五人,服同執弩者。 四人,護者二人,皆錦帽,紫生色寶相花袍,鍍金帶,紫雲鞾。押纛官二人,皆騎,本品服。 人,騎而 (相花袍,銅帶,朱鞾。 控馬八人,錦帽,紫衫,銀帶,烏鞾。 金吾將軍、押纛官從者四人,服同前隊。 纛 烏鞾,橫刀,佩符,騎,分左右。次弩而騎者五人,錦帽,青絁生色寶相花袍,銅帶,綠 次稍 稍 佩 隊:金吾將軍二人,交角幞頭,緋羅繡抹額,紫羅繡辟邪裲襠,紅錦襯袍,錦螣蛇, 劍,錦帽,紫絁生色寶相花袍,鍍金帶,雲頭鞾。 瀑矟者四人,騎,錦帽,緋絁生色 而 :騎者五人,錦帽,緋絁生色寶相花袍,銅帶,朱雲鞾。 次纛一,執者一人,夾者 次稍而騎者五人,服佩同執弩 押衙 四

金環,白繡汗胯,束帶,紅鞾,帶弓箭器仗,馬皆朱甲、具裝珂飾全。 五,弩五人,次弓五人,次稍五人,次弓五人,次稍五人,皆冠甲騎冠,朱畫甲, 抹額,紫羅 生 鳳花袍,銅帶,朱雲鞾,皆佩劍而騎,護者加弓矢。次金吾折衝一人,交角幞頭,緋 朱雀隊:舍人一人,四品服,騎而前。次朱雀旗一,執者一人,引護者四人,錦帽,緋絁 .繡辟邪裲襠,紅錦襯袍,金帶,錦螣蛇,烏鞾,橫刀,佩弓矢而騎,帥甲騎凡二十有 舍人、金吾折衝從者凡 青勒甲條,鍍 繡

## 二人,服同前隊。

帶,烏鞾。執稍而護者五人,騎,服同執副竿者。舍人、金吾果毅從者凡三人,服同前隊。 環,白繡汗胯,束帶,紅雲鞾,馬朱甲,珂飾。執副竿者二人,騎,錦帽,黃生色寶相花袍,銀 雲鞾,馬甲隨其甲之色,珂飾。左右攝提旗二,執者二人,甲騎冠,朱畫甲,青勒甲絛,鍍金 黃生色寶相花袍,銀帶,烏鞾。次風伯旗左,雨師旗右,雷公旗左,電母旗右,執者四人,騎, 辟邪裲襠,紅錦襯袍,金帶,錦螣蛇,烏鞾,横刀,佩弓矢,騎分左右。帥引旗騎士五,皆錦帽, 色,珂飾。次北斗旗一,執者一人,甲騎冠,紫畫甲,青勒甲條,鍍金環,白繡汗胯,束帶,紫 執者五人,甲騎冠,五色畫甲,青勒甲條,鍍金環,白繡汗胯,束帶,五色鞾,馬甲如其甲之 青甲騎冠,綠甲,青勒甲條,鍍金環,白繡汗胯,束帶,青雲鞾,馬皆青甲珂飾。次五星旗五, 十二旗隊:舍入一人,四品服,騎而前。金吾果毅二人,交角幞頭,緋羅繡抹額,紫羅繡

門校尉二人,騎,服佩同監門將軍,分左右行。次鸞旗一,執者一人,引護者四人,錦帽,五 襠,紅錦襯袍,金帶,烏鞾,橫刀,佩弓矢,騎,馬甲、珂飾全。次門旗二,執者二人,錦帽,緋 絁生色師子文袍。銅革帶,紅雲鞾,劍而騎。 引護者四人,服佩同執人,而加弓矢,騎。 次監 色絁生色瑞鸞花袍,束帶,五色雲鞾,佩劍,護人加弓矢,皆騎。舍人、監門將軍、監門校尉 門旗隊:舍人二人,四品服。監門將軍二人,皆交角幞頭,緋絁繡抹額,紫羅繡師子裲

史

從者凡六人,服同前隊。

同杖鼓工人。 生色花袍,錦臂韝,鍍金帶,烏鞾。 十有六,箜篌十有六,纂十有六,方響八,頭管二十有八,龍笛二十有八,已上工百三十有二 人,皆花幞頭,緋絁生色雲花袍,鍍金帶,朱鞾。次杖鼓三十,工人花幞頭,黃生色花襖,紅 二,龍笛二,板二,歌工四,皆展角花幞頭,紫絁生色雲花袍,鍍金帶,紫鞾。 雲和樂:雲和署令二人,朝服,騎,分左右。 雲和署令從者二人,服同前隊。 次板八,工人服色同琵琶工人。次大鼓二,工十人,服色 引前行,凡十有六人,戲竹二,排簫四,簫管 次琵琶二十,筝

人,夾者二人,騎,武弁,緋絁生色寶相花袍,紅勸帛,紅雲鞾。舍人、殿中侍御史從者凡四 殿中黃麾隊:舍人二人,四品服。 殿中侍御史二人,本品服,皆騎。次黃麾一,執者

人,服同前隊。

司辰

郎、典事從者三人,服同前

隊。

緋 絁 生色寶相花袍,紅勒帛,紅鞾。 太史鉦鼓隊"太史一人,本品服,騎。 次司辰郎一人,左,典事一人,右,並四品服,騎。太史、 引交龍掆鼓左,金鉦右,舁四人,工二人,皆武弁,

蛇,金帶,橫刀,騎。 武 、衞鈒戟隊:武衞將軍 領五色繡旛一,金節八,罕右,畢左,朱雀、青龍、白虎幢三,橫布導蓋 一人,交角幞頭,緋羅繡抹額,紫羅繡瑞鷹裲襠,紅錦襯袍,錦螣

絁生色寶相花袍,紅勒帛,紅鞾。 武衞將軍、武衞果毅從者凡三人,服同前隊。 一,中道叉四。武衞果毅二人,服佩同武衞將軍。鈒二十,戟二十,徒五十有九人,武弁,緋

執弓矢。護者八人,緋絁巾,緋絁生色寶相花袍,紅勒帛,紅雲鞾,横刀,執弓矢。舍人、中 袍,黄勒帛,黄雲鞾,横刀。引者八人,青絁巾,青絁生色寶相花袍,青勒帛,青雲鞾,横刀, 騎士凡二十有四人,執旗者八人。天下太平旗,中道,中嶽帝旗左,中央神旗右。次日旗 郎將從者凡四人,服同前隊。 左,月旗右。次祥雲旗二,分左右。次皇帝萬歲旗,中道。執人皆黃絁巾,黃絁生色寶相花 龍墀旗隊:舍人二人,四品服。中郎將二人,服佩同鈒戟隊武衞將軍,騎,分左右。帥

服、騎、分左右行。舍人、左右衞將軍從者四人、服同前隊。 馭士控鶴二十有四人,交角金花幞頭,紅錦控鶴襖,金束帶,慃鞋。次尚乘奉御二人,四品 襯袍,錦螣蛇,金帶,烏鞾,橫刀,皆騎,分左右行。御馬十有二匹,分左右,飾以纓轡鞍複。 御馬隊:舍人二人,四品服。引左右衞將軍二人,緋羅繡抹額,紫羅繡瑞馬裲襠,紅錦

負劍者三十人,次執吾杖者五十人,次執斧者五十人,次執鐙杖者六十人,次執列絲骨朶者 三十人,皆分左右。次携金水瓶者一人,左,金盆者一人,右。次執列絲骨朶者三十人,皆 拱衞控鶴第一隊:拱衞指揮使二人,本品服,騎,分左右。帥步士凡二百五十有二人,

分左右、皆金縷額交角幞頭、青質孫控鶴襖、塗金荔枝束帶、翰鞋。拱衞指揮使從者二人,

同前

孫 二,次羌笛二,次笙二,次纂二,左右行,次雲璈一,中道,工二十有四人,皆弓角鳳翅金花幞 加襴袍,金束帶,花鞾。次扎鼓八,爲二重,次和鼓一,中道,次板二,次龍笛四,次頭管 安和樂:安和署令二人,本品服,騎,分左右行。 領押職二人,弓角鳳翅金花幞頭,紅質

銷 幞頭,青紅錦質孫襖,每輿前青後紅,金束帶,翰鞋。援寶三十人,交角金花幞頭,窄紫衫, 複,襯複,案輿紅銷金衣,龍頭竿,結綬,异士八人,朱團扇四人,凡九十有六人,皆交角金花 皇帝之寶右,次天子行寶左,皇帝行寶右,次天子信寶左,皇帝信寶右。每輿寶盝,銷金蒙 騎而從。次典瑞使二人,本品服,騎而左右引八寶。受命寶左,傳國寶右,次天子之寶左, 四,次弓四,次矟四,爲三重。次香案二,金爐、合各二,分左右,昇士十有六人,侍香二人, 邪 頭,紅錦質孫襖,金荔枝束帶,花鞾。從者二人,服同前隊。 (二人)服佩同金吾將軍,騎,分左右。 次矟四人,次弓四人,次弩四人,爲三重。 舍人、金 金紅汗胯,金束帶,烏鞋,執金縷黑杖。次符寶郞二人,四品服,騎,分左右。次金吾果 裲襠,紅錦襯袍,錦螣蛇,橫刀,佩弓矢,皆騎,分左右。前引駕十二重,甲士一十二騎,弩 金吾援寶隊:舍人二人,四品服。引金吾將軍二人,交角幞頭,緋羅繡抹額,紫羅繡辟

吾將軍、侍香、典瑞使、符寶郎、金吾果毅從者凡十有二人、服同前隊。

前隊。 紅絁巾,紅絁生色寶相花袍,紅勒帛,紅鞾,佩劍,執弓矢。次朱團扇十有六,次小雉扇八, 引旗者四人,青絁巾,青絁生色寶相花袍,青勒帛,青鞾,佩劍,執弓矢。 次大糤二,執者五十人,武弁,紅絁生色寶相花袍,紅勒帛,紅鞾。舍人從者二人,服同 次中雉扇八,次大雉扇八,爲十重,重四人。次曲蓋二,紅方糤二,次紫方糤二,次華蓋二, 連珠旗右,次金龍旗左,金鳳旗右,黃絁巾,黃絁生色寶相花袍,黃勒帛,黃鞾,佩劍。 殿中繖扇隊:舍人二人,四品服,騎,分左右。領騎而執旗者四人,日月合璧旗左,五星 騎而護旗者四人, 騎而

繖,中道,次金脚踏左,金椅右,服如圍子頭。拱衞指揮使一人,本品服,騎,中道。控鶴二 十人、服同上。 領執圍子十有六人,分左右,交角金花幞頭,白襯肩,青錦質孫襖,鍍金荔枝帶,籟鞋。 控鶴圍子隊: 圍子頭一人,執骨朶,由中道,交角幞頭,緋錦質孫襖,鍍金荔枝帶,翳鞋。 拱衞指揮使從者二人,服同前隊。 次朱

質孫襖,加襴,金束帶,花鞾。次琵琶二,箜篌二,火不思二,板二,箏二,胡琴二,笙二,頭管 二,龍笛二,響鐵一,工十有八人,[云]徒二人,皆弓角鳳翅金花幞頭,紅錦質孫襖,鍍金束 天樂一部:天樂署令二人,本品服,騎,分左右。 領押職二人,弓角鳳翅金花幞頭,紅錦

第二十

九

輿

服二

帶,花鞾。

者二人,服同 者三十有四 三十有六人,分左右,次捧金杌 控 鶴 第二隊: 人,分左右,皆交角金花幞頭,緋錦質孫襖,鍍金荔枝帶,翰鞋。 前 隊 · 僉拱衞司事二人,本品服,騎,分左右。 一人左,鞭桶 \_\_\_ 人右,次蒙鞍一人左,繖手一 帥步士凡七十有四人,執立瓜者 人右,次執 愈拱. 衞 司 立 事 從 瓜

十,分 骨朶二,次瞳二,次節二,分左右。 龍 盧 分 椅二人,蒙複一人,繖衣一人。 天 血左,銷 7左右 《武官二人,執金鉞,金鳳翅兜牟,金鎖甲,青勒甲絛,金環繡汗胯, 頭竿,舁者十有二人,交角金花幞頭,紅錦質孫控鶴襖,鍍金束帶, 殿 左 中導從隊:舍人二人,四品服,騎,左右。 右。 金净 次警蹕三人,交角幞頭,紫窄袖衫,鍍金束帶,烏鞾。 市右。 次黃繖,中道,繖衣從。 次金香毬二,金香合二,分左右。 服 如昇香鐙徒。 次金水 凡騎士三十人,服如警蹕,加白 舍人、天武官從者凡六人、服同 盆左,金椅右,次蒙複左,副執椅右,次金水 引香鐙案一,黃銷金盤龍衣,金爐合,結綬, 次金唾壺左, 次舍人二人, 金束帶,馬珂飾。 金唾盂右。 繡汗胯。 翳 鞋。 前 隊 四品服、騎。 侍香二人,騎, 步卒 金 拂 匹 瓶 匹 次 扇扇 鹿 金 引

控鶴第三隊:拱衞

直鈴轄二人,本品服,騎。

引執

導駕官 "引進使二人,分左右前行。 次給事中一人左,起居注一人右,侍御史一人左, 志

事 殿 持劈正斧一人,中道。 郎二人,侍中二人,皆分左右。 (中侍御史一人右,次翰林學士一人左,集賢學士一人右,次御史中丞一人左,同知樞密院 人右,次御史大夫一人左,知樞密院事一人右。 次大禮 一人左、太尉一人右、皆本品服、騎。 次儀仗使一人左, 鹵簿使一人右。 次侍儀使四人,中書侍郎二人,黃門侍 次禮儀使二人,分左右。 從者三十人,惟執劈

鳥 瑞 人,執骨朶六人,次執短戟六人,次執斧八人,皆弓角金鳳翅幞頭,紫袖細摺辮線襖,束帶, 正斧官從者二人,服同前隊。 鷹 一<del>鞾</del>,横刀。 裲襠,紅錦襯袍,錦螣蛇,金帶,烏鞾,橫刀,佩弓矢,皆騎,分左右。 領宿衞騎士二十 羽 ,林宿衞:舍人二人,四品服,前行。 舍人、羽林將軍從者凡四人、服同前隊。 次羽林將軍二人,交角幞頭,緋羅繡抹額,紫羅繡

察儀 本品 錦騰 交角幞頭,緋羅繡抹額,紫羅繡獅子裲襠,紅錦襯袍,錦螣蛇,金帶,烏鞾,佩儀刀,弓矢。次 服。 仗官二人,本品服。 蛇,金帶,烏鞾,佩儀刀,加弓矢。 檢校官:分布中道之外,外仗之內。頓遞隊,監察御史二人,本品服。 次朱雀隊,金吾中郎將二人,皆交角幞頭,緋羅繡抹額,紫羅繡辟邪裲襠,紅錦襯袍, 次武 (衞鈒戟隊) 監察御史二人,本品服。 次雲和樂部,金吾將軍二人,服佩如金吾中郎將。 次十二旗隊,兵部侍郎二人,本品服。 次外道左右牙門巡仗、監門中郎將二人、 次纛矟隊,循仗檢校官 知隊仗官二人, 次門旗隊,糾

並行 鞾。 從。 者八人,騎,錦帽,五 金 左,右點 善接 中道。 承奉 次殿 人,皆本 寶 檢 班都 中導從隊, 隊,兵部尚書二人,次循仗檢校官二人。次殿中繖扇隊,監察御史二人,次禮部尚 一人右,紫羅繡瑞麟裲襠,餘同 控鶴 品品 知一 服。 外, 人,太常博士一人,皆朝服,騎,同檢校官。 色絁· 次圍 外仗內。 糾察儀仗官二人。 巾,五色絁生色雲龍袍,塗金束帶,五 子隊,知隊仗官二人。次金吾大將軍二人,服同 前後檢校, 次循仗檢校官二人。次羽林宿衞 仗內 金吾大將軍。 知班六人,展角幞頭,紫窄衫, 領大黃龍負圖 一色雲鞾, 前後巡察宿直將軍八人,服 旗二, 佩劍, 金吾將軍, 隊, 執者二人,夾 塗金束帶,烏 夾者加弓矢, 左 點 檢一人 各犦稍

飾, 蛇, 官二人,進輅職長二人,日告本品服。 道 輅,太僕 一交角 、纓轡、青屜 金帶 人,推竿二人,托叉一 陪 輅 , 幞頭, 緋羅 卿馭 ,烏韡,横 隊 ,本品服。 誕馬二匹,珂飾, ,牽套鞶帶。 刀。 繡抹 左右 千牛大將軍 額 人 ,紫羅繡辟邪裲襠,紅錦 步 衞 梯 卒 纓轡, 將軍,服 凡 一人,皆平巾,青幘 (八十有二人) 馭士 驂乘,交角幞頭,紅抹 靑屜。 如千牛大將軍,惟裲襠繡瑞 夾輅將軍二人,金鳳翅兜牟,金鎖甲,絛環,繡汗胯, 乘黃令二人,本品服,分左右。 襯袍,錦螣蛇, ?青繡雲龍花袍,塗金束帶,青鞾。 **应人** 額,繡瑞牛裲襠,紅 駕士六十有四人, 金帶,烏鞾,橫 虎文。 陪輅輅馬六匹,珂 次殿前將軍二 錦 行馬二人,踏 襯  $\overline{\eta},$ 袍, 錦 螣 玉

佩

同

左

右

點

檢,夾輅檢校三衛

四人,黃繖一人,皆交角金花幞頭,紅質孫控鶴襖,金束帶, 翰鞋。 尚舍奉御二人,騎〔左〕, 藥奉御二人,皆騎,本品服。次腰輿,黃紵絲銷金雲龍蒙複,步卒凡十有三人,昇八人,道扇 本品朝服,騎,分左右。千牛備身後,騎而執弓矢者十人,尙衣奉御四人,尙食奉御二人,尙 羅繡瑞牛裲襠,紅錦襯袍,金帶,烏鞾,橫刀,佩弓矢。獻官二人,殿中監六人,內侍十人,皆 金束帶,綠雲花鞾。青瀝水扇二。次千牛備身二人,皆分左右,交角幞頭,緋羅繡抹額,紫

**尙輦奉御二人,騎右,**○○皆朝服。從者三十有四人,服同前隊。

繞出輅後,合爲第二門,監門校尉二人,騎。左右衞大將軍帥甲士,執五色龍鳳旗,夾護尉 士,分左右,夾輅而陣,繞出輅後,合執氅者二,爲第一門。翊衞郎將帥護尉,夾親衞而 次監門大將軍二人,分左右,騎,服如都點檢,惟裲襠紫繡獅文。門凡三重。親衞郎將帥甲 而陣,繞出輅後,合牙門旗二,爲第三門,監門校尉二人主之。 服色詳見外仗。 大神牙門旗隊:都點檢一人,騎,交角幞頭,緋羅繡抹額,紫羅繡瑞麟裲襠,紅錦襯袍。

頭管六,方響二,龍笛六,杖鼓十,工四十人,皆騎,服同上,惟絁色紅。從者二人,服同 工二,凡十人,皆騎,花幞頭,紫絁生色花袍,塗金帶,烏鞾。次琵琶四,筝四,箜篌四,纂四, 雲和樂後部:雲和署丞二人,本品服,騎,分左右。 領前行,戲竹二,排簫二,簫管二,歌

志第二十九 輿服二

前隊。

次黃麾,執者一人,夾者二人,皆騎。 後黃麾隊 玄武 懂一,絳麾二,徒三人,皆武弁, 豹尾一,執者一人,夾者二人,皆騎,武弁,紫生色寶 紫絁生色龜雲花袍, 紫羅 動帛, 相

袍,紫勒帛,紫鞾。

騎五 黑兜牟,黑甲絛環,汗胯,束帶,鞾,帶弓矢器仗,馬黑甲,珂 金飾,黑甲條環,汗胯,束帶,鞾,帶弓矢器仗,馬黑金 紅 生色辟邪文袍,鍍金帶,烏鞾。 錦 一十有七人。 襯 玄武黑甲掩後隊:金吾將軍一人,騎,中道,交角幞頭,緋羅繡抹額, 袍,金帶,錦 玄武 螣 旗一、執者一人、夾者二人。小金龍 蛇,烏鞾,佩 從者三人,服同前 刀。 後衞 指揮使二 隊。 色獅 人,騎,分左右,服同 子甲, 鳳黑旗二, 鄶 執衛司爆矟二人,錦帽,紫 珂 飾 執者二人,皆黑 矟 紫羅繡辟邪 各衞指 匹 十人, 揮 弩十人, 使, 兜牟, 裲 帥甲

#### 外仗

絁巾 邪 帛,鞾,佩 裲 一黄絁 襠、紅 金鼓 隊 劍 生色寶 錦 ,引護者加弓矢,分左 金鼓旗 襯 袍,金帶,錦螣蛇,騎。 相花袍,黄勒帛, 二,執者二人,引護者八人,皆五色絁巾, 右。 黄鞾。 次 帥 折 步 角二十四人,紅絁巾,紅絁生色寶 衝 士 凡 都尉二人,交角 百二十人,鼓二十四人, 人機頭 生色寶 緋羅 相花 鉦二 繡 抹 五. 和花 + 色袍, 額 兀 紫羅 袍, 五. 並 紅 繡 色 勒

帛,紅鞾。 車輻棒二十四人,長刀二十四人,並金飾青兜牟,青甲絛環,白繡汗胯,束帶,青

執弓二十人,皆甲騎冠,金飾,綠畫甲條環,白繡汗胯,束帶,綠雲鞾,佩弓矢器仗,馬金飾朱 執者二人,引護者八人。次執弩二十人,次執稍二十人,次執弓二十人,次執稍二十人,次 裲襠,紅錦襯袍,金帶,錦螣蛇,橫刀,佩弓矢,騎,分左右,帥步士凡百有十人。白澤旗二, 畫甲,珂飾,分左右。 清游隊:舍人二人,四品服,騎導。。金吾折衝二人,交角幞頭,緋羅繡抹額,紫羅繡辟邪

矢,騎。次虞候依飛,執弩二十人,錦帽,紅生色寶相花袍,塗金帶,烏鞾。 吾果毅二人,交角幞頭,緋絁繡抹額,紫羅繡辟邪裲襠,紅錦襯袍,金帶,錦螣蛇,橫刀,弓 依飛隊:鐵甲依飛,執矟者十有二人,甲騎冠,鐵甲,佩弓矢器仗,馬鐵甲,珂飾。 次金

五色絁生色巾,寶相花五色袍,五色勒帛,五色雲頭鞾。領軍將軍從者二人,錦帽,紫褛衫, 金帶、錦螣蛇、烏鞾、横刀、騎。帥步士五十人,執殳二十五人,執叉二十五人,錯分左右、皆 殳仗[前]隊: [亞]領軍將軍二人,交角幞頭,緋絁繡抹額,紫羅繡白澤裲襠,紅錦襯袍,

小銀束帶,行縢,鞋韈。

諸衞馬前隊:舍入二人,四品服,騎導。 左右衞郎將二人,交角幞頭,緋絁繡抹額,紫繡 志 第二十九 興服二

旗、弓五、矟五。從者四人、服同前隊。 帛、鞾。引旗十有二人、服同執人、惟袍色青。護旗十有二人、生色紅袍、巾、勒帛、鞾。 弓六十人,錦帽,青生色寶相花袍,塗金帶,烏鞾。 執矟六十人,服如執弓者,惟袍色紅。 左,駃騠旗右,次鸞旗左,鳳旗右,次飛黃旗左,麒麟旗右。執旗十有二人,生色黃袍,巾,勒 入。前辟邪旗左,應龍旗右,次玉馬旗左,三角旗右,次黃龍負圖旗左,黃鹿旗右,次飛麟旗 瑞馬裲襠,〔10〕紅錦襯袍,金帶,錦螣蛇,烏鞾,橫刀,佩弓矢,騎,分左右,帥騎士百五十有六

前隊。 十人,皆五色兜牟,甲,絛環,白繡汗胯,束帶,五色雲鞾。舍人、領軍將軍從者四人,服同 巾色青。 旗右,各五盾從。執旗十有四人,生色黃袍,巾,勒帛,鞾。引旗十有四人,服如執人,惟袍 次張宿旗左、胃宿旗右、各五弓從。次翼宿旗左、婁宿旗右、各五穳從。次軫宿旗左、奎宿 宿旗右、各五弓從。次柳宿旗左、畢宿旗右、各五盾從。次星宿旗左、昴宿旗右、各五盾從。 左右衞郎將皆騎,帥步士百十有二人。前井宿旗左,參宿旗右,各五盾從。次鬼宿旗左,觜 二十八宿前隊:舍人二人,四品服,騎導。領軍將軍二人,紫羅繡白澤裲襠,餘如前隊。 護旗十有四人,服如執人,惟袍巾色紅。執刀盾者三十人,弓矢者二十人,穳者二

[左右]領軍黃麾仗前隊:[11]舍人二人,四品服、騎導。領軍將軍二人,服佩如二十八

色生色寶相花袍,勒帛,鞾。 龍君旗左,虎君旗右。次鍠十,次綠縢絡盾加刀十,皆分左右。執人一百三十人,武弁,五 縢絡盾加刀十,皆分左右。 次南天王旗左,西天王旗右。 次小戟十,次弓十,皆分左右。 次 次鍠十,次綠縢絡盾加刀十,皆分左右。次南嶽帝旗左,西嶽帝旗右。次龍頭竿氅十,次朱 宿旗隊領軍將軍,騎,分左右,帥步士凡一百五十人。絳引旛十,次龍頭竿繡氅十,皆分左 次江瀆旗左,濟瀆旗右。次小戟十,次弓十,皆分左右。 引旗十人,青生色寶相花袍,巾,勒帛,鞾。 護旗十人,服同,惟 次南方神旗左,西方神旗右。

殳仗後隊:領軍將軍二人、騎、帥步士凡五十人。 殳二十有五,叉二十有五,錯分左右,

服佩同前隊。

袍巾色紅。

門旗四,每旗執者一人,引夾者二人,並黃絁巾,黃絁生色寶相花袍,黃勒帛,黃雲鞾,皆騎。 次監門校尉二人,騎,服佩同監門將軍。從者四人,服同前隊。 左右牙門旗隊:監門將軍二人,騎,紫繡獅子裲襠,餘如殳仗隊領軍將軍之服佩。次牙

弓十人,稍十人,皆冠青甲騎冠,青鐵甲,青絛金環,束帶,白繡汗胯,青雲鞾。 l-^騎,分左右,帥甲士凡五十有六人,騎。 青龍旗左,執者一人,夾者二人,從以執弩五人, 左右青龍白虎隊:舍人二人,四品服,騎導。領軍將軍二人,服佩同殳仗隊之領軍將 白虎旗右,

束帶,白繡汗胯,白雲鞾。舍人、領軍將軍從者四人,服同前隊 執 一者一人,夾者二人,從以執弩五人,弓十人,稍十人,皆冠白甲騎冠, 白鐵甲,青條金環,

五人。 五人。 服佩,皆同前 人。 角宿 二十八宿後隊:舍人二人,四品服,騎導。 次心宿旗左,女宿旗右,各從以執穳者五人。次尾宿旗左,牛宿旗右,各從以執盾者 次箕宿旗左,斗宿旗右,各從以執弓者五人。舍人、領軍將軍從者四人,執夾、引從 次氐宿旗左,危宿旗右,各從以執盾者五人。次房宿旗左,虚宿旗右,各從以執弓者 :旗左,壁宿旗右,「各」從以執弓者五人。「三次亢宿旗左,室宿旗右,各從以執穳者 領軍將軍二人,騎,分左右,帥步士百十有二

左、羨巍旗右、次蒼烏旗左、白狼旗右、次龍馬旗左、金牛旗右。舍人、左右衛果毅都尉從者 四人,執夾、引從服佩,同前 有六人。 諸衞馬後隊:舍人二人,四品服,騎導。左右衞果毅都尉二人,騎,分左右,帥衞士百五 角端旗左、赤熊旗右、次兕旗左、太平旗右、次騼羇旗左、翳牙旗右、次犀牛旗 隊

十,皆分左右。 十人。龍 左 右領軍黃麾後隊:舍人二人,四品服,騎導。 頭氅十,次朱縢絡盾加刀十,皆分左右。次更兵旗左,力士旗右。次小戟十,次弓 次東天王旗左,北天王旗右。次鍠十,次綠縢絡盾加刀十,皆分左右。 領軍將軍二人、騎、分左右、帥步士百六

嶽帝旗左,北嶽帝旗右。次龍頭竿氅十,次朱縢絡盾加刀十,皆分左右。次東方神旗左,北 十,皆分左右。次絳引旛十,分左右,掩後。舍人、領軍將軍從者四人,執夾服佩, 方神旗右。 次小戟十,次弓十,皆分左右。淮瀆旗左,河瀆旗右。次鍠十,次綠縢絡盾加刀 並同

抹額,紫羅繡瑞馬裲襠,紅錦襯袍,錦螣蛇,金帶,烏鞾,騎,分左右。帥步士凡四十人,班劍 二十人,儀刀二十人,並錦帽,紅生色寶相花袍,塗金束帶,烏鞾。舍人、左右衞中郎將從者 左右衞儀刀班劍隊:舍人二人,四品服,騎導。左右衞中郎將二人,交角幞頭,緋羅繡

四人,服同前

隊。

前隊。

錦螣 執列絲十有二人,次叉戟十有二人,次斧十有六人,分左右,夾玉輅行。皆弓角金鳳翅幞 頭,紫細摺辮線襖,塗金束帶,烏鞾。 〔蛇,金帶,烏鞾,橫刀,佩弓矢,騎,分左右,帥步士凡五十有二人,執短戟十有二人, 次 供奉宿衞步士隊:供奉中郎將二,交角幞頭,緋絁繡抹額,紫羅繡瑞馬裲襠,紅錦襯袍,

次儀鍠十人,次氅二人,次小戟十人,次氅二人,次儀鍠十人,次氅二人,次小戟十人,次氅 頭竿氅四人,次小戟十人,次氅二人,次儀鍠十人,次氅二人,次小戟十人,次氅二人, 親衞步甲隊:親衞郎將二人,服同供奉中郎將,騎,分左右,帥步士凡百四十有八人。

志

門。日記士皆金兜牟,甲,青勒甲條,金環,綠雲鞾。 人,次氅二人,次小戟十人,次氅二人,次儀鍠十人,次氅二人,折繞宿衞隊後,而合其端爲 `次儀鍠十人,次氅二人,次小戟十人,皆分左右,夾供奉宿衞隊。 次氅二人,次儀鍠十

而 頭 合其端為 、窄袖紫衫,紅銷金汗胯,塗金束帶,烏鞾。 翊 衞 護尉 第二門。 · 隊:翊衞郎將二人,服同親衞郎將,騎。 執金裝骨朶,分左右,夾親衞隊行,折繞隊後, 帥護尉騎士百有二人,皆交角金花幞

色龍 旗 鳳 五 旗 ,鍍金環,白繡 旗 人左,白鳳旗五人右。 Ŧi. 左 二十五居右,曲繞輅後,合牙門旗爲第三門。 人右。 右衞 甲騎隊:左右衞大將軍二人,服如翊衞郎將,帥騎士百人。 執青龍旗五人左,青 次赤龍旗五人左,赤鳳旗五人右。 汗胯,紅鞾,佩弓矢器仗,馬青金毛獅子甲,珂飾 次黑龍旗五人左, 黑鳳旗五人右。 次黃龍旗五 士皆冠甲騎冠,金飾,朱畫甲,青勒甲 人左,黃鳳旗五 次五色鳳旗二十五居左,五 一人右。 次白龍

旗 大 青 有 人右,皆從以持靑稍者三人。皆靑兜牟,金飾靑畫甲,靑絛,塗金環,汗胯,束帶,鞾,佩 鳳 八人。 左 旗一人左,大青龍旗一人右,每旗從以持青稍者四人。次小青鳳旗一人左,小青龍 衞 青 執 甲隊:左衞指揮使二人、騎、服紫羅繡雕虎裲襠、餘同左右衞大將軍、帥騎士三 大青龍旗一人左,大青鳳旗一人右,次小青龍旗一人左,小青鳳旗一人右,次

弓矢器仗,馬青金毛獅子甲,珂飾。折繞陪門。

胯,束帶,鞾,佩弓矢器仗,馬朱甲,珂飾。從者二人,服同前隊。折繞陪門。 赤鳳旗一人左,大赤龍旗一人右,皆從以持朱稍者三人。皆朱兜牟,金飾朱畫甲,絛環,汗 大赤鳳旗一人右,次小赤龍旗一人左,小赤鳳旗一人右,每旗從以持朱矟者四人。 鳳旗一人左,大赤龍旗一人右。次小赤鳳旗一人左,小赤龍旗一人右,次大赤龍旗一人左, 前衞赤甲隊:前衞指揮使二人、騎、服佩同左衞指揮使、帥騎士凡四十有八人。 次執大 執大赤

皆黃兜牟,金飾黃甲,條環,汗胯,束帶,鞾,佩弓矢器仗,馬〔黃〕甲,〔12〕珂飾。 黃龍旗一人右,次小黃鳳旗一人左,小黃龍旗一人右,次大黃龍旗一人左,大黃鳳旗一人 同前隊。折繞陪門。 右,每旗從以持黃稍者四人。 次小黃龍旗一人左,小黃鳳旗一人右,皆從以持黃矟者三人。 旗一人左,大黃鳳旗一人右,次小黃龍旗一人左,小黃鳳旗一人右,次大黃鳳旗一人左,大 中衞黃甲隊:中衞指揮使二人,騎,服同前衞指揮使,帥騎士凡五十有八人。 從者二人,服 執大黃龍

旗一人左,大白龍旗一人右,次小白鳳旗一人左,小白龍旗一人右,次大白龍旗一人左,大 白鳳旗一人右,次小白龍旗一人左,小白鳳旗一人右,次大白鳳旗一人左,大白龍旗一人 右衞白甲隊:右衞指揮使二人、騎、服同中衞指揮使、帥騎士凡七十有四人。 執大白鳳

第二十九 與服二

志

仗,馬白甲,珂飾。 白鳳旗一人右,皆從以持白矟者五 右,每旗從以持白矟者四人。 從者二人,服同前隊。 次小白鳳旗一人左,小白龍旗一人右,次大白龍旗一人左,大 人。 皆兜牟,金飾白甲,絛環,汗胯,束帶,鞾,佩弓矢器 折繞陪門。

服同前隊。 次右衞。 牙門四:監門中郎將二人,服佩同各衞指揮使,騎,分左右。 牙門旗各二,色並赤。 監門校尉各二人,騎,服佩同各衞之執旗者。 次左衞, 次前 高衛,次· 從 者十人, 中 衞

#### 校勘記

- 一〕寶(與)〔與〕方案 從道光本改。
- [二] 香(蹬)[鐙]朱漆案 從道光本改。下同。
- 金鸞旗赤質火焰脚 按上下文例,凡言「火焰脚」,皆著明其色,此無,當有脫文。 王圻續通考作

赤火焰脚」,道光本作「青火焰脚」。

班劍制 劍 疑「制劍」二字之間脫「如」字,應作「制如劍」,如下文「制如長刀」、「制如戟」、「制

如斧」等。

〔五〕眞(獵)〔臘〕 從道光本改。

ハベン 次琵琶二箜篌二火不思二板二筝二胡琴二笙二頭管二龍笛二響鐵一工十有八人 按志文所記

樂工細數相 加,總數爲十九人,與「工十有八人」不符。 道光本作「龍笛一」。

<u>~</u> 進輅職 長二人 按宋史卷一四六、 大金集禮卷二七、 金史卷四一皆作「進輅職掌二人」。 疑作

「職掌」是。

尚舍奉御二人騎〔左〕尚輦奉御二人騎右 從北監本補。

[元] 殳仗[前]隊 從道光本補。按後文作「前隊」。

[10] 紫繡瑞馬裲襠 按王圻續通考「紫」下有「羅」字,疑是。

[左右]領軍黃麾仗前隊 從道光本補。 按下文有「左右領軍黃麾後隊」。

角宿旗左 壁宿旗右[各]從以執弓者五人 從道光本補。

而合其端 爲門 「爲門」、北監本作「爲第一門」。 按下文有「爲第二門」、「爲第三門」,作「爲第

一門」是。

[IB] 馬(黃)甲 從北監本補。

# 元史卷八十

### 志第三十

輿服三

儀衞

殿上執事

挈壺郎二人,掌直漏刻。 冠學士帽,服紫羅窄袖衫,塗金束帶,烏鞾。 漏刻直御榻南。

國語日速古兒赤。攝之。

冠服同挈壺。香案二,在漏刻東

西稍南。司香侍案側,東西相向立。

司香二人,掌侍香,以主服御者

酒人,凡六十人,主酒國語日答剌赤。二十人,主重 國語日郃剌赤。一十人,主膳國語日博兒赤。

二十人。冠唐帽,服同司香。 酒海直漏南,酒人北面立酒海南

護尉四十人,以質子在宿衞者攝之。 質子,國語日覩魯花。 冠交角幞頭,紫梅花羅窄袖衫,

一九九七

一九九

塗金束帶,白錦汗胯,帶弓矢,佩刀,執骨朶,分立東西宇下。

警蹕三人,以控鶴衞士爲之。冠交角幞頭,服紫羅窄袖衫,塗金束帶,烏靴,捧立于露

階。每乘輿出入,則鳴其鞭以警衆。

#### 殿下執事

護尉,凡四十人,以戶郞國語日玉典赤。二十人、質子二十人攝之。服同字下護尉,夾立 司香二人,亦以主服御者攝之。冠服同殿上司香。香案直露階南,司香東西相向立。

階紀。

瑪瑙,左點檢以水精,殿內將軍以瑪瑙,殿外將軍以水精,宿直將軍 行縢,履襪,或服其品之公服,恭事則侍立。舍人授以骨杂而易笏,都點檢以玉,右點檢以 者、諸司禦者皆屬焉。如火兒赤、溫都赤之類是也。殿外將軍一人,宇下護尉屬焉。 者、戶者,皆屬焉。如怯薜歹、八剌哈赤、玉典赤之類是也。殿內將軍一人,凡殿內佩弓矢者、佩刀 人,黃麾立仗及殿下護尉屬焉。右無常官,凡朝會,則以近侍重臣攝之。服白帽,白衲襖, 右階之下,伍長凡六人,都點檢一人,右點檢一人,左點檢一人。凡宿衞之人及諸門 以金。 宿直將軍一

左階之下,伍長凡三人,殿內將軍一人,殿外將軍一人,宿直將軍一人,冠服同右,恭事

則侍立。舍人授以骨朶而易笏,殿內將軍以瑪瑙,殿外將軍以水精,宿直將軍以金

時,捧牙牌趨丹墀跪報。露階之下,左黃麾仗內,設表案一,禮物案一,輿士凡八人,每案四時,捧牙牌趨丹墀跪報。露階之下,左黃麾仗內,設表案一,禮物案一,輿士凡八人,每案四 人。前二人冠縷金額交角幞頭,緋錦寶相花窄袖襖,塗金束帶,行縢,鞋襪。後二人冠服同 司辰郎二人,一人立左樓上,服視六品,候時,北面而雞唱,一人立樓下,服視八品,候

馬十,覆以青錦緣緋錦鞍復,分左右,立黃麾仗南。 圉人十人,國語日阿塔赤。 冠唐巾,紫羅窄袖衫,青錦緣白錦汗胯,銅束帶,烏靴,馭立仗

前,惟襖色青。

內失儀者,白糾儀官而行罰焉。皆東向,立右仗之東,以北爲上。 人,先輿舍人一人。 糾儀官凡四人,尚書一人,侍郎一人, 監察御史二人。 知班三人, 視班 侍儀使二人,引進使一人,通班舍人一人,尚引舍人一人,閱仗舍人一人,奉引舍人一

侍郎一人, 監察御史二人。 知班三人, 視班內如左右輦路。 宣贊舍人一人, 通贊舍人一人, 戶郎二人,承傳贊席前,皆西向,立左仗之西,以北爲上。凡侍儀使、引進使、尚書、侍郎、御 輿舍人一人。押禮物官凡二人,工部侍郎一人,禮部侍郎一人。 糾儀官凡四人,尚書一人, 舍人一人,奉表舍人一人,奉幣舍人一人,尚引舍人一人,閱仗舍人一人,奉引舍人一人,先 侍儀使二人,引進使一人,承奉班都知一人,宣表目舍人一人,宣表修撰一人,宣禮物

史,各服其本品之服。 承奉班都知、舍人、借四品服。 知班,冠展角幞頭,服紫羅窄袖衫,塗

金束帶、烏靴。

護尉三十人,以質子在宿衞者攝之,立大明門闑外,冠服同宇下護尉。

承傳二人,控鶴衞士爲之,立大明門楹間, 以承傳于外仗。冠服同警蹕, 執金柄小

骨朶。

殿下黃塵仗 黄麾仗凡四百四十有八人,分布于丹墀左右,各五行。

右前列,執大蓋二人,執華蓋二人,執紫方蓋二人,執紅方蓋二人,執曲蓋二人,冠展角

幞頭、服緋絁生色寶相花袍、勒帛、烏靴。

次二列、執朱團扇八人、執大雉扇八人、執中雉扇八人、執小雉扇八人、執朱團扇八人、

冠武弁、服同前執蓋者。

弁,緋絁生色寶相花袍,緋勒帛,烏靴。執信幡十人,冠服同上,其色黃。 次三列,執黃麾幡十人,武弁,青絁生色寶相花袍,青勒帛,烏靴。執絳引幡十人,武 執傳教幡十人,冠

服同上,其色白。執告止幡十人,冠服同上,其色紫。

次四列以下,執葆蓋四十人、(服耕)[武弁],服緋絁生色寶相花袍、(三勒帛,烏靴。執

之。 儀鍠斧四十人, 冠服同上, 其色黄。 皆以北爲上。 押仗四人,行視仗內而檢校之,冠服同警蹕者。 執小戟蛟龍掌四十人, 冠服同 上, 其色青。 左列亦如

【殿下旗仗】〔三〕旗仗執護引屏,凡五百二〔十〕有八人,〔三〕分左右以列。

絁生色寶相花袍,勒帛,雲頭靴,執人佩劍,護人加弓矢,後屛五人,執矟,朱兜鍪,朱甲,雲 左前列,建天下太平旗第一,牙門旗第二,每旗執者一人,護者四人,皆五色緋巾,五色

左 列 日旗第三,龍君旗第四,每旗執者一人, 護者四人,後屛五人, 巾服執佩同

前

列。

佩

頭靴

右前列,建皇帝萬歲旗第一,牙門旗第二,每旗執者一人,護者四人,後屏五人,巾服執

同左前列。 右 列, 月旗第三,虎君旗第四,每旗執者一人,護者四人,後屛五人, 巾服執佩同

前列。

二人,朱白二色絁巾,二色絁生色寶相花袍,勒帛,花靴,佩劍, 左次三列,青龍旗第五,執者一人,黃絁巾,黃絁生色寶相花袍,勒帛,花靴,佩劍,護者 加弓矢。 天王旗第六,執者

志

弓矢。 者二人,後屏五人,巾服執佩同風伯旗。 帛,花靴,佩劍,加弓矢,後屏五人,執矟,白兜鍪,白甲,雲頭靴。 雷 人,巾服佩執同天王旗。 公旗第九,執者一人,巾服佩同上,護者二人,青紫二色絁巾,二色絁生色寶相花袍,勒 巾服 後屏 同上,護者二人,青白二色絁巾,二色生色寶相花袍,回勒帛,花靴,佩劍,加 五人,執矟,朱兜鍪,朱甲,雲頭靴。 雨師旗第八,執者一人,護者二人,後屛五人,巾服佩執同 吏兵旗第十一,執者一人,護者二人,巾服佩同雷 風伯旗第七,執者一人,護者二人,後屛五 電母旗第十,執者一人,護 青龍旗。

服 兜鍪,朱甲,雲頭靴。 帛、花靴、佩劍、加弓矢;後屛五人、執矟、黃兜鍪、黃甲、雲頭靴。 河瀆旗第八,執者一人,巾服佩同上,護者二人,青紫二色絁巾,二色絁生色寶相花袍,勒 色絁巾,二色絁生色寶相花袍,勒帛,花靴,佩劍,加弓矢;後屏五人,執矟,青兜鍪,青甲,雲 矢,後屛五 公旗,後屛五人,執矟,黃兜鍪,黃甲,雲頭靴。 二人,青朱二色絁巾,二色絁生色寶相花袍,勒帛,花靴,佩劍,加弓矢,後屛五人,執矟,朱 佩同上,護者二人,青朱[二色絁巾],二色絁生色寶相花袍,[5] 勒帛,花靴,佩劍,加弓 右次三列,白虎旗第五,執者一人,黃絁巾,黃絁生色寶相花袍,勒帛,花靴,佩劍;護者 人, 巾服執佩同白虎旗。 江瀆旗第七,至執者一人,護者二人,後屏五人,巾服執佩同 濟瀆旗第十,執者一人,巾服佩同上,護者二人,朱白二 |淮瀆旗第九,執者一人,巾 天王旗。

頭靴。 仗一列,次班劍一列,並分左右立,冠縷金額交角幞頭,青錦寶相花窄袖襖,塗金荔枝束帶 列,冠縷金額交角幞頭,緋錦寶相花窄袖襖,塗金荔枝束帶,行縢,履襪。次鐙仗一列,次吾 拱衞直指揮使二人,分左右立,服本品朝服,執玉斧。次臥瓜一列,次立瓜一列,次列絲一 力士旗第十一,執者一人,護者二人,後屛五人,巾服佩執同河瀆旗。二十二旗內,

者二人, 巾服佩同木星旗, 後屛五人, 執矟, 白兜鍪, 白甲, 雲頭靴。水星旗第十七, 執者一 熒惑旗第十四,執者一人,巾服佩同上,護者二人,青紫二色絁巾,二色絁生色寶相花袍,勒 朱兜鍪,朱甲,雲頭靴。木星旗第十三,執者一人,巾服佩同上,護者二人,青朱二色絁巾, 者二人,青白二色絁巾,二色絁生色寶相花袍,勒帛,花靴,佩劍,加弓矢;後屛五人,執矟, 行縢,履襪 八,執者一人,巾服佩同上,護者二人,朱白二色絁巾,二色絁生色寶相花袍,勒帛,花靴,佩 人,護者二人,[巾]服佩同太白旗,[也]後屛五人,執矟,紫兜鍪,紫甲,雲頭靴。鸞旗第十 人,巾服佩同熒惑旗,後屏五人,執矟,黃兜鍪,黃甲,雲頭靴。太白旗第十六,執者一人,護 帛、花靴、佩劍、加弓矢、後屛五人、巾服執佩同朱雀旗。土星旗第十五、執者一人,護者二 二色絁生色寶相花袍,勒帛,花靴,佩劍,加弓矢;後屛五人,執矟,青兜鍪,青甲,雲頭靴。 左次四列,朱雀旗第十二,執者一人,黃絁巾,黃絁生色寶相花袍,勒帛,花靴,佩劍,護

劍,加弓矢;後屛五人,巾服執同木星旗。

袍、勒帛、花靴、佩劍;護者二人、青朱二色絁巾、二色絁生色寶相花袍、勒帛、花靴、佩劍、加 第二十三,尾宿旗第二十四,箕宿旗第二十五。每旗,執者一人,黃絁巾,黃絁生色寶相花 鍪,紫甲,雲頭靴,執矟。 東嶽旗第十三,執者一人,護者二人,巾服佩同玄武旗,後屛五人, 弓矢;後屛五人,青兜鍪,青甲,執矟。 屏五人,執矟,白兜鍪,白甲。北嶽旗第十七,執者一人,護者二人,巾服佩同南嶽旗;後屛 巾服佩同上,護者二人,朱青二色絁巾,二色絁生色寳相花袍,勒帛,花靴,佩劍,加弓矢;後 執稍,靑兜鍪,靑甲,雲頭靴。南嶽旗第十四,執者一人,巾服佩同上,護者二人,靑白二色 者二人,朱白二色絁巾,二色絁生色寶相花袍,勒帛,花靴,佩劍,加弓矢;後屛五人,紫兜 五人,巾服執同玄武旗。麟旗第十八,執者一人,護者二人,後屛五人,巾服執佩同西嶽旗。 帛,花靴,佩劍,加弓矢;後屏五人,執矟,黃兜鍪,黃甲,雲頭靴。西嶽旗第十六,執者一人, 嶽旗第十五,執者一人,巾服佩同上,護者二人,紫青二色絁巾,二色絁生色寶相花袍,勒 絁巾,二色絁生色寶相花袍,勒帛,花靴,佩劍,加弓矢;後屛五人,執矟,朱兜鍪,朱甲。 中 左次五列,角宿旗第十九,亢宿旗第二十,氐宿旗第二十一,房宿旗第二十二,心宿旗 右次四列,玄武旗第十二,執者一人,黃絁巾,黃絁生色寶相花袍,勒帛,花靴,佩劍,護

袍,勒帛,花靴,佩劍;護者二人,青朱二色絁巾,二色絁生色寶相花袍,勒帛,花靴,佩劍,加 第二十三,觜宿旗第二十四,參宿旗第二十五。 右次五列,奎宿旗第十九,婁宿旗第二十,胃宿旗第二十一,昴宿旗第二十二,畢宿旗 每旗、執者一人、黃絁巾、黃絁生色寶相花

弓矢;後屛五人,執矟,白兜鍪,白甲。

花袍、勒帛、花靴、佩劍;護者二人、朱白二色絁巾、二色絁生色寶相花袍、勒帛、花靴、佩劍、 加弓矢;後屛五人,執矟,紫兜鍪,紫甲。 宿旗第三十,室宿旗第三十一,壁宿旗第三十二。每旗,執者一人,黃絁巾,黃絁生色寶相 左次六列,斗宿旗第二十六,牛宿旗第二十七,女宿旗第二十八,虚宿旗第二十九,危

花袍、勒帛、花靴、佩劍;護者二人、朱白二色絁巾、二色絁生色寶相花袍、勒帛、花靴、佩劍、 加弓矢;後屏五人,執矟,朱兜鍪,朱甲。 宿旗第三十,翼宿旗第三十一,軫宿旗第三十二。每旗,執者一人,黃絁巾,黃絁生色寶相 右次六列,井宿旗第二十六,鬼宿旗第二十七,柳宿旗第二十八,星宿旗第二十九,張

## 宮內導從

警蹕三人,以控鶴衞士爲之,並列而前行,掌鳴其鞭以警衆。 服見前。

志第三十 與服三

天武二人,執金鉞,分左右行,金兜鍪,金甲,蹙金素汗胯,金束帶,綠雲靴。

舍人二人,服視四品。

二人,捧金香合二人,皆分左右行。捧金唾壺一人,由左,捧金唾盂一人,由右。 盆一人,由左;負金椅一人,由右。攜金水瓶、鹿盧一人,由左,執巾一人,由右。捧金香毬 人、執升龍扇十人、皆分左右行。冠交角幞頭、服紫羅窄袖衫、塗金束帶、烏靴。 主服御者凡三十人,速古兒赤也。執骨朶二人,執幢二人,執節二人,皆分左右行。 執金拂四 牆金

劈正斧官一人,由中道,近侍重臣攝之。侍儀使四人,分左右行。

佩弓矢十人,國語日火兒赤。分左右,由外道行,服如主服御者。

佩寶刀十人,國語日溫都赤。 分左右行、冠鳳翅唐巾、服紫羅辮線襖、金束帶、烏鞾。

#### 中宮導從

[使二人,同知中政院事二人,中政院使二人,皆分左右行,各服其本品公服。 內侍二人, 舍人二人、引進使二人、中政院判二人、同僉中政院事二人、僉中政院事二人、中政院

万左右行,服視四品。

副

押直二人,冠交角幞頭,紫羅窄袖衫,塗金束帶,烏鞾。小內侍凡九人,執骨朶二人,執

葆蓋四人,皆分左右行,執繖一人,由中道行,攜金盆一 人由左,負金椅一人由右。 服紫羅

團花窄袖衫,冠、帶、鞾如押直。

中政使一人,由中道,捧外辦象牌,服本品朝服。

羅衫,五色嵌金黃雲扇,瓘玉束帶。 執雉扇十人,各分左右行。 毬二人,捧金香合二人,分左右。捧金唾壺一人,由左,捧金唾盂一人,由右。 宫人,凡二十[二]人。[公攜水瓶、金鹿盧一人,由右,執銷金淨巾一人,由左。 冠鳳翅縷金帽,銷金緋羅襖,銷金緋羅結子,銷金緋羅繋腰,紫 執金拂四 捧金香

## 進發册寶

清道官二人,警蹕二人,並分左右,皆攝官,服本品朝服。

四,並分左右。前行內琵琶二十,次筝十六,次签篌十六,次纂十六,次方響八,次頭管二十 八,次龍笛二十八,爲三十三重。重四人。次杖鼓三十,爲八重。次板八,爲四重。板內大鼓 二,工二人,舁八人。樂工服並與鹵簿同。 次小雉扇八,次中雉扇八,次大雉扇八,分左右,爲十二重。 次朱團 扇 八,爲二重 雲和樂一部,署令二人,分左右。次前行戲竹二,次排簫四,次簫管四,次板二,次歌 法物庫使二人,服本品服。 次朱團扇 八,

次大繖二,次華蓋二,次紫方繖二,次紅方繖二,次曲蓋二,並分左右。 執糤扇所服, 並同

立仗。

重 子頭一人,中道。 次圍子八人,分左右。 服與鹵簿內同。

安和樂一部,署令二人,服本品服。札鼓六,爲二重,前四,後二。次和鼓一,中道。

次羌管二,次笙二,並分左右。

次雲璈

中道。次纂二,分左右。 樂工服與鹵簿內同 板二,分左右。次龍笛四,次頭管四,並爲二重。

繖一,中道,椅左,踏右,執人皂巾,大團花緋錦襖,金塗銅束帶,行縢,鞋襪。

拱衛使一人,服本品服

舍人二人,次引寶官二人,並分左右,服四品 服

香案,中道,輿士控鶴八人,服同立仗內表案輿士。 侍香二人,分左右,服四 品服

方輿官三十人,夾香案寶案,分左右

而 趨,至殿門,則控鶴退,方輿官异案以陞。 唐巾、紫羅窄袖衫、金塗銅束帶、烏靴

寶案,中道,輿士控鶴十有六人,服同香案輿士。

引册二人,四品服。

香案,中道,輿士控鶴八人,服同寶案輿士。侍香二人,分左右,服四品服

册案,中道,輿士控鶴十有六人,服同寶案輿士。方輿官三十人,夾香案册案, 分左右

而趨,至殿門,則控鶴退,方輿官异案以陞。 巾服與寶案方興官同

葆蓋四十人,次閱仗舍人二人,服四品服。次小戟四十人,次儀鍠四十人,夾雲和樂糤

扇,分左右行,服同立仗。

次列絲十一皆分左右。次水瓶左,金盆右。 拱衞使二人、服本品朝服。次班劍十、次(悟)[吾]杖十二、云次斧十二、次鐙仗二十、 次列絲十,次立瓜十。次金杌左, 鞭桶右, 蒙鞍

拱衞外舍人二人,服四品服,引導册諸官。 次從九品以上,次從七品以上,次從五品以

次立瓜十,次臥瓜三十。並夾葆蓋、小戟、儀鍠,分左右行。服並同鹵簿內。

上,並本品朝服。

左,糤手右。

白矟四十人,紫矟四十人,並兜鍪甲靴,各隨矟之色,行導册官外。 金吾折衝二人,牙門旗二,每旗引執五人。 次青矟四十人,赤矟四十人,黄矟四十人,

四人右,舉寶官四人左,次讀册官二人右,讀寶官二人左。 册案後,舍人二人,服四品服。 次太尉右、司徒左。 次禮儀使二人,分左右。 次閤門使四人,分左右。 次舉册官 並本

品服。

知班六人,分左右,服同立仗,往來視諸官之失儀者而行罰焉。

#### 册寶攝官

問 殿中侍御史二人,監察御史四人,閤門使三人,清道官四人,點試儀衞五人,司香四人,備顧 寶官二人,讀册官二人,讀寶官二人,引册官五人,引寶官五人,典瑞官三人,糾儀官四人, [七人,代禮三十人,拱衞使二人,押仗二人,方輿一百六十人。 上尊號册寶、凡攝官二百[五]十有六人、[10]奉册官四人、奉寶官四人、捧册官二人、捧

道官四人,警蹕官四人,方輿官百二十人。 寶官二人,捧册官二人,捧寶官二人,奏中嚴一人,主當內侍十人,閤門使六人,充內臣十三 官二人,奉寶官二人,引册官二人,引寶官二人,舉册官二人,舉寶官二人,讀册官二人,讀 人,糾儀官四人,代禮官四十二人,掌謁四人,司香十二人,折衝都尉二人,拱衞使二人,清 上皇太后册寶,凡攝官〔二〕百五十人,〔三〕攝太尉一人,攝司徒一人,禮儀使四人,奉册

太皇太后册寶、攝官同前。

讀寶官二人,內臣職掌十人,宣徽使二人,閤門使(二)[四]人、(三)代禮官三十七人,侍香二 册官二人,奉寶官二人,引册官二人,引寶官二人,舉册官二人,舉寶官二人,讀册官二人, 授皇后册寶,凡攝官百八十人,攝太尉一人,攝司徒一人,主節官二人,禮儀使四人,奉

人,清道官四人,折衝都尉二人,警蹕官四人,中宮內臣九人,糾儀官四人,接册內臣二人,

接寶內臣二人,方輿官七十四人。

人,讀册官二人,引册官二人,攝禮儀使二人,主當內侍六人,副持節官五人,侍從官十一 人,自言代禮官十六人。 授皇太子册,凡攝官四十有九人,攝太尉一人,奉册官二人,持節官一人,捧册官二

#### 班序

先期,侍儀使糾庀陳設。

殿內兩楹北,香案二。

**斜外出畫白蓮六,右點檢版位三,左宣徽版位三。蓮南一步,橫列鳴鞭版位三。** 殿門內,殿內將軍版位二。其外,殿外將軍版位二。宇下,斜界護尉版位二。軒溜前 左右階南

兩隅,天武版位二。宇下左右第二第三重,斜界導從版位二。

殿東階下各圈十,直至東門階下,爲回倒導從位。 殿東門兩磌斜界出導從二道三層,各圈十五,先扇錡各五,寶蓋錡各二。

正階下二十四甓,香案一。護尉席內各戺迤內第四螭首取直,邊北,左右護尉第五席

席函九尺,設護尉版位二。

右戺道內邊丹墀迤內第五甓縱直,北空路五丈五尺,東西走路各違四丈九尺,中布席四十, 相向布席,北二席宿直。 次殿中,次典瑞,次起居,每席函丈五尺。 設殿前版位八,各以左

版位三十六、以內爲上。 約丈許,左右同,中央置席,設尙厩版位二。仗內丹墀橫界一十八道,道函五尺,縱引橫引 三丈,中設九品版位一十八。尚厩南左右縱畫各一十八道,道函仞,左右向,設起居旁折 五北起,同上南起,各函八尺,北頭曲尺路內,各函九尺,設黃麾仗錡二百二十。 仗南畫闌 函丈五尺,南起十二,各函丈五寸。第四北起十六,各函丈二尺,南起十四,各函九尺。第 ,自兩端各函六丈。第二北起十一,各函丈咫,南起九,各函丈三尺。第三北起十三,各 輦路東西各五道, 袤二丈一仞五寸。南北兩道, 廣丈有奇。北至道當中, 第一北三南

往北折,西至月華門,東至日精門,道中央入至起居旁折界一道導引。 丈、縱各界一十八道,道違仞,左右設外序班版位三十六。自序班北入闕左右門邊兩外仗 錡後丈五尺屛風渠一道,長五尺,坐各違四壁丈五尺,設牙旗錡七十四。闕下兩觀內各六 北各畫一道,廣一引七丈一仞六寸,空各二丈一仞,內橫二引二丈五寸,空各三丈五尺。每 大明門中兩楹外,斜界二道,護尉版位二,外設管旗版位二。門下左右闕邊各六丈,南

#### 校勘記

次四 .列以下執葆蓋四十人 (服徘)[武弁] 服緋絁生色寶相花袍 按「服緋」二字重出,從道光本

改。

〔殿下旗仗〕 從北監本補。

. = U 凡五百二八十〕有八人 從北監本補。

29 護者二人青白二色絁 巾二色生色寶相花袍 按上下文例、「生色」上當脫「絁」字。

五 江瀆旗第七 按此句以上缺第六旗。 左右列旗數當對稱。 左三列有第六旗,即天王旗,此右三

列不能無第六旗,志文有脫漏。

へ <u>六</u> し

青朱〇二色絁巾〕二色絁生色寶相花袍

從北監本補。

按此言袍不及巾,不合上下文例。

. . . . 護者二人[巾]服佩同 太白旗 從北 監 本補。

宮人凡二十二二人 從道光本補。 其考證云::「原本訛二十人, 與下文人數不合。 謹據經世大

典元中宮導從圖改。」

へたし 次(梧)[吾]杖十二 從北監本改。 按吾杖爲儀仗器物之一,見本書卷七九輿服志。

凡攝官二百(五)十有六人 按總計下列攝官細數爲二百五十六,此脫「五」字。 王圻續通考作

志

第

Ξ +

. 校

勘 記

「二百五十六」,從改。

二、毛羅等二二百丘十人。 电多次比较

(三) 授皇后册寶凡攝官百八十人至閤門使(三) (四)人(三) 凡攝官(三)百五十人 見卷六七校勘記(三)。

官細數之總合爲百七十八人,不足百八十人之數。

[1] 侍從官十一人 見卷六七校勘記[5]。

據本書卷六七禮樂志改。按作「二人」則攝

# 元史卷八十一

# 志第三十一

## 選舉一

當時得人爲盛,而其弊遂至文體卑弱,士習委靡,識者病焉。遼、金居北方,俗尙弓馬。 景宗、道宗亦行貢試,金太宗、世宗屢闢科場,亦粗稱得士。 經、進士、明法、明算等科,或兼用詩賦,士始有棄本而逐末者。宗大興文治,專尙科目,雖 定,而後官之。兩漢有賢良方正、孝弟力田等科,或奉對詔策,事猶近古。隋、唐有秀才、明 選舉之法尙矣。成周庠序學校,以鄉三物敎萬民而賓興之,舉於鄉,升於司徒、司馬論

士聚然舉首應上所求者,皆彬彬輩出矣。 立法,事未果行。至仁宗延祐間,始斟酌舊制而行之,取士以德行爲本,試藝以經術爲先, 元初,太宗始得中原,輒用耶律楚材言,以科舉選士。世祖旣定天下,王鶚獻計,許衡

志

夫,亦往往由是躋要官,受顯爵;而刀筆下吏,遂致竊權勢,舞文法矣。 所設之名,未易枚舉。曰省、臺、院、部,曰路、府、州、縣,所入之途,難以指計。 端者歟。 例 常之格,自一而超擢有選用之科。 於宿衞、勳臣之家者,待以不次。其用於宣徽、中政之屬者,重爲內官。(文)[又] 廕敍有循 主,寵以投下,俾之保任。遠夷、外徼,授以長官,俾之世襲。凡若此類,殆所謂吏道雜而多 學,有醫學,有陰陽學。其策名於薦舉者,有遺逸,有茂異,有求言,有進書,有童子。其出 視冗職。 .當時仕進有多岐,銓衡無定制,其出身於學校者,有國子監學,有蒙古字學、回回國 矧夫儒有歲貢之名, 吏有補用之法。 曰掾史、令史, 曰書寫、銓寫, 曰書吏、典吏, 捕盜者以功敍, 入粟者以貲進,至工匠皆入班資,而輿隸亦躋流品。諸王、公 由直省、侍儀等入官者,亦名淸望。以倉庾、賦稅任事者, 雖名卿大

毫不可越。 敌 《其銓選之備,考覈之精,曰隨朝、外任,曰省選、部選,曰文官、武官,曰考數,曰資格, 而或援例,或借資,或優陞,或回降,其縱情破律,以公濟私,非至明者不能察

焉。 是皆文繁吏弊之所致也。

今採摭舊編,載於簡牘,或詳或略,條分類聚,殆有不勝其紀述者,姑存一代之制,作選

治一科,能兼者聽,但以不失文義爲中選。其中選者,復其賦役,令與各處長官同署公事。 得東平楊(英)[與]等凡若干人,自皆一時名士,而當世或以爲非便,事復中止。 忽靜與山西東路課稅所長官劉中,歷諸路考試。以論及經義、詞賦分爲三科,作三日程,專 太宗始取中原,中書令耶律楚材請用儒術選士,從之。九年秋八月,下詔命斷事官朮

今將翰林老臣等所議程式以聞」。奉令旨,准蒙古進士科及漢人進士科,參酌時宜,以立制 家,人材輩出,以備超擢」。十一年十一月,裕宗在東宮時,省臣復啓,謂「去年奉旨行科舉, 立國學,選蒙古人諸職官子孫百人,專命師儒教習經書,俟其藝成,然後試用,庶幾勳舊之 追述」。奏上,帝曰:「此良法也,其行之。」中書左三部與翰林學士議立程式,又請「依前代 官僚、或作技巧販鬻以爲工匠商賈。以今論之、惟科舉取士、最爲切務,矧先朝故典、尤宜 與本朝太宗得人之效,以爲「貢舉法廢,士無入仕之階,或習刀筆以爲吏胥,或執僕役以事 林學士承旨王鶚等,請行選舉法,遠述周制,次及漢、隋、唐取士科目,近舉遼、金選舉用人, 事未施行。至二十一年九月,丞相火魯火孫與留夢炎等言,十一月中書省臣奏,皆以 世祖至元初年,有旨命丞相史天澤條具當行大事,嘗及科舉,而未果行。 四年九月,翰

志

蒙古之士及儒吏、陰陽、醫術,皆令試舉,則用心爲學矣。」帝可其奏。 舉之法,罷詩賦,重經學,定爲新制。事雖未及行,而選舉之制已立。 爲天下習儒者少,而由刀筆吏得官者多。帝曰:「將若之何。」對曰:「惟貢舉取士爲便。 凡 繼而許衡亦議學校科

立德行明經科,以此取士,庶可得人。」帝然之。十一月,乃下詔曰 學,自隋、唐以來,取人專尚詞賦,故士習浮華。 旨,今不以聞,恐或有沮其事者。夫取士之法,經學實修己治人之道,詞賦乃摛章繪句之 至仁宗皇慶二年十月,中書省臣奏:「科舉事,世祖、裕宗累嘗命行,成宗、武宗尋亦有 今臣等所擬將律賦省題詩小義皆不用,專

舉爲取士之方,規模宏遠矣。朕以眇躬,獲承丕祚,繼志述事,祖訓是式。若稽三代以 華過實,朕所不取。爰命中書,參酌古今,定其條制。 來,取士各有科目,要其本末,舉人宜以德行爲首,試藝則以經術爲先,詞章次之。浮 府。四其或徇私濫舉,幷應舉而不舉者,監察御史、肅政廉訪司體察究治 興其賢者能者,充賦有司,次年二月會試京師,中選者朕將親策焉。具合行事宜于後: 上,鄉黨稱其孝悌,朋友服其信義,經明行修之士,結罪保舉,以禮敦遣,(章)〔貢〕諸路 科場,每三歲一次開試。 惟我祖宗以神武定天下,世祖皇帝設官分職,徵用儒雅,崇學校爲育材之地,議科 舉人從本貫官司於諸色戶內推舉,至三年及二十五以 其以皇慶三年八月,天下郡縣,

字以上成。蒙古、色目人,願試漢人、南人科目,中選者加一等注授。蒙古、色目人作 章表四六、參用古體。第三場策一道,經史時務內出題,不矜浮藻,惟務直述,限一千 古註疏、限五百字以上、不拘格律。第二場古賦詔誥章表內科一道、古賦詔誥用古體、 爲主,周易以程氏、朱氏爲主,已上三經,兼用古註疏,春秋許用三傳及胡氏傳,禮記用 集註,復以己意結之,限三百字以上,經義一道,各治一經,詩以朱氏爲主,尚書以蔡氏 上。漢人、南人,第一場明經經疑二問,大學、論語、孟子、中庸內出題,並用朱氏章句 章句集註。其義理精明,文辭典雅者爲中選。第二場策一道,以時務出題,限五百字以 一榜,漢人、南人作一榜。第一名賜進士及第,從六品,第二名以下及第二甲,皆正七 考試程式:蒙古、色目人,第一場經問五條,大學、論語、孟子、中庸內設問,用朱氏

品,第三甲以下,皆正八品,兩榜並同。

所在官司遲悞開試日期、監察御史、肅政廉訪司糾彈治罪。

流官子孫廕敍,並依舊制,願試中選者,優陞一等。

若無品級,止依試例從優銓注。 在官未入流品,願試者聽。若中選之人,已有九品以上資級,比附一高,加一等注

鄉試處所,幷其餘條目,命中書省議行。

志

第三十一 選舉一

101

於 戲 經明行修,庶得眞儒之用;風移俗易,益臻至治之隆。咨爾多方,體予

至意。

中書省所定條目:

鄉試中選者,各給解據、錄連取中科文,行省移咨都省,送禮部,腹裏宣慰司及各路關

申禮部,拘該監察御史、廉訪司,依上錄連科文申臺,轉呈都省,以憑照勘。

二十三日,蒙古、色目人,試策一道,漢人、南人,古賦詔誥章表內科一道。 鄉試,八月二十日,蒙古、色目人,試經問五條,漢人、南人,明經經疑二問,經義一道。 二十六日,漢人、

南人、試策一道。

會試,省部依鄉試例,於次年二月初一日試第一場,初三日第二場,初五日第三場。

舉子一名,怯薛歹一人看守。 御試,三月初七日,前期奏委考試官二員、監察御史二員、讀卷官二員,入殿廷考試。每 漢人、南人、試策一道,限一千字以上成。 蒙古、色目人、時務

策一道,限五百字以上成。

各一員,並於見任幷在閑有德望文學常選官內選差,封彌官一員、謄錄官一員,選廉幹文資 上都、大都從省部選差在內監察御史、在外廉訪司官一員監試。 選考試官,行省與宣慰司及腹裏各路,有行臺及廉訪司去處,與臺憲官一同商議選差。 每處差考試官、同考試官

都 正 |官充之。凡謄錄試卷幷行移文字,皆用朱書,仍須設法關防,毋致容私作弊。 省選委知貢舉 、同知貢舉官各一員,考試官四員,監察御史二員,彌封、謄錄、對讀官、監 省部會試,

門等官各一員。

宣慰司二:河東,山東。 鄉試,行省 一十一:河南、陝西、遼陽、四川、甘肅、雲南、嶺北、征東、江浙、江西、湖廣。 直隸省部路分四:真定、東平、大都、上都。

征東一人。南人取合格者七十五人:湖廣一十八人,江浙二十八人,江西二十二人,河南 試,各二十五人。 十人,上都四人,河東四人,東平等四人,山東五人,眞定等五人,河南五人,四川三人,甘肅 人,河東七人,河南 人。漢人取合格者七十五人:大都一十人,上都四人,眞定等十一人,東平等九人,山東七 人,東平等五 人,江西三人,湖廣三人,四川一人,雲南一人,征東一人。 色目人取合格者七十五人:大都 二人,陝西三人,嶺北二人,遼陽二人,雲南二人,征東一人,湖廣七人,江浙一十人,江西六 天下選合格者三百人赴會試,於內取中選者一百人,內蒙古、色目、漢人、南人分卷考 人, 山東四人,遼陽五人,河南五人,陝西五人,甘肅三人,嶺北三人,江浙 蒙古人取合格者七十五人、大都十五人、上都六人、河東五人、真定等五 九人,四川五人,雲南二人,甘肅二人, 嶺北一人,陝西五人,遼陽二人,

試、會試,許將禮部韻略外,餘並不許懷挾文字。 差搜檢懷挾官一員,每舉人一名

差軍一名看守,無軍人處,差巡軍。

提點辯掠試院,差廉幹官一員,度地安置席舍,務令隔遠,仍自試官入院後,常川妨職,

監押外門。

鄉試、會試,彌封、謄錄、對讀官下吏人,於各衙門從便差設。

請監試官、知貢舉官、同試官、對號開拆。 卷,並用朱書謄錄正文,實計塗注乙字數,標寫對讀無差,將朱卷逐旋送考試所。如朱卷有 塗注乙字,亦皆標寫字數,謄錄官書押。候考校合格,中選人數已定,抄錄字號,索上元卷, 試卷不考格,犯御名廟諱及文理紕繆、「邑」塗注乙五十字以上者,不考。 謄錄所承受試

月於印卷所投納。置簿收附,用印鈴縫訖,各還舉人。 舉人試卷,各人自備三場文卷幷草卷,各一十二幅,於卷首書三代、籍貫、年甲,前期半

凡 、就試之日,日未出入場,黃昏納卷。受卷官送彌封所,撰字號,封彌訖,送謄錄所。

科舉旣行之後,若有各路歲貢及保舉儒人等文字到官,並令還赴本鄉應試。

倡優之家及患廢疾、若犯十惡奸盜之人,不許應試。

舉人於試場內,毋得喧譁,違者治罪,仍殿二舉。

舉 人與考試官有五服內親者, 自須迴避,仍令同試官考卷。 若應避而不自陳者, 殿

一舉。

鄉試、會試,若有懷挾及令人代作者,漢人、南人有居父母喪服應舉者,並殿二舉。

或 子 、監學歲貢生員及伴讀出身,並依舊制,願試者聽。 中選者,於監學合得資品上從

優銓注。

别 路附籍蒙古、色目、漢人,大都、上都有恒產、住經年深者,從兩都官司,依上例推舉

就試。其餘去處冒貫者,治罪。

知貢舉以下官會集至公堂,議擬合行事目云:

首。 書寫 官交語。 傳送者,許人告首。 人就試,無故不 諸對 不愼及錯 諸 輒於 讀 諸色人無故不得入試廳。 公爾封所: 試卷官 誤有 ·冠及擅移坐次者,或偶與親姻隣坐而不自陳者,懷挾代筆傳義者, 不躬親 取問 礙考校者,重事責罰。 諸監試官掌試院事,不得干 舉 人試卷封號姓名及漏泄者,治罪。 而輒令人吏對讀,其對讀訖 諸舉 人謗毁主司、率衆喧競、不服止約者、 諸官司故縱舉 預考校。 而差誤有礙考校者 人私將試卷出院,及祗 諸試院官在簾內者,不 諸試題未出而漏泄者,許人告 了有罰。 治罪。 應 諸謄錄 人 許與簾 並扶出。 知而 外 人

志

於 舉 官 舉 諸 就 不 譏 試 得 塗 À 人 拆 注 傳送 察 毁 無 自敍苦辛門第,委謄錄所 ,別立姓名,及受財爲 試 乙 故 出 . 入,其 處 往 文 卷首 來, 書,及因 用 家 **FIJ** 物應 非 狀者,推治。 因 公 而 入者,拆 受財 事 不不 人懷 者, 得 封 諸舉 點 挾代筆 與 點 並 檢得 舉 檢 許 人於試卷書他語者, 駮放, 人私 人告。 , 諸巡鋪官及兵級 傳 如 語。 義 有 者,並許人告。 違 諸舉 諸試 犯,更不 人於 卷 彌封 別 謄錄,移文考試院出榜退落。 了公不得喧擾,及 紙 用印訖,以三不 上起草者, 諸被黜而妄訴者,治罪。 涉謗訕 者,推 出 榜 成 輒 退落。 治。 字爲號 視試文,并容 諸試 諸 標寫,仍 諸冒 諸 科 日 監 文 門 名 内

其 知貢 院,巡軍 下 至公堂 納 皆 1盥漱 卷首 舉官隔簾受 毎 下,作揖 舉 亦 出。 赴受卷所 二次, 名,給了 畢,頒 至 晚, 一拜,跪 監門官 祗 揖 題 鳴 應巡軍 而 就 鐘 答 啓鑰, 退, 次。 次,鎖院門。 不 拜,試官受一 一人,隔夜入院,分宿席房。 第三場,如 舉人入院, 得交語。 前 第二 受卷官書 拜,答 搜 儀 |檢訖 場 ..., 就 舉人入院,依 拜。 舉人姓名 將 解 鐘三次 試 據 日, 于 呈. 納 前 曆, 頒 撃鐘 搜 題 舉 檢, 禮 爲 人 生 就 揖 毎 節。 贊曰 次。 十 而 退, 日 次, 午, 取 甲 八再拜」, 院官 解 賜膳 據 出 以

人分卷,以三不成字撰號。 其受卷官具 受 到 試 卷, 逐旋 毎 名累場 關 發 同 彌 用 封 官 號 將家 於卷上 狀 草卷,腰封 親 書 及於曆 用印、蒙古、色目 內標附訖, 牒送謄錄 漢 人、南

移,並用朱書,試卷照依元號附簿。 史。 官置曆,分給吏人,並用朱書謄錄正文,仍具元卷塗注乙及謄錄塗注乙字數,卷末書謄錄人 姓名,謄錄官具銜書押,用印鈴縫,牒送對讀所。翰林掾史具謄錄訖試卷總數,呈報監察御 對讀官以元卷與朱卷躬親對讀無差,具衡書押,呈解貢院,元卷發還彌封所。各所行

批 部架閣,貢舉諸官出院。中書省以中選舉人分爲二榜,揭于省門之左右。 同取上元卷對號開拆,知貢舉於試卷家狀上親書省試第幾名。拆號旣畢,應有試卷並付禮 點。 試官考卷,知貢舉居中,試官相對向坐,公同考校,分作三等,逐等又分上中下,用墨筆 考校既定,收掌試卷官於號簿內標寫分數,知貢舉官、同試官、監察御史、彌封官,公

初五 題,又兩拜,各就次。色目人作一甲,漢人、南人作一甲,如前儀。每進士一人,差蒙古宿衞 策題於上。舉人入院,搜檢訖,蒙古人作一甲,序立,禮生導引至於堂前,望闕兩拜,賜策 士一人監視。 |日,各官入院。 初六日,譔策問進呈,俟上采取。 三月初四日,中書省奏准,以初七日御試舉人於翰林國史院,定委監試官及諸執事。 作二榜,用敕黃紙書,揭于內前紅門之左右。 日午,賜膳。進士納卷畢,出院。 監試官同讀卷官,以所對策第其高下,分爲 初七日,執事者望闕設案於堂前,置

前 一日、禮部告諭中選進士,以次日詣闕前,所司具香案,侍儀舍人唱名,謝恩,放榜。

志

+

所居。 擇 日賜 恩榮宴于翰林國史院,押宴以中書省官,凡預試官並與宴。 擇日恭詣殿廷,上謝恩表。 次日, 詣中書省參見。 又擇日, 諸進士詣先聖廟行舍菜 預宴官及進士並簪華至

禮,第一人具祝文行事,刻石題名於國子

延祐二年春三月,廷試進士,賜護都答兒、張起巖等五十有六人,及第、出身有差。 五.

年春三月,廷試進士護都達兒、霍希賢等五十人。

至治元年春三月,廷試進士達普化、宋本等六十有四人。

泰定元年春三月,廷試進士捌剌、張益等八十有六人。 四年春三月,廷試進士阿察赤、

李黼等八十有六人。

天曆三年春三月,廷試進士篤列圖、王文燁等九十有七人。

復興,遂稍變程式,減蒙古、色目人明經二條,增本經義,易漢、南人第一場四書疑 經疑,增第二場古賦外,於詔誥、章表內又科一道。 三人,皆賜進士及第,餘賜出身有差。 元統癸酉科,廷試進士同同、李齊等,復增名額,以及百人之數。 科舉取士,莫盛於斯。 此有元科目取士之制,大略 後三年,其制 稍異其制,左右榜各 逐罷。 如 此 叉七年 一道為 而

若夫會試下第者,自延祐創設之初,丞相怗木迭兒、阿散及平章李孟等奏:「下第舉人,

加之; 年七十以上者,與從七品流官致仕,六十以上者,與教授,元有出身者,於應得資品上稍優 無出身者,與山長、學正。 受省劄,後舉不爲例。 今有來遲而不及應試者,未曾區用。

取旨。」帝曰:「依下第例恩之,勿著爲格。」

歸。 及 밂 可常得,間有試補書東以登仕籍者。 學正、山長。 書院 出 身者,更優 今當改元之初,恩澤宜溥。 泰定元年三月,中書省臣奏:「下第舉人,仁宗延祐間,命中書省各授教官之職,以慰其 山長。 漢人、南人,年五十以上幷兩舉不第者,與敎授,以下,與學正、山長。 又增取鄉試備榜,亦授以郡學錄及縣教諭。 加之。 不願仕者, 蒙古、色目人,年三十以上幷兩舉不第者,與敎授,以下,與 令備國子員。 惟已廢復興之後,其法始變,下第者悉授以路府學正 後勿爲格。」從之。 於是科舉取士,得人爲盛焉。 自餘下第之士,恩例 先 有 資 不

#### 學校

習學成效,出題試問,觀其所對精通者,量授官職。 怯 前三十員爲六十員。 薛 歹官員,選子弟俊秀者入學,然未 世 祖 至元八年春正月,始下詔立京師蒙古國子學,教習諸生,於隨朝蒙古、漢人百官及 武宗至大二年,定件讀員四十人,以在籍上名生員學問 有 員數。 以通鑑節要用蒙古語言譯寫教之,俟生員 成宗大德十年春二月,增生員廪饍,通 優 長者補之。

志 第

仁宗 於見供生員 弟之就 延祐 學者, 二年冬十月,以所設生員百人,蒙古五十人,色目二十人,漢人三十人,而 常不下二三百人,宜增其廪餼,乃減去庶民子弟一百一十四員,聽陪堂學業, 百名外,量增五十名。元置蒙古二十人,漢人三十人,其生員紙札筆墨止給 百官子

三十人,歲凡二次給之。

生員 授一任,准從八品,再歷路教授一任,准正八品,任回本等遷轉。 **元生徒者,與免一身雜役。以譯寫通鑑節要頒行** 上 又定生員 入學,上路二人,下路二人,府一人,州一人。 一自國 餼 至元六年秋七月,置諸路蒙古字學。十二月,中書省定學制頒行之,命諸路府官子弟 學,下及 廪。 (`)散府二十人,上、中州十五人,下州十人。 元貞元年,命 其學官,至元十九年,定擬路府(路)[州]設教授,[刊以國字在諸字之右,府州教 州縣,舉生員 高等,從翰林考試,凡學官譯史,取以 餘民 各路,俾肄習之。至成宗大德五年冬十月, 間子弟,上路三十人,下路二十五人。 大德四年,添設學正一員, 充焉 有司割地,給諸路蒙古學 願

監官,以其文字便於關防取會數目,令依舊制,篤意領教。 魯丁能通 帝 世 祖 可 其 其字學,乞授以學士之職,凡公卿大夫與夫富民之子,皆依漢 至元二十六年夏五月,尙書省臣言:「亦思替非文字宜施 是歲八月,始置 口 回 國子學。 至仁宗延祐 元年 泰定二年春閏正月,以近歲 冱 月,復置 於用,今翰林院益 人入學之制 回回 國子 一; 福 監 公卿 的哈 肄 設

大夫子弟與夫凡民之子入學者衆,其學官及生員五十餘人, 已給飲膳者二十七人外, 助教 一人、生員二十四人廪饍,並令給之。學之建置在於國都,凡百司庶府所設譯史,皆從本學

取以充焉。

百人之內,蒙古半之,色目、漢人半之。許衡又著諸生入學雜儀,及日用節目。七年,命生 籤,令諸生復說其功課。對屬、詩章、經解、史評,則博士出題,生員具藁,先呈助教,俟博士 訓,正、錄、伴讀以次傳習之。講說則依所讀之序,正、錄、伴讀亦以次而傳習之。次日,抽 小學、論語、孟子、大學、中庸,次及詩、書、禮記、周禮、春秋、易。 博士、助教親授句讀、音 之業。復設助教,同掌學事,而專守一齋,正、錄,申明規矩,督習課業。凡讀書必先孝經、 定其制。設博士,通掌學事,分敎三齋生員,講授經旨,是正音訓,上嚴敎導之術,下考肄習 侍臣子弟十有一人入學,以長者四人從許衡,童子七人從|王恂。 至二十四年,立國子學,而 員八十人入學,俾永爲定式而遵行之。 旣定,始錄附課簿,以憑考校。其生員之數,定二百人,先令一百人及伴讀二十人入學。其 太宗六年癸巳,以馮志常爲國子學總敎,命侍臣子弟十八人入學。世祖至元七年,命

月,國子學定蒙古、色目、漢人生員二百人,三年各貢二人。 成宗大德八年冬十二月,始定國子生,蒙古、色目、漢人三歲各貢一人。十年冬閏十

六品,色目正七品,漢人從七品。試蒙古生之法宜從寬,色目生宜稍加密,漢人生則全科場 武宗至大四年秋閏七月,定生員額三百人。冬十二月,復立國子學試貢法,蒙古授官

道。 者隸焉。 闕 員不必備,惟取實才。 八分以上者陞充高等生員,以四十名爲額,內蒙古、色目各十名,漢人二十名。 道,季月試策問、表章、詔誥科一道。蒙古、色目人,孟、仲月各試明經一道,季月試策問 日新、時習兩齋,蒙古色目取志道、據德兩齋,本學舉實歷坐齋二周歲以上,未嘗犯過者,許 齋員數不等,每季考其所習經書課業,及不違規矩者,以次遞陞。 二曰私試規矩。 漢人驗 明善等所議國子學貢試之法更定之。一曰陞齋等第。六齋東西相向,下兩齋左曰游藝,右 日依仁, [未補者,其年積分,並不爲用,下年再行積算。 毎月初二日蚤旦,圓揖後,本學博士、助敎 辭理俱優者爲上等,準一分,理優辭平者爲中等,準半分。 仁宗延祐二年秋八月,增置生員百人,陪堂生二十人,用集賢學士趙孟頫、禮部尚書元 凡誦書講說、小學屬對者隸焉。中兩齋左曰據德,右曰志道,講說四書、課肄詩律 限實歷坐齋三周歲以上,以充貢舉。漢人私試,孟月試經疑一道,仲月試經義 上兩齋左曰時習,右曰日新,講說易、書、詩、春秋科,習明經義等程文者隸焉。 有分同闕少者,以坐齋月日先後多少爲定。其未及等, 每歲終,通計其年積分,至 幷雖及等無 歲終試貢, 毎

之,正、錄知見而不糾舉者,亦從本監議罰之。 戾規 正、錄 別議外,其餘漢 本監議罰之。應已補高等生員,其有違戾規矩者,初犯殿試一年,再犯除名,從學正、錄糾 行除名。除月假外,其餘告假,並不準算。學正、錄歲終通行考校應在學生員,除蒙古、色目 分數,本學收掌,以俟歲終通考。 公座,面引應試生員,各給印紙,依式出題考試,不許懷挾代筆,各用印紙,眞楷書寫,本學 矩者,初犯罰 彌 :封謄錄,餘並依科舉式,助教、博士以次考定。 人生員三年不能通一經及不肯勤學者,勒令出學。 一分,再犯罰二分,三犯除名,從學正、錄糾舉,正、錄知見而不糾舉者,從 三曰黜罰科條。應私試積分生員,其有不事課業及一 應在學生員, 次日,監官覆考,於名簿內籍記 歲終實歷坐齋不滿半歲者,並 其餘責罰,並 依舊規。 切違 各得

儀舍人,舊例舉積分生員充之,後以積分旣革,於上齋舉年三十以上、學行堪範後學者爲 前法 舉禮儀習熟、音吐洪暢、曾掌春秋釋奠、每月告朔明贊、衆與其能者充之。 正、錄,通曉音律、學業優贍者爲司樂,幹局通敏者爲典籍、管勾。 十人歲貢四人,延祐二年歲貢八人爲淹滯,旣額設四十名,宜充部令史者四 三月,惟伴 [略同,而防閑稍加嚴密焉。 泰定三年夏六月,更積分而 讀 員數,自初二十人歲貢二人,後於大德七年定四十人歲貢六人,至大四年定四 其本學正、錄各二員,司樂一 爲貢舉,並依世祖舊制。 其貢試之法,從監學所擬,大概 員,典籍二員,管勾一員,及侍 其侍儀舍人,於上、中齋, 文宗天曆二年春 人、路教授者四 與

是後,又命所貢生員,每大比選士,與天下士同試於禮部,策於殿廷,又增至備榜而加

旣遷都 廊。 員 仁宗延祐 命貴臣子弟入學受業。憲宗四年,世祖在潛邸,特命修理殿廷,及卽位,賜以玉斝,俾永爲 凡百人,每名月餼,京畿漕運司及本路給之。泰定四年夏四月,諸生始會食于學焉。 文宗 國 至元十三年,授提舉學校官六品印,遂改爲大都路學,署曰提舉學校所。二十四年, 北城,立國子學于國城之東,迺以南城國子學爲大都路學,自提舉以下,設官有差。 初,燕京始平,宣撫王楫請以金樞密院爲宣聖廟。太宗六年,設國子總敎及提舉官, 天曆二年,復增廣之,提舉郝義恭又增建齋舍。 自府尹郝朶而別至曹偉,始定生 四年,大興府尹馬思忽重修殿門堂廡,建東西兩齋。泰定三年,府尹曹偉增建環

便。 之命於朝廷者,曰教授,路府上中州置之。 路學及 十三年二月,帝御德興府行宮,詔江南學校舊有學田,復給之以養士。二十八年,令江南諸 其 太宗始定中原,即議建學,設科取士。世祖中統二年,始命置諸路學校官,凡諸生進修 加訓誨、務使成材,以備選用。至元十九年夏四月,命雲南諸路皆建學以祀先聖。 他 各縣學內,設立小學,選老成之士敎之,或自願招師,或自受家學于父兄者,亦從其 先儒過化之地,名賢經行之所,與好事之家出錢粟贍學者,並立爲書院。 命於禮部及行省及宣慰司者,曰學正、山長、學 凡師儒

付身。各省所屬州縣學正、山長、學錄、教諭、並受行省及宣慰司劄付。 設學正一員,縣設教諭一員,書院設山長一員。 錄、教諭,路州縣及書院置之。路設教授、學正、學錄各一員,散府上中州設教授一員,下州 於是者,守令舉薦之,臺憲考覈之,或用爲敎官,或取爲吏屬,往往人材輩出矣。 正、長、備榜舉人充論、錄、有薦舉者、亦參用之。自京學及州縣學以及書院、凡生徒之肄業 長、(論)[學]錄、教諭,公或由集賢院及臺憲等官舉充之。論、錄歷兩考,陞正、長。正、長 直學以掌錢穀,從郡守及憲府官試補。直學考滿,又試所業十篇,陞爲學錄、敎諭。 正提舉從五品、副提舉從七品、提舉凡學校之事。 一考,陞散府上中州教授。上中州教授又歷一考,陞路教授。教授之上,各省設提舉二員, 中原州縣學正、山長、學錄、教諭,並受禮部 後改直學考滿爲州吏,例以下第舉人充 凡路府州書院,設 凡正、

者,不得視此例,又以示仕途不可以雜進也。然太醫院官旣受宣命,皆同文武正官五品以 制,設諸路提舉綱維之。凡宮壼所需,省臺所用,轉入常調,可任親民,其從太醫院自遷轉 檢醫差占等役,俟其學有所成,每月試以疑難,視其所對優劣,量加勸懲。後又定醫學之 上遷敍,餘以舊品職遞陞,子孫廕用同正班敍。 人,學非其傳,爲害甚大。」乃遣副使王安仁授以金牌,往諸路設立醫學。 世祖中統二年夏五月,太醫院使王猷言:「醫學久廢,後進無所師授。 其掌藥,充都監直長,充御藥院副使,陞 竊恐朝廷一時取 其生員擬発本身

志

三 十

디디 從考校 凡 使, 隨 發下 考滿 朝太醫,及醫官子弟,及路府州縣學官,並須試驗。 其諸藥所 諸路醫學,令生員 依 舊例於流官銓注。 產性味眞偽,悉從辨驗。 、依式習課醫義,年終置簿解納送本司,以定其優劣焉 諸教授皆從太醫院定擬,而各路主善亦擬同教授皆從九 其隨路學校,每歲出降十三科疑難題目, 其各處名醫所述醫經文字,悉 具呈

設教 路官 府 赴 授二二員 司 世 都試 詳 祖 加 至元二十八年夏六月,始置諸路陰陽學。 **、驗,果有異能,則於司天臺內許令近侍。** 取 ·勘,依儒學、醫學之例,每路設教授以訓誨之。 7年 凡陰陽 人皆管轄之,而上屬於太史焉。 延祐 其在腹裏、江南,若有通曉陰陽之人,各 初, 令陰陽人依儒、醫例,於路府州 其有術 數精通者,每歲錄呈省

大夫 字,拜 求前 賢學士,不 於 年, 懷 孟 舉 辭 命卽 復 等處選 遺 聖賢之後,儒醫ト 詔 不允。 逸 歸。 至。 求 以 隱 水隱 子弟之俊秀者教育之。 脢 叉 九年,韶求山林間有德行文學、識治道者,遣使徵蕭劇, 未 用 之士,俾有司 幾 跡之士,擢茂異以待非常之人。 平章咸寧王野仙 以 親老,乞終養,俸給 ·筮,通曉天文曆數,幷山林隱 具以名聞。 薦,徵蕭鄭 是年,又韶徵金進士李冶,授翰林學士。 成宗大德六年,徵臨川 一無所受。 不起,即授陝西儒學提舉。 世祖 逸之士。 後遣使授命于家, 辭疾 中統間,徵許衡,授懷孟路教官,詔 二十年,復召拜劉 布衣吳澄,擢應 且曰:「或不樂於仕, 至元十八年,詔 徵劉因爲 不 因右贊 奉翰林文 起。 二 十 善 集

往往采擇其言,任用其人,列諸庶位,以圖治功。其他著書立言、裨益敎化、啓迪後人者,亦 道靡訪司、覆奏察聞,以備錄用。」又屢詔求言於下,使得進言於上,雖指斥時政,並無譴責, 從可致。各處其有隱居行義、才德高邁、深明治道、不求聞達者,所在官司具姓名,牒報本 故。仁宗延祐七年十一月,詔曰:「比歲設立科舉,以取人材,尙慮高尙之士,晦跡丘園,無 業,未赴,改集賢侍講學士。又以太子右諭德徵,始至京師,授集賢學士、國子祭酒,諭德如 直學士,以疾不赴; 至治三年,召拜翰林學士。武宗、仁宗累徵蕭尉,授集賢學士、國子司 可試一來,與朕語而遣歸。」至大三年,復召吳澄,拜國子司業,以病還,延祐三年,召拜集賢

答不歹子買來的。 都提舉學校所舉安西路張秦山,江浙行省舉張昇甫。武宗至大元年,舉武福安。 斟 講說經史,並令入國子學教育之。惟脹秦山尤精篆籀,陳元麟能通性理,葉留畊問以四書 河南行省舉張英。泰定四年,福州舉葉留畊。文宗天曆二年,舉杜夙靈。至順二年,制舉 年,河間縣舉杜山童,大興縣舉陳聃。英宗至治元年,福州路連江縣舉陳元麟。至治三年, 三年,江浙行省舉兪傅孫、馮怗哥。六年,河南路舉張答罕,學士完者不花舉丁頑頑。七 「酌錄用、著爲常式云。 童子舉,唐、宋始著于科,然亦無常員。 成宗大德三年,舉童子楊山童、海童。 五年,大 皆以其天資潁悟,超出兒輩,或能默誦經文,書寫大字,或能綴緝辭章, 仁宗延祐

大義,則對曰:「無過事父母能竭其力,事君能致其身。」時人以遠大期之。

### 校勘記

- [一](女)[又] 磨敍有循常之格 從道光本改。
- [二] 東平楊(英)[奐] 據本書卷一五三楊奐傳及還山遺稿附錄元好問楊奐神道碑改。
- 舉人從本貫官司於諸色戶內推舉 按元典章卷三一科舉條制、 通制條格卷五科舉,「諸色戶」

上有「路府州縣學及」六字。此處疑脫。

- (資)[貢]諸路府 據元典章卷三一科學條制、通制條格卷五科學改。 新元史已校。
- ЭĪ. 犯御名廟諱及文理紕繆 按元典章卷三一科舉程式目、 通制條格卷五科舉,「御名廟諱」下有
- 「偏犯者非」四字。此處疑脫。
- ハガリ 諸巡鋪官及兵級 王圻續通考作「諸巡捕官及兵役」,疑是。
- 定擬路府(路)[州]設教授 按下文有「府州教授」、「路教授」、此第二「路」字顯爲「州」字之誤,

今改。新元史已校。

- [<] 凡正長(論)[學]錄教諭 從北監本改。
- [元] 令陰陽人依儒醫例於路府州設教授[一]員 道光本與本書卷九一百官志合,從補。

# 元史卷八十二

志第三十二

選舉二

銓法上

屬。 崇高者,初受朝命散官,減職事一等,否則量減二等。」至大四年,詔蒙古人降一等,色目人 諸怯薛歲久被遇,常加顯擢,惟長官薦用,則有定制。至元二十年議:「久侍禁闥、門地 凡怯薛出身: 元初用左右宿衞爲心膂爪牙,故四怯薛子孫世爲宿衞之長,使得自舉其

降二等,漢人降三等。

省官共議之,省官於臺憲選人,亦與臺官共議之。」至元八年,定監察御史任滿,在職無異 爲一選。宜令臺官,幕官聽自選擇,惟廉訪司官,則省、臺共選。若臺官於省部選人, 凡臺憲選用:大德元年,省議:「臺官舊無選法,俱於民職選取,後互相保選,省、臺各 則與

選舉二

志

三 十 二

元

政, 元 係 七 딞 以 下 者 例 加一 等,六品以 上者陞擢。 其有不顧權勢, 彈劾非違,及利國 便民

别 議 陞 除 或 有 亦 稱者 斟 一酌銓注

者,以 選 轉。 選。 期 於 用 政 漢 几 九 凡 次 平 事 年 選舉守 人 陞 一,以五 素 訟 獎。 備 理,民安盜 有 者,添 聲望,及 其怠 事 備者 至元 於 資。 息 勳 爲 事者, 笞罷之。」二十八年, 詔:「路府州縣, 八年, ,而五 臣故家,幷儒 上選,陞 五. 事 詔以 事 俱不 備 戶口 等。 矣。」 舉者) 東出 增、田 匹 黜降 身,資品 事 備 野關、詞訟簡、盜賊息、賦役均五事備者, 者 等。 減 相應者,佐貳官遴選色目、漢 二十三年,詔:「勸課農 資。 三事 除達魯花赤 有 成 者 為 中 外, 選 桑,克勤 人參用,庶 依常 長官並 爲 奉 例 官 職 遷 E

襲者, 承襲, 以三年爲滿、理算資考、陞加品級。 襲, 者 招 本等承 若罷 子 凡 依 百 孫 進 去者。 例 戶 襲 爲 用 無遞 承 萬 武 。」二十二二年,二 襲 以有功者代之。」十七 官 戶 降 外 ′ 總管子孫 都元 職名,則 至元 十 帥 五. 招討 [從其本等。]十九年,奏擬:「萬戶、千戶、百戶物 爲千戶 年, 韶:「萬 詔:「 使、 總把 總管、總把,視其子孫堪 若年老病故者,令其子弟依例廕敍。」是年,以舊制 年,詔:「渡江 軍官有 戶、千戶、百戶分上中 子孫爲 功而陞職者,舊以 百戶,給元 總把、百戶有 佩 下三等, 定立 承襲者,止 金銀符。 功 其子弟襲職, 陣亡者許令承 病故 令管其元 故,視 一條格, 總把 者降等,惟陣亡 依 其 通 軍 子 千 行遷轉 戶 孫 元 堪承 降

爲之。」 幼,則 官,至經歷以上,不得陞除,似與官軍一體,其子孫乃不得承襲。 長 正 者以他 因 一從四品者, 孫爲之。 事 ,不行者,有已赴任、被差委而出、公事已辦爲私事稱故不迴者,今後宜限以六月。 取其兄弟之子有能者用之,俟其子長,卽以其職還之。」至大二年,議:「各衞翼首領 人代之,期年後以他職授之。」十一年,詔:「色目鎭撫已歿,其子有能,依例用之。 嫡長孫亡歿,則令嫡長孫之嫡長子爲之。 宜正從五品軍官內任用。」四年,詔:「軍官有故,令其嫡長子,[三] 亡歿,令嫡 若嫡長俱無,則以其兄弟之子相應者 今後年踰七十,而散官 越限 至

宣徽院。 太禧院。 皇慶二年,省臣奏:「其所轄倉庫、屯田官員、半由都省、半由本院用之。」奉 天曆元年,罷會福、殊祥二院而立之,秩正二品。 其所轄諸司,則從其擢用。

可宜俱從省臣用之。

降宣敕。」延祐 高等二人,專掌奏事。 直省舍人,內則 中 政院。 七年,院臣啓:「皇后位下中政院用人,奉懿旨,依樞密院、御史臺等例行之。」 至大四年言:「諸司錢糧選法,悉令中書省掌之,可更選人任用,移文中書,給 《侍相臣之興居,外則傳省闥之命令,選宿衞及勳臣子弟爲之。 至元二十五年,省臣奏:「其充是職者,俾受宣命。」大德八年,擬歷六 叉擇其

十月者,始令從政。

於應得府州儒學教授內選用,歷一考,正九品敍。」 從九品。」三十年,議:「於二品、三品官子內選用,不限廕敍,兩考從七品遷敍。」 大三年,議:「受省劄者歷一考之上,受部劄者歷兩考之上,再歷本院屬官一任,擬於從九品 宜令侍儀司於到部正從九品流官內選用,仍受省劄,三十月爲滿,依朝官內陞轉,如不敷, 爲之,考滿驗應得資品,陞一等遷用。 內敍。」天曆二年,擬在朝文翰衙門,於國子生員內舉充。 知 人員,俱從太常寺舉保,非常選除充者,任迴止於本衙門敍用。 人,三十年,議:「於四品、五品官子內選用,不限廕敍,一考從九品。」大德三年,議:「有闕, (班,十五年,擬歷九十月,除正八品。 凡禮儀諸職:有太常寺檢討,至元十三年,擬歷一百月,除從八品。 未入流官人員,擬充侍儀舍人,受中書省劄,一考除 有通事舍人,二十年,議:「從本司選已入流品職官 有禮直管勾,大德三年,省選合用到部 有郊壇庫藏都監二人,至 有御史臺殿中司 有侍儀舍

腹裏巡檢,任迴及考者,止於巡檢內注授。 各處行省所設巡檢,考滿者,咨省定奪,未及考滿者,行省於錢穀官等職內委用,通理月日, 者,循舊例九十月出職,不及兩考者,須歷一百二十月,方許出職遷轉。」 「巡檢六十月,陞從九品。」大德七年,議:「各處所委巡檢,自立格月日爲始,已歷兩考之上 至元 九年,部議:「巡檢流外職任,擬三十月爲一考,任迴於從九品遷敍。」二十年,議: 所歷未及者,於錢穀官內定奪,通理巡檢月日。 十年,省奏:「奉旨

志第

三十

元

依 養性 轉; 不 及 考, 如係告廕幷提控案牘例應轉充者,於雜職內委用,考滿各理本等月

等,通 本路 爲滿 萬億庫、寶鈔總庫、八作司,以一年滿代,錢物甚多,未易交割。 省 理 從 餘 本 庫等官, 歷 俱 日 月日 有 地 選 係行省管領,合就令依 依 品品 劄 擬 月 面 腹 任回 及考者 理 例 者 從 一付,二十月爲滿,於本處上戶內 裏諸路行用鈔庫,至元十九年,部擬:「州縣民官內選充,係八品、九品人員,三十月 日 外,提領 月 陞 擬 考之上者,除一考准爲 ,後任 ,准算江南從七資品。 七品者 轉。 驗元資品,減 日 於應 添 陞 通 轉 省部選注。」 得資品 ,准算腹裏從七 理 資 "不及考者,添 陞 江南官員、若曾腹裏歷仕、前資相應依 上,例陞 轉。 上選擬庫官,移文都省, 資 歷,通理遷敍。 元 腹裏官員,二十六年,定選充倉庫等官,擬於應得資品 等, 資品。 係 歷過 根脚,餘有月日 流官 資陞 任 公選交替。 考者,爲始理 歷過一 任任 回 轉。 回 依 , 庫使,受都省劄付,任滿從優遷敍。 上於腹裏陞轉。 考者,為始理算月日,後任 止於流官內任 ,後任通理,不及考者,添一資。 福建、兩廣官員選充 給降敕牒劄付。」省議:「除鈔庫 陝西、四川、西夏中興等路提 算月日,一 例陞轉。遷去江淮歷仕人員,所 用。 考之上,餘 宜以二年爲滿,少者以一年 接 雑 連官員選充倉庫等官,應 倉庫等官,應得 職 者,雜 通 有月日,後 理; 職 一考之上, 舉 內 若選充倉 使 司 庫副,受 本 上陞一 副咨各 鈔庫, 地 任 通 面

處倉官、應受省部劄付管錢穀院務雜職等官,大都平準行用庫官,燒鈔四庫官,抄紙坊官, 舉司官、首領官、提舉太倉官、首領官、提舉醴源倉官、首領官、大都省倉官,河倉官,通州等 者:泉府司所轄富藏庫官,廪給司、四賓庫、薄歛庫官,大都稅課提舉司官、首領官,酒課提 領官,新舊運糧提舉司官、首領官,都提舉萬億庫、八作司、寶鈔總庫首領官。 用庫官,印造寶鈔庫官,鐵冶提舉司官、首領官,採金提舉司官、首領官,銀場提舉司官、首 司屬官、首領官,各處都漕運使司官、首領官,諸路寶鈔都提舉司官,腹裏、江南隨路平準行 本等月日。」 元貞二年,部議:「凡倉官有闕,於到選相應職官,并諸衙門有出身令譯史、通 處都轉運使司官、市舶提舉司官、首領官、権茶提舉司官、首領官。 弊源庫官。 行省所轄去處,二周歲爲滿者:各處都轉運使司官、司屬官、首領官,各處都漕 事、知印、宣使、奏差兩考之上人內選用,依驗難易收糧多寡陞等,任回於應去地方遷敍。 領從七品,大使從八品,副使從九品。若流官內選充者,任迴減一資陞轉。 司所轄阜通庫官,各處行省收支錢帛諸物庫官。 三十年,部議:「凡內外平準行用庫官,提 運使司官、首領官,行諸路寶鈔都提舉司官,腹裏、江南隨路平準行用庫官,甘州、寧夏府等 通州、河西務、李二寺等倉官、於應得資品上陞一等,任滿、交割別無短少,減一資通理。 上都稅務官,止依上例遷轉。 都省所轄去處,二周歲爲滿者:各處都轉運使司官、 一周歲爲滿者:行泉府 雜職人員,止理 。一周歲爲滿

遷敍 |徳元 叉陞 等, 牘 밂 西務 大都 品 例 周 在 庫 同 歲滿 都 一,提 減資 .提 體 副使一 倉副 任 并城: 年,省 舉 兩 ;收糧 一周歲爲滿,於應得資品上擬陞一等。」 領 路 回遷 等 處 遷 周 H · 永豐 員,從六品, 轉 外倉分,收糧五萬石之上倉官,於應得資品上陞一等,任滿,交割別無短少,依例 設 歲 别 |擬:「大都萬億四庫、富寧庫、寶鈔總庫、上都萬億庫官,止依合得資品選注,須二 員,正七品,二周歲爲滿,於到選人內銓注,入倉先陞一等,任滿交割,別無短少, 員,吏部劄。 員、從七、大使一員、從八、副使一員、從九品。 用,所歷月日通理。 爲滿、元係流官內選充者,任回減一資陞轉。 萬石之上倉官, |庫提領從七,大使從八,副使從九,於到選相應人內銓注。 無短少, 立平準行 受給庫提 和林 、昔寶赤八剌哈孫、孔古烈倉改立從五品提舉司。 、副提舉一員,從七品,周歲爲滿,於到選人內選充,應得資品上擬陞二 擬同 · 領,從九品,使、副受省劄,攢典、合干人各設二名。」 七年,部擬: 用 甘肅行省豐備庫,提領一員,從七品,大使一員,正八品,於到選迤 庫,擬合設官員、係從七以下人員,依例銓注。 .隨朝例陞一等。」 ,止依 甘、肅二路, 每處設監支納一員, 正六品, 倉使一員, 從六 :應得品級除授,任滿,交割別無短少,減一資通理。」 六年,部議:「在都平準行用庫官,擬合與外路 二年,省議:「上都、應昌倉官、比同萬億庫官 萬億四庫知事例陞一等,提控案 河 .西務行用庫,大使一員,從八 提舉一員,從五品 江西省英德路、河 英德路平準行用

志第三十二。 選舉二

廣行省倉官,如係路東及兩考,選充倉官一界,同考滿出身充典史,一考陞吏目,遷敍庫官, 滿,減一資陞轉。」 官三員、於流官內銓注,以二年爲滿、依例減資。」 周 應得資品上陞一等,歷過月日,今後比例通理。」 此 西資品人內陞等銓注。 石之上,比同考滿出身充典史,一考陞吏目。五萬石之下者,於典史添一考,依例遷敍。湖 、歲准理本等月日,考滿依例陞轉。」 「總管府司吏取充者,降等定奪。」 至大二年,部呈:「凡平準行用庫設官二員,常平倉設 資陞轉。」 八年,部議:「湖廣行省所轄散府司吏充倉官,依河南行省散府司吏充倉官, 延祐四年,部議:「江浙行省各路見役司吏,已及兩考,選充倉官,五萬 大同倉官,擬二周歲交代,永盈倉例陞一等,其餘六倉,任回擬減 皇慶元年,部議:「上都平盈庫,二周歲爲 四年,部議:「上都兩倉,二周歲爲滿,於

管辨。 所辨 兩酬 員、使一員。五十錠之上,設務使一員。五十錠之下,設都監一員。十錠以下,從各路差人 者, 諸課增 凡 稅務官陞轉: 都監歷三界,陞務使,一周歲爲滿,月日不及者通理。務使歷三界,陞提領。 受省劄錢穀官,再歷三界,始於資品錢穀官幷雜職任用。 聽各處官司再差。 虧 分數,陞降人員。 至元二十一年,省議:「應敍辦課官分三等。一百錠之上,設提領一 增及三酬以上及後界又增者,申部定奪。」 二十九年,省判 增六分陞二等,增三分陞一等。其增不及分數,比全無增 各處就差相副官, 增及 提領

院務官分爲三等:五十錠之上爲上等,設提領一員,受省劄,大使一員,受部劄;二十錠之上 等擬注,止依歷一十二界。至大三年例後,創入錢穀人員,及正從六品七品取廕子孫,亦依 錢穀官幷雜職內遷用。行省差設人員,各添兩界陞轉,仍自立界以後爲始,理算月日,並於 年為滿,齊界交代。都監、同監四界陞副使,又四界陞大使,又三界陞提領,又三界入資品 爲中等,設大使、副使各一員;二十錠之下爲下等,設都監、同監各一員,俱受部劄。並以一 品,五百錠之上從八品。大使、副使俱周歲交代,大使從行省吏部於解由合敍相應人內遷 有陞轉出身人員內定奪,不許濫用白身。 調,[三]副使從各路於本處係籍近上戶內公選。」 至大三年,詔定立辦課例。 一萬錠之上擬從六品,五千錠之上擬正七品,二千錠之上擬從七品, 到選量 |與從優。虧兌一分,降一等。三十年,省擬:「提領二年爲滿,省部於流官內銓 議得例前部劄,提領於大使內銓注,都監、同監本 一千錠之上正八 一百錠之下

緣從九係銓注巡檢闕,提領案牘吏員文資出職,難應捕捉,兼從九員多闕少,本等人員不敷 先例陞轉,不須添界外,其餘雜進之人,依今次定例遷用,通歷一十四界,依上例陞 九再歷三考陞從八,通理一百二十月陞。巡檢依已擬,提領案牘權擬六十月正九,再歷兩 至元九年,部議:「凡總府續置提控案牘,多係入仕年深,似比巡檢例同考滿 凡陞轉資考,從九三任陞從八,正九兩任陞從八,巡檢提領案牘等考滿轉入從九,從 轉入從

滿。 遷敍。」 轉充 與都 案牘內任用 注。 十月, 到選巡檢,餘闕准告銓注,任回各理本等月日。」 呈准定例遷除,其餘已行直補,幷自行踏逐歷案牘兩考者,再添資遷除。」 任,通理一百二十月陞從九,較之陞轉資考,即比巡檢庶員闕易就。 補,任回從九品 於大都路 「提控案牘補注巡檢,陞轉資品,不相爭懸, 陞 計設 轉。」 都 目,餘皆依 吏目兩考陞都目,歷 目 八年,省准:「和林兵馬司掌管案牘人等,比依 三十一年,省議:「都目、巡檢員闕,雖不 三年, 更目 州 一考,轉充提領案牘,考滿依上轉入流品。 司吏、縣典史內勾補,二周歲轉陞吏目。 二十年,部擬:「提控案牘九十月陞九品。」 一百餘處,其籍記未注者,以次銓注, 部擬:「提控案牘、 遷用 上陞轉。」省議「江南提控案牘、除各路司 九年,部呈:「都、吏目已於典史內銓注,宜將籍記案牘驗歷仕,以遠就近, 添加 資陞轉。 一考陞提控案牘,兩考陞正 都吏目有三周歲、二周歲、一周歲爲滿者,俱 司 東量 如已歷提控案牘月日者,任回止於提控案牘內 擬 四名,從本司選補通 相就,若不從宜調用,似涉壅滯,下部先儘 大德二年,省准:「京城內外省倉典吏,例 下州,合設吏目一員,於 俱擬三十月爲滿,任回本等內不 除行省所轄外,腹裏下州幷雜職等衙 九。 都、東目應陞無闕,止注本等職名,驗 二十五年,部擬三各路司吏實歷六 東比附腹裏路司東至元二十五年 若依路司吏九十月,吏目歷一考 都、吏目、擬吏目一考, 吏業者,六十月,提控 三十年,省准: 籍記吏目 以三十月為 次銓 外

理

門,

九品。 依例 都目 通 於吏目闕 例。」 銓注 考,陞提控案牘,兩考正九品,通理二百一十月入流,其行省所委者,九十月與[從] 部 · 通 内參注, 今議行省委用例革提控案牘, 照「江北提控案牘、皆自府州司 理 月日陞轉。 各理本等月日。」 之後行省所設提控案牘、都吏目, 十一年,江浙省臣言:「各路提控案牘改受敕牒,不見 合於散 ·縣轉充路吏,請俸九十月方得吏目, 府諸州案牘、都吏目幷雜職錢穀官內, 合依江北由司縣府州 一考陞 轉充路 一都目,

宣使, 六年 四名, 取,如 職官內選取」,不敷, 員, 與從 日 吏,通 験 選 九品 凡 是不 下項 理月日 考滿 省准 九十月 **充奏差**, 選取宣使奏差: 〈資品銓注。」省准:「解由到部,關 敷,於各道宣慰司 依 吏 與從九品,餘外合設數目, ,考滿方許 例定奪。」 上都留守 自一 考與從 考應入都目人員,選充奏差,兩考與從九品。 於各道廉訪司三考奏差內幷本衙門三考典史內選取,四仍須 司 至元 入 九品。 兼本路都總管府典吏出 流 二十九年, 十九年,部擬:「六部奏差額設數目,每一十名內,令各部選取 考之上奏差、本衙門三考典東內選取。 巡檢、 省議 提領案牘一 俱於到部巡檢、提領案牘、都 :「行省、行院宣使於正 會完備人員 身,歷九十月, 考, 選充奏差, 內選取。 應 都目一考應入提領案牘 比通政院例, 從 一考與正九品。」 入 九品有解 吏目,選充奏差,三考 吏目內選取, 〔行臺止 由 於正從九品 合轉補本 職 官 候考滿 色目、 內 選

九

選用。 使、通 外諸 監保本處典吏補奏差,若元係請俸典吏、本把人等補充者,考滿同自行踏逐者,降等敍。」 史人等一體出身,自行踏逐者降等敍,有闕於本司三考典吏內選取。」 八年,部呈:「各寺 司,一體定奪。」 七年,[天]省准:「鞏昌等處便宜都總帥府令史人等,已擬依各道宣慰司令 降一等,須歷九十月,方許出職。 擬『燕南廉訪 使,選補同。 三考之上典吏及正從九品職官內選用,以色目、漢人相參,自行踏逐者降等。」 十一年,省 、年,擬宣徽院典吏九十月補宣使,幷所轄寺監令史。 人參用,歷九十月,方許出職。 |從九品 職 官內選取。自行踏逐者,考滿例降一等,須歷九十月,方許出職。 內選補,如係都省直選人員,不拘此例,仍須色目、漢人相參選取。自行踏逐者,考滿例 人相參選取。 **[衙門宣使,以色目、漢人相參,九十月爲滿。自行踏逐者降一等。** [事、知印、奏差,都省宣使有闕,於臺、院等衙門一考之上宣使、幷有解由正從八品職 自行踏逐者,亦須相應人員,考滿例降一等,須歷九十月,方許出職。御史臺宣使, 宣慰司奏差,於本衙門三考典吏內選取。自行踏逐者,考滿降等敍,須色目、 司奏差,州吏內選補,考滿於都目內遷用。」 自行踏逐者,亦須相應人員,考滿例降一等,須歷九十月,方許出職。 山東運司奏差,九十月,於近下錢穀官內任用。 樞密院宣使,正從九品職官內選取,仍須色目、漢人相參 十年,省擬:「中政院宣使於本衙門 延祐三年,省議:「各衙門典吏, 凡內外諸衙門宣 宣政院宣 大都運 內

漢

正

官

漢

須歷九十月,方許轉補奏差。」

長一百二十月陞正九,正九兩考陞從八,從八三考、正八兩考,俱陞從七。如正八有闕,別 議:「三百戶之上局副從八,一百戶之上局副正九,遇有闕,於一百戶之下院長內選充。 六品,同提舉從七品,副提舉從八品。使副,三百戶之上,局使正七品,副使正八品。一百 省議:「除在都總提舉司去處,依准所擬。 無資品相應人員,於已授從八匠官內選注,通歷九十月,陞從七。從七三考陞正七,正七兩 戶之上,局使從七品,副使從八品。一百戶之下,院長一員,比同務院,例不入流品。工部 千戶之上,提舉從五品,同提舉正七品,副提舉正八品。五百戶之上、一千戶之下,提舉正 品。」 二十二年,凡選取陞轉匠官資格,元定品給員數,「智提舉司二千戶之上者,無之。一 者,依已擬充院長。 已受宣牌充局使者,比附一百戶之上局 使資品 遞降,量作正九資 副提舉正八品。五百戶之上至一千戶之下,提舉正六品,同提舉從七品,副提舉從八品。 下,院長一員,同院務,例不入流品,量給食錢。 凡一百戶之下管匠官資品,受上司劄付 三百戶之上,大使正七品,副使正八品。 一百戶之上,大使從七品,副使從八品。 一百戶之 上,提舉正五品,同提舉從六品,副提舉從七品。一千戶之上,提舉從五品,同提舉正七品, 凡匠官:至元九年,工部驗各管戶數,二千戶之上至一百戶之上,隨路管匠 官品 級。 東平雜造提舉司幷隨路織染提舉司,二千戶之

凡諸王分地與所受湯沐邑,得自舉其人,以名聞朝廷,而後授其職。至元二年,詔以各

花赤,其爲副者罷之。 送人員,若會仕者,驗資歷於州縣內相間用,如無歷仕,從本投下自用。 三十年,各投下州 即。 投下所委者爲添設,其常選內路府州及各縣內減一員。」三年,以中下縣主簿、錄事司錄 毋得擅自離職。」 皇慶二年、C103 詔:「各投下分地城邑長官,其常選所用者,居衆人之上, |徳元年,諸投下達魯花赤從七以下者,依例顯選。 十年,議:「各投下官員,非奉省部明文, 縣長官,三年一次給由互相遷轉,如無可遷轉,依例給由申呈省部,仍牒廉訪司體訪。 地已於長官內委用,其州縣長官,亦令如之,似爲相宜。」 二十三年,諸王、駙馬幷百官保 不宜。合令於投下長官之上署字,一同莅事。」 二十年,議:「諸王各投下千戶,於江南分 「江南諸王分地長官,已令如例遷轉,其間若有無管軍鎭守爲達魯花赤者,一體代之,似爲 赤內,多女直、契丹、漢人,除回回、畏吾兒、乃蠻、唐兀同蒙古例許敍用,其餘擬合革罷,曾 投下總管府長官不遷外,其所屬州縣長官,於本投下分到城邑內遷轉。 判掌錢糧捕盜等事,不宜減去,幷增置副達魯花赤一員。 歷仕者,於管民官內敍用。 十九年,詔:「各投下長官,宜依例三年一次遷轉。」 省臣奏: 印官員,若受宣命及諸王令旨、或投下官員批劄、省府樞密院制府左右部劄付者,驗戶給 五年, 韶:「凡投下官, 必須用蒙古人員。」 六年, 以隨路見任幷各投下創差達魯花 各投下有闕用人,自於其投下內選用,不許冒用常選內人。 四年,凡投下郡邑,令自置達魯 四年,省劄:「應給

凡 壕寨官:至元十九年,省部擬:「都水監併入本部,其壕寨官比依各部奏差出身。」

大德二年,擬考滿除從九品。

官。 九品。 七品。 正七品。 官,咨申省部除授。 家願納粟補官者,驗糧數等第,從納粟人運至被災處所,隨即出給勘合朱鈔,實授茶鹽流 正九品。 三十石之上,旌表門閭。 每石六十兩。其實授茶鹽流官,如不願仕而讓封父母者聽。 願折納價鈔者,並以中統鈔爲則。江南三省每石四十兩,陝西省每石八十兩,河南幷腹裏 二百石之上,下等錢穀官。 千石之上,從八品。五百石之上,正九品。三百石之上,從九品。二百石之上,上等錢穀 一百五十石之上,中等錢穀官。一百石之上,下等錢穀官。 凡入粟補官: 一百石之上,上等錢穀官。八十石之上,中等錢穀官。五十石之上,下等錢穀官。 千石之上,正八品。 五千石之上,從七品。 五百石之上,從九品。 天曆三年,河南、陝西等處民饑。省臣議:「江南、陝西、河南等處富實之 凡錢穀官隸行省者行省銓注,腹裏省者吏部注擬,考滿依例陞轉。 河南幷腹裏: 二千石之上, 從七品。 凡先嘗入粟遙授虛名者,今再入粟,則依驗糧數,照依資品,今 五百石之上,從八品。三百石之上,正九品。二百石之上,從 三百石之上,上等錢穀官。二百五十石之上,中等錢穀官。 三千石之上,正八品。 二千石之上,從八品。 陝西省一千五百石之上,從 一千五百石之上,正八品。 江南三省:一萬石之上, 一千石之上, 其

之上,一百五十石之上。 之上,一百石之上。河南幷腹裏:一千石之上,七百五十石之上,五百石之上,二百五十石 之上,正九品。三百三十石之上,從九品。 先嘗入粟實授茶鹽流官者,今再入粟,則依驗 湖廣三省已糶官糧,見在價鈔於此差人赴河南省別與收貯,合用之時,從長處置。」 有能入粟赴江陵者,依河南省入粟補官例行之。其糧合用之時,從長處置。 糧數,加等陞職。 |陝|西省:七百五十石之上,五百石之上,二百五十石之上,一百五十石 十J石之上,從七品。CED一千石之上,正八品。六百六十石之上,從八品。三百三十石之 實授茶鹽流官。 二百石之上,四字師號,一百石之上,二字師號,俱禮部出給。 三十石之上,從七品。二千石之上,正八品。一千三百三十石之上,從八品。六百六十石 上,正九品。二百石之上,從九品。 上,從八品。二百石之上,正九品。一百三十石之上,從九品。 陜西省:一千石之上,從七品。六百六十石之上,正八品。三百三十石之 僧道能以自己衣鉢濟饑民者,三百石之上,六字師號,都省出給。 江南三省: 六千六百六十石之上, 正七品。三千三百 四川省所轄地分富實民戶, 河南幷腹裏:一千三百八三 江浙、江西、

他境盜者,聽功過相補。 凡獲盜賞官: 大德五年, 韶:「獲强盗五人, 與一官。捕盜官及應捕人, 本境失盜而獲 獲强盜過五人,捕盜官減一資,至十五人陞一等,應捕人與一官,

不在論賞之列。」

議於巡檢內任用。 都〕指揮使司鈐轄,自己官進義副尉。」 二十八年,控鶴提控受敕進義副尉,管控鶴百戶,及 年,受省劄充御前傘子,歷三百三十二月,詔於從六品內遷用。 考,擬元除散官從八,職事正九,於從八內遷注。 凡控鶴傘子: 至元二十二年, 擬:「控鶴受省劄, 保充御前傘子者, 除充拱衞(都直)〔直 其離役百戶人等擬從八品,傘子從七品。 元貞元年, 控鶴提控奉旨充速古兒赤 延祐三年,控鶴百戶歷兩考 大德六年,控鶴百戶,部

例,九十月除從七下縣達魯花赤,任回添一資。 百月以上者,官敦武校尉。 凡玉典赤: 至元二十七年,定擬歷三十月至九十月者,並與縣達魯花赤、進義 至大二年,令玉典赤權於州判、縣丞內銓注。三年,令依舊 副尉。 之上,擬於正九品遷用。

保。 者,依例以相應人舉用,不許預保,違者罪及所由官司。」 其蠻夷地分,雖不拘常調之處,而所保之人,多有泛濫。 凡蠻夷官 議:「播州宣撫司保蠻夷軍民副長官,係遠方蠻夷,不拘常調之職,合准所 今後除襲替土官外,急闕久任

校勘記

據元典章卷九定奪軍官品級補。 新元史已校。

志

+

校勘記

- 韶軍官有故令其嫡長子 按此下有脫文。 道光本補「繼」嫡長子」四字。 新元史補「爲之, 嫡長
- 大使從行省吏部於解由合敍相應人內遷調 子」五字。 按元典章卷九委用商稅務官作「大使從行省吏部
- 於有解由合敍相應人員內依例遷調」。 疑此處「解由」上脫「有」字。
- 四山 其行省所委者九十月與〔從〕九品 據元典章卷八提控案牘月日通例補。
- 五山 [行臺止於正從九品職官內選取]不敷於各道廉訪司三考奏差內幷本衙門三考典史內選取 據
- 元典章卷十二書吏、宣使奏差補。
- 年。 七年 此處七年後又有八、九、十、十一年。「七年」上當有「大德」二字。 按此係至元後、延祐前事,中有元貞、大德、至大、皇慶,唯大德有十一年,餘均不滿七
- しより 元定品給員數 按「品給」不詞。 新編作「品級」,疑是。
- (為)[如]所轄司屬無從六 按元典章卷九工匠官升轉例作「如無從六」,據改。
- 一千戶之上局局使正七品副使正八品 按元典章卷九江匠局官品級千戶之上局副使作「從
- 八」品,疑此處「正」係「從」之誤。
- 皇慶二年 按元典章卷九設副達魯花赤繫延祐二年,所載甚詳。 此作「皇慶」誤。
- 河南幷腹裏一千三百〇三十〇石之上從七品 據本書卷九六食貨志補。 新編已校。

五百官志改正。

# **兀叟卷八十三**

## 志第三十三

### 選舉三

銓法中

禮法者,依格降罰,重者除名。 其資考,流轉陞遷。廉愼幹濟者,依格超陞。特恩擢用者,不拘此例。其有不務廉愼,違犯 諸用廕者,孫降子、曾孫降孫、婢生子及傍廕者,皆於合敍品從降一等。 諸廕子入品職,循 室所生。如無,立婢子。如絕嗣者,傍廕其親兄弟,各及子孫。如無,傍廕伯叔及其子孫。 嫡長子之子孫,曾玄同。如無,立嫡長子同母弟,曾玄同。如無,立繼室所生。如無,立次 仕、身故,其承廕之人,年及二十五以上者聽。 至元四年,詔:「諸官品正從分等,職官用廕,各止一名。 諸廕官不以居官、去任、致 諸自九品依例遷至正三品, 止於本等流轉, 二品以上選自 諸用廕者,以嫡長子。若嫡長子有廢疾,立

子,從 官止於管匠官內遷用。其身故匠官之子,若依管民官品級承廕,緣匠官至正九品以下,止 品以下、七品以上、年二十五之上者,當儤使一年,並不支俸。滿日,三品至五品子孫量材 特旨 品子, 酌中錢穀官。 其孫若弟復降一等。」 大德四年,省議:「諸職官子孫廕敍,正一品子,正五品敍。 敍,六品、七品子於院長內敍。 敍用外, 六品七品子准上銓注監當差使, 已後通驗各界增虧定奪。」 同,保結申覆,令親齎文解赴部。 年,詔:「諸廕官各具父祖歷仕緣由、去任身故歲月幷所受宣敕劄付、彩畫宗支,指實該承 子,從七品敍。 子,從五品敍。 並免。」 二十七年,詔:「凡軍民官陣亡,軍官襲父職,民官陣亡者,其子比父職降二等敍, 有院長、同院務,例不入流品,似難一例廕用。比附承廕例,量擬正從五品子於九品匠官內 廕人姓名年甲,本處官司體勘房親,揭照籍册,別無詐冒,及無廢疾過犯等事,上**司審驗相** 九品敍。 諸職官廕子之後,若有餘子,不得於諸官府自求職事,諸官府亦不許任用。」 正二品子,正六品敍。從二品子,從六品敍。 正六品子,流官於巡檢內 正四品子,正八品敍。 從七品子,近下錢穀官 凡儤直曾當怯薛身役,已經歷仕及止有一子,五十以上者, 諸廕敍人員,除蒙古及已當禿魯花人數別行定奪外,三 用,雜職於省卻錢穀官內用。 從四品子,從八品敍。 諸色目人比漢人優一等廕敍、達魯花赤子孫 從六品子,近上錢穀官。 正三品子,正七品敍。 正五品子,正九品敍。 十六年,部擬:「管匠 從三品 從一品 從五品 正七

今將承廕人等量擬敍用,福建、兩廣、八番官員擬江南廕敍,海北、海南、左右兩江官員擬接 能 與民官子孫一體廕敍,傍廕照例降敍。」 連廕敍、雲南官員擬四川廕敍、四川、甘肅官員擬陝西廕敍。」 止 以 通大義者冤儤使,不通者發還習學,蒙古、色目願試者聽,仍量進一階。」 (本地方敍用。據腹裏、江南歷仕陞等遷往者,其子孫弟姪承廕,又注遠方,誠可憐憫。 福建、兩廣、海北、海南、左右兩江、雲南、四川、甘肅等處廕敍之人,如父祖始仕本處, 至大四年, 韶:「諸職官子孫承廕, 須試一經一史, 延祐六年,部

品以 兩廣 陞一等,若遷去溪洞諸蠻夷,別議定奪。達魯花赤就彼處無軍蒙古軍官內選擬,不爲常例。」 所轄係西夏邊地,除本處籍貫見任官外,腹裏遷去甘肅者,擬陞二等,中興府擬陞一等。」 江淮官員,擬定應得資品,若於接連福建、兩廣溪洞州郡任用,陞一等。 元 二十一年, 詔:「管民官腹裏遷去四川陞一等,接連溪洞陞二等。四川見任官遷往接連溪洞 二十二年,江淮官員遷於龍南、安遠縣地分者,擬陞二等,仍以三十月爲滿陞轉。 十九年,省議:「江淮州郡遠近險易不同,似難一體,今量分爲三等,若腹裏常調官員遷入 上,照勘員闕,移咨都省銓注,六品以下,就便委用,開具咨省。」 二十年,部擬:「遷敍 、福建溪洞州郡者,於本等資歷上,例陞二等,其餘州郡,例陞一等。福建、兩廣官員五 凡遷調閩廣、川蜀、雲南官員: 每三歲,遣使與行省銓注,而以監察御史往蒞之。至 甘肅、中興行省

志第

敍。 建 以 比 年, 廣 子 所 兩 H 多 本 下 海 許 轄 展 廣 名 孫 依 下 兩 月 闕 其 承 邊 任 定 闕 廣 令之任。 福 都 官, 遠 任 滿官員 已 廕 奪 日 官 腹 建 省 咨到 E 地 裏官 者 員 迴, 差 於 分官員, 其蒙古、 行 聽 有元定廕 歷 任 人 省自 都 止 員遷 若 依 、與彼 兩 滿 省 理 依 御 有 任 得代, 用 本 例 應合 滿 急 史臺 去雲南近裏城邑,擬陞二等, 三年 土人 處行省、行 等 **幷不應之人,不** 陞等。」 殺 闕 者, 月 有 、依上 本 所 地 及 遷於接連 日 擬, 由 省 方通 次差 招 應 地 附 選 選資 :臺官, 得路 至治 分廕 例, 廣 人與行省、 百 取,權令之任,歷過月日 海 姓 一去處, 品品 別難 元年, 府 許 應設 敍 有 州縣 相 委用? 而 功之人, 同 議 應人,擬定名闕, 巡 未受除者, 一任 以本 省臣奏:「 儒 擬, ~檢, 行臺官 如 學教 滿 受敕 於本 土 如 不拘 Ħ, 若 願 周 授、學正、 極 迴相 省 依 巡 江浙、江 歷 於 同遷 此 邊重 檢 應得 例 廣海 江 例。」 咨行 南 依依 應人員委用。」 到 具 調 地, 彼,卽 常 廕 山 西 歷仕 一任, 上 選上 省 敍 長 更陞 省臣 准 湖廣 者 內 令差 許 脚色, 泰定 聽 理 い聽 等錢穀官 願 交代。」 文 奏准:「福 一 等。 充 腹 去 其 四 四 者, 咨省奏准 遷 裏 二十 所 年 ]]] 部 調 請 通 行 借注 雲南 部 議 選擬,權 九年 官 建、 行 省咨保人員, 依 擬 就 雲 遷轉,願 兩 五. 正 例 便銓注 南 九品 敕 廣 陞 諸 處 設,理 官員 等遷 牒 六 職官 行 品品 於 以 省 福 到

憑

官官

在任

解

由、

依驗月日、應得資品、及解

由到行省月日,

依

次就便遷調。

若

有

急闕,委

凡

遷

調

循

行

各省

所

轄路府

州

縣

諸司

應

合遷

調

官員、先儘

急闕?

次及

(滿任。

急闕須

銓注。 不 滿,方許銓注。 員, 無 具 多者不 定咨呈,五品以下先行照會之任。 如 過一 在前 用應之人,或員闕不能相就者,於應敍職官內選用,驗(各)[合]得資品上,[I]雖有超越, .歷仕元由,幷所注職名,擬咨都省,候回准明文,方許之任。 不許銓注。 等。 :給由巳咨都省聽除,未經遷注照會,不曾咨到本省者,卽聽就便開咨。 過二等。 都省已除人員,例應到任,若有違限一年者,聽別行補注。 本管地面,若有遐荒煙瘴險惡重地,除土官外,依例公選銓注,其有超用 邊遠重難去處,如委不可闕官,從差去官與本省官公同選注能幹人員,開 諸犯贓經斷應敍人員,照例銓注。 軍官、匠官、醫官、站官、各投下人等,例不轉入流品者,雖資品 令譯史、奏差人等,須驗實歷月日已 應遷調官員,三品、四品擬 應有合就彼遷敍 相 無解由人 應,不許 〈人員, 人員,

則優、然亦各有其格也。 者,惟歷繁劇得優,獲功賞則優,由內地入邊遠則優,憲臺舉廉能政蹟則優,以選出使絕域 歷官至二品,則官必從職,不復用理算法矣。 合轉,然後陞職。 九品無散官,謂之平頭敕。 凡文武散官: 漢人初授官,不及職,再授則降職授官。 多采用金制,建官之初,散官例降職事二等。至元二十年,始陞官職對 蒙古、色目,初授散官或降職事,再授職,雖不降,必俟官資 至治初,稍改之,尋復其舊。 惟封贈廕敍官職,各從 此外月日不及 一高,必

年,詔:「臺、院、部五品以上官,各舉廉能識治體者三人,行省臺、宣慰司、廉訪司各舉五人。」 凡翰林院、國子學官:大德七年議:「文翰師儒難同常調、翰林院宜選通經史、能文辭 凡保舉職官 大德二年制:「各廉訪司所按治城邑內,有廉愼幹濟者,歲舉二人。」 九

著,必合不次超擢者,別行具聞。」 者,國子學宜選年高德劭、能文辭者,須求資格相應之人,不得預保布衣之士。若果才德素

考陞一等,十五月進一階。京官率一考,視外任減一資。外任官或一考進一階,或兩考陞 十月爲滿,外任以三歲爲滿,錢穀典守以二歲爲滿。而理考通以三十月爲則。內任官率一 遇陞則借陞,而補以後任。此又其權衡也。 任多,則後任累之。一考者及二十七月,兩考者及五十七月,三三考者及八十一月以上, 下用金寶、二品以上用玉寶、有特旨者、則有告詞。其理算論月日,遷轉憑散官,內任以三 進止。自六品至九品為敕授,則中書牒署之。自一品至五品爲宣授,則以制命之。三品以 一等,或三考陞二等。 凡遷官之法: 從七以下屬吏部,正七以上屬中書,三品以上非有司所與奪,由中書取 四品則內外考通理。此秋毫不可越。然前任少,則後任足之,或前

臺幕官、監察御史出爲憲司官。 凡 選用不拘常格: 省參議、都司郎中、員外高第者,拜參預政事、六曹尚書、侍郎,及 外補官已制授,入朝或用敕除,朝蹟秩視六品,外任或爲

中貴 長伯。 之不常有者,惟四品以下者有之。三品則遞進一階,至正議大夫而止。若夫勳臣世胄、侍 法 如 此。 人,上命超遷,則不可以選格論。亦有傳敕中書,送部覆奏,或致繳奏者,斯則歷代以 在朝諸院由判官至使,寺監由丞至卿,館閣由屬官至學士,有遞陞之法,用人重於用 又覃官,或准實授,或普減資陞等,或內陞等,或外減資,或外減內不減,斯則恩數

注 擬,其餘流外人員,不拘多寡,並以一月一次銓注。」 凡 更部月選: 至元十九年議:「到部解由即行照勘,合得七品者呈省,從七以下本部

來封駁之良法也。

年,定隨朝以三十月爲滿,在外以三周歲爲滿,錢穀官以得代爲滿,吏員以九十月日出職, 職官轉補,與 凡官吏遷敍: 職官同。 至元十年,義:「舊以三十月遷轉太速,以六十月遷轉太遲。」 二十八

官一等,三品遞進一階,至三品上階止,回服色、班次、封廕,悉從一高。其有出身應入流 定元年,詔:「內外流官已帶覃官,准理實授。所有軍官及其餘未覃人員,四品以下並覃散 加散官 憑散官。 凡覃官: 学。」 三品者遞進一階,至正三品上階而止。其應入流品者,有出身吏員譯史等,考滿 至大二年,詔:「內「外」官四品以下,普覃散官一等, 「三服色、班次、封廕皆 三年,蒙古儒學教授,一體普覃。 四年,詔在任官員,普覃散官一等。

志

딞 日,任回,四品內通行理算。」 旣循行舊例,覃官三品,擬合准理實授,月日未及者,依驗散官,止於四品內遷用,所有月 理 月日,後准實授,其正五品任回已歷一百三十五月者,九十月該陞從四,餘有四十五月, 人等,如在 恩例之前入役支俸者,考滿亦依上例覃授。」 二年,省議:「應覃人員,依例先

繁勞,在京者陞一等,至三品止,在外者減一資。」 滅一資,有出身應入流品者,考滿任回,依上優減。 <u>|</u>至治二年,太常禮儀院臣奏:「皇帝親祭太廟,恩澤未加。」 詔四品以下諸職官,不分內外,普 後至大德九年格前,歷及在外兩任或一任、六十月之上者,並與優減,未及者不拘此格。」 資。」部議:「外任五品以下職官,若歷過隨朝及在京倉庫官鹽鐵等職,曾經陞等減資外,以 凡減資陞等: 大德九年, 韶:「外任流官, 陞轉甚遲, 但歷在外兩任, 五品以下並減一 天曆元年, 韶:「以兵興、內外官東供給

授,餘無闕者令候一年。」大德元年,以員多闕少,宜注二年。 注六月滿闕,六月以上不得預注。」 二十二年,詔:「員多闕少,守闕一年,年月滿者照闕注 凡注官守闕: 至元八年議:「已除官員,無問月日遠近,許准守闕外,未奏未注者,許

凡注官避籍 至元五年,議:「各路地里闊遠,若更避路,恐員闕有所礙,止宜斟酌避

照會。 凡除官照會: 錢穀官候見界官任滿,至日行下合屬照會。」 二十四年,議:「受除官員省劄到部照 至元十年,議:「受除民官,若有守闕人員,當前官任滿,預期一月檢舉

勘,急闕任滿者,比之滿期,預先一月照會。」

行,上水日八十里,下水百二十里。職當急赴者,不拘此例。違限百日外,依例作闕 日,遠不過五十日。 凡赴任程限: 凡赴任公參: 馬日行七十里,車日行四十里。乘驛者日兩驛,百里以上止一驛。 大德八年,定赴任官在家裝束假限,二千里內三十日,三千里內四十 至元二年,定散府州縣赴任官,去上司百里之內者公參,百里之外者申

到任月日,上司官不得非理勾擾,失誤公事。

能 限 醫幷告假侍親者,擬自離職住俸日爲始,限一十二月後聽仕。其之任官果因病患事故,不 部作闕,仍就任所給據,期年後給由求敍,自願休閒者聽。」 至元八年,省准:「在任因病求 病,難議截 裝 赴任 內俸 《束假限外,違者計日斷罪。」:二十七年,議:「祖父母、父母喪亡幷遷葬者,許給假限,其 凡官員給假: :鈔,擬合支給,違例不到,[吾停俸定罪。」 二十八年,部議:「官吏遠離鄕土,不幸患 l,自受除日爲始,限一十二月後聽仕。**」** H 住俸,果有患病官吏,百日內給俸,百日外停俸作闕。」大德元年,議:「雲南 中統三年,省議:「職官在任病假及緣親病假滿百日,所在官司勘當申 部擬…「凡外任官日久不行赴任,除行程并

志

官員, 官宜限以六月,越限 憂,各依本俗,蒙古、 及因事不能赴任者,卽牒所在官司,否則 古、色目人員各從本俗外,管軍官幷朝廷職 「赴任官卽將署事月日飛申, 如遇 祖 ·父母、父母喪葬,其家在中原者,並聽解任奔赴。」 日以 色目倣效漢人者,不用。」部議:「蒙古、色目人願丁父母憂者聽。」 他人代之,期年後,授以 以憑標附,有犯贓事故, 親鄰主首,呈報上 不 可 '曠者,不拘此例。」 他職。」 並仰 中聞。」 司,別行銓注。」 七年,議:「已除官員,若有病故 二年, 詔:「凡值喪,除蒙 天曆二年,韶:「官吏丁 五年,樞密院臣議:「軍 八年,吏部言:

益。 果有親年 凡遠年求 凡官員便養 敍: ·七十以上,別無以次侍丁, 元貞元年, 至大三年,韶:「銓選官員,父母衰老氣力單寒者,得就近遷除,尤爲便 部擬:「自至元二十八年三月爲限,於本處官司明具實跡保 合從元籍官司保勘明白,斟酌定奪。」

勘,申覆 È 司遷敍。」 大德七年,議:「求敍人員,具由陳告,州縣體覆相同,明白定奪,依例

敍用。」

#### 銓法下

同 舊日, 凡省部令史、譯史、通 會量作九十月爲滿。 事等: 其通事、譯史繁劇, 至元六年,省議:「舊例一百二十月出職,今案牘繁冗,難 合與令史一體。 近都省未及兩考省令史

志第三十三 選舉三 志第三十三 選舉三

降。 檢。 令貼補,值例革者,比<u>至</u>元九年例定奪。」省准:「宣使、各部令史出職同,三考從七。 十年,東部言:「准內外諸衙門令譯史、通事、知印、宣使、奏差等,病故作闕,未及九十月,並 宣命充宣使者,擬出職正七品職,外有非宣授人員,擬九十月爲考滿,與正八品。」 考滿,依舊例正八品職事,仍觅回降。 品,回降正八一任,還入從七。 統四年正月已前,收補部令史、譯史、通事,擬九十月爲考滿,照依已除部令史例,注從七 注正七品者,回降從七,還入正七。一考滿,合得從七注從六品,合得正七注六品者, 注從六品,未合得從七品,注正七品,如更勒留一考,合同隨朝陞一等。一考滿,未得從七 職,與正七職事,並発回降。 還入六品。 充者,中統四年正月已前,合與直補人員一體,擬九十月考滿,注六品職事,回降正七一 譯史授宣,注六品職事,部令史已授省劄,注從七品職事。 上,驗月日 正從六品人員不合收補省令史、譯史,如有已補人員,合同隨朝一考陞一等注授。 臺院、 定奪。 中統四年正月已後,將本司歷過月日 大司 農 司譯史、令史出身同,三考正七。 一考之下,二十月以上者正九,十五月以上者從九, 職官充省令譯史,舊例文資右職參注,一 中統 四年正月已後,充部令譯史、通事人員,亦擬九十月爲 省宣使,舊例無此職名,中統以來,初立中書省,曾受 ,三折二,驗省府月日考滿通 一考之上,驗月日定奪。 今擬省令譯史、通事,由六部轉 考滿,合得從七品, 十五 月以下擬充巡 理,九十月出 考之下,二 一考之 至元二 発回 任, 中

六十 滿,都 醋使, 巡檢 十月 陞 檢。 陞 江 員,各路 九 億 牘陞轉 奏差三考從八品。 十 轉, 提控案牘 南提控案牘、都〔吏〕目:〔4〕至元二十五 匹 月都目。 月都目, 庫 ,二十月以 宣使三考正八品 以 十五. 漕 十五月之下 今准六十月考滿,不須減 通例, 上 司 運司 밁 更,元 從 一月以 吏 ,兩考正九。 令 凡腹 轉充提控案牘、都目, 九十月提控案牘,今准 左右八作司司 擬 史 下 上 + 酒稅 六十月考滿,今准 九 酒 者正 裏提控案牘、都 五. 一十月。 · 稅醋都監。」 月以 考之上,驗月日定奪。 醋使。 九,十五月以 路司 上正九,十五 考之上,驗月 諸路寶鈔提 吏,元擬六十月,今准九十月都目。」 吏 資。 部 九十月吏目, 令史、譯史、通事三考從七。 吏目:京畿漕 大德 比 大都 九十月考滿。 上從九,十五月以下令史提控案牘,通事、譯史巡檢 九十月 同 陞 舉 月以下、 日 四年,中書省准:「吏部擬腹裏、江南 運 定奪。 司 年呈准,各路 用,其餘直 都 司 司 一考之下,二十月以上巡檢,十五月之上 目。 令史,九十月考滿都 吏, 運司令史,元擬六十月考滿, 考轉都目, 十月之上從九, 富寧庫司 大都路令史,元擬六十月考滿,任 元擬六十月考滿,今准九 考之下, 補 司 人 數 吏六十月 ",並循 餘皆依 吏,元擬 二十月以 一考之上,驗月 添二 目。 又議:「已 至元二十一 上陞 吏目,兩 六 上從 **」資,**公 寶鈔 十月提控案牘, 轉。 九, 經 總庫 考陞都 都吏目、提控案 今准 十月考滿 年之 日定奪 改 十月 十五 擬 司 九 例 吏, 出 十月考 口 以 月 遷 職 今准 减 一酒稅 下巡 元 以 用。 考 考 萬 擬 資 上

資品 考滿 通事、 遷除 職 從 方,雜職 例。 聽 月日 除各路司 人內發補 選補 選 八品流官內選取,仍須色目、漢人相參,歷 半職官,從 不 預 取。 上陞一等, 人內,挨次上名補用,其有不敷,從翰林發補。 立 譯史、通 吏員,除都省自行選用 知印、宣使有出身者, 例後 格 不 省掾,正從七品得代有解由 質 更,比腹裏路司具立元二十五年呈准例遷除,其餘已行直補,幷自行保舉,自呈准 預 歲貢人吏,依已擬 遠越創補者,雖歷月日不准。」 各部自行 歷案牘兩考者 事 除元任地 知印 選職蒙古、 於正從七品流官內選取, 選用。 方, 回回文字,通譯語 一半於職官內選用,依舊一百二十月爲滿,外任減一資。」又議: ,止依至元二十 外, 雜 在役聽 通事、知印從長官選 職不 各部依元設額數,遇 候。」 并見任未滿、 (用)[預]。 一年定例,九十月入流。 省議:「六部令史如 大德十一年,省臣奏:「凡內外諸司 正從七品流官,考滿驗 考, **元** 考滿並依 用。 院臺令史如元係 已除未任文資流官內選取, 於應得資品 奏差亦於職官內選 闕職官, 譯史則從翰林院試發都省書寫 上例 注授, 與籍記 上陞 正 從 七品之人, 未及 九品 元 雜 內相參發補,〔六〕 等, 、資陞 職 一半,餘 兩 不敷,從 不 除元 預 一等,注 考者,再 亦 考滿 於籍 令史、譯史、 任 宣使 在 八 地 選補 品品 元 於 記 添 方, 合用 於 典吏 應 內亦 任 應 一資 雜 TF. 地 之 得 例

凡 歲 貢 吏 員: 至元 十九年,省議:「中書省掾於樞密院、御史臺令史內取, 院令史

志

第

+

 $\equiv$ 

選

舉

路司 貞元年,詔:「諸路有儒通吏事、吏通經術、性行修謹者,各路薦舉, 業不失章指者爲中選。 察司書更有闕,府州司吏內勾補,至歲貢時,本州本路以上,再試貢解。 授考試,習行移算術,字畫謹嚴,語言辯利,詩、書、論、孟內通一經者爲中式,然後補充。 時務者,保申解貢。 於六部令史內取,六部令史以諸路歲貢人吏補充,內外職官材堪省掾及院、臺、部令史者, 以次貢二名,儒人一名必諳吏事,吏人一名必知經史者,遇各部令史有闕,以次勾補。」 管府凡三年一貢、儒、吏各一人、下路二年貢一人,以次籍記,遇各部令史有闕 才能無取者不許呈貢。」 二十二年,省擬:「呈試吏員,先有定立貢法,各道按察司 司於見役人內公選,以性行純謹、儒吏無通者爲上,才識明敏、吏事熟閑者次之,月日雖多、 願學者聽。 今擬定例于後:諸州府隸省部者,儒學教授選本管免差儒戶子弟入學讀書習業,非儒 亦許擢用。省掾考滿,資品旣高,責任亦重,皆自歲貢中出,若不敎養銓試,必致 二人,省臺委官立法考試,必中程式,方許錄用。」 更及歲貢儒人,先補按察書吏,然後貢之於部,按察書吏依先例選取考試,唯以經 遇按察司、本路總管府歲貢之時,於學生內選行義修明、文學優贍、通經 各路司吏有闕,於所屬衙門人吏內選取。 隨路貢舉元額,自至元二十三年爲始,各道按察司每歲於書吏內, 大德二年,貢部人吏,擬宣慰司、廉訪司 委本路長官參佐,同儒學教 廉訪司 諸歲貢吏、當該官 試選。 補 人材失真, 毎道 用 上路總 虚史、達 一歲貢 史吏 若隨 按 而

史同臺令史一體出身,於各部令史內選取。」 二十一年,省議:「江淮、江西、荆湖等處行省 史一體,於應補人內挨次塡補。」 資官及六部令史內轉補。 官幷臺、院、六部令史內,從上名轉補。 准:「各道廉訪司書吏,先儘儒人,不敷者吏員內充貢,各歷一考,依例試貢。」 式,許補各部令史。除南人已試者,別無定奪到部,未試之人,依例考試。」 改通政院,與臺院令史一體出身,於各部令史內選補。」十五年,部擬:「翰林兼國史院令 少府監令史,擬於六部幷諸衙門考滿典吏內補用。」 事人內選補。 每道歲貢二人儒吏兼通者,自大德三年爲始,依例歲貢,應合轉補各部寺監令史,依至元新 令史,擬捋至元十九年咨發各省貼補人員先行收補,不許自行踏逐,移咨都省,於六部見役 一發遣,到部之日,公座試驗收補。 凡補用吏員: 或參用職官,則從行省新除正從八品職官內選取,雜職 樞密院、御史臺令史、省掾有闕,從上轉補,考滿依例除授,又於正從八品文 至元十一年,省議:「有出身人員,遇省掾有闕,擬合於正從七品文資 省斷事官令史與六部令史一體三考出身,於部令史內發補 十四年, 詔:「諸站都統領使司令史擬同各部令史, 今旣 九年,省判:「凡選府州教授,年四十已下,願試吏員程 翰林兩院擬同六部令史,有闕於隨路儒學教授通吏 十三年,省議:「行工部令史與六部令 官 不預。」 二十二 至治二年,省 職

年,宣徽院令史,考滿正七品遷敍,於六部請俸令史內選取。

總制院與御史臺同品,令譯

宣徽 選,如 文資出 遷。」 外,其餘 補。 月,或願充、或籍貫附近、或選到職官,逐旋選解。 年,省准:「遼陽省令史宜從本省選正從八品文資職官補用。復令各部見役令史內,不限歲 九年,大司農司令史,於各部一考之上令史及正從八品職官內選取。 史、通 各道宣慰司元係廉訪按察司轉補見役兩考之上令史內選充,以宣慰司役過月日,折半准 司 本 令史幷常調提控案牘內及本院兩考之上典吏內補充者,考滿依例遷敍,自行選用者,止於 內,或於 衙 吏,發補附近隆興、大同、大寧路司吏相應。」 門就 院闌遺 無,於上名內選。 事一體如之。 身人員內選。 二十八年,省議:「陝西行省令史,於各部及考令史幷正從八品流官內選補。」 合依至元二十一年定例,於六部見役上名令史、或正從八品流官參補。 上都見役寺監令史、河東、山北二道廉訪司上名書吏內,就便選用。 都 《給付身,不入常調。」 四年,部擬:「上都留守司令史,仍聽本司於正從八品流官 監令史,准本院依驗元准月日挨補,考滿同,自行踏逐者降等。遇闕如係籍記 留守司令史,於籍記各部令史內,或於正八品職官內選用,考滿從七品遷用。 吏員於樞密院、御史臺令史元係六部令史內 發 充,歷二十月以上者 二十四年,省准:「大都留守司兼少府監令史,依宣徽院、大司農司例 三十一年,省准:「內史府令史,於各部下名令史內選。」 大德三 部擬:「各處行省令史,除雲南、甘肅、征東 國子監令譯史,於籍記寺監令史內發 省掾有闕,於正七品 上都兵馬司 不敷,聽於

選取。」 算,通理一百二十月,方許出職。」 史內從上以通曉書算、練達錢穀者發遣,從本部試驗收補。」八年,省准:「隨路補用吏員, 籍記令史內公選,不許別行差補,考滿離役,依例選取,餘者依次發補。 令史,於元保內選補,考滿降等敍用,有闕於籍記令史內發補。」 七年,擬:「刑部人吏,於 近州縣司吏內遴選。」六年,省擬:「太醫院令史,於各部令史幷相應職官內選取。 闕以倉庫攢典歷一考者選充,及兩考則京畿都漕運兩司籍名,遇闕依次收補。 令各路先以州吏入役月日籍爲一簿。府吏有闕,從上勾補,州吏有闕,則於本州籍記司縣 記部令史內選取儒吏一名,續准一名,於籍記部令史內從上選補。 內勾補。 處耆老上戶循衆推舉,仍將祗應月日均以歲爲滿。州吏有闕,縣吏內勾補。 上者參用。」 十年,省准:「司縣司夷有闕,於巡尉司吏內依次勾補。 敷,就取元由路吏考滿陞充都吏目典史准吏目月日及大同、大寧、隆興三路司吏歷兩考之 史有闕,先儘省部籍記常調人員發補,仍於正從九品流官內、幷應得提控案牘內選取。不 人夷內從上勾補。 九年,省准:「都城所係在京五品衙門司吏,歷兩考轉補京畿都漕運兩司令史。遇 若無所轄府州,於附近府州東內勾補,縣東發補附近府州司 各道宣慰司令史,遇闕以籍記部令史下名發補,新除正從九品流官內 大德五年,擬:「檀景等處採金鐵冶都提舉司人吏,於附 戶部令史,於籍記部令 巡尉司吏有闕,從本 吏。 禮部省判,許於籍 路吏有闕,州吏 戶、刑、禮部合 上都寺監令 長信寺

志

准:「縣· 典瑞 大元 本部於相應人內發補,考滿依例遷用,見役自用之人,考滿降等敍,有闕以相應人補。」四 身,所轄一十九處,兩提舉司設吏目一人,常選內選,司吏五名,縣司吏內選。 從 本院選,

"学於上名部令史內發補。譯史二名,內職官一名,從本院選,外一名翰林院發。 選令史有闕,於籍記令史上十名內、幷職官到選正從九品文資流官內試選。」 十一年,省 年,省准:「江西等處儒學提舉司司吏,舊從本司公選,後從國子監發補,宜從本司選補。 事、知印各一名,從本院長官選。宣使八名,半參用職官,餘許本院自用一名,外三名常選 通事各 「泉貨監令史,於各處行省應得提控案牘人內選,參用正從九品流官。山東、河東二監,從 相 【本監長官選,奏差六名,各州司吏內選,典吏二名,本監選。 以上考滿,同都漕運司例出 應人內發。 泉貨監六處,各設令史八名,於各路上名司吏內選,譯史一名,從翰林院發,通事二名, 監首領官、令譯史等,依典寶監例選用,考滿遷敍。」 部議:「長信寺通事一名,例從所 年,省准:「典寶監令史,就用前典寶署典書蒙古必闍赤一名,例從翰林院試補,知印、 譯史、知印、令史、奏差,從本衙門選一半職官,餘相應人內選,考滿同自用遷敍。 吏如 一名,從長官選保。」 歷一考,取充庫子一界,再發縣吏,准理州吏月日,路吏有闕,依次勾補。」至 典吏六名,從本院選。所轄庫二處,每處司庫六名,本把四名,於常選人內 二年,立資國院二品,及司屬衙門令史一十名,半用職官,從 三年,省准: 通

依各縣人吏,一體於附近各處巡尉捕盜司吏依次以上名勾補,再歷一考,與各場鄰縣吏互 年,省准:「河間等路都轉運鹽使司所轄場,分二十九處,二處改陞從七[品],[10]司吏有闕, 本省區用,若經省部擬發,相應之人依例遷用,如不應者,雖省發亦從本省區用。」 奉懿旨委用者,考滿本司區用,有闕以相應人補。 瑞司譯史,從翰林院發,知印長官選保,令史、奏差參取職官一半所選相應,考滿依例遷敍, 東,於諸州見役司東內選,不敷則以在都倉庫見役上名攢典發充,歷九十月除都目,年四十 五之下歷一考之上,亦許轉補京畿都漕運司令史,違例收補,別無定奪。」 二年,省准:「中 挨補,月日雖多,不得無故替罷,違例補用者不准,除已籍記外,有闕依上勾補。 司幷各州見役上名司吏內勾補,有闕從本路於左右巡院、大興、宛平與其餘縣吏通籍從上 例。其已選人,考滿降等敍,有闕於相應人內選發。 史,考滿除正八品。 九年例陞提控案牘,減一資陞轉。有過者,雖貼滿月日,不減資。遇闕於所轄南北兩兵馬 第三十三 和林路總管府司吏,以本處兵馬司吏歷一考者轉補,再歷一考,轉稱海宣慰令 補不盡者,六十月受部劄充提控案牘。沙、瓜二州屯儲總管萬戶府邊 選 征東行省令譯史、宣使人等,舊考滿從 。 大都路令史,歷六十月,依至元二十 覆實司司

延祐二

差人等,據諸色譯史例,從翰林院發補。知印、通事,長官選。令史、奏差、典東俱有發補定

皇慶元年,省准:「羣牧監令譯史、知印、怯里馬赤、奏

二名,就便定奪,其自用者降等敍。」

補、〇〇宣使於常〔選〕職官內參補、〇〇〇通事、知印從長官選用,仍須參用職官,典吏從本衙 書寫內選補。奏差二名,以相應人補。」 名,內取教授二名,職官二名,廉訪司書吏二名。譯史一名,於蒙古字教授及都省見役蒙古 門補用。」 五年,省准:「詹事院立家令司、府正司,知印、怯里馬赤俱令長官選用。 令史六 考滿同二品衙門出身例,降一等添一資陞轉。 於常選教授儒人職官幷見役各部令史內取 遠比例,一體出身相應。 會福院令譯史、通事、宣使人等,若省部發去者依例遷敍,自用者

定擬。 「各道廉訪司通事、譯史出身,比依書東一體,考滿正九。奏差考滿,依通事、譯史降二等量 比依宣徽院、大司農司一體出身,自行踏逐者降等遷敍。 大司農司所轄各道勸農營田內 准:「大都留守司兼少府監奏差改充宣使,合於各部奏差內選取,改陞宣使月日爲始,考滿 充者,三考從八品,任回減一資陞轉。 巡檢提控案牘選充者,一考正九品。」 二十四年,省 遷轉。都省元定六部奏差遷轉格例,應入吏目選充者,三考從八品。應入提控案牘人員選 考滿正七品。省劄宣使,九十月考滿比依部令史例從七品。其臺院宣使、各部奏差,比例 書吏,於各路司吏內選取,考滿提控案牘內任用。 奏差就令本司選委。」 二十九年,省准: 凡宣使、奏差、委差、巡鹽官出身:中書省宣使、至元九年,曾受宣命補充者,九十月 二十三年,省准:「省部臺院令譯史、通事、宣使、奏差人等,未滿九十月,不許預告

都運司,一體定奪。」 六年,部擬:「河間運司巡鹽官,依奏差出身,九十月近下錢穀官內任 滿,於酌中錢穀官內任用。」 五年,部議:「山東運司奏差,九十月近下錢穀官內任用。」大 各道廉訪司奏差出身,於本道所轄上名州司吏內選取,九十月都目內任用。若有路吏幷典 用。」 七年,部擬:「凡奏差自改立廉訪司爲始,九十月歷巡檢三考,轉從九。」 皇慶元年, 擬,於錢穀官幷巡檢內任用。」 三十年,省准:「延慶司奏差,比依家令司奏差一體,考滿正 九品,自行踏逐者降一等。」 大德四年,省准:「諸路寶鈔提舉司奏差,改稱委差,九十月爲

吏內取充者,歷兩考,比依上例,都目內陞轉。

例六十月,近上錢穀官一體遷敍。」 大德元年,部擬:「中御府奉宸庫庫子,以三周歲爲滿, 內任用。」 三十年,日即省准:「宣徽院生料庫庫子、本把幷太醫院所轄御藥局院本把出身, 穀官內任用。」 三十年,省准:「大都留守司兼少府監器備庫庫子、本把,六十月近下錢穀官 庫子,[115]三周年爲滿,省劄錢穀官內遷敍。 備用庫提控三十月,庫子、本把三周歲,近上錢 八年,省擬:「泉府司富藏庫本把、庫子,六十月近下錢穀官內任用。 錢穀官內任用。 衞尉院利器庫、壽武庫庫子,踏逐者九十月近上錢穀官內任用。」 二十 擬受省劄錢穀官。本把六十月,近上錢穀官內任用。」 三年,省擬:「萬億四庫、左右八作 凡庫藏司東庫子等出身: 至元二十六年,省准:「上都資乘庫庫子、本把,九十月近上 。 太府監行(由)[內]藏

近下錢穀官內任用 都平准庫品級尤高、擬各倉攢典轉寺監本把、幷萬億庫司 億寶源庫色目司庫,擬於巡檢內任用,添一資陞轉。 會同 藥局本把,六十月近上錢穀官內任用。」 雜 任用;都監內充司庫,二年爲滿,於受省劉錢穀官內任用;務使充司庫,二年爲滿,於從九品 五十人、除色目一十四人另行定奪外,漢人於大都路人戶內選用,二周歲爲滿,院務提領內 目;六十月以上轉提控案牘。省擬六十月以上、四十五月以下,願充寺監令史者聽。 總管府、轉運司、漕運司下名司吏內選取,三十月擬充吏目,四十五月之上、六十月之下都 控案牘,比常選人員,任迴滅一資陞用。 歲滿日,減一界陞轉,其色目司庫於到選錢穀官內選發,考滿優減兩界。 任用,自行踏逐者一考並同,循行如此。又漢人司庫,於院務提領、大使、都監內發補,二周 司、富寧、 尙食局 職內任用。 ·館收支庫攢典,與長秋庫同 本把,擬於錢穀官內遷敍,本院自行踏逐者,就給付身,考滿不入常調 寶源等庫,口巴各設色目司庫二名,俱於樞密院各衞色目軍內選差,考滿巡檢內 秤子五人,於大都人戶內選充,二年爲滿,於近下錢穀官內任用 侍儀司法物庫所設攢典、庫子,依平准行用 上都廣積、萬盈二倉係正六品,永豐係正七品,比之大 司東三十五人,除色目四人外,漢人有闕,於大都 四年,受給庫依油磨坊設攢典、庫子,從工部 京畿都漕運司司倉,於到選錢穀官內 吏相應。 庫例補用。 提舉廣惠司庫子,考滿 都提舉萬億 五年,大都 都提 太醫院御 庫提 司

所轄廣濟庫庫子、攢典,自行踏逐者比依三倉例,六十月於近下錢穀官內定奪。」 補著、六十月爲近上錢穀官、其餘補充之人、九十月依上遷用。 年,省准:「廣禧庫庫子,依奉宸庫例出身,如係本把一考之上轉充者,四十五月受省劄錢穀 出身,部議比依太府、利用、章佩、中尚等監。武備寺庫有闕,如係本衙門典吏請俸一考轉 抄紙坊攢典有闕,並依上例。 四品衙門司東有闕,亦於上項司東內從上轉補,將役過五品衙門月日,五折四准算,通理九 十月考滿,提控案牘內遷用。 吏內差補,周歲發充縣司吏,遇州司吏有闕,挨次勾補。 滅一資陞用。」 七年,各路攢典、庫子,部議:「江北及行省所轄路分庫子,依已擬於司縣司 庫子,合從武備寺給付身,考滿本衙門定奪。 都目近上錢穀官,吏目改酌中錢穀官。提控案牘,都吏目月日考滿,於流官內遷用。 目,如係路府司吏轉充之人,依舊遷除。 吏內發補。 提舉和林倉、昔寶赤八剌哈孫倉、孔古列倉司吏、六十月酌中錢穀官內委用。資成庫庫子 六年,部呈:「凡路府諸州提控案牘、都吏目等,諸衙門吏員出身,應得案牘、都吏 左右八作司等五品衙門內司吏有闕,却於各倉庫上名攢典內發補。若萬億庫 如轉補不盡,五品衙門司吏考滿,止於都目內任用。油磨坊、 回回藥物院本把,六十月酌中錢穀內定奪。」 九年,省准: 其由倉庫攢典雜進者,得提控案牘改省劄錢穀官, 大積等倉典吏,與四庫案牘所掌事同,任回 諸倉庫攢典有闕,於各部籍記典 和林等處宣慰司都元帥府 至大二 廣勝

者,考滿本衙門定奪。」 物庫例出身。 舊例陞轉。」 內補用,其庫子合於常調籍記倉庫攢典人內發補,六十月爲滿,於務都監內任用,自行委用 奪,若係常選任用者,考滿依例遷敍。」 二年,殊祥院所轄萬聖庫庫子、攢典,依崇祥院諸 監庫子例,常選內委用,考滿比例遷除,有闕於常調人內發補,自行選用者,考滿從本院定 歲爲滿、近下錢穀官內定奪。」皇慶元年、部議:「文成、供須、藏珍三庫本把、庫子、依太府 體,二周歲爲滿。」 三年,省准:「各路庫子於各處錢穀官內發補,擬不減界,考滿從優定 官,其餘補充之人,六十月依上例遷用。本把元係本衙門請俸一考典吏轉補者,六十月近 上錢穀官,其餘補充者,九十月亦依上例遷用。 江北庫子, 止依舊例。 部議:「如比上例、三十月轉補五品衙門司吏、再歷三十月、於四品衙門司 延祐元年,省議:「腹裏路分司倉庫子,於州縣司吏內勾補,滿日同 和林設立平准行用庫庫子,宜從本省相應人內量選二名,二周 上都東西萬盈、廣積二倉司倉,與倉官一 吏

補本院宣使。各寺監典吏,比依上例,考滿轉補本衙門奏差。 於提控案牘內任用,於各部銓寫及典吏內收補。 令史一體,考滿從優定奪。 凡書寫、銓寫、書吏、典吏轉補: 參議府、左右司、客省使令史、書寫,四十五月轉補,如補 至元二十五年,省准:「通政等二品衙門典吏,九十月 會總房、承發司、照磨所、架閣庫典吏,各 戶部塡寫勘合典吏,與管勘合

更,江沿一考之上轉補參議府、左右司、客省使令史,補不盡者,四十五月補寺監令史。有 四十五月轉補各部令史。如已行選用者,四十五月補寺監令史。 參議府、左右司、客省使 寫月日,通折四十月轉部。及六部銓寫、典吏一考之上選充,三折二令史、書寫月日,通折 省准:「參議府、左右司、客省使令史,各房書寫有闕,擬於都省典吏內選補,五折四令史、書 如年四十五以下,願充寺監令史者聽。 省院臺部書寫、銓寫、典吏人等出身,與各道宣慰 補本司宣使,考滿依例定奪。」 二十七年,省准:「漕運使司令史,九十月提控案贖內任用, 吏,部令史有闕,亦行收補。」 二十六年,省准:「上都留守司兼本路都總管府典吏,九十月 都目內任用。御史臺典吏,遇察院書吏有闕,從上挨次轉補,通理六十月,補各道按察司書 目內任用。 樞密院典吏、銓寫,依御史臺典吏一體,六十月轉部,轉補不盡,六十月已上,於 參議府、左右司、客省使令史、書寫內以次轉補,如補不盡,六十月轉補各監令史,已上,吏 部銓寫,六十月轉補,已上,都目內任用。 各部典吏幷左右部照磨所、架閣庫典吏,於都省 及六部銓寫、典吏一考之上選充,三折二令史、書寫月日,通折四十五月轉補各部令史。如 令史,各房書寫有闕,擬於都省典吏內選補,五折四令史、書寫月日,通折四十五月轉部。 司、按察司、隨路總管府歲貢吏員一體轉部,書寫人等止令轉寺監等衙門令史。」二十八年, 自行選用者,四十五月補寺監令史。」 部議:「執總會總房、照磨[所]、承發司、架閣庫典

司令史。 補察院,三十月轉部,補不盡者,考滿從八品遷用外,行臺典吏三十月轉補行臺察院書吏, 例轉補,不盡者六十月充都目。」 二十九年,部擬:「御史臺典吏三十月,依廉訪司書吏轉 都省各房寫發人內公舉發補,除轉充參議府、左右司、客省使令史、都省書寫、典吏者,依前 自行選用者,六十月補寺監令史。 六部銓寫、典吏幷左右部照磨所、架閣庫典吏,一考之 充參議府、左右司、客省使令史、都省書寫,五折四令史、書寫月日,通折四十五月轉部。 如 闕,於六部銓寫、典吏一考之上選充,三折二省典吏月日,通折六十月轉補各部令史。 若轉 省准:「徽政院掌儀、掌膳、掌醫署書吏宜從本院通定名排,若本院典吏有闕,以次轉補。」 吏,於行省請俸典吏內選補,以典吏月日五折四,通折書吏六十月轉各道宣慰司。」 四年, 有闕,補請俸上名典吏。」大德元年,省准:「兩淮本道書吏,轉補行臺察院書吏、江南宣慰 更有闕、從上挨次發補。 轉補本衙門奏差。」 元貞元年,省准:「省部見役典吏實歷俸月,名排籍記,遇都省書寫、典 再歷三十月發補各道宣慰司令史。 參議府令史,四十五月轉部令史。 光祿寺典吏,考滿 上,遇省書寫、典吏月日補不盡者,六十月轉補寺監令史。」省議:「除見役外,後有闕,擬於 八年,省議:「院臺以下諸司吏員,俱從吏部發補,據曾經省發幷省判籍定典吏、令史,從吏 雲南、四川、河西三道書吏,在邊遠者三十月爲格,依上遷補。 江浙行省檢校書 樞密院銓寫,一考之上補都省書寫,通折月日陞轉外,本院銓寫

籍記者、呈左右司關吏部籍定、遇部典吏闕收補、歷兩考從

上名轉省典吏,除一考外,餘者

省掾每名,設貼書二名,就用已

部依次試補,元籍記典吏,見在寫發者,遇各庫攢典試補。

十年,省

工部符牌

赤。

(典。」

舊出 中瑞司 江浙 准 書東,上名貢部,下名轉察院,不盡 吏, 參補用,不敷從翰林院發補。」 補 別 「廉訪司書吏、貢察院書吏,不盡者九十月除正九品,行臺察院書吏轉補不盡者如之。 九十月除從八品,非廉訪司 察院各道廉 准:「各部蒙古必闍 上 五月遇典用等監衙 一、「陝西 無定奪。」 名貢部 轉理 身敍, 行省運司書吏,九十月陞都目,添 各路府州獄 掌掌 問 一諸道 下名轉補察院。 謁 所令史,四十五 任迴 訪司 司 行御史臺察院書吏,若係腹裏歲貢廉訪司見役書吏選取 十一年,省准:「左司言照磨所典吏遇闕,宜於左右部 典書, 添 書 典遇 一資陞 赤, 吏,先役書 門譯史有闕, 九十月與寺監令史一體除正八品。 闕,於廉訪司寫發人及各路通曉刑名貼書內參補。」 如係翰林院選發之人,四十五月遇各衙門譯史有闕, 轉。 月發補稱海宣慰司令史,轉補 取 總管府獄 ī吏歷· 充 則四 三年,省准:「詹事院蒙古書寫, 內臺察院轉部、 依次與職官相參補用,不敷從翰林院選發。 者 九十 + 通 一資陞 典轉州 九十月, 克, 五. 月 擬正 ,轉部, 轉, 司 除正 吏,府州 行臺察院 九 如非各路散府上州 不盡 品, 九 任迴 品。 者考滿除正 不盡典吏,須歷六十月依 者補縣吏,須 轉江南宣慰 添 行臺察院書吏, 察院書吏三十 一資陞轉。」 如係翰林院選發之人,四 九 照 司 歷 品。 司令史,北 人 磨所 吏補充, 數, 考,方許 月轉部, 俱 省議:「 依次與職官 典吏內從上發 二年,(三) 議: 須 歷 至大元年,省 和林 役過 九 歷 上 人貢 轉 十 一發補 行省 不盡者 廉 考,以 月日 補 月 訪 內 典 依 相

察院

書更轉部,年高不願轉部者,九十月除從八品。」

皇慶元年,部議:「廉訪司職官書吏,

志第

官四人、委文資正官試驗相應、方許入部。」

千戶所 九十二 用。 案牘,歷兩考,通 補,須行省准設,九十月充吏目, 司 四 代 代 臨清萬戶府秩 十五 吏 日 .兩考者,擬受院劄提控案牘內銓注,三考陞千戶所知事,月日不及者,各衞翼挨 年 期 月歷提控案牘 凡 知事 衞 泰定三年,樞密院議:「行省所轄萬戶府司東有闕, 四十以 以下,發補各衞令史。 ,於都目內貼 翼 內選用 吏員陞轉: 下者選取,呈院准設,歷一百二十月,再歷提控案牘一任,於萬戶府 三品,本府令史有闕,於一 歷省除 0 一任,於各萬戶府 補 各處蒙古都元帥府額設令史有闕,於本府所轄萬 一百五十月,行省照勘 皇慶元年,樞密院議:「各處都府幷總管高麗、女直、漢軍萬戶府及 各衞提控案牘,年過五 不及兩考者,止於案牘內銓注,受院劄, 一考轉 知事內選用。」 都目, 考都目、兩考吏目幷各衞三考典吏內, 相同,咨院於萬 考除千戶 旬已歷四考者,陞千戶所 延祐六年,樞密院議:「各衛翼都 ,所提領案牘, 於本翼上千戶所上名 戶府 知事 通理 內區 戶府幷奧 考陞萬 知 一百二十月, 事。 用 呈院發補 司 次前 知 戶 魯府上 及 府提 吏 事 兩考年 內 內 後 目 名 取 於 得 遷 得

府 千 卢 及 奥魯府司 所提領 凡各萬 、案牘 戶 吏, 府司 於千戶所司吏內補用,呈院准設, 一考萬 吏: 戶府案牘 蒙古都萬 一通理 戶府司 九十月,轉萬戶府知事 吏有闕,於千戶所司 九十月充吏目,一考都目,一考陞千戶 吏內選補,歷 漢軍萬戶 一百二十月 府 并 所 轄萬

內用。 內選取,受行省劄,三十月爲滿,再於各萬戶府提控案牘內,歷一百二十月知事內定奪。 於本府所轄萬戶府幷奧魯府上名司吏內,年四十以下者選補,呈院准設,歷一百二十月,再 所或都千戶所、奧魯府提控案牘,再歷萬戶府或都府、奧魯府提控案牘兩任,於萬戶府知事 歷提控案牘一任,於萬戶府知事內遷用。 各省鎭撫司令史,於各萬戶府上名六十月司吏 爲滿、再歷提控案牘一任,於各萬戶府知事內遷用。 各處都府令史,於一考都目、兩考更目幷各衞請俸三考典吏內,呈院發補,九十月 各處蒙古軍元帥府令史,大德十年擬

各衛翼令史,有出身轉補者,九十月正八,無出身者從八內定奪。

月爲滿、依例注代。 九十月依上陞轉。 月直隸本院萬戶府提控案牘、弩軍屯田千戶所、鎭撫司提控案牘內銓注。無俸人轉充者, 銓注,歷三考,陞千戶所知事,月日不及者,各衞翼都目內貼補。如各衞典吏轉充者,六十 內定奪外,及兩考四十五以下發補各衞令史,若不及考者,止於案牘內銓注,受院劄,通理 二十月爲滿,於萬戶府知事內用。 一百二十月,於千戶所知事內用。 凡提控案牘、都目:「至元二十一年三月已後受院劄,九十月爲滿,行省、行院劄一百 鎭撫司、屯田弩軍千戶所都目,依中州例,改設案牘,止請都目俸,三十 各衞翼都目,延祐六年,請俸兩考者,院劄提控案牘內 大德四年,案牘年過五旬,已歷四考者,於千戶所知事

## 校勘記

- [1]驗(各)[合]得資品上 據元典章卷八遷調官員改。
- 兩考者及五十七月 清續通考改作「兩考者及五十四月」,並注:「志作五十七月,疑誤。」
- 詔內[外]官四品以下普覃散官一等 據本書卷二三武宗紀至大二年正月丙申條、元典章卷八

內外四品以下普覃散官一等補。

三品遞進一階至三品上階止 按上文有「三品者遞進一階,至正三品上階而止」。 元典章卷八

內外四品以下普覃散官一等亦與此合。疑「至」下脫「正」字。

- 五五 違例不到 按元典章卷十一奔喪遷葬假限、奔喪違限勒停、「例」皆作「限」、疑此誤。
- ハベン 十五月以下十月之上從九添八一一資 據本書卷八四選舉志考課補
- (七) 江南提控案牘都「吏」目 據元典章卷九江南提控吏目遷轉、卷十二司吏補
- 各部依元設額數遇闕職官與籍記內相參發補 按元典章卷十二官職吏員,「各部」、「籍記」下

皆有「令史」、疑此脫。

- [元]雜職不(用)[預]據後文及元典章卷十二官職吏員改。
- C10〕從七[品] 原空闕,從北監本補。

- 三十年 按前文已書「三十年」,此處疑行或爲「三十一年」之誤。
- 萬億四庫左右八作司富寧寶源等庫 按寶源庫爲萬億四庫之一,此復書,疑衍誤。
- 執總會總房照磨「所」承發司架閣庫典吏 按照磨所爲官府名,本志屢見,據補
- 三品衙門 按元典章卷八省部臺院典吏月日事理作「二品衙門」、疑此處「三」爲「二」之誤。
- 〇〇 二年 按前文已書「三年」,此倒書「二年」,有誤。

## 元史卷八十四

## 志第三十四

## 選舉四

考課

通理八十月、陞〔正〕三品。〔1〕左右司郎中、員外郎、都事、考滿陞二等。 六部郎中、員外郎、 主事,三十月考滿陞一等,兩考通陞二等。 凡隨朝職官: 至元六年格,一考陞一等,兩考通陞二等止。 六部侍郎正四品,依舊例

從五。正六歷兩任,陞從五。 品歷三任,陞從七。 🗇 從七歷三任, 🖾 呈省。 正七歷兩任, 陞從六。 從六品通歷三任, 陞 入四品。 凡官員考數: 內外正 從四品,通理八十月,陞三品。 省部定擬:從九品擬歷三任,陞從八。 正九品歷兩任,陞從八。 三正八 從五轉至正五,緣四品闕少,通歷兩任,須歷上州尹一任,方

志第三十四 選舉四

照

過

將

各

人

所

歷

立立

行

止

一簿,就

檢照

定

擬

一〇九四

九 年 凡 諸 取 職 官 行 解 It: 由 到 省部 中統 三年, 考其 功 詔 過, 置簿立式,取會各官姓名、 以 憑 黜 陟 大德 元 年, 籍貫、年甲、 外任官解 由 入仕 到 吏 部, 一次第。 止 於 至 刑 元 部

宣者 六品 身 1 陞 品, 正 姓, 巡 品 依 從 檢 郡 不 舊 寅有 四 七 等。 六品 "; 正 應 任: 於 同 凡 띪 品、八品 任 提 敍 用 江 職 .勞績者 從 迴 同 擬 控 白 同 淮 官 兩 ) 三 九 八 案牘 廣 身 IE 任 迴 陞 品 띪 從 品 用。 降 同 人 擬 福 人,其 其 九 E 正 擬 等。 巡 建 院務監 品 見 從 從 其已考滿者,並 同 檢, 見受職 至元 受職 砜 其 五. 六 九 別議 廣 딞 品品 品 七品以 1 當 十九年,定江 名? 福建 一正從 同正 , 陞 官。 名, 딞 四 轉 若應 딞 八品 下 應受宣 九品,受 九 其 擬 別議陞轉。至元 擬 E 品 発 受宣者 至元 同 院 擬 項 回降。 同 七品, 者 淮官已受宣敕,資品 務 同 敕 提 有 + 二品品 監當 提控案牘 資 三 三 者 領 四 岳不 、案牘 正 品 , 正 年, 官。 딞 從 司 人 同 從六品 (員)再: 十四年已後,新收撫州郡 都省未 及考者 八 巡 五. 七品 其 品, 딞 巡檢,正 上項 檢。無出 同 於 同 四 例 四 注 正 接 從 人員 品 品、五 江淮官已 八品 相應,例 從 九品, 存 連 五. 身及白身人受宣者 若 九 福 디디 等。 建、兩 밁 딞 受敕者, 再 七品、 同 陞二 擬 擬 前 於接連 九 有出 同 同 廣 品 院 等遷去。 八 創 八品 溪洞 品品 准 正 身 務 立 應受敕 福 監當 一從六 未 若 一官府, Ŀ 建、 州 同 合 應 提 三品 郡 例 官 品 入流 江 兩 者 受敕者, 領 任 招 司 淮 廣 、案牘、 用 官 溪洞 IE 從 無 撫 同 品 操 出

品以上人員,斟酌比附議擬,呈省據在前已經除授者,任迴通理定奪。」 有無出身,依驗職事品秩,自受敕以後歷一考者,同江淮例定擬,不及考者,更陞一等。五 腹裏常調官,除資品相應者依例陞轉外,有前資未應入流品受宣敕者,六品以下人員,照勘 依准定資品通理陞轉,不及考者,擬自准定資品換授,從禮任月日爲始,理算資考陞轉。 任,資品相應者,通理月日陞轉外,據驟陞人員前任所歷月日除一考外,餘月日與後任月日 敕不曾之任者,擬自准定資品換授,從禮任月日爲始,理算資考陞轉。若先受宣敕已經禮 員例,從一高。前三件於見擬資品上增一等銓注。 二十一年,詔:「軍官轉入民職,已受宣 轉,若於腹裏任用,並依上例。七品以下,已歷三品、四品者,比附上項有出身未入流品人 前資不應又陞二等遷去江淮官員,任迴,擬定前資合得品級,於上例陞二等,止於江淮遷

牘繁冗,合以九十月爲滿。」 十九年,部擬:「行省通事、譯史、令史、宣使或經例革替罷,所 歷月日不等,如元經省掾發去,不及一考者,擬令貼補,及一考之上者,比臺院令史出身例 考者,別無定奪。」 考者,擬貼補,及一考之上者,比部令史出身降一等定奪。 凡吏屬年勞差等: 至元六年,吏部呈:「省部譯史、通事,舊以一百二十月出職,今案 自行踏逐者,降一等敍,不及一考者,發還本省區用。宣慰司人吏,經省院發,不及 二十年,省擬:「雲南行省極邊重地令譯史人等,六十月考滿。 自行踏逐者,又降一等,不及 甘肅

志

|德元年改一百二十月爲滿,至大二年復舊制。一紀之間,受除者衆。 其元除有以三十月爲 滿。」都省議:「俱以九十月爲考滿,土人依例一百二十月爲滿。」 六十五月,土人九十月爲滿。」 准。」 三年,省准:「河西廉訪司書東人等月日。」部議:「合准舊例,雲南六十月, 再減。」省擬:「以九十月爲滿,餘有月日,後任理算。 詔書已後在選未曾除受,幷見告滿之人,歷一百二十月者,合同四考理算,外任一資不須 定制,以九十月滿,參詳,歷一百二十月已受除者,依大德十一年內制,外任減一資。 行省卽係遠方,其人東比四川、甘肅行省九十月出職。」 二年,詔:「中外東員人等,依世 令譯史、宣使人等一百二十月爲滿。 掌奏事選法、應辦刑名文字必闍赤等,以八月折十月,今後毋令折算。」 史,依雲南行省一體出身。」大德元年,省臣奏:「以省、臺、院諸衙門令譯史、通事、知印、宣 九十月爲滿。 使等,舊以九十月爲滿,陞遷太驟,今以一百二十月爲滿,於應得職事內陞用。 行省令譯史人等,六十五月考滿,本土人員,依舊例用。」 考者,亦有四十月爲一考者,以所除不等,往往援例陳訴,有礙選法。 兩廣、海北海南道於此發去,八十月滿。雲南省八十月滿。土人一百二十月 皇慶二年,部議:「凡內外諸司吏員,舊以九十月爲滿 部議:「遠方令譯史人等,甘肅、福建、四川於此發去, 應滿而不離役者,雖有役過月日 二十五年,省准:「緬中行省令 至大元年,部議:「和林 擬合依已降詔條爲 四年,制以諸衙門 又寫聖旨、 河西、四川 所有 「, 不

格,係大德元年三月七日以後入役,至未復舊制之前,已除未除俱以四十月爲一考,通理一 五月之上,減外任一資,十五月之下,後任理算。 改格之後應滿而不離役者,役過月日,別 百二十月爲滿,滅資陞轉。其未滿受除者,一體理考定擬,餘二十六月已上,准陞一等,十

貞元年,省議:「監修國史僚屬,依三師所設,非臺院轉補者,降等敍。」 大德五年,部呈考 滿省掾各各資品。省議:「今後院臺幷行省令史選充省掾者,雖理考滿,須歷三十月方許出 議:「三師僚屬,蒙古必闍赤、掾史、宣使等,依都省設置,若不由臺院轉補者,降等敍。」 元 後七品除授,至元之後,事繁責重,宜依准中統四年已前考滿一體注授。」 三十一年,省 職,仍分省發、自行踏逐者,各部令史毋得直理省掾月日。」 凡更員考滿授從六品:至元九年,省准:「省令史出身,中統四年已前,六品陞遷,已

滿,合依樞密院、御史臺令史、譯史出身,三考出爲正七品,自用者降一等,有闕於部令史內 十月之上爲從九品,添一資,歷十月以下爲巡檢。」 十一年,部議:「扎魯火赤令史、譯史考 考之上,驗月日定奪。一考之下,二十月以上爲從八品;十五月以上正九品;十五月以下, 選取。」 十四年,部擬:「前諸站統領使司令史,同部令史出身,今旣改通政院從二品,通 凡吏員考滿授正七品: 至元九年,部擬:「院、臺、大司農司令史出身,三考正七品。]

降等。 者,考滿不爲例,從七品內選用,部令史內選取,考滿宣徽院、大司農司令史一體出身。」 亦合 部議:「都護府人吏依通政院令譯史人等出身,由省部發者,考滿出爲正七品,自用者降一 選取者,同宣徽院、太醫院令史一體出身。上都留守司陞爲正二品,見設令史,自行踏逐 院例定奪,自行用者降一等。」二十年,定擬安西王王相府首領官令史,與臺、院吏屬一體 滿,同部令史出身,本院與御史臺皆隨朝二品,令史亦合與臺令史一體出身,有闕於部令史 十九年, 部呈:「大司徒令史, 若各部選發者, 三考出為正(九)[七], 云自用者降等。 貢補,省、院有闕,於部令史內選取。」 總制院與御史臺俱爲正二品,部擬:「令譯史考滿) 事、譯史、令史人等,宜同臺、院人吏一體出身。」 十五年,翰林國史院言:「本院令史係省 內選用 准人員, 體 二十五年,省議:「上都留守司兼本路總管府令史出身,三考正八品,其自部令史內 二十六年,省准:「都功德使司隨朝二品,令譯史人等,比臺、院人吏一體陞轉。」 二十二年,部擬:「宣徽院陞爲二品,與臺、院品秩相同,令史出身合依正七品遷除 其出身與御史臺一體,遇闕省掾時,亦合勾補。准吏部牒,本院令史以九十月考 |出身。」 二十三年,省准:「詹事院掾史,若六部選充者,考滿出爲正七品,自用者 二十四年,集賢院言::「本院與翰林國史院品級相同。」省議:「令史考滿,一體定 十九年,部擬:「泉府司隨朝從二品,令史、譯史人等,由省部發者,考滿依通政

第  $\equiv$ + 四 選 嶴 四

志

福建省 與都護府、泉府司品秩相同,所設人吏,由省部發者,考滿出爲正七品,自用者降一等。 征爪哇所設人吏,出征迴還,俱同考滿。」 三十年,省准:「將作院令史,依通政院等

司

官幷 者,依例遷敍。 院令史人等,如常選者,考滿依例遷敍,自用者不入常調,於本衙門區用。」 衙門令史,考滿除正七品。」 并籍記各部令史人等,考滿同二品衙門出身,降等敍,白身者降等,添一資**陞轉,省部發去** 令史、譯史、通事、知印、典吏同五臺殊祥院人吏一體,常選內委付。 其出身若有曾歷寺監 議:「崇祥院人吏,係部令史發補者,依例遷用,不應者降等敍。」 元貞 九年,部擬:「闊闊出大司徒令史,若各部選發,考滿正七,自用者降等。」 「會福院令史、知印、通事、譯史、宣使、典吏俱自用,前擬不拘常調,考滿本衙門區用。 隆禧 相 元年,內史府秩正二品,令史亦於部令史內收補,考滿除正七品,自用者降等。 應內參補;通事、知印從長官保選,仍參用職官,違例補充,別無定奪。殊祥院人吏, 後有闕,令史須於常選教授儒人職官幷部令史見役上名內取補,宣使於職 部議:「如係六部選發,考滿除正七品,自用者本衙門敍。」 延祐四年,部議:「隆禧院 至大四年,省准: 皇慶二年,部

·收補者,擬九十月爲滿,注從七品,回降正八一任,還入從七。 凡 吏員考滿授從七品: 至元六年,省擬:「部令史、譯史、通事人等, 中統四年正月以 以後充者,亦擬九十月爲

先

未定擬,亦合一

體。

前

臺、院一體出身。行臺、行院令譯史、通事人等,九十月考滿,元係都省臺院發去及應補之 令史出身,有闕以籍記部令史內補塡。」 內補塡。」 太府監令史出身,九十月於從七品內除授,自行踏逐者降一等,歇下名闕,於應補部令史人 俸月九十月,考滿遷除,有闕於應補部令史人內挨次補用。」 省議:「中御府正三品,擬同 記部令史內挨次收補。」 十一年,省議:「省斷事官令史,與六部令史一體出身,若是實歷 已歷月日准爲資考,似爲不倫,擬自改陞月日爲始,九十月爲滿,同部令史出職,有闕於籍 上,驗月日定奪。 ·充〕提控案牘,通事、譯史〔充〕巡檢。〔<\i 太府監改擬正三品,與六部同,人更自行踏逐,將 十三年,省議:「行工部令史,與六部令史一體出身。 (三)[二]十年,四部呈:「行省令、譯史人等,比 四怯薛令史,九十月同部

員,同部令史出身,九十月考滿,從七品,自行踏逐者降等。」 二十四年,省判:「中尚監令 人,合降臺院一等。」 二十三年,省判:「大都留守司兼少府監令史,如係省部發去相應人

九十月考滿,若係都省臺院發去腹裏請俸人員,行省令史同臺院令史出身,行臺、行院降一 議:「如省部發去人員,從七品內遷除,自行踏逐者,降等敍用。」 部擬:「行省臺院令史,

史人等,若係省部發去人員,同太府監令譯史等出身,自行踏逐者降等。」

太史院令史,部

志第三十四 選舉四

係及考部令史轉充,考滿正七品,未及考者止除從七品。有闕須依例補,不許自用。」 隨朝二品衙門,考滿除正七品,緣係徽政院所轄司屬,量擬考滿除從七品,自用者降等,如 旨事理。」省議:「已除者,依舊例定奪。」 三年,省准:「章慶使司秩正二品,見役人吏,若同 敍,其餘寺監令譯史正八品,奏差正九品。令典瑞監、前典寶監人東出身同太府等監,係奉 遷用;由庫子、本把就陞,幷白身人,於雜職內通理定奪;自用之人,本監委用。」 役令史一體轉陞二品衙門令史,轉補不盡者,考滿從七品敍用。」 八年,部擬:「利用 等,俱於腹裏遷用,自行踏逐遞降一等,於江南任用。」 年,制:「典瑞監人吏俱與七品出身。」部議:「太府、利用等四監同。 省發者考滿與六部一體 大德三年八月已前入役者,若充各衙門有俸令史,及本監奏差、典吏轉補,則於應得資品內 總帥府令史人等出身,擬與各道宣慰司一體,自行踏逐者降等敍用。」 上都留守司令史,舊以見役部令史發補,以籍居懸遠,擬於籍記部令史內選發,與六部見 二十九年,省判:「鞏昌等處便宜都 大德三年,省准: 皇慶元 監自

省部發去者,三考於正八品任用,自行踏逐人員,考滿降一等。」 出爲從八品,有闕 品,自用者降一等,有闕諸衙門考滿典吏內補塡。」 凡吏員考滿授正八品: 於應補監令史內取用。」 至元十一年,省議:「秘書監從三品,令史擬九十月出 省議:「少府監正四品, 准軍器監令史出身, 是 省議:「太常寺正三品, 令史以九十月 省議:「尙牧監正四品,省 [為正

月, 依 任 例 正 院 事 邊 吏 用。」 四 遷 部發去令 河 煙瘴 轉。 **| 雲南行省令史例,六十月考滿,首領官受敕,例以三十月爲** 用 降 八 掾 院 人 年 年 南 有 等一體, 딞 史 府 省斷 部 等路宣慰司 部擬 等, 開元 有 正、家 十六年, 擬二 闕 令史議 史, 闕 尙 事官令史降等於正八品內遷除, 於呈准 尙 等路宣撫司 醞 令二司, 廣西、海北 <u>-</u> 擬 於 醞 樞 合優陞,依泉州行省令譯史等,以二 監令史, 監令 兩 密院斷事官令史,擬 九十月出爲正八品,自用者降一等,有闕於諸衙門典吏內 部擬; 係外任從二品, 籍 司 月理算一考, 記 令史內選補, 擬定資品 史亦合一 給侍宮闡,正 人內選 樞密院斷事官今改從三品,所設 海南道宣慰司令史、譯史、 '外任正三品,令譯史比前例降一等,九十月於正八品 、與六部令史同議,諸監令史考滿,正 體。 取。 擬六十月同考滿。」 與隨朝 班三品, 雲南省羅羅 以九十月出 二十三年,省准:「太常寺令史, 各部正三品衙門相 自用者降一等, 出 令史卽 身, 斯宣慰司 「爲從 奏差人等, 依 十月理算 非 樞密院 各司 省准:「廣東宣慰司其地倚 八品,有闕 人 兼管軍萬戶 自用 吏, 遇闕 所 同, 八 一考。」 一考。 與嶺南 若係 品品 轄各衞 人員, 於諸 於 准 內遷 相 令 上司 應人 衙門 史以 府首領官、令史人等, 廣西道等處按察司 歷 用,及 令史出 俸秩與六部 海 二十二年,省准 發 九 備寺正三品,令譯 內 選補。」 一十月, 去 考 九十月同 發 非省 內遷轉。」 身 滿 人 遣 員, Щ 典 考滿 IE 部 同, 瀕 吏 八品 歷 發 部令史 海,極 部 內 若 一一詹 出 九 去 擬 + + 補 內 者 爲 遇 書

府正 史以九十月爲正八品,奏差以九十月爲正九品,典吏九十月轉本府奏差,自用者降等。」 宣政院斷事官令史,與樞密院及蒙古必闍赤,由翰林院發者,以九十月爲從七品,通事、令 令史,依給事中兼起居注人吏遷轉。」 二十七年,省准「延慶司令史,九十月,依已准家令、 宣徽院所轄,令史人等,若係省部發去,考滿同諸監令史,擬正八品,自用者降等任用。」 部擬:「太史院、武備寺、光祿寺等令史,九十月正八品內遷用,自用者降一等。 陜西四川行省順元等路軍民宣慰司,依雲南令譯史人等,六十月為滿遷轉。」 二十四年, 戶府各衞幷屯田等司官吏,俱從本院定奪、遷調,見役令史,自用者考滿,合從本院定奪。 史考滿,出爲從八品,自用者降一等遷用。 蒙古等衞令史,即係在先考滿令史,合於正八 乘等寺令史,以九十月出爲正八品,自用者降一等。 拱衞直都指揮使司與武備寺同品,令 史等出身,擬先司農寺令譯史人等,依各監例,考滿出爲正八品,武備寺令史亦合依例遷 二十九年,部擬:「左右兩江宣慰司都元帥府令譯史人等,依雲南、兩廣、福建人吏,六十月 二十六年,省准:「給事中兼修起居注人吏,依諸寺監令史出身例,考滿一體定奪。 內遷敍,各衞令史有闕,由省部籍記選發者,考滿出爲正八品。樞密院所轄都元帥府、萬 兩司例,由省部發者出爲正八品,自用者降等敍。」 二十八年,省准:「太僕寺擬比尙 尚舍監令史,擬同諸寺監令史,考滿授正八品,自行用者降一等,尚舍監亦如之。 太醫院係 侍儀司

밂

陞為 省發力 用。 降 出 品,令譯史等寺監令史一體出身,考滿正八品敍,自用者降等。 爲滿 行 達魯花赤本處隨朝正三品,與只哈赤八剌哈孫達魯花赤令史等即係 遷 屬,又係 議:「各道宣慰司令史,一百二十月正 九, 赤考滿 用。」 爲 踏 自用 等 正 正三品 逐者降等 考滿 省准:「孛可孫係正三品, Œ 八 五. 兩 酷寒之地,人吏已蒙都省從優 者降等敍。」 八品 年 品品 廣 八年,部言:「行都水監准設人吏,令史八人,奏差六人,壕寨一十人,通事、知印 哈迷 正 ,部擬:「和林宣慰 其 敍 九品 任 角 、令譯史等俸,俱與 爲 譯 元貞元年,省准:「闌遺監令譯 用,雖必闍 l",自用· 頭 家令司、府正 史,除從七品,非翰林院選發,別無定奪。 只哈赤八刺哈孫達魯花赤令史, 大德三年, 者降等敍。 赤、令史月俸不同,各官隨朝近侍 司都元 司 **令譯史人等**, 八光祿寺 改內宰、宮正,其人吏依元定爲當 部擬:「鷹坊 帥 儀 八品 以 鳳司 府 相同, 九 人吏,合與隨 敍, + 令史,比同 月爲滿 比依各寺監令譯 凝係相 總管府 自用者降等遷 史人等,省部發去者,考滿 吏部 應 人 今擬考滿, 侍儀 朝二 吏, 人內發補者考滿 議 一品衙 司 依 用。 令史省發, 令史,考滿爲正 與阿速拔都 史出 隨 體, 門 只見哈忽昔寶赤 不 朝 其 比依 [身相 三品, 分 和 體 自用,俱於正 體,擬 林宣 拱衞 例 考滿 應 與正 正八品 及量 考滿 見達 出 慰 身 直都指 合依 正 日 八品,奏差 八品,自 减 魯花 正 都 相 八品 無 內 月 應。」 八 八 水 例, 任 應 日 딞 揮 刺 監 赤 八 用, 考滿 取 哈孫 奏差 밁 從 内 使 必 用 部 者 闍 司 正 自 內

格,係皇慶元年二月九日以前者,同典牧監一體遷敍,以後者若係籍記寺監令史,常選提控 令史、常調提控案牘、院兩考之上典吏補充,內宰司令史例,考滿除正八,通事、譯史、知印 案牘補充,依上銓除,自用者不入常調。」 部議:「徽政院繕珍司見役令史,若係籍記寺監 員,令都省與常選出身。議得,令史係軍司勾當之人,未有轉受民職定奪,合自奏准日爲 史以內史府考滿典吏幷籍記寺監令史發補,九十月除正八品,與職官相參用。奏差亦須選 部議:「晉王位下斷事官正三品,除怯里馬赤、知印例從長官所保,蒙古必闍赤翰林院發,令 者,六十月陞都目。總管府司吏,再歷一考,轉稱海宣慰司令史,考滿除正八品,不係本路司 大三年,部言:「和林係邊遠酷寒之地,兵馬司司吏歷一考餘,轉本路總管府司吏。補不盡 等江南遷用,典吏公使人,從本監自用。」 九年,部言:「尚乘寺援武備寺、太府、章佩等監 滿。正九品,自用者降等,壕寨出身幷俸給同奏差。行都水監係江南創立衙門,令史比例, 相應人,九十月依例遷用,自用者,考滿本衙門定奪。」 皇慶元年,部言:「衞率府勾當人 更轉補者,降等敍,補不盡者,六十月,部劄提控案牘內任用,<u>蒙古必閣赤比上例定奪。</u>」 例,求陞加其人吏出身俸給。議得,各監人吏皆係奉旨陞加,尚乘寺人吏合依已擬。」 至 合於行省所轄常調提控案牘內選取,奏差、壕寨人等亦須選相應人,考滿比都水監人吏降 人,譯史一人,公使人二十人。都水監令譯史、通事、知印考滿,俱於正八品遷用,奏差考

提控 邊遠 門用 發補 定出 補 歷 理 司 政 亦 算,考滿 同 司 依 不 案牘 酷 考之上,轉補 身, 令 品, 令史例 F 延 許 譯史,考滿從八,奏差從九,自用者降等,後有闕 寒 遷敍,自用者降等。 福 合設 自用 和 內 地 四 司 林 同 任用,蒙古必闍赤 面,依 年,省准:「屯儲總管萬戶府司 ,考滿除正 見役令史,若係籍記寺監令史、常調提控案牘、本院 係 令譯史,考滿除正八,自用者降等。 自用遷敍,後有闕,以相應人補,考滿 邊遠酷寒去處,兵馬 延祐 稱海宣慰司令史, 和林路總管府 八品,通 三年,省准:「徽政院所轄衞候司,奉旨陞正三品,與拱 後有闕,須依例發補,違例補充,別無定奪。」 二年, 比 事、 司 依上例定奪。 譯史、 吏 司司 考滿 人員一體出 吏如歷一考之上,轉補本路司 正八品遷除,補不盡 吏譯史出身, 至大三年尚書省劄, 知印依上遷敍, 其沙州、瓜州立 身。」 衞候司 依例 敍。 須以相應人補, 就用前衛候司 自用者降等。 徽 人數,從 一屯儲總管萬戶府衙 政院掌飲 兩考之上典吏補 優,擬六十月於部 違 吏幷總管府司 人吏,擬自 後 例 司 有 補充 人 和林 衞 闕,須 吏, 直 充者,依 一都指揮: 路 考滿. 部 呈 門,即 部議:「徽 議常 依 准 司 吏,再 吏未 本衙 月 例 係 劄 選 日 使 發 内

選取書吏,止依按察司舊例,上名者依例貢部,下名轉補察院,貢補不盡人數,廉訪司月日 九 凡 例革 吏 員 人員,驗月日定奪,自行踏逐,降一等。」 考滿 授 正九品: 至元二十年, 省准:「宮籍監係隨朝從五品,令史擬 二十八年,省擬:「廉訪司 所設 九 人吏,擬 十月正

補江南宣慰司令史、幷內臺察院書吏、用不盡者、九十月正九品、江南用。省議先役書吏、 轉部。 身,正九品注,任迴,添一資陞轉。大德元年三月七日已後充廉訪司人吏,九十月考滿,須 爲始理算,考滿者正九品敍,須令迴避本司分治及元籍路分。」 不盡者、廉訪司爲始理算月日,考滿正九品用。今議廉訪司先役書吏,歷九十月依已定出 擬:「各道廉訪司書吏,至元二十八年七月元定出身,上名貢部,下名轉補察院書吏。 貢補 江南宣慰司令史、幷內臺察院書吏,於見役人內用之。若有用不盡人數,以九十月出爲正 者,九十月考滿,降一等,出爲正九品。」 三十年,省准:「行臺察院書吏歷一考之上者,轉 選取,依上三十月轉部,九十月從八品。 吏取充者,四十五月轉部。補用不盡者,九十月考滿,降一等,正九品用。今議先役書吏, 月元定出身,於各道廉訪司書吏內選取,三十月轉部,九十月從八品內用。如非廉訪司書 歷提控案牘一任,於從九品內用。通事、譯史,比依上例。 察院書吏,至元二十八年十二 九品。江南有闕,依內臺察院書吏,於各道廉訪司書吏內選取,依例轉補。」 大德四年,省 見役人三十月,轉補不盡者,九十月出爲從八品。察院書吏有闕,止於各道廉訪司書吏內 九十月依已定出身遷用,任迴,添一資陞轉。一大德元年三月七日爲始創入役者,止依舊例 行臺察院書吏、至元三十年正月元定出身、於廉訪司書吏內選取、歷一考之上、轉 如非廉訪司書吏取充者,四十五月轉部,補不盡 部議:「察院書吏出身,除

歷 俸 九十月,依已定出身,任迴,添一資陞轉。 大德元年三月七日為 始創入者,止依舊例,

轉補江南宣慰司令史,北人貢內臺察院。」

用。」 係正 十三年,省准:「各路司吏、轉運司書吏,年四十五以上,歷俸六十月充吏目,九十月充都目, 同。 下州 察院書東,不盡,四十五以上,九十月依例於都目內任用。」 五月之上都監添 餘有役過月日不用。奏差宜從行省斟酌月日,量於錢穀官內就便銓用。」 同,又其餘相體管匠衙門人吏,俱未定擬出身,量擬比外路總管府司吏,考滿於都目內任 准:「覆實司司 下,以次轉補按察司書吏。 五 吏目 外路總管府司吏三名,貢舉儒吏二名,貢不盡,年四十五之上,考滿都目內任用。」 二 品,令史出身比交鈔提舉司司吏出身,九十月務使,六十月都監,六十月之下、 二十二年,省准:「大都等路都轉運使司令史,與河間等路都轉運鹽使司書 省議:「上都、大都路司吏,難同其餘路分出 吏員考滿除錢穀官、案牘、都吏目: 內任 ·用,有闕以相應人發充。」 二十一年,省准:「諸色人匠總管府與少 '吏,俱授吏部劄付,如歷九十月,擬於中州都目內遷,若不滿考及六十月, 界遷用,四十五 補不盡者,歷九十月,於都目內任用,六十月以上, 月之下轉補 至元十三年, 吏、禮部言:「各路司吏四十五以 運司令史。」 ī身, 依按察司書吏遷用。」 二十四年,部議:「各道巡行 部擬:「京畿漕運 省准:「覆實司 司 於吏目內任 十四年, 司 吏 府 吏 出 四十 監 轉 於 身 勸

任用。」 畿都漕運司令史,九十月充提控案牘,年四十五之上,比依都提舉萬億庫司吏,願充寺監令 資陞轉,四十五以下、六十月之上選舉貢部,每歲二名。奏差六十月,酌中錢穀官內任用。」 穀官內委用,有闕以有根脚請俸人補充,不及考滿,不許無故替換。」 二十七年,省准:「京 路都總管府添設司吏一十名,委差五名。司吏六十月,於提控案牘內任用,委差於近上錢 算,通理九十月,於提控案牘內遷敍。 寺、昭應宮財用規運總管府令譯史人等,比大都路總管府正三品司吏,九十月提控案牘內 農官書吏,於各路總管府上名司吏內選取,考滿於提控案牘內任用,奏差從大司農司選 之下都目,六十月已上轉提控案牘,充寺監令史者聽。諸路寶鈔提舉司同。」奏准:「大都 月出身,於務使內任用。」 二十六年,省准:「巡行勸農司書吏,役過路司吏月日,三折二准 刑按察司,以二十二月准一考,六十五月爲滿。」 省准:「供膳司司吏,比覆實司司吏,九十 司司吏,有闕於諸路轉運司、漕運司上名司吏內選取,三十月充吏目,四十五月之上、六十月 令史,比依諸司局人匠總管府令史例,九十月,於都目內任用。」 省准:「諸路寶鈔都提舉 省准:「諸司局人匠總管府令史,於都目內任用。」 二十五年,省准:「大護國仁王 部議:「甘肅、寧夏等處巡行勸農司係邊陲遠地,人吏依甘肅行省幷河西隴北道提 二十九年,部擬:「大都路令史四十五以上, 六十月提控案牘內任用, 任迴滅一 尚書省右司郎中、管領大都等路打捕民匠等戶總管

補。 不須 取充, 大都: 史, 縣, 內任 省准:「京畿都漕運司令史,比依諸路寶鈔提舉司司吏出身例,三十月吏目,四十五月之上、 六十月之上,自願告敍,於夷目內遷除,有闕於在都諸倉攢典內選補。 十月之上,自願告敍,於吏目內遷除。 提控案牘。」 十五月之上更目,六十月之上都目。」 六十月之下 省准:「 提控案牘 ` 六十月之上,於提控案牘內用,遇闕於路府諸州幷在京五品等衙門上名司 及諸州 路司 滅資, 用,如六十月之上,自願告敍者,於都目內遷除,有闕於平準行用庫 與各路總管府譯史、司吏一體陞轉,自用譯史,別無定奪,司吏除酌中錢穀官,委差 省准:「寶鈔總庫司、提舉富寧庫司俱係從五品,其司東九十月,都目內任用。 河 東宣慰使司 更改爲令史,六十月之上,年及四十五以下,貢部不過二名,四十五以上,六十月 內遷用,任迴減資陞轉。 有闕於府州兵馬司、 司 ·都目,六十月之上提控案牘。」 三十年,省准:「提舉八作司係正六品, `吏幷籍記各部典吏內選。」 大德三年,省准:「諸路寶鈔提舉司、都提舉萬億四庫司 `軍儲所司吏、譯史,九十月爲滿,譯史由翰林院發補,司吏由 左右巡院、大興、宛平二縣上名司 大都路都總管府令史,依舊六十月,於提控案牘內遷敍, 元貞元年,省准三大都等路都轉運司令史, 有闕須於在京五品衙門及左右巡院、大興、宛平二 省准:「提舉左右八作司吏, 東內選補。」 吏, 九十月都目內任用, 京畿都漕運使司令 攢 九十月提控案牘 典 更內 內挨 大德五年, 州縣司夷 九 司吏四 次轉 如六 十月

陞 官 日 大德十年,省准:「諸路吏六十月,須歷五萬石之上倉官一界, 戶 考滿,比各路司吏人等一 中州案牘或錢穀官,通 司 近下錢穀官。」 別 轉。 ,府從三品,司 秩 ,典東三考,轉本司奏差。」 四 無定奪。」 補 品, 不 司 盡路吏,九十月陞 東九十月比散府上州例,陞吏目。 吏、譯史、委差 七年,部擬:「濟南、萊蕪等處鐵冶都提舉司及廣平、彰德等處鐵冶都提舉 理 體遷用奏差,行省定奪。」 九十月入流。 人等,九十月爲滿,司吏除酌中錢穀官,委差近下錢穀官。 吏目,兩考陞都目,依上流轉,如非州縣司吏轉補者,役過月 省准:「陝西省敍州等處諸部蠻夷宣撫司正三品,其令譯 五萬石之下倉官一界,陞吏目,兩考都目,一考依 蒙古必闍赤擬酌中錢穀官,奏差近下錢 九年、宣慰司大同等處屯儲軍民總管萬 **一** 陞吏目,一考陞都目, 一考陞 史 上 穀

道按 十月 例 元 一行省 擬 减 察 出 爲 知 凡 、行臺、行院五品以下官員幷首領官, 印 司 身 通事、譯史考滿遷敍: 一考,歷六十月,准考滿敍用。」 了,俱 除 奏差、通事 有前資 在勾當官之上,旣將勾當官陞作從 人員、驗前資定奪、無前 、譯史、奏差已有定例, 至元二年,部擬:「雲南行省極邊重地, 令譯史等人員, 擬二 九年, 通事 亦合比依臺院例, 資者,各驗實歷月 省准:「省部臺院所設知印人等, 八品,其各部 九十月考滿, 日, 知印考滿, 擬 考陞 同譯 定擬遷敍。」 史一 一等任 亦合陞 體 用。 遷敍 が所請 正八品,據 二十年,各 據行省人 俸給, 部

資品上陞一等。」 二十四年,部議:「行省、行臺、行院令史,九十月考滿,若係都省臺院發 行省人吏,比甘肅行省所歷月日,一體遷除。」二十三年,部擬:「福建、兩廣行省令譯史、 使省部發去者,考滿出爲正八品,自用者降一等。 據 遷 都目,六十月提控案牘,役過月日,擬於巡檢內敍用。 奏差九十月,近上錢穀官,六十月,酌 體陞等遷敍。」 二十八年,部擬:「諸路寶鈔都提舉司蒙古必闍赤,三十月吏目,四十五月 今蒙古字教授擬比儒學教授例高一等,其必闍赤擬高省掾一等,內外諸衙門蒙古譯史,一 去 通 擬 都省臺院發及應補者,擬降臺院一等定奪。」 部擬:「甘肅行省令譯史、通事、宣使人等,量 更比同臺院人更出身,已有定例,行院、行臺令史、譯史、通事、宣使人等,九十月滿考,元係 中錢穀官內任用。 田身已有定例。 轉正六品。」 ·遞降一等,止於江南任用。」 二十七年,省議:「中書省蒙古必闍赤俱係正從五品遷除, 腹裏相應人員,行省令史同臺院令史出身,行臺、行院降臺院一等,俱於腹裏遷用,自用 事、宣使人等,擬歷六十月同考滿,止於江南遷用,若行省咨保福建、兩廣必用人員,於 以六十五月遷敍,若係都省發去人員,如部議,自用者仍舊例。」二十一年,部擬:「四川 部議:「寫聖旨必闍赤比依管宣敕蒙古必闍赤一體,亦合八折十准算月日外 崇福司令譯史、知印,省部發補者,考滿出爲正七品,自用者降一等。宣 翰林院寫聖旨必闍赤,比依都省蒙古必闍赤內管宣敕者,八月算十月 各道廉訪司通事、譯史出身,比依書吏

例,於江南遷用。」

體出身。 古必闍赤,九十月務提領內遷用。 十年,省准:「中政院寫懿旨必闍赤,依寫聖旨必闍赤一 滿,先歷務使一界陞提領,再歷一界充巡檢,三考從九,違者雖歷月日,不准。 充巡檢者聽,如違不准。 事、譯史,大德元年三月七日已後創入補者,九十月歷巡檢一任,轉從九,如書吏役九十月, 差,除應例補者,一百二十月考滿,依例自行保舉者降等,任回,添資定奪任用。 依本司令史,滿考者於巡檢內任用。」 四年,省准:「雲南諸路廉訪司」一日通事、譯史出身, 比依書東出身,九十月爲滿,歷巡檢一任,轉陞從九品,雲南地面遷用。」 七年,宣慰司奏 轉。」大德三年,省議:「各路譯史如係翰林院選發人員,九十月考滿。除蒙古人依准所擬 外,其餘色目、漢人先歷務使一界,陞提控一界,於巡檢內遷用。」 省議:「大都運司通事比 擬合一體考滿正九。奏差考滿,依通事、譯史降二等量擬,於省劄錢穀官幷巡檢內任用。」 三十年,省准:「將作院令譯史人等,由省部選發者,考滿正七品遷敍,自用者止從本衙門 大都路蒙古必闍赤若係例後入役人員,擬六十月於巡檢內遷用,任回減一資陞 八番順元、海北海南宣慰司都元帥府極邊重地令譯史人等,考滿依兩廣、福建 各路譯史,如係各道提舉學校官選發腹裏各路譯史,九十月考 廉訪司通 會同館蒙

凡官員致仕: 至元二十八年,省議:「諸職官年及七十,精力衰耗,例應致仕。 今到選

宦者、於應得資品、加散官、遙授職事、令致仕。」 皇慶二年、省臣言:「蒙古、色目官員所授 官員、多有年已七十或七十之上者、合令依例致仕。」 散官,卑於職事,擬三品以下官員,職事、散官俱陞一等,令致仕。」 七十者,三品以下,於應授品級,加散官一等,令致仕。」 十年,省臣言:「官員年老不堪仕 大德七年,省臣言:「內外官員年至

院、太常等官,議封贈諡號等第,制以封贈非世祖所行,其令罷之。至治三年,省臣言:「封 十年,制:「考課雖以五事責辦管民官,爲無激勸之方,徒示虛文,竟無實效。 自今每歲終考 從二品封贈二代,爵郡公,勳正上護軍,從護軍,母、妻並郡夫人。 從新分立等第: 贈之制,本以激勸將來,比因泛請者衆,遂致中輟。」詔從新設法議擬與行,毋致冗濫。 以上父母、正妻,七品以上正妻,令尚書省議行封贈之制。」禮部集吏部、翰林國史院、集賢 政績殊異者,不(須)[次]陞擢,[10]仰中書參酌舊制,出給誥命。」 至大二年,詔:「流官五品 第二考,令子弟承廕敍仕。第三考,封贈祖父母、父母。品格不及封贈者,量遷官品,其有 課,管民官五事備具,內外諸司官職任內各有成效者,爲中考。第一考,對官品加妻封號。 郡侯、勳正上輕車都尉、從輕車都尉、母、妻並郡夫人。 凡封贈之制: 正從一品封贈三代,爵國公,勳正上柱國,從柱國,母、妻並國夫人。 至元初,唯一二勳舊之家以特恩見褒,雖略有成法,未悉行之。至元二 正從四品封贈父母,爵郡伯,勳正 正從三品封贈二代,曾

居

階,不 封贈 應封 母、舅姑、夫喪者,服闋申請。 **并不在仕者封之,雖在仕棄職就封者聽。** 品宣授,六品至七品敕牒。 官、「母、妻並恭人。 者各(號)[另]給降。[三] 喪 上許進一階,階滿者更不在封贈之限。 一高。文武不 會祖 (父母)嫡母在,所生之母不得封。嫡母亡,得並封。 若所生母未封贈 者,不得先封 其 都尉、從騎都尉、母、妻並郡君。 在追奪之例。 從五 應 |職官曾受贓,不許申請,封贈之後,但犯取受之贓,並行追奪。 封贈 封贈曾祖 母、祖母幷母,生封並加太字,若已亡歿或會祖、祖父、父在者,不加太字。 品封贈父母,爵縣男,勳飛騎尉,母、妻並縣君 會祖、降祖 ·同者,從所請。 [父母、祖父母、[父母]者聽。[IE]其應受封之人,居會祖 父祖元有官者, 隨其所帶文武官上封贈, 若已是封贈之官, 正從七品封贈父母,父止用散官」,母、妻並宜人。〔1〕 正從一品至五 一等,祖降父一等,父母妻並與夫、子同。 父母在仕者不封,已致仕 封贈者,一品至五品並用散官勳爵,六品七品止用散官職事,從 如應封贈三代者,曾祖父母一道,祖父母一道,父母一道,生 應封贈者,有使遠死節,有臨陳死事者,驗事特議加封。 婦人因其〔夫〕、子封贈〕〔三而夫、子兩有官者,從一 正五品封贈父母,爵縣子,勳驍騎尉,母、妻並 如子官至四品,其父祖已帶四品上階之類。或兩子當封者, 父母應封,而讓曾祖父母、祖父母者聽。 0 正從六品封贈父母,父止用散 其父祖元有官進一 父母、祖父母、父 止於本等 高 職官 諸 縣 應

官

從

管 擬封 亡殁,生前 封 散 朝 封 從 官 例 甘 年,詔:「犯贓官員,不得封贈,沉欝旣久,宜許自新,有能滌慮改過,再歷兩任無過者,許所 日 官 行 所 者,不 有 贈 五 上司正官從公保明,監察御史、廉訪司覆察是實,並聽依例申請。」 遀 贈 者 品,封 :省、行臺、宣慰司、廉訪司見任官,各於任所申請。 大節,功勳 封 職 一次。 其解 事 妻不是以禮娶到正室,或係再醮倡優婢妾,並不許申請。 許 止 勳爵、依例加授,外任官員並許在任申請,其餘合行事理,仰各依舊制。」 無後者, 贈一次。 京有勳勞,爲上知遇者,子孫雖不仕,具實跡赴所在官司保結申請,驗事 封 再嫁,如不遵守,將所受宣敕追奪,斷罪離異。 由 陞至正從一品, 封贈一次。 正妻一人,如正妻已殁,繼室亦止封一人,餘不在封贈之例。婦人因夫、子得 申請。 在王室者,許加功臣之號。 許有司保結申請。 陞至正 致仕官於所在官司申請。 一從四品,封贈一次。 曾祖父母、祖父母、父母曾犯十惡奸盜除名等罪, 凡封 至治三年,詔:「封贈之典,本以激勸忠孝,今後 (贈流官父祖曾任三品以上者) 陞至正從三品,封贈一次。 陞至正從二品, 正從七品至正從六品,止封一次。 其餘官員,見任幷已除未任,至得替 父(母)[祖]曾任三品以上官,口吾 凡告請封贈者,隨朝幷京 許請諡 ·跡可否,量 陞至正 泰定元 及

- (一) 六部侍郎正四品依舊例通理八十月陞(正)三品 據元典章卷八內官陞轉補。
- 省部定擬從九品擬歷三任陞從八正九品歷兩任陞從八 元典章卷八循行選法體例有 「從九三

考陞從八,正九兩考陞從八,從八兩考陞正八,從八三考陞從七」。按典章自從九至正 書,本志唯從八陞轉未書外,余皆同典章,此處「正九品歷兩任,陞從八」下疑脫「從八歷兩任陞 四陞 轉皆

正八、從八歷三任陞從七」。

- 正八品歷三任陞從七、元典章卷八循行選法體例作「正八兩考陞從七」,疑此處「三」誤。
- 從七歷三任 元典章卷八循行選法體例作「從七三考陞正七」,疑「歷三任」後脫「陞正七」三字。
- 江淮官員依舊於江淮任用其已考滿者並免回降 元典章卷八官員遷轉例,「其已考滿者」上有

一若選於腹裏任用」七字,疑此脫。

- 大司徒令史若各部選發者三考出爲正(九)[七] 三考授正七品、此處「九」字誤、今改。 按此在「凡吏員考滿授正七品」項下、令史均爲
- 凡部令史(三)[三]考注從七品 據本書卷八三選舉志及元典章卷八循行選法體例改。
- 十五月以下令史〔充〕提控案牘通事譯史〔充〕巡檢 據元典章卷八循行選法體例補
- [元](三)[二]十年 從道光本改。

- [10] 其有政績殊異者不(須)[次] 陞擢 從道光本改。
- 正從六品封贈父母父止用散官〔母妻並恭人正從七品封贈父母父止用散官〕母妻並宜人 道光

本據元典章增入,從補。

- 生者各(號)[另]給降 據元典章卷十一流官封贈通例改。
- 婦人因其〔夫〕子封贈 據元典章卷十一流官封贈通例補。
- 職官居喪應封贈曾祖父母祖父母〔父母〕者聽 據元典章卷十一流官封贈通例補。
- 據元典章卷十一封贈流官通例改。

# 兀災卷八十五

## 志第三十五

#### 百官一

王者南面以聽天下之治,建邦啓土,設官分職,其制尙矣。漢、唐以來,雖沿革不同,恒

萬戶統軍旅,以斷事官治政刑,任用者不過一二親貴重臣耳。 及取中原,太宗始立十路宣 因周、秦之故,以爲損益,亦無大相遠。大要欲得賢才用之,以佐天子、理萬民也。 元太祖起自朔土,統有其衆,部落野處,非有城郭之制,國俗淳厚,非有庶事之繁,惟以

課司,選儒臣用之。」金人來歸者,因其故官,若行省,若元帥,則以行省、元帥授之。 草創之

初,固未暇爲經久之規矣。

志

第三十五

百官

外之官。其總政務者曰中書省,秉兵柄者曰樞密院,司黜陟者曰御史臺。 世祖卽位,登用老成,大新制作,立朝儀,造都邑,遂命劉秉忠、許衡酌古今之宜,定內 體統旣立,其次

民者,則曰路,曰府,曰州,曰縣。官有常職,位有常員,其長則蒙古人爲之,而漢人、南人貳 在內者,則有寺,有監,有衞,有府,在外者,則有行省,有行臺,有宣慰司,有廉訪司。其牧

焉。於是一代之制始備,百年之間,子孫有所憑藉矣。 大德以後,承平日久,彌文之習勝,而質簡之意微,僥倖之門多,而方正之路塞。官冗

於上,英肆於下,言事者屢疏論列,而朝廷訖莫正之,勢固然也。

置,事已則罷,與夫異教雜流世襲之屬,名類實繁,亦姑舉其大概。作百官志。 大抵元之建官,繁簡因乎時,得失係乎人,故取其簡牘所載,而論次之。若其因事而

師、三少、蓋亦不恒有也。 所謂大司徒、司徒、太尉之屬,或置,或不置。[1]其置者,或閉府,或不開府。 而東宮嘗置三 世祖之世,其職常缺,而僅置太保一員。至成宗、武宗而後,三公並建,而無虛位矣。又有 特示尊崇。太祖十二年,以國王置太師一員。太宗卽位,建三公,其拜罷歲月,皆不可考。 三公、太師、太傅、太保各一員、正一品、銀印。以道變陰陽、經邦國。有元襲其名號,

中書令一員、銀印。典領百官、會決庶務。太宗以相臣爲之、世祖以皇太子兼之。至

元 十年,立皇太子,行中書令。 大德十一年,以皇太子領中書令。 延祐三年,復以皇太子行

中書令。置屬,監印二人。

省,置丞相三員。八年,罷尙書省,乃置丞相二員。二十四年,復立尙書省,其中書省丞相 丞相 佐 相,其一 書 二員 丞相二員。 天子,理萬機。 如故。 一員。 右 丞相、左丞相各一員,正一品,銀印。統六官,率百司,居令之次。 或置或不置。 二年,復置右丞相二員、左丞相二員。 至元二年,增置丞相五員。 二十九年,以尚書再罷,專任一相。 四年,尚書省仍歸中書,丞相凡二員,自後因之不易。 國初,職名未創。 太宗始置右丞相一員、左丞相一員。 武宗至大二年,復置尚書省,丞相二員。中 文宗至順元年,專任右 世祖中統元年,置 令缺,則總省事, 七年,立尚書

省,平章三員。 書,平章復設三員。二十三年,詔淸冗職,平章汰爲二員。二十四年,復尙書省,中書、尙書 平章二員。 二年,置平章四員。 至元七年,置尚書省,設尚書平章二員。 叉 兩省平章各二員。 增平章爲六員。 平章政事四員,從一品。 中 書五員。 成宗元貞元年,改商議省事爲平章軍國重事。 二十九年,罷尙書省,增中書平章爲五員,而一員爲商議省事。三十年, 四年,罷尙書省歸中書,平章仍五員。 掌機務,貳丞相,凡軍國重事,無不由之。 武宗至大二年,再立尚書 文宗至順元年,定置四 世祖中統元年,置 八年,尚書併入中

志

第

=

+

五

百官

## 員,自後因之。

商議省事。 省,右、左丞各一,而中書省缺員。二十八年,復罷尚書省。三十年,設右丞二員,而一員爲 設四員。 尚書併入中書省,右、左丞各一員。二十三年,汰冗職,右、左丞如故。二十四年,復立尚書 置左、右丞各一員。三年,增爲四員。至元七年,立尚書省,中書右丞、左丞仍四員。八年, 年,復立尚書省,右、左丞二員。中書右、左丞五員。四年,罷尚書右、左丞,中書右、左丞止 右丞一員,正二品。左丞一員,正二品。副宰相裁成庶務,號左右轄。世祖中統二年, 文宗至順元年,定置右丞一員、左丞一員,而由是不復增損。 成宗元貞元年,右丞商議省事者,又以昭文大學士與中書省事。 武宗至大二

尚書省入中書,參政三員。 文宗至順元年,定參政爲二員,自後因之。 十八年,罷尙書省參政。 二十三年,汰冗職,參政二員如故。二十四年,復立尚書省,參政二員。中書參政二員。二 員。二年,增爲二員。 參政二員,從二品。 武宗至大二年,復置尚書省,參政二員。中書參政二員。四年,併 至元七年,立尚書省,參政三員。八年,尚書併入中書,參政二員。 副宰相以參大政,而其職亞於右、左丞。世祖中統元年,始置參政

|元年,始置一員。|至元二十二年,累增至六員。 參議· 中書省事,秩正四品。典左右司文牘,爲六曹之管轄,軍國重事咸預決焉。中統 大德元年,止置四員,後遂爲定額。其治曰

參議府,令史二人。

運,二曰儹運,三曰邊遠,四曰賬濟,五曰事故,六曰軍匠。銀鈔房之科有二,一曰鈔法,二 衣裝,三曰羊馬,四曰置計,五曰田土,六曰太府監,七曰會總。科糧房之科有六,一曰海 品,二曰常選,三曰臺院選,四曰見闕選,五曰別里哥選。戶雜房之科有七,一曰定俸,二曰 四曰保舉,五曰禮,六曰時政記,七曰封贈,八曰牌印,九曰好事。 知除房之科有五,一曰資 司。 人,漢人書寫七人,典吏十五人。 曰課程。 至元十五年,分置兩司。 左司,郎中二員,正五品,員外郎二員,正六品,都事二員,正七品。中統元年,置左右 應辦房之科有二,一日飲膳,二日草料。令史二人,蒙古書寫二十人,回回書寫一 左司所掌:吏禮房之科有九,一曰南吏,二曰北吏,三曰貼黃,

司。 六日河道。 六日鬭 . 屯田,五日牧地。 至元十五年,分置兩司。 右司,郎中二員,正五品,員外郎二員,正六品,都事二員,正七品。中統元年,置左右 訟。 令史二人,蒙古書寫三人,回回書寫一人,漢人書寫一人,典吏五人。 工房之科有六,一曰横造軍器,二曰常課段匹,三曰歲賜,四曰營造,五曰應辦, 刑房之科有六,一曰法令,二曰弭盜,三曰功賞,四曰禁治,五曰枉勘, 右司所掌:兵房之科有五,一曰邊關,二曰站赤,三曰鋪馬,四

### 中書省掾屬:

志第三十五 百官一

監印二人,掌監視省印,有中書令則置。

知印四人,掌執用省印。

怯里馬赤四人。

蒙古必闍赤二十二人,左司十六人,右司六人。

漢人省掾六十人,左司三十九人,右司二十一人。

回回省掾十四人,左司九人,右司五人。

宣使五十人。

省醫三人。

玉典赤四十一人。

給印。二十七年,分立兩省,而斷事官隨省並置。二十八年,十八位下置三十六員,併入 常,其人則皆御位下及中宮、東宮、諸王各投下怯薛丹等人爲之。中統元年,一十六位下 置三十一員。至元六年,十七位下置三十四員。七年,十八位下置三十五員。八年,始 斷事官,秩[正]三品。[E] 掌刑政之屬。國初,嘗以相臣任之。其名甚重,其員數增損不 員,知事一員。 吏屬:蒙古必闍赤二人,令史一十二人,回回令史一人,怯里馬赤二人, 三十一年,增二員。後定置,自御位下及諸王位下共置四十一員。首領官:經歷

知印二人,奏差八人,典吏一人。

員,副二員。直省舍人二員,至元七年始置,後增至三十三員。掌奏事給使差遣之役。 等员选舉差遣之事。至元九年,置使二員,一員兼通事,一員不兼。大德元年,增置四 客省使,秩正五品。使四員,正五品;副使二員,正六品。令史二人。掌直省舍人、宣使 檢校官四員,正七品。掌檢校左右司、六部公事程期、文牘稽失之事。書吏六人。大德

照磨一員,正八品。掌磨勘左右司錢穀出納、營繕料例,凡數計、交牘、簿籍之事。中統

元年置。

元年,置二員。至元八年,省爲一員。典吏八人。

管勾一員,正八品。 中統元年,置二員。至元三年,定爲一員。典吏八人。 掌出納四方文移緘縢啓拆之事。郵遞之程期,曹屬之承受,兼主之。

年,始置三員,其後增置員數不一。至順初,定爲二員。典吏十人。蒙古架閣庫兼管勾 架閣庫管勾二員,正八品。掌庋藏省府籍帳案牘,凡備稽考之文,卽掌故之任。至元三 員,典吏二人。回回架閣庫管勾一員,典吏二人。

吏部,尚書三員,正三品,侍郞二員,正四品,郞中二員,從五品,員外郞二員,從六品。

悉以任 各二員。二十八年,增尚書爲三員。主事三員,蒙古必闍赤三人,令史二十五人,回回 尚書三員,侍郎 書、侍郎、郎中各一員,員外郎仍二員。十三年,分置吏部,尚書增置七員,侍郎三員, 列尙書六部。東部尙書一員,侍郎一員,郎中二員,員外郎二員。八年, 年,復爲左三部。 二員,員外 一人,怯里馬赤一人,知印二人,奏差六人,蒙古書寫二人,銓寫五人,典吏一十九 下 官 至元元年,以吏禮自爲 i 東選 郎 世 四員。十九年,尚書裁爲二員,侍郎一員,郞中一員,員外郎二員。二十一 祖 授之政令。 一員,郎中、員外郎 中統 五年,又合爲吏禮部。 元年,以吏、戶、禮爲左三部。尚書二員,侍郎二員,郎中四員,員外郎 凡職官銓綜之典,吏員調補之格,勳封爵邑之制,考課殿最 一部。 如故。二十三年,定六部尚書、侍郎、郎 尚書三員,侍郞仍二員,郞中仍四員,員外郞三員。 尚書仍二員,侍郎、郎中、員外郎各一員。七年,始 仍爲 中、員 吏禮部。 外郎 之法, 郎中 令史 員額 尙  $\equiv$ 

郎中四員,員外郎六員。 掌天下戶口 一,飲散 戶 、部,尙書三員,正三品,侍郞二員,正四品,郞中二員,從五品,員外郞三員,從六品。 准駁 1、錢糧 之宜 田田 一,悉 土之政· 以任之。 至元元年,分立戶部。 令。凡貢賦 中統 元 出納之經,金幣轉通之法,府 年,以東、戶、禮爲左三部。 尚書三員,侍郎、郎中四員,員外郎省爲三 藏委積之實,物貨貴賤 尚書二員, 侍郎二員,

增置一員,侍郎、郎中、員外郎如故。十九年,郎中、員外郎俱增至四員。二十三年,六部尚 員。三年,復爲左三部。五年,復分爲戶部。尚書一員,侍郎、郎中各一員,員外郎又省爲 十一人,回回令史六人,怯里馬赤一人,知印二人,奏差三十二人,蒙古書寫一人,典東二十 大德五年,省尚書一員,員外郞亦省一員,各設三員。主事八員,蒙古必闍赤七人,令史六 書、侍郎、郎中定以二員爲額。〔11〕明年,以戶部所掌,視他部特爲繁劇,增置二員。〔12〕成宗 二人,司計官四員。其屬附見于後: 二員。七年,始列尙書六部。尙書一員,侍郞二員,郞中二員,員外郞如故。十三年,尙書

員,司吏二十三人,譯史二人,司庫四十六人,內以色目二人參之。 員,正五品,同提舉一員,從五品,副提舉一員,從六品,知事一員,從八品。提控案牘一 都提舉萬億寶源庫,掌寶鈔、玉器。 至元二十五年始置。都提舉一員,正四品,提舉一

都提舉萬億廣源庫,掌香藥、紙劄諸物。設置同上。提控案牘二員,司吏一十二人,譯史

一人,司庫一十三人。

後省二員。司吏二十二人,譯史一人,司庫二十六人,內參用色目二人。 都提舉萬億綺源庫,掌諸色段匹。設置並同上,而副提舉則增一員。提控案牘設三員,

都提舉萬億賦源庫,掌絲綿、布帛諸物。設置並同上。提控案牘二員,其後省一員。司

吏 一十七人,譯史一人,司庫一十五人,內參用色目二人。

四庫 照磨兼架閣庫,管勾一員,從九品。世祖至元二十八年,以四庫錢帛事繁,始置一員,

仍給印。

庫八人。

從七品。 提舉富寧庫,至元二十七年始創。 分掌萬億寶源庫出納金銀之事。 提舉一員、從五品、同提舉一員、從六品、副提舉一員、 吏目一人,其後司吏增至六人,譯史一人,司

後定置已上官員,提控案牘又增一員。 五品。二十四年,改諸路寶鈔都提舉司,陞正四品,增副達魯花赤、提控案牘各一員。 員,正五品,提舉一員,正五品,同提舉二員,從五品,副提舉二員,從六品,知事一員,從 諸路寶鈔〔都〕提舉司,[三] 達魯花赤一員,正四品,都提舉一員,正四品,副達魯花赤 奏差七人。 八品;照磨一員,從九品。 國初,戶部兼領交鈔公事。 設司吏十二人,蒙古必闍赤一人,回回令史一人, 世祖至元,始設交鈔提舉司,秩 其 Ē

庫。 寶鈔總庫,達魯花赤一員,從五品,大使一員,從五品;副使三員,正七品。 五年,改元寶庫爲寶鈔[總]庫,[к] 秩正六品。 其後遂定置已上官員。 司吏七人,譯史一人,司庫五十人。 二十六年,陞從五品,增大使、副使,設司 世祖至元二十

印造寶鈔庫,達魯花赤一員,正七品,大使二員,從七品,副使二員,正八品。 中統四年始

置,秩從八品。至元二十四年,陞從七品,增達魯花赤一人。 其後遂定置已上官員。

年,始置昏鈔庫,用正九品印,置監燒昏鈔官。二十四年,分立燒鈔東西二庫,秩從八品, 燒鈔東西二庫,達魯花赤一員,正八品;大使一員,從八品;副使一員,從九品。至元元

各置達魯花赤、大使、副使等員。

믑

;副使一員,從九品。

行用六庫。 中統元年,初立中都行用庫、秩從七品。提領一員,從七品,大使一員、從八 至元二十四年,京師改置庫者三:日光熙,日文明,日順承。 因城

門之名爲額。二十六年,又置三庫:日健德,日和義,日崇仁。 並因城門以爲名。

副提舉一員,從七品。 大都宣課提舉司,掌諸色課程,併領京城各市。 提控案牘一員,司吏六人。世祖至元十九年,併大都舊城兩稅務 提舉二員,從五品;同提舉一員,從六品;

爲大都稅課提舉司。 至武宗至大元年,改宣課提舉司。 其屬四:

馬市、猪羊市,秩從七品。 提領一員,從七品,大使一員,從八品,副使一員,從九品。世

牛驢市、果木市、品秩、設官同上。 祖至元三十年始置。

魚蟹市,大使一員,副使一員。 至大元年始置。

志 第 Ξ + 五 百 官

煤 木 所 ,提領 一員,從八品,大使一 員,從九品; 副使一 員。 至元二十二年始置。

從六 大都 딞 酒 副 課提舉司,掌酒醋榷酤之事。 提舉二員, 從七品。 提控案牘二員,司 至元 十九年 ·始置。 吏五 人。二十八年,省同提舉 提舉 一員,從五品,同 提 舉 二員, 員、副

提舉一員,餘如故。

抄紙 品品 即 造 ,止設 鹽茶等引局,大使一 坊,提領 大使、副使各 一員,正八品;大使一員,從八品,副使二員,從九品。 一員。 員,副使一員。 至元二十七年,陞正八品,增置提領、副使 至元二十四年置。 掌印造腹裏、行省鹽、茶、礬、 中統 各 四年始置,用九 員。

鐵等引。

仍置

攢

(典、庫子各一人。

五 十六年,始爲提舉萬億庫,秩正 在 右以 年,分立 戶部,仍置萬 上 上 屬戶部。 四 庫,以分掌出 億等庫,爲收藏之府。 其萬億四庫,國初以 納 至二十七年,又別立 <del>Б</del>. 딞。 太府掌內帑之出納,旣設左藏等庫,而 中統 二十 四年,改陞 元年,置庫官六員 富 都 寧庫焉 提舉萬 而 億庫,秩 未有品 正 秩 俸 四 國計 之領

京畿都 判官 漕運之事。 二員 漕運使司 ,正六品 世祖中統二年,初立軍儲所,尋改漕運所。 ,秩正三品。 ;經歷一員,正七品;知事 運使二員,正三品,同 員,從八品。 知二員,正四品; 至元 五年,改漕運司,秩五 提控案牘 副使二員, 兼照磨二 員。 E 五品; 掌凡

員。其後定置官員已上正官各二員,首領官四員。 吏屬:令史二十一人,譯史二人,回回 運公事。省同知、運判、知事各一員,而押綱官隸焉。延祐六年,增同知、副使、運判各一 立兩運司,而京畿都漕運司之額如舊。止領在京諸倉出納糧斛,及新運糧提舉司站車攢 二年,改都漕運司,秩四品。十九年,改京畿都漕運使司,秩正三品。二十四年,內外分

令史一人,通事一人,知印二人,奏差一十六人,典吏二人。其屬二十有四: 新運糧提舉司,秩正五品。至元十六年始置,管站車二百五十輛,隸兵部。開設運糧

壩河,改隸戶部。定置達魯花赤一員,都提舉一員,同提舉一員,副提舉一員, 吏目一 員,司吏八人,奏差十二人。

京師二十二倉,秩正七品。

置。永濟倉,至元四年置。惟億倉,旣盈倉,大有倉,並係惶慶元年置。〔4〕屢豐倉,積貯倉。 萬斯北倉,中統二年置。萬斯南倉,至元二十四年置。千斯倉,中統二年置。永平倉,至元十六年 並係皇慶元年增置。

豐穰倉,皇慶元年置。廣濟倉,皇慶元年置。廣衍倉,至元二十九年置。大積倉,至元二十八年置。 旣積倉,盈行倉,至元二十六年置。相因倉,中統二年置。順濟倉。 已上十倉,每倉各置監支納一員,正七品,大使二員,從七品,副使二員,正八品。 至元二十九年置。

志

. 五

百官一

已上八倉,每倉各置監支納一員,正七品,大使一員,從七品,副使二員,正八品。

通濟倉,中統二年置。(慶)〔廣〕貯倉,〔六〕至元四年置。豐潤倉,至元十六年置。豐實倉。 已上四倉,每倉各置監支納一員,正七品,大使一員,從七品,副使一員,正八品。

通惠河運糧千戶所,秩正五品。掌漕運之事。至元三十一年始置。中千戶一員,中副

千月二員

從八品。提控案牘二員,內一員兼照磨,司吏三十三人,通事、譯史各一人,奏差一十六 都漕運使司,秩正三品。掌御河上下至直沽、河西務、李二寺、通州等處儹運糧斛。 同知二員,正四品,副使二員,正五品,運判三員,正六品,經歷一員,從七品,知事一員, 人,典吏一人。其屬七十有五: 二十四年,自京畿運司分立都漕運司,於河西務置總司,分司臨淸。運使二員,正三品,

河西務十四倉,秩正七品。

永備南倉,永備北倉,廣盈南倉,廣盈北倉,充溢倉。

崇墉倉,大盈倉,大京倉,大稔倉,足用倉,豐儲倉,豐積倉,恒足倉,旣備倉。 已上五倉,各置監支納一員,正七品,大使二員,從七品,副使二員,正八品。

已上九倉,各置監支納一員,正七品,大使一員,從七品,副使一員,正八品。

通州 十三倉,秩正七品。

有 年倉,富有倉,廣儲倉,盈止倉,及秭倉,廼積倉,樂歲倉,慶豐倉,延豐倉。

已上九倉,各置監支納一 員,正七品,大使二員,從七品,副使二員,正八品。

足食倉,富儲倉,富衍倉,及衍倉。

已上四倉,各置監支納一 員,正七品;大使一員,從七品;副使一員,正八品。

館陶倉、舊縣倉、陵州倉、傅家池倉。

河倉一十有七,用從七品印。

已上各置監支納一員,從七品,大使一員,從八品,副使一員。

秦家渡倉,尖塚西倉,尖塚東倉,長蘆倉,武强倉,夾馬營倉,上口倉,唐宋倉,

倉,安陵倉,四柳樹倉,淇門倉,伏恩倉。

直沽廣通倉,秩正七品。 已上各置監支納一員,從八品;大使一員,從九品,副使一員。 大使一員。

內,日南宮,日沂莒,日霸州,日東明,日 安,日汝寧,日 (衆)[祭]陽等綱,ほ]凡三十一曰濟源,曰陵州,曰獻州, 修武, 日安陽,日開封,日儀封,日蒲臺, 獲嘉,日 鹽山, 日鄒平, 目 日白馬,日滏陽,日完州 [武强, 日 目 中牟, 膠 水, 日 日 膠西, 東昌, 日 日

志

第

Ξ Ť 五

百 宫

輝,曰濬州,曰曹濮州,每綱皆設押綱官二員,計六十員。秩正八品。每編船三十隻爲 綱。船九百餘隻,運糧三百餘萬石,船戶八千餘戶,綱官以常選正八品爲之。

州、灤陽、新匠三冶。至元十四年,又置檀州提舉司,管領雙峯、暗峪、大峪、五峯等冶。 檀景等處採金鐵冶都提舉司,秩正四品。提舉一員,正四品,同提舉一員,正五品,副提 隸焉。他如河東、山西、濟南、萊蕪等處鐵冶提舉司,及益都、般陽等處淘金總管府,其沿 大德五年,檀州、景州三提舉司,併置檀州等處採金鐵冶都提舉司,而灤陽、雙峯等冶悉 舉一員,從六品。掌各冶採金煉鐵,權貨以資國用。國初,中統始置景州提舉司,管領景

等路都轉運使司事,尋罷,改立淸、滄二鹽使司。二十三年,改立河間等路都轉運司。 革蓋不一也。 運鹽使司,立淸、滄課三鹽司。[10]十二年,改爲都轉運使司。 権滄淸課鹽所。 運司,立提舉鹽權所,又改爲河間路課程所,提舉滄淸課鹽使所。 同知一員, 正四品, 副使一員, 正五品, 運判二員, 正六品。首領官: 經歷一員, 從七品, 大都河間等路都轉運鹽使司,秩正三品。 知事一員,從八品,照磨一員,從九品。國初,立河間稅課達魯花赤清鴻鹽使所,後創立 至元二年,以刑部侍郎、右三部郎中兼滄淸課鹽使司,尋改立河間 掌場竈榷辦鹽貨,以資國用。使二員,正三品, 十九年,以戶部尚書行河間 中統三年,改都提領拘 都

志第三十五 百官一

十七年,改令戶部尚書行河間等路都轉運使司事。 二十八年,改河間等路都轉運 司。 延

耐六年、頒分司印、巡行郡邑、以防私鹽之弊。

鹽場二十二所,每場設司令一員,從七品,司丞一員,從八品。 辦鹽各有差。

利國場,利民場,海豐場,阜民場,阜財場,益民場,潤國場,海阜場,海盈場,海潤場,

嚴鎭揚,富國場,興國場,厚財場,豐財場,三叉沽場,蘆臺場,越支場,石碑場,

場,惠民場,富民場。

年,命有司兼辦其課,改立山東轉運司。至元十二年,改立都轉運司。 Ш 鹽場,以總鹽課。 東東路轉運鹽使司、品秩、職掌同上、運判止一員。 後改置運司。 中統四年,詔以中書左右部兼諸路都轉運司。 國初,始置益都課稅所,管領山東 延祐五年,以鹽法 至元二

澀滯,降分司印,巡行各場,督收課程,罷膠萊鹽司所屬鹽場。

永利場,寧海場,官臺場,豐國場,新鎭場,豐民場,富國場,高家港場,永阜場, 利國 鹽場一十九所,每場設司令一員,從七品,司丞一員,從八品,管勾一員,從八品。

河 <u>|</u>東陝西等處轉運鹽使司,品秩、職掌同前,運判增一員。 場,固堤場,王家岡場,信陽場,濤洛場,石河場,海滄場,行村場,登寧場,西由 國初,設平陽府以徵課程之 場。

利。口中統二年,改置轉運司,置提舉解鹽司。至元二年,罷運司,命有司掌其務。

二三五

尋復

課 |轉運司 其 餘課稅歸有司 二十三年,立陝西都轉運司,諸色稅課悉隸焉。 解鹽司 亦罷。 延祐六年, 更爲河東陝西等處都轉運鹽使司,隸省 二十九年,置鹽運司,專掌 鹽

部。 其屬

解 鹽場,管勾一員,正九品,同管勾一 員,從九品。

員。 總領 之。 掌天下禮樂、祭祀、朝會、燕享、貢舉之政令。 法,忠孝貞義之褒,送迎聘好之節,文學僧道之事,婚姻繼續之辨,音藝膳供之物,悉以任 元年,復增尚書一員,領會同館事。 十三年,又別 世祖 三部 七年,別立禮部。 河東等處解鹽管民提領所,正提領 禮部,尚書三員,正三品,侍郎二員,正四品,郎中二員,從五品,員外郎二員,從六品。 安邑等處解鹽管民提領所,正提領一 之事。 中統元年,以東、戶、禮爲左三部,置尚書二員,侍郎二員,郎中四員,員外郎六員, 為 禮部。 至元元年,分立爲吏禮部。 二十三年,六部尚書、侍郎、郎中、員外郎定以二員爲額。 尚書一員、侍郎一員、郎中二員、員外郎 主事二員、蒙古必闍赤二人、令史一十九人、 員,從八品;副提領一 員、從八品、副提領一員、從九品。 尚書三員,侍郎仍二員,郎中仍四員,員外郎四 凡儀制損益之文,符印簡册之信,神人封諡之 如舊。 員,從九品。 明年,又合爲東禮部 回回令史 成宗元貞

二人,怯里馬赤一人,知印二人,奏差十二人,典吏三人。 其屬附見:

德十一年,陞秩正三品。至大二年,置典簿一員。延祐七年,定置侍儀使四員。至治元 侍儀令、尚衣使等員,改置通事舍人十四員。 三十年,減通事舍人七員爲侍儀舍人。 大 侍儀司、秩正四品。掌凡朝會、即位、册后、建儲、奉上尊號及外國朝覲之禮。至元八年 十六員,從七品,侍儀舍人十四員,從九品。 年,增置通事舍人六員、侍儀舍人四員。其後定置侍儀使四員,正三品,引進使知侍儀事 奉班都知、尚衣局大使各一員。十二年,省左侍儀奉御,通曰左右侍儀。省引進副使及 始置。左右侍儀奉御二員,禮部侍郎知侍儀事一員,引進使知侍儀事一員,左右侍儀使 左三部照磨所,秩正八品。照磨一員,掌吏、戶、禮三部錢穀計帳之事。典吏八人。 二員,正四品。首領官:典簿一員,從七品。屬官:承奉班都知一員,正七品;通事舍人一 二員,左右直侍儀使二員,左右侍儀副使二員,左右侍儀僉事二員,引進副使、侍儀令、承 一員,從七品;直長二員,正八品。 一人。其屬法物庫,秩五品。掌大禮法物。提點一員,從五品,大使一員,從六品,副使 吏屬·令史二人,譯史一人,通事一人,知印

使一員、副使一員、鈴轄一員、提控案牘一員。十六年、陞正三品、降虎符、增置達魯花赤 都指揮

第三十五

百官

奏差二人。其屬控鶴百戶所,秩從七品。色目百戶一十三員,漢人百戶一十三員。 皇慶元年,置經歷一員。二年,改鈴轄爲僉事。至順二年,撥隸侍正府,定置達魯花赤一 經歷一員,從七品,知事一員,從八品。吏屬:令史四人,譯史一人,通事、知印各一人, 員,正三品,都指揮使四員,正三品,副指揮使二員,從三品,僉事二員,正四品。 首領官: 員、隸宣徽院。二十年,復爲從四品。二十五年,歸隸禮部。 元貞元年,復陞正三品

陞玉宸樂院,秩從二品。置院使、副使、僉事、同僉、院判。三大四年,復爲儀鳳司,秩正 儀鳳司, 秩正四品。掌樂工、供奉、祭饗之事。 至元八年, 立玉宸院, 置樂長一員, 樂副一 五年,歸隸禮部,省判官三員。三十一年,置達魯花赤一員,副使一員。大德十一年,改 員,樂判一員。二十年,改置儀鳳司,隸宣徽院。置大使、副使各一員,判官三員。二十 三品。|延祐七年,降從三品。定置大使五員,從三品,副使四員,從四品。首領官:經歷 員、從七品;知事一員、從八品。 吏屬:令史二人、譯史、通事、知印各一人。 其屬五 隸玉宸樂院。 雲和署,秩正七品。掌樂工調音律及部籍更番之事。至元十二年始置。至大二年,撥 儀從庫,秩從七品。掌收儀衞器仗。大使一員,從七品,副使一員,從八品。 皇慶元年,陞正六品。二年,陞從五品。署令二員,署丞二員,管勾二

員,協音一員,協律一員,書史二人,書吏四人,教師二人,提控四人。

員、署丞二員、管勾二員、協音一員、協律一員、書史二人、書吏四人、教師二人、提控 安和署,秩正七品。 職掌與雲和同。至元十三年始置。皇慶二年,陞從五品。署令二

四人。

常和署,初名管勾司,秩正九品。管領回回樂人。皇慶元年初置。延祐三年,陞從六

品。署令一員,署丞二員,管勾二員,教師二人,提控二人。

天樂署,初名昭和署,秩從六品。管領河西樂人。至元十七年始置。大德十一年,陞 正六品。至大四年,改爲天樂署。皇慶元年,陞從五品。署令二員,署丞二員,管勾二

廣樂庫,秩從九品。掌樂器等物。大使一員,副使一員。皇慶元年始置。 員、協音一員、協律一員、書史二人、書吏四人、教師二人、提控四人。

員,正五品,知事一員,從八品。令史四人,譯史、知印、奏差各二人,通事一人。其屬三.. 年,陞正三品。延祐七年,復正四品。達魯花赤一員,正四品;大使三員,正四品,副使四 教坊司, 秩從五品。 掌承應樂人及管領興和等署五百戶。 中統二年始置。 至元十二年, |正五品。十七年,改提點敎坊司,隸宣徽院,秩正四品。二十五年,隸禮部。|大德八

志第三十五. 百官一興和署,秩從六品。署令二員,署丞二員,管勾二員。

祥和署,秩從六品。署令一員,署丞一員,管勾一員。

廣樂庫,秩從九品。大使一員,副使一員。

員。至元二十九年,以四賓庫改置。 四人,蒙古必闍赤一人,典給官八人。其屬有收支諸物庫,秩從九品。大使一員,副使一 館事一員,正三品;大使二員,(正)〔從〕四品,(三三)副使二員,從六品。 提控案牘一員,掌書 五年罷之。二十九年復置。元貞元年,以禮部尚書領館事,遂爲定制。禮部尚書領會同 會同舘,秩從四品。 掌接伴引見諸番蠻夷峒官之來朝貢者。至元十三年始置。〇日〇二十

鑄印局,秩正八品。 掌凡刻印銷印之事。 大使一員、副使一員、直長一員。至元五年

掌薪司,秩正七品。司令一員,正七品,司丞二員,正八品。典吏一人。 白紙坊,秩從八品。 掌造詔旨宣敕紙劄。大使一員,副使一員。至元九年始置。

掌天下郡邑郵驛屯牧之政令。凡城池廢置之故,山川險易之圖,兵站屯田之籍,遠方歸化 之人,官私芻牧之地、驗馬、牛羊、鷹隼、羽毛、皮革之徵、驛乘、郵運、祗應、公廨、皂隸之制、 兵部,尚書三員,正三品;侍郎二員,正四品;郎中二員,從五品;員外郎二員,從六品。

中如 額。 中如 里馬赤一 年,又合爲 郎 悉以任之。 德八年 管 歷、知 十人。 五. 撥 管領隨路打捕鷹房民匠 斌 大都陸運提 領本 放,員 隸 舊, 至治 員, 四 旭烈 年,改今名。 員 事各一 總領三部之事 ·始置, 投 人,知印二人,奏差八人,典吏三人。 三年,增尙書一員。 海王莊、七里莊、魏家莊、臘八莊 外郎一 人外郎五 兵刑部。 世祖中統元年,以兵、刑、工爲右三部,置尚書二員,侍郎二員,郎中五員,員外 下 大王位 學司,秩從五品。 大都等路 員,提控案牘 官 員。 員。 吏皆王選用。 下。 十三年,復析兵部。 提舉二員,從五品,副提舉一員,從七品。 o 中統 七年,始列六部。 三年,併爲右三部。 打捕鷹房諸色人匠都總管府, 至元元年,別置 一總管府, 二年始置。 主事二員、蒙古必闍赤二人、令史十四人、回回令史一人、怯 員,更屬令史六人。 掌兩 至大四年,省併衙門,以哈兒班答大王 秩從三品。 都陸運糧斛之事。 至元十二年,阿八合大王遣使奏歸朝廷,隸兵部。 尚書一員,侍郎仍舊,郎中一員,員外郎 工部,以 二十三年,定尙書、侍郎、 四所,各設提領一人,用從九品印。 五年, 其屬附見: 達魯花赤一員, 兵刑自為 復爲兵刑部。 初,太祖以隨路打捕鷹房民戶七千餘戶 秩正三品。 至元十六年,始置運糧提舉司。 部。 東目一員,司 東六人,委差一 總管一員,副總管二員,經 尚書二員,省侍郎二員,郎 尚書 掌哈贊大王位下事。 郎中、員外郎以二員為 四員,侍 遠鎭 隅, 郎三員, 仍一 別無官 員。明 大 延 郎

志

第

Ξ

十

五.

百

官

五品。 提控案牘一員,令史四人,譯史二人,奏差二人,典吏一人。其屬東局織染提舉司,秩從 屬,存設不廢。 達魯花赤一員,提舉一員,副達魯花赤一員,副提舉一員,提控案牘一員,司吏 定置府官、達魯花赤二員、總管一員、同知一員、副總管一員、知事一員、

經歷一員,知事一員,提控案牘兼照磨一員,令史六人,譯史一人,知印通事一 隨路諸色民匠打捕鷹房等戶都總管府,秩從三品。 人。掌別吉大營盤事及管領大都路打捕鷹房等戶。 達魯花赤一員,總管一員,同知一員, 至元三十年置。 延祐四年,陞正 人,奏差二

花赤一員,同知一員,副總管一員,判官一 干定王位下事。泰定元年始置。 員,令史六人,譯史、通事、知印各一人。 管領本位下打捕鷹房民匠等戶都總管府,秩正三品。 掌別吉大營盤城池阿哈探馬兒一應差發、薛徹 員,經歷一 員,知事一員,提控案牘兼照磨 達魯花赤一員,總管一員,副達魯

掌天下刑名法律之政令。凡大辟之按覆,繫囚之詳讞,孥收產沒之籍,捕獲功賞之式,寃訟 刑 ?部,尙書三員,正三品,侍郞二員,正四品,郞中二員,從五品,員外郞二員,從六品。

回回 大德四年, 爲兵刑 復爲右三部。 年,析置工部,而兵刑仍爲一部。 疑 :書二員,侍郎二員,郞中五員,員外郞五員。 《罪之辨,獄具之制度,律令之擬議,悉以任之。 世祖中統元年,以兵、刑、工爲右三部,置 令史二人,怯里馬赤一人,知印二人,奏差十人,書寫三人,典吏七人。 其屬附見: 部。 <del>尚書增置一員。其首領官則主事三員。</del> 十三年,又爲刑部。 七年,始別置刑部。 。二十三年,六部尚書、侍郎、郞中、員外郞定以二員爲額。 尚書四員,侍郎仍二員,郎中四員,員外郞置五員。 尚書一員,侍郎一員,郎中一員,員外郎二員。 以郎中、員外郎各一員,專署刑部。 吏屬則蒙古必閣赤四人, 令史三十人, 八年,改 至元元 三年,

之任,大德七年始置專官。 獄 司,司獄一員,正八品,獄丞一員,正九品。 部醫一人,掌調視病 囚。 獄典一人。 初以右三部照磨兼刑部繋獄

刑部。 司籍所 提領一員,同提領一員。至元二十年,改大都等路斷沒提領所爲司籍所,隸

司匠之官,悉以任之。 ·天下營造百工之政令。 工部,尚書三員,正三品;侍郎二員,正四品;郎中二員,從五品;員外郎二員,從六品 世祖 凡城池之修濬,土木之繕葺,材物之給受,工匠之程式,銓注局院 中統元年,右三部置尚書二員,侍郎二員,郎中五 員, 員外郎五

志

員,內 五員。 回令史四 郎 書二員。 如 舊。 一員專署 三年,復合爲右三部。 人,怯里馬赤一人,知印一人,奏差三十人,蒙古書寫一人,典東七人。又司程官 二十八年,省尚書一員。 二十三年,定尚書、侍郎、郎中、員外郎各以二員爲額。 工部事。 至元元年,始分立工部。 七年,仍自爲工部。 首領官:主事五員。 尚書四員,侍郎三員,郎中四員,員外郎 尚書二員, 侍郎仍二員, 郎中三員, 蒙古必闍赤六人,令史四十二人,回 明年, 以曹務繫冗, 增尙 員外

年,左右部各置。 左 右 部架閣庫,秩正八品。 二十三年,併爲左右部架閣 管勾二員,典吏十二人。 庫。 掌六部文卷簿籍架閣之事。 中統元

几

員

了右三部照磨一員,**典吏七人**。

其屬附見:

知 年,省副總管一員。 員。 諸色人匠總管府, 秩正三品。 事一員,提控案牘一員,令史五人,譯史一人,奏差四人。 梵像提舉司, 秩從五 十六年,置達魯花赤一員,增同知、副總管各一員。二十八年,省同 後定置達魯花赤一員,總管一員,同知二員,副總管二員,經歷一員, 品。 提舉一 掌百工之技藝。 員,同提舉一員,副提舉一員,吏目一員。董繪畫佛像 至元十二年始置、總管、同知、副總管各一 其屬十有 知一員。

出 .蠟局提舉司,秩從五品。 提舉一員,同提舉 一員、副提舉一員,吏目一員。 掌出蠟鑄

及

土木

刻削

之工。

至元十二年,始置梵像局。

延祐三年,陞提舉司,設今官。

造之工。至元十二年,始置局。延祐三年,陞提舉司,設今官。

鑄寫等銅局,秩從七品。大使一員,副使一員。掌鑄寫之工。至元十年,始置官三員。

二十八年,省管勾一員,後定置二員。

銀局,秩從七品。大使一員,直長一員。掌金銀之工。至元十二年始置。

鑌鐵局,秩從八品。大使一員。掌鏤鐵之工。至元十二年始置。

瑪瑙玉局,秩從八品。直長一員。掌琢磨之工。至元十二年始置。

木局,秩從七品。大使一員,直長一員。董攻木之工。至元十二年始置。 石局, 秩從七品。 大使一員, 管勾一員。 董攻石之工。 至元十二年始置。

油漆局,副使一員,用從七品印。董髹漆之工。至元十二年始置。

諸物庫,秩正九品。提領一員,副使一員。掌出納諸物之事。至元十二年始置。

管領隨路人匠都提領所,提領一員,大使一員,俱受省檄。掌工匠詞訟之事。至元十

二年始置。

副總管一員,經歷一員,知事一員,提控案牘一員,令史四人。領兩都金銀器盒及符牌等 諸司局人匠總管府,秩正三品。達魯花赤一員,總管一員,副達魯花赤一員,同知一員, 一十四局事。至元十四年置。二十四年,以八局改隸工部及金玉府,止領五局一庫,掌

第三十五

百官

氈毯等事。其屬有六:

收支庫, 秩正九品。大使一員。掌出納之物。

大都氈局,秩從七品。大使、副使各一員。管人匠一百二十有五戶。

大都染局,秩從九品。 大使一員。管人匠六千有三戶。

上都氈局,秩從五品。大使一員,副使一員。管人匠九十有七戶。

隆興氈局,大使一員,副使一員。管人匠一百戶。

剪毛花毯蠟布局,大使一員,副使一員。管人匠一百一十有八戶。

六品。二十九年,以出納委積,分爲左右兩司。 陀等物。中統三年,始置提領八作司,秩正九品。至元二十五年,改陞提舉八作司,秩正 銅、鋼、鍮石,東南簡鐵,兩都支持皮毛、雜色羊毛、生熟斜皮、馬牛等皮、騌尾、雜行沙里 庫十三人,譯史一人,秤子一人。掌出納內府漆器、紅甕、捎隻等,并在都局院造作鑌鐵、 提舉右八作司,秩正六品。提舉二員,同提舉一員,副提舉一員,更目一人,司吏九人,司

諸路雜造局總管府。定置達魯花赤一員,總管一員,同知一員,副總管一員,知事一員, 諸路雜造總管府,秩正三品。 至元元年,改提領所爲提舉司。 十四年,又改工部尚書行 提舉左八作司,秩正六品。掌出納內府氈貨、柳器等物。其設置官員同上。

提控案牘一員,令史六人,譯史一人。其屬二:

網局,大使一員,副使一員,並受省劄。至元元年始置。

收支庫,大使一員,副使一員。至元三十年始置。

管一員。二十七年,置同知一員。後定置府官,達魯花赤一員,總管一員,同知一員,知 茶迭兒局總管府,秩正三品。管領諸色人匠造作等事。 憲宗朝置。 至元十六年,始設總

事一員,提控案牘一員,司吏四人。其屬二:

諸司局,用從七品印。

提領一員,相副官二員。中統三年始置。

收支庫、提領一員、大使、副使各一員。掌造作出納之物。

大都人匠總管府,秩從三品。至元六年始置。達魯花赤一員,總管一員,同知一員,經歷

一員,提控案牘一員,令史十人,通事一人。其屬四:

綉局、用從七品印。大使一員、副使一員。掌綉造諸王百官段匹。

紋錦總院,提領一員,大使一員,副使一員。掌織諸王百官段匹。

涿州羅局,提領一員,大使一員。掌織造紗羅段匹。

尙方庫,提領一員,大使、副使各一員。 掌出納絲金顏料等物。

志 第 三 + Ħ.

百 官 隨路諸色民匠都總管府,秩正三品。掌仁宗潛邸諸色人匠。 延祐六年, 撥隸崇祥院, 後

叉屬 員,經歷一 將 作院。 員,知事一員,提控案牘一員,照磨一員,令史八人,譯史二人,知印、通 至治三年、歸隸工部。 後定置達魯花赤一員,總管一員,同知一員,副總管 事各

一人,奏差四人。其屬五:

織染人匠提舉司,秩從七品。 至大二年設。 達魯花赤一員,提舉一員,同提舉一員,副

提舉一員,吏目一員。

雜造人匠提舉司,秩從七品。設置官屬同上。

大都諸色人匠提舉司, 秩從五品。 達魯花赤一員,提舉一員,同提舉一 員,副提舉

員,吏目一員。

大都等處織染提舉司,秩從五品。 管阿難答王位下人匠一千三百九十八戶。 達魯花

赤一員,提舉一員,同提舉一員,副提舉一員,吏目一 員。

提舉都 收支諸物庫,秩從七品。 城所、秩從五品。 提舉二員,同提舉二員,副提舉二員,吏目一員,照磨一員。 提領一員,大使一員,副使一員,庫子二人。

修繕都城內外倉庫等事。至元三年置。其屬一:

左右廂,官四員,用從九品印。至元十三年置。

受給庫、秩正八品。 提領一員, 大使一 員,副使一員。 掌京城內外營造木石等事。

十三年置。

符牌局,秩正八品。 大使一員、副使一員、直長一員。 掌造虎符等。 至元十七年置。

至元九年置。

撒答刺欺提舉司,秩正五 旋匠提舉司,秩從五 品。 묘 提舉一員,副提舉一員。 提舉一員,副提舉一 員,提控案牘一員。 至元二十四年,以

舉司

札馬

刺丁

率人匠成造撒答刺欺,

與絲紬同局造作,遂改組練人匠提舉司為撒答

刺

欺提

別失八里局,秩從七品。 大使一員,副使一員。 掌織造御用領袖納失失等段。 至元十三

年始置

忽丹八里局,大使一員,給從七品印。 至元三年置。

平則門窰場,提領 員,大使一員,副使一員,給從六品印。 至元十三年置。

光熙門窰場,提領 員,大使 員,副使 員,給從八品印。 至元二十五年置。

通州皮貨所,提領 大都皮貨所,提領 員,大使一 員,大使 員,副使 員,副使 員,用從 員,用從 九品印。 九品印。 至元二十九年置。 延祐六年置。

晉寧路織染提舉司,提舉一員,照路案牘 一員。 其屬

志 第 Ξ

+ 五

百

官

提領所 ,係官織染人匠局一,雲內人匠東、西局二,本路人匠局一,河中府、襄陵、翼

三五〇

城、潞 州 隰州 、澤州、 雲州等局七。 每局各設提領一 員, 副提領 員,惟 澤州 則

止設提領一員。

冀寧路織染提舉司、真定路織染提舉司,各置提舉 員, 同提舉一 員, 副提 舉 員, 照略

案牘一員。其屬二:

開除局,大使一員,副使一員,照略案牘一員。

真定路紗羅兼雜造局,大使一員,副使一員。

南宮、中山織染提舉司,各設提舉一員,同提舉 一、副提 舉 員,照略案牘一 員。

中山劉元帥局,大使一員,副使一員。

中山察魯局,大使一員,副使一員。

深州織染局,大使一員,副使一員,照略案牘一員。

深州趙良局,大使一員,副使一員。

弘州 人匠提舉司,提舉 員,同提舉 員,副提舉 員,照略案牘

納失失毛段二局,院長一員。

雲內州織染局,大使一員,副使一員,照略案牘一員。

大同織染局,大使一員,副使一員,照略案牘一員。

朔州 毛子局,大使 員。

恩州 織染局,大使 員,副使一 員,照略案牘 員。

恩州 東昌局,提領一 員。

保定 織染提舉司, 提舉一 員,同提舉一 員,副提舉 員,照略案牘 員。

大名人匠提舉司,提舉一 員,同提舉一 員,副提舉 員,照略案牘 員。

永平路紋錦等局提舉司,提舉一員,同提舉一員,副提舉

員,照略案牘

員。

大寧路織染局,大使一員,副使一員,照略案牘一員。

雲州織染提舉司,提舉一員,同提舉一員,副提

舉

一員,照略案牘

員。

順德路織染局,大使一員,副使一員,照略案牘 員。

|彰德路織染人匠局,大使一員,副使一員,照略案牘| 慶路 織 、染局,大使一 員,副使一員,照略案牘一員。 員。

別失八里局,官一員。

懷

東聖州 宣 一德府織 織 染局,自己院長一員,局副一 染提舉司,提舉 員,同提 舉一 員。 員,副提舉 員,照略案牘 員。

宣德 八魯局,提領 一員,副使一員。

志

第

 $\equiv$ + 五

百

官

東平路疃局,直長一員。

興 和路蕁麻林人匠提舉司,提舉一員,同提舉一員,副提舉一員,照略案牘一員。

陽門天城織染局,提領一員,副使一員,照磨案牘一員。

巡河提領所,提領二員,副提領一員。

## 校勘記

又有所謂大司徒司徒太尉之屬或置或不置 本書卷一一〇三公表及元文類卷四〇經世大典序

錄三公,太尉」下皆有「司空」,此處疑脫。

, \_ \_\_ 斷事官秩〔正〕三品 據元典章卷七官制職品補。 按本書卷八四選舉志有「晉王位下斷事官」正

三品」。新元史已校。

\_ 員 二十三年六部尚書侍郎郎中定以二員爲額 (外郎員額各二員」。後文禮、兵、刑、工各部所載與吏部同。疑此脫。清續通考卷五三職官考元 前文吏部作「二十三年」定六部尚書、侍郎、郎中、

戶部增入「員外郎」。

額 明年以戶 爲尚書三,侍郞二,郞中二,員外郞三。 部所掌視他部特爲繁劇增置二員 至元二十三年置六部尚書、侍郎、郎中、員外郎各二 「增置二員」,所指不明,當有脫文。按前文戶部員

- 員。 下文又云大德五年戶部「省尚書一員,員外郎亦省一員」,核諸前後文,二十四年所增置者
- 當爲 尚 書、員外郎各二員。 疑|增置」下脫「尙 書、員外郎各」六字。
- . 35. 諸路寶鈔〔都〕提舉司 八二、八四選舉志「諸路寶鈔都提舉司」數見。 按下文, 至元二十四年改交鈔提舉司 據補。 新元史已校 爲「諸路寶鈔都提舉司」。 本書卷
- , . 六 山 世祖至元二十五年改元寶庫爲寶鈔〔總〕庫 月癸卯條作「寶鈔總庫」。 本書選舉志「 寶鈔總庫」數見。 上文作「寶鈔總庫」。 據補。 本書世祖紀至元二十五年九
- てよし 字衍 建 惟億倉既盈倉大有倉並係皇慶元年置 催 大有倉建於皇慶。 此處既盈倉下當注「並係至元二十六年置」。 按經世大典倉庫,惟億倉、 既盈倉均係至元二十六年九月 大有倉下所注「並係」二
- (慶)[廣]貯倉 錄卷二一公字亦均作「廣貯」。 本書卷九九兵志宿衛作「廣貯」。 據改。 經世大典倉庫、元典章卷九倉庫官、 南村輟耕
- 八九山 (桊)〔桊〕陽等綱 從道光 心本改。 按本書卷五九地理志,河南省鄭州 有榮陽。
- (0) 卯條 立清滄課三 有「清、滄、深三鹽司」。 鹽 司 旣稱 「三鹽司」, 新元史改「課」爲「深」、疑是。 其所冠地名應有三。 本書卷二〇成宗紀大德五年二月己
- 芯 國 [初設 第  $\equiv$ 平陽府 + Ŧi. 以徵課程之利 校 勘 記 按本書卷九四食貨志有「太宗庚寅年, 始立平陽府徵收課稅所 二五三

從實辦課」,另以本書卷二太宗紀二年庚寅十一月史文參證,「平陽府」下當脫「徵收課稅所」。

新元史已校。

至元十三年始置 按本書卷七世祖紀,會同館初立於至元九年十月癸卯,卷八世祖紀至元十

年九月壬寅條又見會同舘。此作「十三」誤。

大使二員(正)(從)四品 按上文已書「會同館」、秩從四品」。元典章卷七官制職品列會同館大使

爲從四品。據改。新元史已校。

大都染局秩從九品大使一員管人匠六千有三戶

元典章卷七官制職品從七品局大使三百戶下一

百戶上,列大都染局。新編改「千」爲「十」,疑是。

二吾

東聖州織染局

元無「東聖州」。「東聖」當爲「奉聖」或「東勝」之誤。

## 元史卷八十六

## 志第三十六

## 百官二

從一品;同知四員,正二品;副樞二員,從二品;僉院二員,正三品;同僉二員,正四品;院判 院判二員。至大三年,知院七員,同知二員,副樞二員,僉院一員,同僉一員,院判二員,革 去議事平章。延祐四年,以分鎭北邊,增知院一員。五年,增同知一員。後定置知院六員, 中書平章商量院事。大德十年,增置知院二員、同知五員、副樞五員、僉院五員、同僉三員、 遣,舉功轉官,節制調度,無不由之。 至元七年,置同知樞密院事一員、院判一員。二十八年,始置知院一員,增院判一員,又以 二員,正五品,參議二員,正五品,經歷二員,從五品,都事四員,正七品,承發兼照磨二員, 樞密院,秩從一品。掌天下兵甲機密之務。凡宮禁宿衞,邊庭軍翼,征討戍守,簡閱差 世祖中統四年,置樞密副使二員、僉書樞密事一員。

志

第三

十六

百

官二

正八品;架閣庫管勾一員,正九品;同管勾一員,從九品;掾史二十四人,譯史一十四人,通 事三人,司印二人,宣使一十九人,銓寫二人,蒙古書寫二人,典吏一十七人,院醫二人。

客省使、秩從五品。大使二員、副使二員。至元十四年、置大使一員。十六年、增一員。 二十一年,置副使一員。延祐五年,增一員。天曆元年,又增一員。尋定置大使二員,從

五品;副使二員,從六品;令史二人。

斷事官,秩正三品。掌處決軍府之獄訟。 定置斷事官八員,正三品;經歷一員,從七品;令史六人,譯史一人,通事、知印、奏差、典 十九年,又增一員。二十年,又增二員。大德十一年,又增四員。皇慶元年,省二員。後 吏各一人。 至元元年,始置斷事官二員。八年,增二員。

設,則稱某處行樞密院,或與行省代設,事已則罷。 行樞密院。 國初有征伐之事,則置行樞密院。大征伐,則止曰行院。 爲一方一事而

重慶別置東川行樞密院、設官一員。十三年、併爲一院、尋復分東川行院。 投下應管公事,節制官更諸色人等,幷軍官遷授征進等事。始置於成都。 西川行樞密院,中統四年始置,設官二員,管四川軍民課稅交鈔、打捕鷹房人匠,及各 至元十年,又於 十六年,罷兩川

行院。二十八年,復立四川行院於成都。

江州, 州、岳州俱立行院, 院,設官三員,淮西行院,設官二員。 江南行樞密院。 步軍戍撫州。 各設官五員。 二十八年,徙岳州行院於鄂州,徙江淮行院於建康,其後行院悉併歸 至元十年,罷河南省統軍司、漢軍都元帥、山東行院,置荆湖等路行 二十一年,立沿江行院。 掌調度軍馬之事。 十二年,罷行院。 二十二年,立江西行院,馬軍戍 十九年, 詔 於 揚

行省。

甘肅行樞密院。 至大四年,置行院於甘州,爲甘肅等處行樞密院,設官四員,提調西路

軍馬。後以甘肅省丞相提調,遂罷行院。

河南 行樞密院,致和元年分置,專管調遣之事。 天曆元年罷。

二員,經歷一員,都事二員,蒙古必闍 嶺 北行樞密院,天曆二年置。 知院一員,同知二員,副樞一員,僉院二員,同僉一員,院 赤四 人,掾史二人,怯里馬赤一人,知印一人,宣使

四人。掌邊庭軍務,凡大小事宜,悉從裁決。

判

右衞, 衞。 大元年,增都指揮 員。〇二十一 掌宿衞 秩正三品。 扈從了 年, 使三員、副都指揮使一員。 兼屯田。 中統 置僉事二員。 三年, 國有大事,則調度之。 初置武衞。 大德十一 至元元年,改爲侍衞。八年,改爲左、右、中三 年, 四年,省都指揮使五 增都指揮使二員、副都指揮 二十年,增都指揮使 員、副都指揮使二員。 一員、副都指揮 使 員。 使 至

志

第

從七品 後定置 |都指揮使三員,正三品,副都指揮使二員,從三品, 僉事二員, 正四品, 經歷二員, 知事二員, 照磨一 員, 俱從八品; 令史七人, 譯史、通事、知印各一人。 叉其屬十

鎭撫所,鎭撫二員。

有五

行軍千戶所十,秩正五品。 達魯花赤十員, 副達魯花赤十員,千戶十員,副千戶十員,

彈壓二十員,百戶二百員,知事十員。

屯田 弩軍千戶所一, 秩正五 教官二,蒙古字教授一員,儒學教授一員。 [左右千戶所二,秩正五 品。 묘 達魯花赤一員,千戶一員,彈壓二員,百戶十員。 達魯花赤二員,千戶二員,彈壓二員,百戶四十員。 掌諸屯衞行伍耕戰之暇,使之習學國字,通

曉書記。初由樞府選舉,後歸吏部。

副都 是年,增副指揮使一員。十六年,增副都指揮使一 衞官:都指揮使三員,正三品;副都指揮使二員,從三品;僉事二員,正四品,經歷二員,從 增僉事一員。二十四年,省都指揮使、副都指揮使一員。 左衞,秩正三品。 指揮使二員、僉事二員。 至元八年,以侍衛改置。 至大四年,省都指揮使六員、副都指揮使二員。 掌宿衞扈從, 員。二十年,置僉事一員。 兼屯田。 大德十一 年,增都指 國有大事,則調 其後定制, 揮 二十二年, 使五. 度之。 員、

七品;知事二員、照磨一員、俱從八品;令史七人、譯史、通事、知印各一人。其屬十有五:

鎭府所,鎭撫二員。

行軍千戶所凡十,秩正五品。達魯花赤十員,副達魯花赤十員,千戶十員,副千戶十

員,彈壓二十員,百戶二百員,知事十員。

弩軍千戶所一,秩正五品。達魯花赤一員,千戶一員,彈壓二員,百戶十員。

屯田左右千戶所二, 秩正五品。達魯花赤一員, 千戶二員, 三彈壓二員, 百戶四十員。

教官二、蒙古字教授一員、儒學教授一員。

置僉事二員。二十三年,增都指揮使一員。大德十一年,增都指揮使二員、副使三員。 之。是年,置都指揮使一員、副都指揮使一員。二十年,增副都指揮使一員。二十一年, 中衞,秩正三品。至元八年,以侍衞改置。掌宿衞扈從,兼營屯田。國有大事,則調度

揮使三員,正三品,副都指揮使二員,從三品,僉事二員,正四品,經歷二員,從七品,知事 至大元年,增都指揮使一員。四年,省都指揮使三員、副都指揮使三員。其後定置都指 一員,承發架閣照磨一員,俱從八品,令史七人,譯史、通事、知印各一人。 其屬十有五

鎭撫所,鎭撫二員。

第

十 六

百

官二

行軍千戶所十,秩正五品。 達魯花赤十員,副達魯花赤十員,千戶十員,副千戶十員,

彈壓二十員,百戶二百員,知事十員。

屯田左右千戶所二,秩正五品。達魯花赤二員,千戶二員,彈壓二員,百戶四十員。 弩軍千戶一, 秩正五品。達魯花赤一員, 千戶一員, 彈壓二員, 百戶十員。

教官二,蒙古字教授一員,儒學教授一員。

架閣照磨一員,俱從八品,令史七人,譯史、通事、知印各一人。 又其屬十有七: 正三品,副都指揮使二員,從三品,僉事二員,正四品,經歷二員,從七品,知事二員,承發 至大四年,省都指揮使五員、副都指揮使一員、僉事三員。後定置衞官,都指揮使三員, 員。二十年,置僉事一員。大德十一年,增都指揮使五員、副都指揮使一員、僉事三員。 前衞,秩正三品。至元十六年,以侍衞親軍創置前、後二衞。掌宿衞扈從,兼營屯田。國 有大事,則調度之。是年,置都指揮使一員、副都指揮使二員。十八年,增都指揮使二

鎭撫所,鎭撫二員。

行軍千戶所十,秩正五品。達魯花赤十員,副達魯花赤十員,千戶十員,副千戶十員,

彈壓二十員,百戶二百員。

屯田千戶所二,秩正五品。達魯花赤二員,千戶二員,彈壓二員,百戶四十員。 弩軍千戶一,秩正五品。達魯花赤一員,千戶一員、(壓彈)(彈壓]二員,[三百戶十員。

門尉二,平則門尉一員,順承門尉一員。

教官二,蒙古字教授一員,儒學教授一員。

員、照磨一員,俱從八品;令史七人,譯史二人,知印一人,通事二人。 其屬十有四: 愈事二員。至大四年,省都指揮使五員、副指揮使二員、<<br />
□ 愈事二員。後定置都指揮使 都指揮使二員。二十年,置僉事二員。大德十一年,增都指揮使五員、副都指揮使一員、 調度之。 後衞、秩正三品。至元十六年,以侍衞親軍創置。 三員,正三品;副都指揮使二員,從三品;僉事二員,正四品;經歷二員,從七品;知事 是年,置都指揮使二員、副都指揮使二員,後增設副都指揮使一員。十八年,增 掌宿衞扈從,兼營屯田。 國有大事,則

鎭撫所,鎭撫二員。

行軍千戶所十,秩正五品。 達魯花赤十員,副達魯花赤十員,千戶十員,副千戶十員,

彈壓二十員,百戶二百員。

屯田千戶所一,秩正五 弩軍千戶所一,秩正五品。 品。 達魯花赤一員,千戶二員,彈壓二員,百戶四十員。 達魯花赤一員,千戶一員,彈壓二員,百戶十員。

教官二,蒙古字教授一員,儒學教授一員。

武衞親軍都指揮使司,秩正三品。掌修治城隍及京師內外工役,兼大都屯田等事。 至元

志

三十六

百官

品,令史七人,譯史、通事、知印各一人。其屬十有五: 揮使二員,從三品,僉事二員,正四品,經歷二員,從七品,知事二員,照磨一員,俱從八 副都指揮使一員。後定置衞官,達魯花赤一員,正三品,都指揮使三員,正三品,副都指 立武衞,設官五員。元貞、大德年間,累增都指揮使四員。至大三年,省都指揮使四員、 二十六年,樞密院以六衞六千人,大都屯田三千人,近路迤南萬戶府一千人,總一萬人,

鎭撫所,鎭撫二員。

百戶一百四十員,彈壓一十四員。 行軍千戶所七,秩正五品。 達魯花赤七員,副達魯花赤七員,千戶七員,副千戶七員,

教官二,蒙古字教授一員,儒學教授一員。 屯田千戶所六,秩正五品。達魯花赤各一員,千戶六員,百戶六十員,彈壓六員。

指揮使三員、副都指揮使二員、僉事二員。延祐二年,又以哈兒魯軍千戶所,併隸 隆鎮衞親軍都指揮使司,秩正三品。掌屯軍徼巡盜賊於居庸關南、北口,統領欽察、阿速 品;副指揮使二員,從三品;僉事二員,正四品;經歷二員,從七品;知事二員,承發兼照磨 四年,置色目經歷一員。至治二年,置愛馬知事一員。後定置衞官,都指揮使三員,正三 護軍三千六百九十三人,屯駐東西四十三處。皇慶元年,陞隆鎭萬戶府爲隆鎭衞,置都

員,俱從八品,令史七人,譯史、通事、知印各一人。 其屬十有二:

鎭撫所,鎭撫二員。

北口千戶所,秩正五品。 達魯花赤一員,千戶一員,百戶七員。 於上都路龍慶州東 口

置司。

南口千戶所,秩正五品。 達魯花赤一員,千戶一員,百戶一員,彈壓一員。 於大都路昌

平縣居庸關置司。

白羊口千戶所, 秩正五品。 達魯花赤一員,千戶一員,百戶二員,彈壓一 員。 於大都路

昌平縣東口置司。

碑樓口千戶所,秩正五品。 達魯花赤一員,千戶一 員,百戶一員,彈壓一 員。 於應州

城縣東口置司。

古北口 千戶所,秩正五品。 達魯花赤一員,千戶一員,百戶六員,彈壓一 員。 於檀州北

面東口置司。

遷民鎭千戶所, 秩正五品。 達魯花赤一員、〔千戶一員〕,至百戶六員, 彈壓一 員。 於

大寧路東口置司。

志

第

+

六

百官

黃花鎭 千戶所,秩正五品。 達魯花赤一員,千戶一員,百戶六員,彈壓一員。 於昌平縣

東口置司。

蘆兒嶺千戶所,秩五品。 達魯花亦一員,千戶一員,百戶六員,彈壓一員。 於昌平縣本

口置司。

太和嶺千戶所,秩五品。 達魯花赤一員,千戶一員,百戶六員,彈壓一員。於大同路

(昌)[馬]邑縣本隘置司。(қ)

|紫荆關千戶所,秩五品。達魯花赤一員,千戶一員,百戶六員,彈壓一員。 於易州易縣

本隘置司。

隆鎭千戶所,秩五品。達魯花赤一員,千戶一員,百戶八員,彈壓一員。 於龍慶州北口

置司。

隸樞密院。定置兩府達魯花赤各一員,萬戶各一員,副萬戶各一員,經歷各一員,知事各 軍,幷迤東迴軍,合爲屯田。至元二十六年置。延祐五年,隸詹事院,併入衞率府。復改 左右翼屯田萬戶府二,秩從三品。 員、提控案牘各一員,令(使)[史]各五人。[t]屬官鎭撫各二員。 分掌斡端、別十八里迴還漢軍,及大名、衞輝新附之

千戶八所,達魯花赤八員,千戶八員,副千戶八員,百戶五十九員,彈壓一十六員。 千戶四所,達魯花赤四員,千戶四員,副千戶四員,百戶五十二員,彈壓八員。

林。六年,復隸東宮,仍爲左衞率府。定置率使三員,正三品,副使二員,從三品,僉事二 官十一員。延祐四年,始改爲中翊府,又改爲御臨親軍指揮司,又以御臨非古典,改爲羽 員,正四品;經歷一員,從七品;知事一員,照磨一員,俱從八品,令史七人,譯史、通事、知 左衞率府,秩正三品。至大元年,撥江南行省萬戶府精銳漢軍爲東宮衞軍,立衞率府,設

印各二人。其屬十有五:

鎭撫所,鎭撫二員。

行軍千戶所十,秩正五品。達魯花赤十員,千戶十員,副千戶十員,百戶二百員,彈壓

二十員。

弩軍千戶所一, 秩正五品。達魯花赤一員, 千戶一員, 百戶十員。

屯田千戶所三,秩正五品。達魯花赤三員,千戶三員,百戶六十員,彈壓三員。

教官三員、蒙古字教授一員、儒學教授一員、陰陽教授一員。

萬戶府兵,合爲右衞率府,置官十二員。後定置率使二員,正三品;副使二員,從三品;僉 事二員,正四品;經歷二員,從七品;知事二員,照磨一員,俱從八品;令史七人,譯史、通 右衞率府,秩正三品。延祐五年,以速怯那兒萬戶府、云迤東女直兩萬戶府、右翼屯田 事、知印各二人。 其屬七:

鎭撫所,鎭撫二員。

千戶 所 五 一,秩正五 밂 千戶五員、百戶四十五員、彈壓二員。

教官一,儒學教授一員。

戶府, 河南淮北蒙古軍都萬戶府,秩正三品。 員,從七品; 年,罷奧魯官、副鎭撫等員。 設府官四員、奧魯官四員。 知事一員、提控案牘一員、俱從八品、令史七人、譯史、通事各一人。 定置 「都萬戶一員,正三品;副都萬戶一員,從三品; 大德七年後,改爲河南淮北蒙古軍都 至元二十四年,以四萬戶奧魯赤改爲蒙古軍都萬 萬戶府。 經歷 延祐 屬官鎭 Ŧi.

八撒兒萬戶府,萬戶一員,副萬戶一員,經歷、知事、提控案牘各一員。 鎭撫一員。 撫二員。

千戶所

札忽兒台萬戶府,萬戶 一員,經歷、知事、提控案牘各一 員。 鎭撫一 員。

一十翼,達魯花赤一十員,千戶十員,副千戶

十員,百戶七十三員,彈壓一

千戶 所 [七翼,千戶七員,百戶三十八員,彈壓七員。

脫烈都 千月 所 萬 九翼 戶府 一千戶 萬戶 九員,百戶六十二員,彈壓 \_\_\_ 員、副萬戶一員、經 歷 員,知事 九 員 員,提控案牘 員。 鎭撫

和尚 .萬戶府,萬戶一 員,副萬戶一員,經歷一員,知事、提控案牘各一 員。 鎭撫 員。

千戶所六翼,達魯花赤四員,千戶六員,副千戶四員,百戶四十七員,彈壓六員。

砲手千戶所一翼,千戶一員,百戶六員,彈壓一員。

哨馬千戶所一翼,達魯花赤一員,千戶一員,副千戶一員,彈壓二員,百戶九員,奧魯官

二員。

儲。 照磨一員,從八品,令史七人,譯史、通事、知印各一人。鎭撫二員。其屬五: 品;副都指揮使二員,從三品;僉事二員,正四品;經歷二員,從七品;知事二員,承發架閣 年,改立右阿速衞親軍都指揮使司,置達魯花赤三員、都指揮使三員、副都指揮使二員、 右阿速衞親軍都指揮使司,秩正三品。掌宿衞城禁,兼營潮河、蘇沽兩川屯田,供給軍 **僉事二員。** 至元九年,初立阿速拔都達魯花赤,置屬官。二十三年,遂名爲阿速之軍。 四年,省達魯花赤三員。後定置達魯花赤一員,正三品,都指揮使三員,正三 至大二

行軍千戶所,千戶七員,百戶九員。

把門千戶二員,百戶五員,門尉一員。

本投下達魯花赤一員,長官一員,副長官一員。

廬江縣達魯花赤一員,主簿一員。

志第三十六. 百官二教官、儒學教授一員。

置屬官。 左阿速衛親軍都指揮使司、品秩職掌同右阿速衛。至元九年、初立阿速拔都達魯花赤、 二十三年,遂名爲阿速之軍。至大二年,改立左衞阿速親軍都指揮使司,置達

揮使三員。後定置達魯花赤一員,都指揮使三員,副都指揮使二員,僉事二員,經歷二 魯花赤二員、都指揮使六員、副都指揮使四員、僉事二員。四年,省達魯花赤一員、都指

員,知事二員,照磨一員。鎭撫二員。其屬四:

本投下達魯花赤二員,長官二員。

鎮巢縣達魯花赤二員,主簿一員。

圍宿把門千戶所一十三翼,千戶二十六員,百戶一百三十員,彈壓一十三員。

教官、儒學教授一員。

事、提控案牘各一員,令史四人,譯史一人。鎭撫二員。 帥府。二十二年,改爲萬戶府。後定置達魯花赤一員,萬戶一員,副萬戶一員,經歷、知 回 回砲手軍匠上萬戶府,秩正三品。至元十一年,置砲手總管府。十八年,始立爲都元

置 唐兀衞親軍都指揮使司,秩正三品。總領河西軍三千人,以備征討。至元十八年始立, 「都指揮使二員、副都指揮使二員。二十二年、增都指揮使一員、僉事一員。」大德五年、 千戶所三翼,達魯花赤三員,千戶三員,副千戶三員,百戶三十二員,彈壓六員。

從七品;知事一員、照磨一員、俱從八品;令史七人、通事、譯史、知印各一人。鎭撫二員、 後定置都指揮使三員,正三品,副都指揮使二員,從三品;僉事二員,正四品;經歷一員, 增指揮使二員。至大元年,增都指揮一員。四年,省都指揮使三員、副都指揮使一員。

門尉三、(建)[健]德門一、云和義門一、肅淸門一。 千戶所九翼,正千戶九員,副千戶九員,百戶七十五員,彈壓九員,奧魯官正副各九員。

奧魯官正副各一員。

教官二,儒學教授一員,蒙古字教授一員。

達魯花赤一員,正三品,都指揮使二員,從[正]三品,[10]副都指揮使二員,從三品,僉事 愈事二員。二十九年,置達魯花赤一員。大德十一年,增達魯花赤一員、都指揮使四員、 貴赤衞親軍都指揮使司,秩正三品。至元二十四年立,置都指揮使二員、副都指揮二員、 副都指揮一員。至大元年,省達魯花赤一員、都指揮使四員、副都指揮使三員。後定置 二員,正四品,經歷二員,從七品,知事二員,照磨一員,令史七人,知印一人,通事、譯史

延安屯田打捕總管府,秩從三品。管析居放良人戶,幷兀里吉思田地北來蒙古人戶。至 千戶所八翼,每所置達魯花赤一員,千戶一十六員,百戶八十員,彈壓八員,門尉二員。

各一人。鎭撫二員。

第三十六

百官二

屯田官一十二員。

元十八年始設,定置達魯花赤一員,總管一員,同知一員,經歷、知事各一員。 屬官打捕

十二年,置總管府。元貞元年,罷總管府,置打捕所。定置達魯花赤一員,長官一員。敎 大寧海陽等處屯田打捕所,秩從七品。掌北京、平灤等路析居放良不蘭奚等戶。 至元二

官、蒙古字教授一員、儒學教授一員。

品;令史七人,譯史、通事、知印各一人。鎭撫二員。 數,立爲大同等處指揮使司。至大四年,屬徽政院。延祐元年,改中都威衞使司,仍隸徽 忠翊侍衞親軍都指揮使司,秩正三品。至元二十九年,始立屯田府。 指揮使二員,從三品,僉事二員,正四品,經歷二員,從七品,知事二員,照磨一員,俱從八 政院,尋復改屬樞密院。至治元年,改爲忠翊侍衞。後定置都指揮使三員,正三品,副都 大德十一年,增軍

行軍千戶所一十翼,達魯花赤一十員,副達魯花赤一十員,千戶一十員,副千戶一十

員,百戶二百六員,彈壓二十員。

屯田左右手千戶所二翼,達魯花赤二員,千戶二員,百戶四十員,彈壓四 弩軍千戶所一翼,達魯花赤一員,千戶一員,百戶一十員,彈壓一十員。

西域親軍都指揮使司,秩正三品。一元貞元年始立,設官十一員。一大德十一年,增都指揮

指揮使二員,從三品;僉事二員,正四品;經歷二員,從七品,知事二員,承發架閣兼照磨 都指揮使二員、僉事二員。後定置達魯花赤一員、正三品;都指揮使二員、正三品、副都 使二員、又增指揮使三員、副都指揮使二員、僉事二員。至大四年,省都指揮使五員、副

員,並從八品,令史七人,通事、譯史、知印各一人。 鎭撫二員。 行軍千戶所,千戶一十三員,百戶二十九員。

把門千戶二員,百戶八員,門尉一員。 七軍千戶別 千戶一十三員 百月二十九

教官,儒學教授一員。

蒙古子女通三千戶,及淸州匠二千戶,屯田漢軍二千戶,立宗仁衞以統之。定置都指揮 員、照磨一員、俱從八品;令史七人、知印二人、怯里馬赤二人、譯史二人。鎭撫二員。 使三員,正三品,副都指揮使二員,從三品,歲事二員,正四品,經歷二員,從七品,知事二 宗仁蒙古侍衞親軍都指揮使司,秩正三品。至治二年,以亦乞列思人氏一百戶,與所收 蒙古軍千戶所一十翼,千戶二十員,百戶一百員,彈壓一十員。

屯田千戶所,千戶四員,百戶四十員,彈壓四員。

教官二、儒學教授一員、蒙古[字]教授一員。[11]

Щ 東河北蒙古軍大都督府,秩從二品。掌各路軍民科差征進,及調遣總攝軍馬公事。至

第三十六

百官二

萬戶 元二十一 知 府。 員、從三品、副 年, 延祐 罷 五年 統 軍司 龍 使一 都元帥府,立蒙古軍都萬戶府。 員,從四品;經歷一員,從六品;都事二員,從七品,承 天曆二年,改立爲 大都督府。 定置正官大都督三員, 大德七年,改山東河北蒙古軍都 從二 發兼照 品品 磨 同

員,正八品;令史八人,譯史、通事、知印各二人,宣使五 人,典吏三人。 鎭撫 二員

左手萬戶府,萬戶 員, 副萬戶一 員,經歷一員,知事 員,提控案牘 員 鎭 撫 員。

千 戶九翼,千戶 十 一 員,百戶七十四員,彈壓一十 員。

右 手 萬 戶府,萬戶 員, 副萬 戶一 員,經歷一 員,知· 事 員,提控案牘一 員。 鎭 撫一 員。

千戶九翼,千戶九員,百戶六十三員,彈壓九員。

拔 都 萬 戶 府,達 魯花 赤 員, 萬戶 員, 副萬戶一 員) 經歷一員, 知事一員,提控案牘

員。鎭撫一員。

千戶六翼,千戶七員,百戶四十一員,彈壓五員。

萬 戶 府,達 魯花 赤 員,萬戶 員,經 歷 員,知 事 員,提控案牘 員。 鎭撫

千戶八翼,千戶八員,百戶二十四員,彈壓八員。

蒙古 口 口 水 軍萬 [戶府,達魯花赤一員,萬戶一員,副萬戶一 員,經歷、知事、提控案牘各

員。鎭撫二員。

千戶八翼,達魯花赤二員,千戶六員,百戶四十六員,彈壓九員。

戶一員、副萬戶一員、經歷、知事、提控案牘各一員。鎭撫二員。 **玘都哥萬戶府**,初隸都府七千戶翼,延祐三年樞密院奏,改立萬戶府。 達魯花赤一員,萬

千戶七翼,千戶九員,百戶三十五員,彈壓八員。

洪澤屯田千戶趙國宏翼,達魯花赤一員,千戶一員,副千戶一員,百戶一十四員,彈壓 哈必赤千戶翼,千戶一員,百戶四員,彈壓一員。直隸大都督府。

二員。直隸大都督府。

使司。延祐五年、罷奧魯官。後定置司官、都指揮使三員、正三品、副都指揮使二員、從 令史七人,譯史、通事、知印各一人,典吏二人。 鎭撫二員。 三品;僉事二員,正四品;經歷二員,從七品;知事二員,承發架閣兼照磨一員,並從八品; 例,爲指揮使司,設官十二員,奧魯官二員。大德七年,奏改爲左翊蒙古侍衞親軍都指揮 左翊蒙古侍衞親軍都指揮使司,秩正三品。至元十八年,以蒙古侍衞總管府依五衞之

千戶所七翼,正千戶七員,副千戶七員,知事七員,彈壓七員,百戶六十二員。

教官二,蒙古字教授一員,儒學教授一員。

百官二

翊蒙古侍衞親軍都指揮使司,品秩同左衞。至元十八年,以蒙古侍衞總管府依五衞

使司。 令史七人,譯史、通事、知印各一人,典吏二人。 例,爲指揮使司,設官十二員,奧魯官二員。大德七年,奏改爲右翊蒙古侍衞親軍都指揮 三品;僉事二員,正四品;經歷二員,從七品,知事二員,承發兼照磨架閣一員,並從八品, 延祐五年,罷奧魯官。 後定置司官,都指揮使三員,正三品,副都指揮使二員,從 鎭撫二員。

千戶所一十二翼,正千戶一十二員,副千戶一十二員,知事一十二員,彈壓一十二員,

百戶一百九員。

員。 至大四年,省都指揮使九員。後定置司官,都指揮使三員,正三品,副都指揮使二員,從 虎賁軍,設官二員。十七年,置都指揮使二員、副都指揮使一員,又增置副都指揮使一 虎賁親軍都指揮使司,秩正三品。管領上都路元籍軍 人,譯史、通事、知印各一 三品;僉事二員,正四品;經歷一員,從七品;知事、照磨兼承發各一員,並從八品;令史七 教官,蒙古字教授一員,儒學教授一員。 元貞三年,以虎賁軍改爲虎賁親軍都指揮使司。 人,典吏二人。鎭撫二員,都目一員。 人,氣奧魯之事。 十一年,〇三」增置都指揮 至元十六年,立 使六員。

員,百戶二十員,彈壓二員。 撒的赤千戶翼,正達魯花赤一員,副達魯花赤一員,正千戶一員,副千戶一員,知事

不花千戶翼,正達魯花赤一員,副達魯花赤一員,正千戶一員,副千戶一員,百戶二十

二員,彈壓二員。

脫脫木千戶翼,正達魯花赤一員,副達魯花赤一員,正千戶一員,副千戶一員,知事一

員,百戶二十八員,彈壓二員。

大忽都魯千戶翼,正達魯花赤一員,副達魯花赤一員,正千戶一員,副千戶一員,知事

楊千戶翼,正達魯花赤一員,副達魯花赤一員。正千戶一員,副千戶一員,知事一員, 員,百戶二十四員,彈壓二員。

百戶二十二員,彈壓二員。

迷里火者千戶翼,正達魯花赤一員,副達魯花赤一員,正千戶一員,副千戶一員,知事

一員,百戶二十員,彈壓二員。

府。 蒙古軍萬戶府、哈剌魯萬戶府。天曆二年,始立欽察親軍都督府,秩從二品。 必闍赤二人,怯里馬赤二人,知印二人,宣使六人。 品,經歷二員,從六品,都事二員,從七品,管勾一員,照磨一員,俱正八品,令史八人,蒙古 置大都督三員,正一品;同知二員,正三品,副都督三員,從三品,僉都督事二員,正四 大都督府、正二品。管領左右欽察兩衛、龍翊侍(御)[衞]、[三]東路蒙古軍元帥府、東路 後改大都督

志第三十六

百

官二

八品;令史七人,譯史、通事、知印各一人。 右欽察衞,秩正三品。 分爲左右衞。 …副使二員,從三品;僉事二員,正四品;經歷二員,從七品;知事二員,照磨二員,並從 天曆二年,撥隸大都督府。 定置達魯花赤一員,正三品,都指揮二員,正三 至元二十三年,依河西等衞例,立欽察衞,設官十員。至治二年, 鎭撫一員。

行軍千戶十八所,達魯花赤各一員,千戶三十六員,百戶一百八十員,彈壓一十八員。

屯田千戶所二,達魯花赤二員,千戶二員,百戶二十員,彈壓二員。

門尉二員。

儒學教授一員,至大四年始置。 蒙古字教授一員,延祐四年始置。

經歷二員,從七品,知事二員,照磨一員,從八品,令史七人,譯史、通事、知印各一人。 都督府。 左欽察衞、秩正三品。至治二年,依阿速衞例,分爲兩衞、設官十員。天曆二年,撥隸大 定置衞官、都指揮使三員、正三品、副都指揮二員、從三品、僉事二員、正四品、 屬

行軍千戶所 一十翼,千戶一十員,百戶八十二員,彈壓九員,奧魯官四員。 官鎭撫二員。

屯田千戶所一翼,達魯花赤一員,千戶一員,百戶十員,彈壓一員。 守城千戶所 翼,達魯花赤一員,千戶一員,百戶 九員,彈壓 一員

教官,儒學教授一員。

使二員,從三品, 僉事二員, 正四品, 經歷一員, 從七品, 知事二員, 照磨一員, 並從八品, 事一員,又以左欽察衞唐吉失九千戶隸本衞。定置官,都指揮使三員,正三品,副都指揮 龍翊侍衞親軍都指揮使司,秩正三品。天曆元年始立,設官十四員。二年,又置愛馬知

令史七人,譯史二人,怯里馬赤二人,知印二人。 鎭撫二員。

行軍千戶所九翼,達魯花赤一員,千戶六員,副千戶一員,百戶四十五員,彈壓五員。 屯田一翼欽察千戶所,達魯花赤一員,千戶一員,百戶二十二員,彈壓二員。

教官二,蒙古字教授一員,儒學教授一員。

花赤一員,萬戶一員,經歷、知事各一員,提控案牘一員。 鎭撫一員,吏目一員。 哈剌魯萬戶府,掌守禁門等處應直宿衞。至元二十四年,招集哈剌魯軍人,立萬戶府。 尋移屯襄陽。 後征交趾。大德二年置司南陽。 天曆二年,奏隸大都督府。 定置官,達魯

千戶所三翼,千戶三員,百戶九員,彈壓三員。

侍御史二員、(從三)[正三]品。[18]掌糾察百官善惡、政治得失。至元五年,始立臺建官,設官 御史臺,秩從一品。大夫二員,從一品;中丞二員,正二品;侍御史二員,從二品,治書

志

第三

+

六

百

官二

東六人,庫子二人。其屬有二: 品;掾史一十五人,譯史四人,知印二人,通事二人,宣使十人,臺醫二人,蒙古書寫二人,典 三品。皇慶元年,增中丞爲三員。二年,減一員。至治二年,大夫一員。後定置御史大夫 置〔蒙古〕經歷一員。口亞大德十一年,陞中丞爲正二品,侍御史爲從二品,治書侍御史爲正 中丞爲正三品,侍御史爲正五品,治書爲正六品。二十七年,大夫以下品從各陞一等,始 員,獄丞一員。七年,改典事爲都事。十九年,罷檢法、獄丞。二十一年,陞大夫爲從一品, 正七品;照磨一員,正八品;承發管勾兼獄丞一員,正八品;架閣庫管勾兼承發一員,正九 二員、中丞二員、侍御史二員、治書侍御史二員, 品秩如上。經歷一員, 從五品, 都事二員, 大夫從二品,中丞從三品,侍御史從五品,治書侍御史從六品,典事從七品,檢法二

之,大臣入內奏事,則隨以入,凡不可與聞之人,則糾避之。 知班四人,通事、譯 史各 百官班序,其失儀失列,則糾罰之,在京百官到任假告事故,出三日不報者,則糾舉 殿 一 人。 中司、殿中侍御史二員、正四品。至元五年始置、秩正七品、後陞正四品。凡大朝會、

察院,秩正七品。監察御史三十二員。司耳目之寄,任刺舉之事。至元五年,始置御史 十二二一員,四次悉以漢人爲之。八年,增置六員。十九年,增置一十六員,四四始參用

蒙古人爲之。 至元二十二年,參用南儒二人。書夷三十二人。

置大夫、中丞、侍御史、治書侍御史各一員,統淮東、淮西、湖北、浙東、浙西、江東、江西、湖 史、通事、知印各二人,宣使十人,典吏、庫子、臺醫各有差。 西、福建、海南十道。大夫一員,中丞二員,侍御史二員,治書侍御史二員,經歷一員,都事 臺,設官九員,以監江浙、江西、湖廣三省,統江東、江西、浙東、浙西、湖南、湖北、廣東、廣 淮西、山南三道,撥隸內臺。三十年,增海北海南一道。 南八道提刑按察司。十五年,增江南湖北、嶺南廣西、福建廣東三道。二十三年,以淮東、 杭州,又徙江州。 二員,照磨一員,架閣庫管勾一員,承發管勾兼獄丞一員,令史一十六人,譯史四人,回回掾 江南諸道行 :御史臺,設官品秩同內臺。 至元十四年,始置江南行御史臺于揚州,尋徙 二十三年,遷于建康,以監臨東南諸省,統制各道憲司,而總諸內臺。初 大德元年,定爲江南諸道行御史

|古御史十四員、書東十四人,又增漢人御史四員、書東四人。 後定置御史二十八員、書東 察院,品秩如內察院。至元十四年,置監察御史十員。〔書吏十員〕。〔云〕二十三年,增蒙

四員。 陝西諸道行御史臺,設官品秩同內臺。至元二十七年,始置雲南諸路行御史臺,官止 大德元年,移雲南行臺於京光,爲陝西行臺,而雲南改立廉訪司。 延祐元年罷。

二十八人。

志第三十

六 ·

百

官二

年復立,統漢中、隴北、四川、雲南四道。定置大夫一員、御史中丞二員、侍御史二員、治書 史一十二人、蒙古必闇赤二人、回回掾史一人、通事二人、知印一人、宣使十人、典吏五人、 侍御史二員、經歷一員、都事二員、照磨一員、架閣庫管勾一員、承發司管勾兼獄丞一員、掾

察院,品秩同內察院。 監察御史二十員,書吏二十人。 庫子二人。

徙雲南行臺于陝西,復立雲南道。三十年,增海北海南道,其後遂定爲二十二道。日立每道 年,以雲南按察司所治,立雲南行御史臺。二十八年,改按察司曰肅政廉訪司。大德元年, 撥隸內臺。二十四年,增河西隴右道。是年,罷雲南道。二十五年,罷海西遼東。二十七 以雲南七路,置雲南道。以女直之地,置海西遼東道。二十三年,以淮東、淮西、山南三道, 道,曰江西湖東道,曰嶺北湖南道。十五年,復增三道:曰江南湖北道,曰嶺南廣西道,曰福 道。十二年,分置燕南河北道。十三年,以省併衙門,罷按察司。十四年復置,增立八道: 建廣東道。十九年,增西蜀四川道。二十年,增海北廣東道,改福建廣東道曰福建閩海道。 日江北淮東道,日淮西江北道,日山南江北道,日浙東海右道,日江南浙西道,日江東建康 日河北河南道。至元六年,以提刑按察司兼勸農事。八年,置河東山西道、陝西四川 肅政廉訪司。國初,立提刑按察司四道:曰山東東西道,曰河東陝西道,曰山北東西

從七品,知事一員,正八品,照磨兼管勾一員,正九品,書東十六人,譯史、通事各一人,奏差 廉訪使二員,正三品,副使二員,正四品,僉事四員,兩廣、海南止二員,正五品,經歷一員,

五人,典吏二人。

內道八、隸御史臺

山東東西道,濟南路置司。

河東山西道,冀寧路置司。

江北河南道, 汴梁路置司。燕南河北道, 真定路置司。

山南江北道,中興路置司。

淮西江北道、廬州路置司。

山北遼東道,大寧路置司。江北淮東道,揚州路置司。

江南十道,隸江南行臺:

江東建康道,寧國路置司。

志第三十六 百官二

浙 江 南 東 海 浙 右道 西道 **一、婺州** 杭州 路置 路 置 司 司 ٥ o

嶺 江 南 北 湖 湖 北道, 南道,天臨路置 武昌 路 置司 司

海 北 廣 東道,廣 州 路 置 司 0 嶺南

廣

西道,

静江

府

置

司

ò

福 海 建 閩 海道, 雷州 福州 路 置 司 o

北

海南道,

路

置

司

0

陝

西

四

道,隸陝

西

行

臺

陝西漢中道, 洄 西 隴 北道 鳳翔府 甘州 路 置 置 司 司 ٥

雲南 西 蜀 諸路道, 四 JII 道 成都 中慶路置司 路 置 司

٥

C1) 至元元年改爲侍衞八年改爲左右中三衞掌宿衞扈從兼屯田國有大事則調度之二十年增都指

揮使一員副都指揮使一員 道光本考證云:「按經世大典、至元三年改武衞爲侍衞親軍、已分左

達魯花赤一員千戶二員 按兩千戶所各有達魯花赤、此處「一」當爲「二」之誤。

右翼、置都指揮使、唯無中衞耳。至元八年乃增設。」按此處失書置都指揮使事。

下左衞同

[]](壓彈)[彈壓]二員 從北監本改正。

₩ 23 ₩ 省都指揮使五員副指揮使二員 按上文所述始置、增置之官,均爲都指揮使、副都指揮使,

此

處疑「副」下脫「都」。

〔五〕〔千戶一員〕 從道光本補。

大同路(昌) (馬) 邑縣 按本書卷五八地理志,昌邑縣屬益都路濰州,與大同路無涉,大同路朔

州有馬邑縣。據改。

[4] 令(使)[史] 從北監本改。

速怯那兒萬戶府 戶府」。卷一〇〇兵志有「折連怯呆兒」。按此地名漢譯「黃羊川」。此處脫「者」字,「連」誤爲 本書卷二六仁宗紀延祐五年二月戊午、六年七月壬戌條皆作「者連怯耶兒萬

「速」、「耶」誤爲「那」。

志

第三十

六

校勘

記

- [元](建)[健]德門一 據本書卷五八地理志改。
- 都指 揮使二員(從)[正]三品 從道 光 本改。 按上文已書「貴赤衞親軍都指揮使司、秩正三品」。
- [二] 蒙古[字]教授 從道光本補。
- 十 一 年 上有「元貞三年」、下有「至大四年」、此處「十一年」上當脫「大德」二字。
- [III] 龍翊侍(御)[衞] 據後文及本書卷九九兵志改。
- 治書侍御史二員 正三品」。 下文叉稱定置時「品 (從三 (正三) 묘 秩 按下文及經世大典御史臺均稱大德十一年治書侍御史定爲 如上」,卽 與大德十一年同。 證「從一」爲「正三」
- 二吾 始置 五. 딞 〔蒙古〕 經世 大典御史臺 經歷一員 |云至元二十七年三月||蒙古都事一員,改陞經歷」。 本書卷一六世祖紀至元二十七年三月庚申條有「增蒙古經歷一員,從 據補。

今改。

始置 |御史十(二)[二]] 據經世大典御史臺改。 按經世大典列有首任御史王炳等十二人姓名,

此

作「十一」誤。

- 十九年增置一十六員 十九年」下當有「省二員,又」等字,始合定置三十二員之數。 經世大典御史臺有「十九年三月省二員,十二月增置一十六員」。 此處
- 置監察御史十員「書吏十員」 據經世大典御史臺補。 如此前後相加,始能得下文定置書吏二

記

十八人之數。

二 大德元年徙雲南行臺于陝西復立雲南道三十年增海北海南道其後遂定爲二十二道 按本書

卷一七世祖紀至元三十年十一月丁巳條有「立海北海南道肅政廉訪司」,卷二〇成宗紀大德

三年十月甲寅條有「復立海北海南道肅政廉訪司」。此處三十年事當在大德元年之前。

## 元史卷八十七

## 志第三十七

百官三

置札魯忽赤四十二員,令史改爲掾史。致和元年,以上都、大都所屬蒙古人幷怯薛軍站色 者。又有怯薛人員,奉旨署事,別無頒受宣命。十四年,置十四員。十五年,置十三員。 二 及邊遠出征官吏、每歲從駕分司上都存留住冬諸事、悉掌之。至元二年、置十員。三年、置 五員。十一年,四十一員。皇慶元年,省二員,以漢人刑名歸刑部。泰定元年,復命兼理, 十一年,置二十一員。二十二年,增至三十四員。二十八年,增至四十六員。大德四年,省 八員。九年,降從一品銀印,止理蒙古公事。以諸王爲府長,餘悉御位下及諸王之有國封 馬投下蒙古、色目人等,應犯一切公事,及漢人姦盜詐偽、蠱毒厭魅、誘掠逃驅、輕重罪囚, 大宗正府,秩從一品。國初未有官制,首置斷事官,曰札魯忽赤,會決庶務。 凡諸王駙

志

第三十七

百官三

目 十人,蒙古書寫一人,典吏三人,庫子一人,醫人一人,司獄二員。 品 正官札魯忽赤四十二員,從一品,郞中二員,從五品,員外郞二員,從六品,都事二員,從七 ;承發架閣庫管勾一員,從八品;掾史十人,蒙古必闍赤十三人,通事、**知印各三人,宣使** 與漢人相犯者,歸宗正府處斷,其餘路府州縣漢人、蒙古、色目詞訟,悉歸有司刑部掌管。

員,司 品 員,正二品 農 農司,秩從三品,置達魯花赤一員、務農使一員、同知二員。 知印二人,通事一人,宣使八人,典吏五人。 · 架閣庫管勾一員,照磨一員,並正八品,掾史十二人,蒙古必闍赤二人,回回掾史一人, 事一 十四年罷,以按察司兼領勸農事。 大司農司,秩正二品。凡農桑、水利、學校、饑荒之事,悉掌之。 '農卿二員,司丞一員。二十三年,仍爲大司農司,秩仍正二品。 員。 少卿 皇慶二年,陞從一品,增大司農一員。定置大司農四員,從一品;大司農 二員,從二品,大司農丞二員,從三品,經歷一員,從五品,都事二員,從七 十八年,改立農政院,置官六員。二十年,又改立務 是年,又改司農寺,達魯花赤 至元七年始立,置官五 大德元年,增領 大司 卿二

司 '農,隸太常寺。 田署,秩從六品。 二十三年,復立大司農司,仍隸焉。 掌耕種籍田,以奉宗廟祭祀。 至元七年始立,隸大司農。十四年,罷 署令一員,從大品,署丞一員,從七

品,司吏一人。

供膳司、秩從五品。 隸司農。 置達魯花赤一員,提點一員,並從五品;司令一員,正六品;丞一員,正七品;吏 掌供給應需,貨買百色生料,幷桑哥籍入貲產。 至元二十二年始置,

人

輔用庫,秩正九品。 掌規運息錢,以給供需。 大使一員、副使一員。

興中州等處油戶提領所,秩從九品。 提領一員,大使一員,副使一員。 歲辦油十萬斤

以供內庖。至元二十九年始置。

蔚州麵戶提領所,提領一員,副使一員。 掌辦白麵葱菜,以給應辦,歲計十餘萬斤。

右屬供膳。

|永平屯田總管府,秩從三品。達魯花赤一員,總管一員,同知一員,知事一員,司吏四人。 至元二十四年,始立於永平路南馬城縣,以北京採木三千人隸之。 三署,各置署令一員、署丞一員、直長一人、吏目二人、吏二人。 所轄昌國、濟民、豐膽

年始置,秩正三品。 翰 林兼國史院,秩正二品。 中統初,以王鶚爲翰林學士〔承旨〕,〔〕未立官署。 六年,置承旨三員、學士二員、侍讀學士二員、侍講學士二員、直學士二 至元元

承旨九員。皇慶元年,陞從一品,改司直爲經歷。延祐元年,別置回回國子監學,以掌亦思 員。二十年,省併集賢院爲翰林國史集賢院。二十一年,增學士二員。二十二年,復分立 書寫五人,書寫十人,接手書寫十人,典吏三人,典書二人。 員,正八品,經歷一員,從五品,都事一員,從七品,掾史四人,譯史、通事、知印各二人,蒙古 三員,從六品,應奉翰林文字五員,從七品,編修官十員,正八品;檢閱四員,正八品;典籍二 替非官屬歸之。五年,置承旨八員。後定置承旨六員,從一品,學士二員,正二品,侍讀學士 集賢院。二十三年,增侍講學士一員。二十六年,置官吏五員,掌管教習亦思替非文字。 員。八年,陞從二品。十四年,增承旨一員。十六年,增侍讀學士一員。十七年,增承旨一 二員,從二品;侍講學士二員,從二品;直學士二員,從三品。屬官:待制五員,正五品;修撰 二十七年,增承旨一員。大德九年,陞正二品,改典簿爲司直,置都事一員。至大元年,置

員、待制二員、修撰一員、應奉四員、寫聖旨必闍赤十有一人、令史一人、知印一人。十八 副之。至元八年,始立新字學士於國史院。十二年,別立翰林院,置承旨一員、直學士一 年,增承旨一員、學士三員,省漢兒令史,置蒙古必闍赤四人。二十九年,增承旨一員、侍讀 蒙古翰林院,秩從二品。掌譯寫一切文字,及頒降璽書,並用蒙古新字,仍各以其國字

歷。 學士一員、知印一人。三十年,增管勾一員。大德五年,陞正二品。九年,置司直一員、都 事一員。 後定置承旨七員、學士二員、侍讀學士二員、侍講學士二員、直學士二員、待制四員、修 皇慶元年,改陞從一品,設官二十有八,東屬二十有四。延祐二年,改司直爲經

撰二員、應奉五員、經歷一員、都事一員,品秩並同翰林國史院。承發架閣庫管勾一員,正 九品;必闍赤一十四人,掾史三人,通事一人,譯史一人,知印二人,書寫一人,典吏三人。

酒、司業、監丞。 蒙古國子監,秩從三品。至元十四年始立,置司業一員。二十九年,准漢人國學例,置祭 延祐四年,陞正三品。七年,復降爲從三品。後定置祭酒一員,從三品,

司業二員,正五品;監丞一員,正六品,令史一人,必闍赤一人,知印一人。 博士二員,助敎二員,敎授二員,學正、學錄各二員。掌敎習諸

蒙古國子學,秩正七品。 生。 於隨朝百官、怯薛台、蒙古、漢兒官員家,選子弟俊秀者入學。至元八年,置官五員。

後以每歲從駕上都,教習事繁,設官員少,增學正二員、學錄二員。三十一年,增助教一 員、典給一人。後定置博士二員,正七品,助敎二員,敎授二員,並正八品,學正、學錄各

二員,典書一人,典給一人。

志

第三十七

百

官三

之宰相云者,其貴似侍中,其近似門下,故特寵之以是名。雖有是名,而無授受宣命,品 內八府宰相,掌諸王朝覲儐介之事。 遇有詔令,則與蒙古翰林院官同譯寫而潤色之。謂

秩

于

,此云。

則 視二品 元 史 卷 焉。 八十 七 大德九年,以滅怯禿等八人爲之。 天曆元年,爲內八府宰之職,故附見 二一九二

品,待 學士 員。 史、知印 從二品,三侍讀學士 大學士三員、學士一員、直學士二員、典簿一員、東屬七人。二十四年,增置學士一員、侍讀 占卜祭遁之事,悉隸焉。 士二員,侍講學士二員,並從二品 員,從五 元年,增院使一 一員、待制一 皇慶二年,省漢 集賢院,秩從二品。掌提調學校、徵求隱逸、召集賢良,凡國子監、玄門道教、陰陽祭祀、 制 品 各二人,通事一 員、正五 ;待制一 員。 員。 品;修撰 員、正五品。 大德十一年,陞從一品,置院使六員、經歷二員。 人經歷一員。 一員,從三品,侍講學士一員,從三品,直學士二員,從四 尋陞正二品,置院使一員,正二品;大學士二員,從二品;學 人,宣使七人,典吏三人。 國初,集賢與翰林國史院同一官署。 一員,從六品; 二十五年,增都事一 ;直學士二員,從三品;經歷一員,從五品;都事二員,從七 後定置大學士五員,從一品,學士二員,正二品,侍讀 兼管勾承發架閣庫一員, 正八品, 掾史六人, 譯 員,從七品;修撰 至元二十二年,分置 至大 一員,從六品。 四年,省院使六 品; 司直 兩院、置 元貞 學

國子監。 至元初,以許衡爲集賢館大學士、國子祭酒,教國子與蒙古大姓四怯薛人員。選

員,分敎各齋生員。大德八年,爲分職上都,增置助敎二員、學正二員、學錄二員,督習課 爲之。監丞一員,正六品,專領監務。典簿一員,令史二人,譯史、知印、典吏各一人。 國子學,秩正七品。置博士二員,掌教授生徒、考較儒人著述、教官所業文字。助教四 至元二十四年,始置監祭酒一員,從三品,司業二員,正五品,掌學之敎令,皆德尊望重者 七品以上朝官子孫爲國子生,隨朝三品以上官得舉凡民之俊秀者入學,爲陪堂生伴讀。

興文署,秩從六品。署令一員,以翰林修撰兼之。署丞一員,以翰林應奉兼之。至治二 年,生員三百人。延祐二年,增置生員一百人、伴讀二十人。

業。典給一員,掌生員膳食。至元二十四年,定置生員額二百人、伴讀二十人。至大四

年罷,置典簿一員,從七品,掌提調諮生飲膳,與凡文牘簿書之事。仍置典吏一人。

置院使二員、同知二員、副使二員、參議二員、經歷二員、都事四員、管勾一員、照磨一員。 元 亦別有印。 二十六年,置斷事官四員。二十八年,增僉院、同僉各一員。元貞元年,增院判一員。大德 初,立總制院,而領以國師。二十五年,因唐制吐蕃來朝見於宣政殿之故,更名宣政院。 宣政院,秩從一品。掌釋教僧徒及吐蕃之境而隸治之。遇吐蕃有事,則爲分院往 如大征伐,則會樞府議。其用人則自爲選。其爲選則軍民通攝,僧俗並用。至

第三

+ 七

日

官三

馬赤四人,知印二人,宣使十五人,典吏有差。 七品;照磨一員,管勾一員,並正八品;掾史十五人,蒙古必闍赤二人,回回掾史二人,怯里 宣政,定置院使一十員,從一品;同知二員,正二品;副使二員,從二品; 僉院二員,正三品; 同僉三員,正四品,院判三員,正五品,參議二員,正五品,經歷二員,從五品,都事三員,從 四 年,罷斷事官。 至大初,省院使一員。至治三年,置院使六員。 天曆二年,罷功德使司

斷 事官四員,從三品。 經歷、知事各一員,令史五人,知印、奏差、譯史、通事各一人。 至

客省使, 秩從五品。 大使二員,副使一員。 至元二十五年置。

元二十五年始置。

大都規運提點所,秩正四品。 達魯花赤一員,提點一員,大使一員,副使一 員。 至元二十

八年置。

上都規運提點所,秩正四品。 達魯花赤一員,提點一員,大使一員,副使一 員,知事一員。

至元二十八年置。

大都提舉資善庫,秩從五品。 達魯花赤一員,提舉一員,同提舉一 員,副提舉 員。 掌錢

帛之事。至元二十六年置。

上都利貞庫,秩從七品。提領一員,副使一 員。 掌飲膳好事金銀諸物。 元貞元年置。

大濟倉,監支納一員,大使一員。

興教寺,管房提領一員。

吐蕃等處宣慰司都元帥府,秩從二品。 宣慰使五員,經歷二員,都事二員,照磨一員,捕

盜官二員,儒學教授一員,鎭撫二員。 其屬二:

脫思麻路軍民萬戶府,秩正三品。達魯花赤一員,萬戶一員,副達魯花赤一員,副萬戶

員,經歷一員,知事一員,鎭撫一員。

西夏中興河州等處軍民總管府,秩正三品。 員,府判一員,經歷一員,知事一員。屬官:稅務提領,寧河縣官,寧河脫脫禾孫五 達魯花赤一員,總管一員,同知一員,治中

員,寧河弓甲匠達魯花赤。

|洮州元帥府,秩從三品。達魯花赤一員,元帥二員,知事一員。

積石州元帥府,達魯花赤一員,元帥一員,同知一員,知事一員,脫脫禾孫一員。

十八族元帥府,秩從三品。達魯花赤一員,元帥一員,同知一員,知事一員。

歷、知事各一員,鎭撫二員,蒙古奧魯官一員,蒙古奧魯相副官一員。 禮店文州蒙古漢軍西番軍民元帥府,秩正三品。達魯花赤一員,元帥一員,同知一員,經

禮店文州蒙古漢軍奧魯軍民千戶所,秩從五品。 達魯花赤一員,千戶一員,副千戶一

志 第 Ξ + 七

百 官 Ξ

員,總把五員,百戶八員。

禮店文州蒙古漢軍西番軍民上千戶所,秩正四品。 達魯花赤一員,千戶一員,百戶一

員,新附千戶二員。

禮店階州西水蒙古漢軍西番軍民總把二員。

吐番等處招討使司,秩正三品。招討使二員,知事一員,鎭撫一員。其屬附:

脫思麻探馬軍四萬戶府,秩正三品。萬戶五員,千戶八員,經歷一員,鎭撫一員。

脫思麻路新附軍千戶所,秩從五品。達魯花赤一員,千戶一員,副千戶一員。

文扶州西路南路底牙等處萬戶府, 秩從三品。達魯花赤一員, 萬戶二員。

鳳翔等處千戶所,秩從五品。達魯花赤一員,千戶一員,百戶二員。

慶陽寧環等處管軍總把一員。

文州課程倉糧官一員。

岷州十八族週迴捕盜官二員。

常陽帖城阿不籠等處萬戶府,秩從三品。達魯花赤一員,千戶一員。

階文扶州等處番漢軍上千戶所,秩正五品。達魯花赤一員,千戶二員。

|貴德州,達魯花赤、知州各一員,同知、州判各一員,脫脫禾孫一員,捕盜官一員。

必呈萬戶府,達魯花赤二員,萬戶四員。

松潘(客)[宕]疊威茂州等處軍民安撫使司 同 知一員,僉事一員,經歷、知事、照磨各一員, 鎭撫一員。 秩正三品。 威州保寧縣,茂州(文)[汶]山 達魯花赤一員,安撫使一員,

縣、四(文)[汝]川縣皆隸焉。至

靜州茶上必里溪安鄉等二十六族軍民千戶所,達魯花赤一員,千戶一員。

龍木頭都留等一十二族軍民千戶所,達魯花赤一員,千戶一員。

岳希蓬蘿蔔村等處二十二族軍民千戶所,達魯花赤一員,千戶一員。

折藏萬戶府,達魯花赤一員,萬戶一員。

土蕃等路宣慰使司都元帥府,宣慰使四員,同知二員,副使一員,經歷、都事各二員,捕盜

官三員,鎭撫二員。

刺馬 梁甘思田地裏管軍民都元帥府,都元帥一員,經歷一員,鎭撫一員。 兒剛等處招討使司,達魯花赤一員,招討使一員,經歷一員。

奔不 田地裏招討使司,招討使一員,經歷一員,鎭撫一員。

奔不兒亦思剛百姓,達魯花赤二員。

魚 通 黎雅 長 河西寧遠等處軍民安撫使司,秩正三品。 達魯花赤一員, 安撫使一

碉門

二一九八

同 知一員,副使一員,僉事一員,經歷、知事、照磨各一員,鎭撫二員。

六番招 討使司,達魯花赤一員,招討使一員,經歷一員,知事一員。 雅州嚴道縣、名山縣

隸之。

天全招討使司,達魯花赤一員,招討二員,經歷、知事各一員。

魚通路萬戶府,達魯花赤一員,萬戶二員,經歷、知事各一員。黎州隸之。

碉門魚通等處管軍守鎭萬戶府,達魯花赤一員,萬戶二員,經歷、知事各一員,鎭撫二

員,千戶八員,百戶二十員,彈壓四員。

長河西管軍萬戶府,達魯花赤一員,萬戶二員。

長河西裏管軍招討使司,招討使二員,經歷一員。

杂甘思招討使一員。

朵甘思哈答李唐魚通等處錢糧總管府,達魯花赤一員,總管一員,副總管一員,答則答

脫脫禾孫一員,哈裏脫脫禾孫一員,杂甘思瓮吉刺滅吉思千戶一員。

亦思馬兒甘萬戶府,達魯花赤一員,萬戶二員。

烏思臟納里速古魯孫等三路宣慰使司都元帥府,宣慰使五員,同知二員,副使一員,經歷

一員,鎭撫一員,捕盜司官一員。其屬附見:

納里速古兒孫元帥二員。

鳥思藏管蒙古軍都元帥二員。

擔裏管軍招討使一員。

鳥思藏等處轉運一員。

|| |沙魯(思)[田]||地裏管民萬戶一員。 || ||

速兒麻加瓦田地裏管民官一員。鳥思藏田地裏管民萬戶一員。

撒剌田地裏管民官一員。

出蜜萬戶一員。

整籠答剌萬戶一員。

旧木古魯萬戶一員。

加麻瓦萬戶一員。

志第

 $\equiv$ 

十七七

百官三

湯

卜赤八千戶四員。

二一九九

札由瓦萬戶一員。

迷兒軍萬戶府,達魯花赤一員,萬戶一員,初厚江八千戶一員,卜兒八官一員。 牙里不 藏 思八萬戶府,達魯花赤一員,萬戶一員,千戶一員,擔裏脫脫禾孫一員。

品;經歷二員,從五品;都事三員,從七品;照磨一員,承發架閣庫 皇慶元年,增院使三員,始定怯薛丹一萬人,本院掌其給授。後定置院使六員,從一品,同 知二員,正二品 員。 選。 人,蒙古必闍赤六人,回回掾史二人,怯里馬赤二人,知印二人,典吏六人,蒙古書寫二人。 增院使一員,置經歷二員、典簿三員。二十三年,陞正二品,置院判二員,省典簿,置都事三 羊馬價直,收受闌遺等事,與尙食、尙藥、尙醞三局,皆隸焉。 及 諸王宿衞、怯憐口糧食,蒙古萬戶、千戶合納差發,係官抽分,牧養孳畜,歲支芻草粟菽, 三十一年,院使四員。大德二年,增同知二員。三年,陞從一品。 至元十五年置院使一員,同知、同愈各二員,主事二員,照磨一員。二十年,陞從二品 宣徽院,秩正三品。掌供玉食。凡稻粱牲牢酒醴蔬菓庶品之物,燕享宗戚賓客之事, "副使二員,從二品;僉院二員,正三品;同僉二員,正四品;院判二員,正五 所轄內外司屬,用人則自爲 一員,並正八品 四年,置副使二員。 ;掾史二十

其屬附見

員、品秩同上。

定置卿四員,正三品;少卿二員,從四品;丞二員,從五品;主事二員,從七品;令史八人, 改尙醞監,正四品。二十三年,復爲光祿寺,卿二員,少卿、丞各一員。二十四年,增少卿 五年,罷都提點,置寺。設卿一員、少卿三員、主事一員、照磨一員、管勾一員。二十年, 光祿寺, 秩正三品。掌起運米麴諸事, 領尙飲、尙醞局, 沿路酒坊, 各路布種事。 至元十 一員。二十五年,撥隸省部。三十一年,復隸宣徽。延祐七年,降從三品。後復正三品。

細酒。至元十二年,增副使二員。十五年,**陞從五品,置提點一員。後定置提點一員,從** 大都尙飲局,秩從六品。中統四年始置。設大使、副使各一員,俱帶金符。掌醞造上用 譯史、知印各二人,通事一人,奏差二十四人,典吏三人,蒙古書寫一人。

大都尙醞局,秩從六品。掌醞造諸王百官酒體。中統四年,立御酒庫,設金符宣差。至 上都尙飲局,秩正五品。[刊]皇慶中始置。提點一員,大使、副使各一員,品秩同上。

五品"大使一員,正六品,副使二員,正七品。

品"副使二員"正七品,直長一員,正八品。 元十一年,始設提點。十六年,改尙醞局,從五品。置提點一員,從五品,大使一員,正六

上都尙醞局,秩從五品。至元二十九年始置。設提點一員,大使一員,副使、直長各一

官者。至元二十五年始置。設提舉一員,從六品;大使一員,從七品;副使一員,正八品。 上都體源倉,秩從九品。掌受大都轉輸米麴,幷醞造車駕臨幸次舍供給之酒。至元二十 大都體源倉,秩從六品。掌受香莎蘇門等酒材糯米,鄉貢麴藥,以供上醞及歲賜諸王百

五年始置。設大使一員,直長一員。

安豐懷遠等處稻田提領所,秩從九品。 有司。二十三年復置。設達魯花赤一員,令一員,並從五品,丞一員,正七品,東目一員。 尚珍署,秩從五品。掌收濟寧等處田土子粒,以供酒材。至元十三年始立。十五年,罷入 掌稻田布種,歲收子粒,轉輸體源倉。定置提領

正四品。定置太監二員、少監二員、監丞二員、知事一員。 年始置監。 至大元年,改爲寺,陞正三品。四年,仍爲監,尋復爲寺。 延祐三年,復降爲 尚舍寺,秩正四品。掌行在帷幙帳房陳設之事,牧養駱駝,供進愛蘭乳酪。 至元三十一

祐七年,復爲正四品。 **闌遺監,秩正四品。掌不闌奚人口、頭匹諸物。** 十五年,改爲監,正四品。二十八年,陞正三品。 諸物庫、秩從七品。 掌出納。 大德四年置。 設提領一員、大使一員、副使一員。 定置太監一員,正四品,少監二員,正五品,監丞二員,正六品,知 至大四年,復正四品,尋復正三品。 至元二十年,初立闌遺所,秩 九品。 延

事一員,從八品,提控案牘一員,從九品,令史五人,譯史一人,知印兼通事一人,

五人。

料。二十年,省併尚藥局爲尙食局, 尚食局,秩從五品。掌供御膳,及出納油麵酥蜜諸物。 別置生料庫。 本局定置提點一員,從五品;大使一 至元二年置提點,領進納百色生

大都生料庫,秩從五品。至元十一年,置生料野物庫,隸尙食局。二十年,別置庫,擬內 員,正六品;副使二員,正七品;直長一員,正八品。

官三員,俱受制國用使司劄付。 藏庫例,置提點二員,從五品;大使二員,正六品;副使三員,正七品。 大都太倉、上都太倉、秩正六品。 府,放支宮人宦者飮膳。 上都生料庫、秩從五品。 掌受弘州、大同虎賁、司農等歲辦油麵,大都起運諸物,供奉內 提點一員,大使一員,副使二員,品秩同上,直長一人,正八品。 十二年,改立提舉太倉,設官三員,隸宣徽。二十五年, 掌內府支持米豆,及酒材米麴藥物。至元五年初立,設

七品;副使各二員,正八品;直長各一人,掌葦場;典吏各一人。 年,仍爲局,降正七品。置達魯花赤各一員,正七品;大都大使一員,上都大使二員,各正 大都、上都柴炭局各一,至元十二年置,秩從六品。十六年,改提舉司,陞五品。 大德八

定置二倉各設提舉一員,正六品;大使一員,從六品;副使一員,從七品。

陞正六品。

志第

+

七.

百官三

尚牧所,秩從五品。至大四年始置。 設提舉二員,從五品;同提舉一員,從六品;副提舉

一員,從七品,吏目一員。

年,置提點一員。十九年,陞從五品,置達魯花赤一員,從五品,提點一員,從五品,大使 沙糖局,秩從五品。掌沙糖、蜂蜜煎造,及方貢菓木。至元十三年始置,秩從六品。十七

一員,正六品,副使一員,正七品。

物,及雲需府所辦羊物,以備車駕行幸膳羞。二十四年,陞從五品,置提點一員,從五品, 永備倉,秩從五品。至元十四年始置,給從九品印。掌受兩都倉庫起運省部計置油麵諸

豐儲倉,秩從九品。大使一員。掌出納車駕行幸支持膳羞。 大使一員,正六品,副使(各)一員, [5] 正七品。

品;知事一員,從八品;提控案牘一員,從九品;司吏六人。 府。二十五年,以兩淮新附手號軍千戶所隸本府,及分置提舉司一十處。定置達魯花赤 膳。至元十四年,始立總管府,幷管(連)[漣]海高郵湖泊提舉司、「亞」沂州等處提舉司事。 淮東淮西屯田打捕總管府,秩正三品。掌獻田歲入,以供內府,及湖泊山場漁獵,以供內 十六年,置揚州鷹房打捕達魯花赤總管府。 二十二年,省併爲淮東淮西屯田打 捕總 管 一員,正三品;總管一員,正三品;同知一員,正五品;府判一員,正六品;經歷一員,從七

舉司,塔山徐邳沂州等處山場屯田提舉司,凡九處,秩俱從五品。 打捕提舉司,揚州通泰屯田打捕提舉司,安豐廬州等處打捕提舉司,鎭巢等處打 淮安州屯田打捕提舉司,高郵屯田打捕提舉司,招泗屯田打捕提舉司,安東海州屯田 每司各設達魯花赤 捕提

抽分場提領所,凡十處:曰柴墟東西口,曰海州新壩,曰北砂太倉,曰安河桃源,曰大湖 東西口,日時堡興化,日高郵寶應,日汶湖等處,日雲山白水, 員,提舉一員,並從五品;同提舉一員,從六品,副提舉一員,從七品,吏目二人。 日安東州。 每所各設提

滿浦 設大使一員,正八品,副使一員,正九品。 領 一員、同提領 倉 秩正八品。 一員、副提領一員,俱受宣徽院劄付。 掌收受各處子粒米麵等物,以待轉輸京師。 至元二十五年始置。

圓 魯花赤 手號軍 [米棋子局、軟皮局,各置提領一員、同提領一員、副提領一員,俱受宣徽院劄付。 人打捕千戶所,秩從四品。 一員、上千戶一員、上副千戶一員、彈壓一 管軍人打捕 野物皮貨。 員。 至元二十五年始置。

設達

上百戶七所,各置百戶二員。

鍾離縣,定遠縣,眞揚州,安慶,安豐,招泗,和州。

志第三十七. 百官三下百戶二所,各置百戶一員。

**漣海,懷遠軍。** 

龍慶栽 物,以奉上供。 種提舉 一司, 至元十七年,始置提舉司。 秩從五品。 管領縉山歲輸粱米,幷易州、龍門、 延祐七年,縉山改為龍 慶州, 淨邊官園瓜菓桃梨等 因以名之。 定置

弘州 達魯花赤一員,提舉 種 田提舉司,秩正六品。 一員,並從五品,同提舉一員,從六品,副提舉一員,從七 掌輸納麥麵之事,以供內府。 定置達魯花赤一 品 員, 提舉

員,並正六品; 同提舉一員,正七品,副提舉一員,正八品,直長一員。

豐(潤)[閏]署,[10]秩從五品。 員,並從五品;丞一員,從六品;直長一員,正八品。 掌歲入芻粟, 以給飼養駝馬之事。 定置達魯花赤一員,令

內府。 常湖等處茶園都提舉司,秩正四品。 舉 権茶提舉司,掌歲貢御茶。 提領所七處,每所各設正、同、副提領各一員,俱受宣徽院劄付,掌九品 員,俱從五 至元 一十三年置司,統提領所凡十有三處。十六年,陞都提舉司。 品,同提舉一 二十四年,罷平江提舉司,併掌其職。 員,從六品;副提舉一員,從七品;提控案牘 掌常、湖二路茶園戶二萬三千有奇,採摘茶芽,以貢 定置達魯花赤一 叉別置 即 員,都目一員。 平江等處 員,提

鳥程,武康德淸,長興,安吉,歸安,湖汝,宜興。

建寧北苑武夷茶場提領所,提領一員,受宣徽院劄。 掌歲貢茶芽。 直隸宣徽。

第三十七、百官三

志

奉贊神御殿事二員,僉院兼祗承神御殿事二員,同僉兼肅治神御殿事二員,院判供應神御 營繕之作輟,悉統之。定置院使都典制神御殿事六員,同知兼佐儀神御殿事二員,副使兼 史。二年,改太禧宗禋院,置院使六員,增副使二員,立諸總管府爲之屬。凡錢糧之出納, 印二人,怯里馬赤二人,宣使一十五人,斷事官四員,客省使大使、副使各二員。 殿事二員,參議二員,經歷二員,都事二員,管勾、照磨各一員,掾史二十人,譯史四人,知 祥二院,改置太禧院以總制之。初,院官秩正二品,陞從一品,置參議二員,改令史爲掾 太禧宗禋院,秩從一品。掌神御殿朔望歲時諱忌日辰禋享禮典。天曆元年,罷會福、

治中一員,判官一員,經歷一員,知事、照磨各一員,令史六人,譯史、知印各一人,怯里 府,尋叉改爲隆禧總管府。定置達魯花赤一員,總管一員,副達魯花赤一員,同知一員, 總管府。三年,陞爲隆禧院。天曆元年,罷會福、殊祥二院,以隆禧、殊祥併立殊祥總管 隆禧總管府,秩正三品。至大元年,建立南鎭國寺,初立規運提點所。二年,改爲規運都

更一人。 天曆元年,以南鎭國寺所立怯憐口事產提舉司,改爲崇恩福元提點所。 三 |福元營繕司,秩正五品。達魯花赤一員,司令一員,大使一員,副使一員,吏目一人,司 馬赤一人,奏差四人。

年,又改爲福元營繕司。

普安智全營繕司,秩五品。[1]達魯花赤一員,司令一員,大使、副使各一員,吏目一人, 司吏一人。天曆元年,以太玉山普安寺、大智全寺兩規運提點所併爲一,置提點二員。

三年,又改爲營繕司。

平松等處福元田賦提舉司,秩五品。置達魯花赤一員,提舉一員,同提舉、副提舉各 事一員,提控案牘一員。天曆元年,初置萬聖祐國營繕提點所。三年,改爲營繕都司。 祐國營繕都司,秩[正](五)[四]品。[三達魯花赤一員,司令一員,大使、副使各一員,知

一員。

田賦提舉司、江三秩五品。置提舉一員、同提舉一員、副提舉一員。

資用庫,提領一員,大使一員。

萬聖庫,提領一員,大使一員,副使一員。

四品。 會福 員,總管一員,同知一員,治中一員,府判一員,經歷、知事、提控案牘各一員,令史八人, 使五員。 總管府,秩正三品。至元十一年,建大護國仁王寺及昭應宮,始置財用規運所,秩正 十六年,改規運所爲總管府。至大元年,改都總管府,從二品。尋陞會福院,置院 延祐三年,陞正二品。天曆元年,改爲會福總管府,正三品。定置達魯花赤一

譯史、通事、知印各一人,奏差四人。

仁王營繕司,正五品。至元八年,立護國仁王寺鎭遏提舉司。十九年,改鎭遏所。二

十八年,併三提領所爲諸色人匠提領所。天曆元年,改爲鎭遏民匠提領所。三年,改

爲仁王營繕司。置達魯花赤一員、司令一員、大使一員、副使一員。

年,改提舉司。天曆二年,仍爲襄陽營田提舉司。定置達魯花赤一員、提舉一員、同提 襄陽營田提舉司,秩從五品。初置襄陽等處水陸地土人戶提領所,設官四員。 大德元

舉一員、副提舉一員。

提舉一員,副提舉一員。 江淮等處營田提舉司,秩從五品。至元二十七年始置。達魯花赤一員,提舉一員,同

置提領一員,大使、副使各一員。 提領所。 大都等路民佃提領所,至元二十九年,以武淸等一十處,併立大都水陸地土種田人民 十五年,又設隨路管民都提領所。一天曆元年,併爲大都等路民佃提領所。定

崇祥總管府,秩正三品。至大元年,立大承華普慶寺都總管府。二年,改延禧監,尋改崇 會福 六年,立盈益 財用所,秩從七品。掌大護國仁王寺糧草諸物。至元十七年,始立財用庫。二十 |倉。|天曆元年,併財用、盈益爲所。提領一員,大使一員,副使二員。

第

三十

· 七,

百官三

府判各一員,經歷、知事、提控案牘兼照磨各一員,令史六人,譯史、知印各一人,怯里馬 曆元年,改爲崇祥總管府。 祥監。四年,陞爲崇祥院,秩[正]二品。[12]泰定四年,復改爲大承華普慶寺總管府。天 定置達魯花赤一員,總管一員,副達魯花赤一員,同知、治中、

永福營繕司,秩正五品。延祐三年,以起建新寺,始置營繕提點所。 |福營繕提點所。三年,改營繕司。設達魯花赤一員、司令一員、大使一員、副使一員、 天曆元年,改爲永 赤一人,奏差四人。

都目一員。

昭孝營繕司,秩正五品。 置達魯花赤一員,司令一員,大使、副使各一員。 天曆元年,立壽安山規運提點所。 三年,改昭孝營繕司。

定

普慶營繕司、「秩正五品」。 [15]天曆元年,始置普慶營繕提點所。 三年,改爲營繕司。 定置達魯花赤一員,司令一員,大使、副使各一員。

改爲崇祥財用所。定置官,提領一員,大使、副使各一員。 崇祥財用所,至大二年,始置諸物庫。四年,置普贍倉。 天曆二年,併諸物庫、普贍倉,

永福財用所,掌出納顏料諸物。 物庫、永積倉併改置爲所、設提領、大使、副使各一員。 延祐三年,始置諸物庫,又置永積倉。 天曆二年,以諸

鎭江稻田提舉司,達魯花赤、提舉、同提舉、副提舉各一 員。

汴梁稻田提舉司,達魯花赤、提舉、同提舉、副提舉各一員。

平江等處田賦提舉司,達魯花赤、提舉、同提舉、副提舉各一 員。

冀寧提領所,提領二員。

隆祥使司,秩正三品。天曆二年,中宮建大承天護聖寺,立隆祥總管府,設官八員。 二年,陞爲隆祥使司,秩從二品。 置官:司使四員,同知、副使、司丞各二員,經歷一員,都 至順

事二員,照磨兼架閣一員,令史十人,譯史、通事、知印各二人,宣使十人,典東六人。 普明營繕都司,秩正四品。天曆元年,創大(龍興) [興龍] 普明寺于海南,CIKD置規運提

造出納錢糧之事。定置達魯花赤、司令、大使、副使各一員,知事一員,提控案牘一 點所,設官六員。二年,撥隸(龍)[隆]祥總管府。[1刊]三年,改爲都司,品秩仍舊,以掌營 員。

提點所,爲隆祥總管府屬。三年,改爲營繕都司,秩仍舊,以掌營造錢糧之事。 魯花赤、司令、大使、副使各一員,知事、提控案牘各一員。 集慶萬壽營繕都司,秩正四品。天曆二年,建龍翔、萬壽兩寺于建康,立龍翔萬壽營繕 定置達

元興營繕都司,秩正四品。掌營造錢糧之事。天曆元年,始置大元興規運提點所,置 三年,改都司,置達魯花赤一員,司令、大使、副使各一員,知事、提控案牘各

第三十

t

百官三

員。

宣農提舉司,秩從五品。 達魯花赤、提舉、同提舉、副提舉各一員。 掌徵收田賦子粒之

事。 天曆 二年,以大都等處田賦提舉司隸隆祥總管府。 三年,改提舉司

護聖 上營繕 司,秩 正五品。 達魯花赤、司令、大使、副使各一 員。 掌營造工匠、寺僧衣糧、

收徵房課之事。 平江善農提舉司,秩從五品。 天曆二年,始立大承天護聖營繕提點所。 達魯花赤、提舉、同提舉、 副提舉各一員。 三年,改爲司 天曆二年,立

善盈 庫, 天曆二年, 隸隆祥總管府。 置提領一員, 大使、副使各一 員。 掌 金銀錢糧

三年,改爲善農提舉司。

之事。

田 賦

提舉司,設官四員。

荆襄等處濟農香戶提舉司,秩正五品。 爲大承天護聖寺常住,改爲荆襄濟農香戶提舉司,隸隆祥總管府。 提舉、副提舉各一 天曆三年,以荆襄提舉司所領河南、湖廣田土 置達魯花赤、司令、

龍 慶州等處 田 賦提領所,秩九品。 提領、副提領各一員。 天曆二年置。 掌龍慶州所有

土 田 歲 賦。

提舉、同

員。

平江 集慶崇禧田賦提領所,提領、同提領、副提領各一員。 天曆三年始置。

集慶崇禧財用所,大使、副使各一員。天曆三年始置。

二人。 年,改立總管府,仍正三品。定置官:達魯花赤、總管、副達魯花赤、同知、治中、府判各一 員,經歷、知事、案牘照磨各一員,令史六人,知印、通事、譯史各一人,奏差四人,典吏 提點所,秩正五品。延祐二年,陞都總管府,秩正三品。尋陞爲壽福院,正二品。天曆元 壽福總管府,掌祭供錢糧之事,秩正三品。至大四年,因建大聖壽萬安寺,置萬安規運

萬安營繕司,秩正五品。〔天曆〕三年,[云以萬安規運提點所旣廢,復立萬安營繕司。

萬寧營繕司,秩正四品。大德十年,始置萬寧規運提點所。天曆元年,改營繕司。定 定置達魯花赤、司令、大使、副使、都目各一人。

置達魯花赤,司令、大使、副使、都目各一員。

收支庫,提領一員,大使一員。

司令、大使、副使、都目各一員。 延聖營繕司,秩正五品。初立天源營繕提點所,天曆三年,改營繕司。定置達魯花赤、

諸物庫,提領一員,大使一員。

## 校勘記

以王鶚爲翰林學士□承旨□ 據本書卷四世祖紀中統元年七月癸酉條、 卷一六〇王鶚傳及王惲

中堂事記補。

大學士二員從二品學士三員從二品 疑學士當作「正三品」, 此處涉上文而誤。 按學士品秩,

當低於大學士。 元典章卷七官制所載集賢職品,自集賢院使至直學士,除學士外, 均與此處所

記至元二十四年之品秩相同,其中學士作「正三品

松潘(客)[宕]疊威茂州等處軍民安撫使司 道光本與本書卷二三武宗紀至大二年七月壬辰條

〔집〕(文)〔汶〕山縣 見卷六○校勘記□吾。新編已校。

合,從改。

万五 (文)[汶]川縣 據本書卷二三武宗紀至大二年七月壬辰條及卷六〇地理志改。 新編已校

(公) 沙魯(思)[田]地裏管民萬戶一員 「沙魯」爲鳥思藏地名,此處「思」字誤,今改。

上都尙飲局秩正五品 下文云「品秩同上」,即同大都尚飲局。 按前文大都尚飲局了十五年,陞

從 五 品」「後定置提點一員,從五品」。 元典章卷七官制職品尚飲局提點亦列爲從五品。 據此,

則上都尙飲局秩當爲「從五品」。疑此處「正」字誤。

副使(各)一員 王圻續通考卷九四職官考作「副使一員」,從删

- ・ ナu レ (連)[連]海高郵湖泊提舉司 從道光本改。 按此處「連」指連水、宋曾置軍、廢軍時復爲縣、前
- 後分別隸於楚州、海州。 下文有「漣海百戶」,本書「漣海」多見。
- 豊(潤)[閏]署 據本書卷 一六世祖紀至元二十七年正月辛未條、卷一〇〇兵志改。
- 普安智全營繕司秩五品 「秩五品」,正、 從不明。 按本書卷三四文宗紀至順元年二月庚寅條, 仁王、

改萬安規運、普慶營繕等八提點所並爲營繕司、「秩正五品」。本卷所載福元、

永福

、昭孝、

護聖、 萬安、 延聖等營繕司, 凡天曆三年改司者, 秩均為正五品 惟普慶營繕司秩品股書,與文宗紀

- 合。 此處疑「秩」下脫「正」。
- 普明營繕都 祐國營繕都司秩(正)(五)(四)品 司、集慶萬壽營繕都司秩品合,從改。 道光本與本書卷三四文宗紀至順元年二月庚寅條及後文
- 田 處、平松等處田賦提舉司, 賦 提舉司 按本書卷三四文宗紀至順元年正月戊寅條有「賜隆禧總管府田千頃, 並隸太禧宗禋院」。 上文已見平松等處福元田賦提舉司, 未 立荆襄等 見荆襄
- 等處田 赋 提舉司、疑此處「田賦」上脫「荆 襄等處」。

據本書卷二四仁宗紀皇慶元年正月己未條補。

新元史已校。

堲

爲崇祥院秩(正)二品

- 二吾 普慶營繕司「秩正 五 品 道光 在與本書卷三四文宗紀至順元年二月庚寅條合,從補
- 大(龍興)[興 龍」普明寺 據本書卷三四、三五文宗紀至順元年正月丁丑、二月庚寅、二年十一月

志

第

 $\equiv$ 

+

1

校

勘

記

癸未條改正。

「コセ」(龍)「隆」祥總管府

□○ 〔天曆〕三年 道光本與本書卷三四文宗紀至順元年二月庚寅條合,從補。 道光本與本書卷三三文宗紀天曆二年九月己未條合、從改。

## 元史卷八十八

### 志第三十八

#### 百官四

事一員,從七品,照磨兼管勾承發架閣一員,正八品。屬官:博士二員,正七品,奉禮郎二員, 員,正三品,愈院二員,從三品,同愈二員,正四品,院判二員,正五品,經歷一員,從五品,都 陸院,設官十二員,正二品。四年,復爲太常寺,正三品。 延祐元年,復改陞院,正二品,以 十六年,又增法物庫子,掌公服法服之藏。二十年,陞正三品,別置侍儀司。至大元年,改 卿以下五員,品秩有差。十三年,省併衙門,以侍儀司併入太常寺。十四年,增博士一員。 太常寺、設寺丞一員。至元二年、翰林兼攝太常寺。九年、立太常寺、設卿一員、正三品;少 大司徒領之。七年,降從二品。天曆二年,復陞正二品。定置院使二員,正二品,同知二 太常禮儀院,秩正二品。掌大禮樂、祭享宗廟社稷、封贈諡號等事。中統元年,中都立

第三十

百

四

奉禮兼檢討一員,並從八品;協律郎二員,從八品;太祝十員,從八品;禮直管勾一員,從九 品,令史四人,通事、知印、譯史各二人,宣使四人,典吏三人。

太廟署,秩從六品。掌宗廟行禮,兼廪犧署事。至元三年始置。令二員,從六品;丞一

員,從七品。

郊祀署,秩從六品。 大德九年始置。掌郊祀行禮,兼廪犧署事。令二員,從六品;丞二

員,從七品。

社稷署,秩從六品。 大德元年始置。令二員,從六品,丞一員,從七品。

大樂署,秩從六品。 中統五年始置。令二員、從六品、丞一員、從七品。掌管禮生樂工四

百七十九戶。

院使四員,正二品;同知二員,正三品;僉院二員,從三品;同愈二員,正四品;院判二員,正 品、省卿二員。二十九年、復正三品、仍置監卿二員。大德十一年、陞典瑞院、正二品。置 符寶局、給六品印。十七年、陞正五品。十八年、改典瑞監、秩正三品。二十年、降爲正四 五品,經歷二員,從五品,都事二員,從七品,照磨兼管勾承發架閣庫一員,正八品,令史四 典瑞院,秩正二品。掌寶璽、金銀符牌。中統元年,始置符寶郎二員。至元十六年,立

# 人,譯史四人,知印、通事各一人,宣使四人,典吏三人。

從五品,都事一員,從七品,管勾一員,從九品,令史三人,譯史一人,知印二人,通事一人, 品;同知二員,正三品;愈院二員,從三品;同愈二員,正四品;院判二員,正五品;經歷一員, 宣使二人,典吏二人。 大元年,陞從二品,設官十員。延祐三年,陞正二品,設官十五員。後定置院使五員,正二 太史院,秩正二品。掌天文曆數之事。至元十五年,始立院,置太史令等官七員。至

春官正兼夏官正一員,正五品。

秋官正兼冬官〔正〕中官正一員、〇正五品。

保章正五員,正七品。

保章副五員,正八品。

掌曆二員,正八品。

腹裏印曆管勾一員,從九品。

各省司曆十二員,正九品。

印曆管勾二員,從九品。

志第三十八 百官四

監候六員,從八品。 靈臺郎一員,正七品。

副監候六員,正九品。

星曆生四十四員。

挈壺正一員,從八品。

司辰郎二員,正九品。

燈漏直長一人。

教授一員,從八品。

校書郎二員,正八品。學正一員,從九品。

院使二員。皇慶元年,增院使二員。二年,增院使一員。至治二年,定置院使一十二員,正 印,置提點四員,院使、副使、判官各二員。大德五年,陞正二品,設官十六員。十一年,增 院事,給銀印。[至元]二十年, [三改爲尙醫監, 秩正四品。 二十二年, 復爲太醫院, 給銀 太醫院,秩正二品。 掌醫事,製奉御藥物,領各屬醫職。 中統元年,置宣差,提點太醫

員,從七品;都事二員,從七品;照磨兼承發架閣庫一員,正八品,令史八人,譯史二人,知印 二品,同知二員,正三品,僉院二員,從三品,同僉二員,正四品,院判二員,正五品,經歷二

二人,通事二人,宣使七人。

治二年,復爲正三品,置卿四員,少卿、丞各二員。後定置司卿四員,少卿二員,司丞二 員,經歷、知事、照磨各一員。 年,始置提舉二員。十七年,增置提舉一員。延祐六年,陞正三品。七年,仍正五品。至 廣惠司,秩正三品。掌修製御用回回藥物及和劑,以療諸宿衞士及在京孤寒者。至元七

撥隸廣惠司。定置達魯花赤一員、大使二員、副使一員。 大都、上都回回藥物院二, 秩從五品。掌回回藥事。至元二十九年始置。 至治二年,

篋藥物。本局但掌上都藥倉之事。定置達魯花赤一員,從五品,局使二員,從五品,副使 魯花赤一員,從五品;大使二員,從五品;副使三員,正七品;直長一員,都監一員。 御藥局、秩從五品。掌兩都行篋藥餌。至元十年始置。大德九年,分立行御藥局,掌行 御藥院,秩從五品。掌受各路鄉貢、諸蕃進獻珍貴藥品,修造湯煎。至元六年始置。達

行御藥局,秩從五品。達魯花赤一員,大使二員,副使三員,品秩同上。掌行篋藥餌。大 第三十八 百官四

二員,正七品。

德九年始置。

御香局,秩從五品。 提點一員,司令一員。掌修合御用諸香。 至大元年始置。

中統二年始置,受

太醫院劄。 至元十四年,定從六品秩。二十一年,陞從五品。

上都惠民司、提點一員、司令一員。中統四年始置。品秩並同上。

義,試驗太醫教官,校勘名醫撰述文字,辨驗藥材,訓誨太醫子弟,領各處醫學。 醫學提舉司,秩從五品。至元九年始置。十三年罷,十四年復置。 掌考較諸路 提舉 醫生課

員,副提舉一員。

官醫提舉司,秩從五品。掌醫戶差役、詞訟。 至元二十五年置。

大都、保定、彰德、東平四路、設提舉、同提舉、副提舉各一員。

河間、大名、晉寧、大同、濟寧、廣平、冀寧、濟南、遼陽、興和十路,設提舉、副提舉各

一員

**衛輝、懷慶、大寧,設提舉一員。** 

**奎章閣學士院,秩正二品。** 天曆二年,立於興聖殿西,命儒臣進經史之書,考帝王之

太監檢校書籍事一員,從三品,少監同檢校書籍「事」二員,「意從四品,監丞參檢校書籍事 授經郎二員。 磨一員,內掾四人,譯文內掾二人,知印二人,怯里馬赤一人,宣使四人,典書五人。屬官: 共四員。侍書學士二員,承制學士二員,供奉學士二員。首領官:參書二員,典籤二員,照 正三品;供奉學士,正四品;參書,從五品。多以它官兼領其職。 至順元年,增大學士二員, 二員,從五品,典簿一員,照磨一員,令史四人,譯史一人,怯里馬赤一人,奏差二人,典吏 四人。 羣玉內司,秩正三品。天曆二年始置。掌奎章圖書寶玩,及凡常御之物。監司一員,正 三品,司尉一員,從三品,亞尉二員,正四品,僉司二員,從四品,司丞二員,正五品,典簿 一員,正七品,令史二人,知印一人,怯里馬赤一人,奏差、典吏各二人,給使八人,司膳 大學士二員,正三品。尋陞爲學士院。大學士,正二品,侍書學士,從二品,承制學士, 藝文監,秩從三品。天曆二年置。專以國語敷譯儒書,及儒書之合校讎者俾兼治之。

監書博士,秩正五品。天曆二年始置。品定書畫,擇朝臣之博識者爲之。博士二員,正 志 第三十八. 百 官 四四

五品; 書吏一人。

藝林庫,秩從六品。 提點一員,從六品,大使一員,副使一員,正七品,庫子二人,本把二

人。掌藏貯書籍。天曆二年始置。

廣成局, 秩七品。掌傳刻經籍, 及印造之事。 一員,正八品,直長二人,正九品,司吏二人。 天曆二年始置。 大使一員, 從七品; 副使

掌內廷近侍之事,領速古兒赤四百人、奉御二十四員,拱衞直都指揮使司爲其屬。掾史八 員,從三品,侍判二員,正四品,經歷一員,從六品,都事一員,從七品,照磨一員,從八品。 人,譯史四人,通事、知印各二人,宣使八人,典吏五人。 侍正府,秩正二品。至順二年置。侍正一十四員,正二品;同知二員,正三品; 僉府二

尚輦副奉御二員,正七品,奉御掌簿四員,從七品。 天曆初置,以四怯 薛 之 速 古 兒 赤 尚沐奉御二員,從五品;尚沐副奉御二員,從六品;尚飾兼尚輦奉御二員,正六品;尚飾兼 員,從五品,尚衣副奉御二員,從六品,尚鞶奉御二員,從五品,尚鞶副奉御二員,從六品, 奉御二十四員,秩五品。尚冠奉御二員,從五品;尚冠副奉御二員,從六品;尚衣奉御二

爲之。

第三十八 百官四

志

注二員、右侍儀奉御同修起居注一員、左侍儀奉御同修起居注一員、令史一人、譯史四人、 御兼修起居注。皇慶元年,陞正三品。延祐七年,仍[正]四品。[四]後定置給事中兼修起居 之事、悉紀錄之,如古左右史。十五年,改陞給事中兼修起居注,左右補闕改爲左右侍儀奉 給事中,秩正四品。至元六年,始置起居注、左右補闕,掌隨朝省、臺、院、諸司凡奏聞

通事兼知印一人。

愈二員,正四品,院判二員,正五品,經歷一員,從五品,都事一員,從七品,照磨管勾一員, 元年,又增二員。延祐七年,省院使二員。後定置院使七員,正二品,同知二員,正三品;同 正八品,令史六人,譯史、知印各二人,宣使四人。 色造作。至元三十年始置。院使一員、經歷、都事各一員。三十一年,增院使二員。元貞 將作院,秩正二品。掌成造金玉珠翠犀象寶貝冠佩器皿,織造刺繡段匹紗羅,異樣百

贖各一員。十二年,又置同知、副總管各一員。二十五年,置達魯花赤一員。大德四年, 事。中統二年,初立金玉局,秩正五品。至元三年,改總管府,置總管一員,經歷、提控案 
 諸路金玉人匠總管府,秩正三品。掌造寶貝金玉冠帽、繫腰束帶、金銀器皿,幷總諸司局

達魯花赤二員,正四品;同知二員,從四品;副總管二員,正五品;經歷一員,從七品,知事 又置副達魯花赤、副總管各一員。後定置達魯花赤二員,正三品,總管二員,正三品 員,從八品;照磨、管勾各一員,令史五人,譯史一人,奏差二人。 。 副

正八品。中統二年,以和林人匠置局造作,始設直長。至元三年,立玉匠局,用正七品 玉局提舉司, 秩從五品。提舉一員, 正七品, [四]同提舉一員, 從七品; [四] 副提舉一員,

即。

十五年,改提舉司

間,陞從五品。 員。 金銀器盒提舉司,秩從五品。 至元十五年,始置金銀局,秩從七品。二十四年,改爲提舉司,秩正六品。大德 提舉一員,同提舉一員,副提舉一員,品秩同上,吏目一

舉司,領大都、弘州兩處造作,陞從五品。三十年,減副提舉一員,定置如上。 瑙局,秩從七品,管領瑪瑙匠戶五百有奇,置提舉三員,受金玉府劄。十五年,改立提 瑪瑙提舉司,秩從五品。提舉一員,同提舉一員,吏目一員。至元九年,置大都等處瑪

陽山瑪瑙提舉司,秩從五品。至元十五年置。提舉一員,同提舉一員,副提舉一員,品

秩同前。

金絲子局,秩從五品。大使一員,從五品,副使一員,正七品,直長一員。中統二年,設

二局。二十四年,併爲一。

鞓帶斜皮局,秩從八品。<br />
至元十五年置。<br />
大使、副使各一員。

瓘玉局, 秩從八品。 至元十五年置。大使一員。

浮梁磁局,秩正九品。 至元十五年立。 掌燒造磁器,幷漆造馬尾椶藤笠帽等事。大

使、副使各一員。

畫局,秩從八品。 掌描造諸色樣製。至元十五年置。 大使一員。

管領珠子民匠官,正七品。掌採撈蛤珠於楊村、直沽等處。 中統二年立。 管領官子孫

世襲。

粧釘局,從八品。至元十五年置。大使一員。

大小雕木局,秩從八品。至元十五年置。大使一員。

宣德隆興等處瑪瑙人匠提舉司,秩正六品。至元十五年置。 提舉一員,從七品; 副提

舉一員,從八品。至

溫犀玳瑁局,秩從八品。 至元十五年置。大使一員。

漆紗 上都金銀器盒局,秩從六品。 冠 大使、副使各一員。 至元十六年置。 大使一員,副使一員,直長一員。

大同路採砂所,至元十六年置。 管領大同路撥到民一百六戶,歲採磨玉夏水 砂 二百

石,起運大都,以給玉工磨礲之用。大使一員。

管匠都提領所, 秩從七品。 至元十三年置。 掌金玉府諸人匠詞訟。 都提領一員。

收支諸物庫、秩從八品。至元十五年置。大使、副使各一員。

監造諸般寶貝官,秩正五品。至元二十一年置。達魯花赤二員。

行諸路金玉人匠總管府,秩從三品。至大間,始置于杭州路。云達魯花赤、總管各一 從八品,提控案牘一員。 員,並從三品,同知一員,正五品,副總管一員,從五品,經歷一員,從七品,知事一員,

四品,副總管一員,從五品,經歷一員,從七品,知事一員,從八品。 十年,滅同知、副總管各一員。後定置達魯花赤一員,總管一員,並正三品,同知一員,從 四年,置同知、副總管各一員。二十一年,增總管一員。二十九年,置達魯花赤一員。三 異樣局總管府,秩正三品。中統二年,立提點所。至元六年,改爲總管府,總管一員。十

異樣紋綉提舉司,秩從五品。中統二年立局。至元十四年,改提舉司。提舉一員,從 五品;同提舉一員,正七品;副提舉一員,正八品。

綾錦織染提舉司,秩從五品。至元二十四年,改局置提舉司。提舉一員,同提舉一員,

副提舉一員,品秩同上。

紗羅提舉司,秩從五品。 至元十二年,改局置提舉司。 提舉、同提舉、副提舉各一 員,

品秩同上。

紗金顏料總庫,秩從九品。中統二年置。大使、副使各一員,從九品。

大都等路民匠總管府,秩正三品。府官:總管一員,從三品,同知一員,正五品,副總管一

員,從五品,經歷一員,從七品,知事一員,從八品,提控案牘一員。至元七年,初立府,秩

從三品。十四年,改陞正三品。

備章總院,秩正六品。大使、副使各一員。至元十三年,省併楊藺等八局爲總局。

尙衣局,秩從五品。 至元二年置。 達魯花赤一員,從五品,提舉一員,從五品,同提舉 一員,正七品;副提舉一員,正八品;都目一人。

御衣局,秩從五品。 |至元二年置。 達魯花赤、提舉各一員,從五品,同提舉一員,正七

品,副提舉一員,正八品,都目一人。

御衣史道安局,秩從六品。至元二年置。 一員。 以史道安掌其職,因以名之。大使、副使各

高麗提舉司,秩從五品。 至元二十二年置。提舉一員。

志

第三十八

百官四

織佛像提舉司,秩從五品。 延祐四年,改提領所爲提舉司。 提舉、副提舉各二員。

都仍置,止管達達站赤。延祐七年,復從二品,仍兼領漢人站赤。 同知二員,正三品,副使二員,從三品,僉院一員,正四品,同僉一員,從四品,院判一員,正 年,又置江南分院,大德七年罷。至大元年,陞正二品。四年罷,以其事歸兵部。 都統領使司以總之,設官六員。十三年,改通政院。十四年,分置大都、上都兩院,二十九 各一員,品秩並同大都,令史四人,譯史三人,通事一人,知印一人,宣使十人。 五品;經歷一員,從五品;都事一員,從七品,照磨兼管勾承發架閣一員, 正八品;令史十三 人,通事一人,知印二人,宣使十人。上都院使、同知、副使、僉院、判官各一員,經歷、都事 **廪給司**, 通政院,秩從二品。國初,置驛以給使傳,設脫脫禾孫以辨奸偽。至元七年,初立諸站 秩從七品。掌諸王諸蕃各省四方邊遠使客飲食供張等事。至元十九年置。 大都院使四員,從二品, 是年,兩 提

員,正四品,院判二員,正五品。掌中宮財賦營造供給,幷番衞之士,湯沐之邑。元貞二年, 中政院、秩正二品。院使七員、正二品、同知二員、正三品、僉院二員、從三品、同僉二

領、司令、司丞各一員。

設官如舊。 其幕職則司議二員,從五品,長史二員,正六品,照磨兼管勾承發架閣一員,正 院使七員,同知、僉院、同僉、院判各二員。四年,省併入典內院。皇慶二年,復爲中政院, 始置中御府、秩正三品。大德四年、陞中(正)[政]院、[五] 秩正二品。 八品。吏屬:蒙古必闍赤四人,掾史十二人,回回掾史二人,怯里馬赤二人,知印二人,宣使 至大三年,陞從一品

品;少卿二員,正四品;丞二員,從五品;典簿二員,從七品;照磨兼管勾一員,正九品。 吏 內正司,秩正三品。掌百工營繕之役,地產孳畜之儲,以供膳服,備賜予。卿四員,正三 懿旨必闍赤四人,譯史一人,令史四人,知印一人,通事一人,奏差二人,典吏二人。 中瑞司、秩正三品。掌奉寶册。卿五員、正三品、丞二員、正四品、典簿二員、從七品、寫 屬各有差。領署二、提舉司一,及其司屬凡十有六。歲賦之額,工作之程,終歲則會其數

作之役,凡百工名數,興造程式,與其材物,皆經度之,而責其成功。皇慶元年始置,隸 尙工署, 秩從五品。令一員, 從五品, 丞二員, 從六品, 書史一人, 書吏四人。 內正司 掌營繕雜

以達焉。

玉列赤局, 秩從七品。 第三十八 提領一員,大使一員,副使一員,直長二員。掌裁製縫綫之

志

百 官 四

事。延祐六年始置,隸尙工署。

**贊儀署,秩正五品。** 提領一員,大使一員,副使一員,直長二員。掌車輿器備雜造之

事。皇慶二年始置,隸內正司。

舉二員,副提舉二員,知事一員,提控案牘一員,東四人,奏差二人。 管領六盤山等處怯憐口民匠都提舉司,秩正四品。達魯花赤一員,都提舉一員,同提 至大四年始置。

國初,未有官署,賦無所稽。 後遣使覈實,始著爲籍,設司以領之。

遠近衆寡,立長官司提領所,以分理之。 五處,秩正五品。 奉元等路、平涼等處、開(城)[成]等處、[10]甘肅寧夏等路、察罕腦兒等處長官司,凡 員,吏十人。延祐二年,以民匠提舉司所領,地里闊遠,人戶散處,於政不便,乃酌 各設達魯花赤一員,長官一員,副長官一員,提控案牘一員,都目

罕腦兒等處、甘州等路、肅沙等路、永昌寧夏等路、長城等路,各設提領一員、同提 提領所凡十,並正七品,奉元等路、鳳翔等處、平凉寧環等處、開(城)[成]等處、察

品 翊正司,秩正三品。令五員,正三品;丞四員,正四品;典簿二員,從七品;照磨一員,從八 ,譯史二人,令史六人,知印二人,通事、奏差、典吏各二人。掌怯憐口民匠五千餘戶,

領一員、副提領一員、典史一人,分掌怯憐口地方隸各長官司

總管府,正三品,復隸正宮位下。 歲辨錢糧造作,以供公上。 至元三十一年,始置御位下管領隨路民匠打捕鷹房納綿等戶 延祐六年,改翊正司。 歲終,會其出納以達于院,而糾

其弊。領提舉司二、提領所一:

舉一員,從六品;副提舉一員,從七品;直長一員,都目一員,更目一員,司吏四人,部役 管領上都等處諸色人匠提舉司,秩從五品。 達魯花赤一員,提舉一員,並從五品,同提

二人。 管領隨路打捕鷹房納綿等戶提舉司,秩從五品。 元貞元年始置,管戶二千五百有奇,隸翊正司。 達魯花赤一員,提舉一員,同提舉一

貞元年始置,隸翊正司。

管領歸德亳州等處管民提領所,秩從七品。提領一員,同提領一員,副提領一員,典史 員,司吏一人。 國初平江南,收附歸德楚通等三百五十六戶,令脫忽伯管領。

一年,始置提領所,隸翊正司。

置。 及祭祀宴享賓客賜頒之給。 典飲局,秩正七品。 皇慶元 年一撥 隸中宮。 大使二員、副使二員、典史一員、攢典二人。掌醞造酒醴,以供內府, 初置嘉醞局, 秩六品, 隸家令。 至大二年,改典飲,兩都分

志第

三十

八

百

官四

管府。 管領 磨 知 萬 五 員 員 大 千有奇,置官管領。 了 正 都等路 ,譯史一人,令史、奏差各四人。 領提舉司十有 匹 品 打 。 副 ;捕民匠等戶總管府,秩正三品。 總管 一,提領所二十有五 員,正五 至元 八年,屬有司 品 ;經歷一員,從七品;知事 掌錢糧 0 造作之事 二十年,改隸 達魯花赤一 o 國 員,總管一 初 中尙監。 平定河南諸郡, 收聚 員,從 八品 二十六年,始置 員,並正三品 ;提控案牘 人 總 戶 照 同

省併 提舉 在 爲十一處,改提舉司,陞從五品 一員,從七品,都目一員。 品 達魯花赤一員,提舉 分管各處人戶。 至元十六年,給從七品印。 一員,從五品,同提舉一員,從六品,副 大 德 匹

提領 花赤 涿州 所凡二十五 一員、提舉一 、保定、真定、冀寧、河南 |處:大都等路、東安州、濟寧、曹州 員、同 提舉 、大名、東平、東昌、 員、副提舉 一員、都目 濟南等路提 、耐州、三完州 一員 舉 司,凡九處。 河間、 濟南、 各設達 濟陽

山、大名、高 元氏 冀寧 唐等。 、晉寧、歸德、南陽 每處各設提領 、懷孟、汝寧 員、同 提領 、衛輝、 一員、副提領 曹州公三涿州 一員、典史一員 眞定、 中 山平

管領諸路打 正五品 捕鷹房民匠等戶 ,副總管二員, 從五 ,總管府,秩正 品,經歷一 三品。 員, 從七品,知事一 達魯花赤 一員,總管一 員,從八品 員,正三品 ,提控案牘 同 知

員,照磨一員,譯史一人,令史四人,奏差二人。掌錢糧造作之事。 大德三年始置。 元貞

元年,撥隸中宮位下,自己領提舉司四、提領所十有一。

秩從五品。 管民提舉司,大都等路、冀寧等路、南陽唐州等處、河南(路府)「府路」等處,三四凡四司。 每司設達魯花赤一員、提舉一員、同提舉一員、副提舉一員、都目一員、吏

二 ノ

州、[14]唐州泌陽、襄陽湖陽 提領所凡十有一:「三大都保定、河間眞定、南陽鄧州、濟南嵩汝、「三下梁裕州、汝濟陳 領一員,副提領一 員,典史一員,司吏二人。至元十六年置。 、晉寧、冀寧等處各設所, 秩正七品。 每所提領二員,同提 至大元年,改提領所。

其所賦,以供內儲。 江浙等處財賦都總管府,秩正三品。 正 五. 員,從 品 ;副總管一員,從五品;經歷一員,從七品;知事一員,從八品 九品,譯史一人,令史一十五人,奏差一十五人,典吏二人。 至大元年置。 領提舉司三,庫、局各一。 達魯花赤一員,都總管一員,並正三品,同知一員, ;照磨一員,提控案牘 掌江南沒入貲產,課

員、同提舉一員、副提舉一員、都目一員、吏目 松江、建康等處提舉司凡三處,秩並正 五品。 一員、司吏六人。 每司各設達魯花赤一員、提舉一

豐盈庫,提領 一員,大使一 員,副使一員,典吏一人,掌收本府錢帛。

志 第

三十八

百

官四

織染局,局使一員,典史一人。掌織染歲造段匹。

漢軍種 管領 (種田 田 戶差稅。中統二年置。 打捕鷹房民匠等戶萬戶府,秩正三品。掌歸德、亳州、永、宿二十餘城各蒙古、 初隸塔察兒王位下,其後改屬中宮。萬戶一員,經歷一

`知事一員`是控案牘一員`令史四人。領司屬凡十處。

管領大名等處種田諸色戶總管府,秩正五品。總管一員,副總管一員,都目一員。中

統二年置。至元二十三年,置府大名。

管領本投下大都等處諸色戶計都達魯花赤,秩正五品。達魯花赤一員,提控案牘一

員,都目一員。 中統二年置。至元十五年,置司大都

管領大都河間等路打捕鷹房總管府,秩正五品。總管一員,副總管一員,都目一員,司

東二人。中統二年置,三年給印。

管領東平等路管民官,秩正五品。 總管一員,相副官一員,都目一員,更一人。一一統二

年置,至元二十二年給印。

管領大名等路宣撫司、燕京路管民千戶所,秩從七品。提領一員,副提領一員。 中統

二年置。

管領曹州等處本投下民戶、管領東明等處本投下戶計、管領蒲城等處本投下諸色戶

提領各一員,典史各一人,司吏各一人。 計、管領汴梁等路本投下種田打捕軀戶四提領所,秩正七品。 中統二年置,至元十四年頒印。 提領各二員,同提領、副

海西遼東哈思罕等處鷹房諸色人匠怯憐口萬戶府,秩正三品。達魯花赤一員,萬戶一 員,副萬戶一員,經歷一員,知事一員,提控案牘兼照磨一員,譯史一人。 掌錢糧造作之

鎭撫司,鎭撫一員,吏一人。 延祐四年始置。

,管領哈思罕等處、肇州、杂因溫都兒諸色人匠四千戶,仍領鎭撫所、千戶所。

員,吏目一員,司吏四人,彈壓一人,部役二人。至大三年,置提舉司。 哈思罕等處打捕鷹房怯憐口千戶所,秩從五品。達魯花赤一員,千戶一員,副千戶一 延祐六年,改千

員,司東四人,部役二人。 諸色人匠怯憐口千戶所, 秩從五品。達魯花赤一員, 千戶一員, 副千戶一員, 都目一 初爲提舉司,後改千戶所。

戶所。

肇州等處女直千戶所,達魯花赤一員,千戶一員,副千戶一 員, 吏目一員, 司吏四人。

延祐三年置。

灰亦兒等處怯憐口千戶所,至治元年置。 梁因溫都兒(內)[兀]良哈千戶所,白之延祐三年置。

開元等處怯憐口千戶所,至治元年置。

古州等處怯憐口千戶所,延祐七年置。

瀋陽等處怯憐口千戶所,至治元年置。

遼陽等處怯憐口千戶所,至治二年置。

蓋州等處怯憐口千戶所,延祐五年置。

幹盤等處怯憐口千戶所,至治元年置。

牘一員,譯史一人,東六人,奏差二人。掌辦金銀甜鐵等課,分納中書省及中政院。 遼陽等處金銀鐵冶都提舉司,秩正四品。 都提舉一員,同提舉一員,副提舉一員,提控案 延

滿〕七年、CIE3以其賦盡歸中宮。

千餘頃,出賦以備供奉營繕之事。 管領本位下怯憐口隨路諸色民匠打捕鷹房都總管府,秩正三品。 徽政院。 吏屬·令史一十二人,譯史四人,通事、知印各二人,奏差一十人,典吏六人 三品,設官如上。 其首領官則經歷一員,從七品,知事一員,從八品,照磨一員, 一員,並正三品,同知一員,正五品,副總管一員,從五品。 掌怯憐口二萬九千戶,田萬五 延祐三年,改善政司。至治二年,徽政院及其屬盡廢。天曆三年,復立府,仍正 中統二年置府。 大德十年,隸詹事院。 達魯花赤一員,都總管 至大三年,隸 從九品

管領諸路打捕鷹房民匠等戶總管府,CIOI 員,副總管一員,品秩如 上;經歷一員,知事一員,提控案牘一員,照磨一員,令史四人,譯 秩正三品。 達魯花赤 員, 總管一員, 直 知

史一人,奏差二人。 大德三年置。 其屬附見:

|大都等路管民提舉司,達魯花赤一員,同提舉一員,副提舉一員,回記都目一員。

大都保定提領所,提領二員,同提領一員,副提領一 員,典史一員。

河間 真定提領所,提領二員,同提領一員,副提領一 員,典史一 員。

唐州 提舉司,達魯花赤一員,提舉一員,同提舉一員,副提舉 員。 員,都目

員。

南陽 鄧州提領所,提領二員,同提領一員,副提領 員,典史一

襄陽 唐州 湖陽提領所,提領二員,同提領 泌陽提領所,提領二員,同提領 員,副提領 員,副提領 員,典史一 員,典史一 員。 員。

汝寧 陳州提領所,提領二員,同提領 員,副提領 員,典史一員。

河南 提舉司,達魯花赤一員,提舉一員,同提舉一員,都目一員。

汴梁 裕州提領所,提領二員,同提領 員,副提領 員,典史一員。

南陽 河南 唐州 嵩 汝提領所,提領二員,同提領 提 領 所,提領二員,同提領 員,副提領 員,副提領 員,典史一員。 員,典史一

志

第

Ξ

+ 八

百

官 29

二二四〇

冀寧提舉司,達魯花赤一員,提舉一員,都目一員。

冀寧提領所,提領二員,同提領一員,副提領一 員,典史一員。

晉寧提領所,提領二員,同提領一員,副提領一員,典史一員。

寶昌庫,提領一員,大使一員,掌受金銀础鐵之課,以待儲運。

金銀場提領所凡七,梁家寨銀場、明世銀場、密務銀場、寶山 銀場、燒炭峪銀場、胡寶峪金

每所各設提領一員、同提領一員、副提領一員。

鐵冶管勾所凡二處,各設管勾一員、同管勾一員、副管勾一員。

場、七寶山础炭場,俱從七品。

奉宸庫,秩五品。 提點四員,副使二員,提控案牘一員,庫子六人。 掌中藏實貨錢帛給納

之事。大德元年置。

八年置。 廣禧庫,達魯花赤一員,提舉一員,大使一員,副使二員,提控案牘一員,庫子四人。 掌收支御膳野物、職視生料庫。

#### 校勘記

(一) 秋官正氣冬官(正)中官正 從北監本補

(三) (至元)二十年 原脫年號。 中統、大德間之「二十年」爲「至元」,今補。 本證已校。

- 少監同檢校書籍「事」 據南村輟耕錄卷二宣文閣補
- /\ |223 延祐七年仍(正)四品 據本書卷二七英宗紀延祐七年三月庚子條補。 新元史已校。
- 五 提舉 員正七品 按上文有「秩從五品」,元典章卷七官制職品、專林廣記別集卷一官制類皆作

「從五品」。 此作「正七品」,誤。

- 同提舉一員從七品 按元典章卷七官制職品、事林廣記別集卷一官制類皆作正七品,疑此誤。
- 爲從七品,副提舉爲從八品。 員從七品副提舉一員從八品 疑此處「提舉一員」下脫「正六品,同提舉一 按元典章卷七官制職品,本提舉司提舉爲正六品, 員」等字。

同提舉

九九 中(正)[政]院 本證云:「案紀,至元十七年立杭州路金玉總管府。此至大疑至元之誤。」

クスし

提舉一

至大間始置于杭州路

- 開(城)[成]等處 據前後文及本書卷二〇成宗紀大德四年九月甲子條改。 見卷一〇校勘記(10)。下同
- 耐州 史無「耐州」其 地。 王圻續通考改作「沂州」、新編、新元史改作「祁州」。
- 曹州 按上文已書「曹州」、此處「曹州 重出,如删則提領所之數與上文所云「二十五處」不符。

曹」字有誤。 新元史改作「濬州」。

- 河南(路府)[府路] 大德三年始置元貞元年撥隸中宮位下 據本書卷五九地理志改正。 按此「元貞」在「大德三年」後,當是訛文。
- 志 第 Ξ + 八 校 勘 記

- 二吾 提領所凡十有一 按下文列舉者僅十所。 與後文重出者對勘,缺「南陽 唐州提領所」。 下文中
- 脱「南陽唐州」四字。
- 濟南嵩汝 後文重出者作「河南嵩汝」。 按本書卷五九地理志、嵩州、汝州屬南陽府、 與河南府
- 比隣,與濟南不相涉。作「河南」是。

濟」當

爲「寧」之誤。

- 汝濟陳 州 後 文重出者作「汝寧陳州」。 按本書卷五九地理志,陳州屬汴梁路,與汝寧府接壤。
- 累世 成吉思汗之世以降,至今未離多延溫 杂因溫都兒(乃)(兀)良哈千戶所 駐 地之一。 此處「乃」係「兀」之誤,今改。 按華夷譯語載脫兒豁察兒書有「吾兀良罕林木百姓,自國主 都兒、搠河之地」。 新編已校。 原爲蒙語,今漢譯。 杂因溫都兒為兀良哈部
- [延祐]七年 據本書卷二七英宗紀延祐七年七月辛丑條補。 本證已校。
- 管領諸路打捕鷹房民匠等戶總管府 | 考異 云:「此總管府及所領四提舉司、十一提領所,俱 與前
- 一條無別。雖繁簡不同,其實重出也。」
- 舉 達魯花赤 員、 副 提舉一 員 同 提 員」, 舉一員副提舉一 後文重出之「唐州提舉司」所置官員與前文合。 員 按前文,管民提舉司「設達魯花赤一員、提舉一員、同提 此處「達魯花赤一員」下

當脫「提舉一員」。

